

Ar. 180

712236

(N)

IESUS CHRISTI

Sing

350

Ioannis Maistri  
Anno 1756.

DISCIPLINA  
POPULI DEI,  
IN  
*STRENAM OBLATA*  
**D.D. SODALIBUS**  
CONGREGATIS  
*SUB TITULO*  
**B. MARIAE**  
**VIRGINIS**  
IN COELOS ASSUMPTÆ,  
IN  
Archи-Ducali Soc. JESU  
Collegio Labacensi.  
ANNO  
*AB INSTAURATA SALUTE*  
M. DCC. XLIII.

---

Vienna, Typis Leopoldi Joannis Kaliwoda,  
Universitatis Typogr.



202502183



# PARTITIO TOTIUS OPERIS.

**Q**uartuor partibus Dissertationem hanc absolvam. Prima mores referet Christianorum Hierosolymæ degentium, usque ad urbis hujus sub Vespasiano excidium. Primus iste Christianismi status, et si per exigui spatiô temporis circumscriptus fuit; meretur tamen ob insignem suam perfectionem separatim ab aliis considerari. Altera pars tria Ecclesiæ prima saecula complectetur, Tyrannorum vexationibus famosa. Tertia imaginem proponet Ecclesiæ, à saeculo Christi quarto pace, ac libertate publicâ fruentis. Postrema Dissertationis pars causas afferet mutationum ac vicissitudinum, quæ in Ecclesia Christiana subinde acciderunt.

# PARS I.

## CAPUT UNICUM.

*Ecclesia Christi Hierosolymitana.*

**R**eligio Christiana quemadmodum divinô plane, non humanô consiliô & virtute fundata fuit; itâ initiô statim sui ortûs undeque perfecta extitit; perinde ac rerum istâ universitas, simul atque à Deo procreata fuit, valde bona, id est, numeris omnibus absoluta prodiit. Nec quisquam nisi per summum errorem opinetur, in rebus, quæ ad mores, vitamque recte componendam pertinent, subsecutis temporibus utilius aliquid, sapientius, atque sublimius excogitatum fuisse, quam quod Redemptor noster primùm Apostolos suos, Apostoli verò deinceps primos Christianos docuere. Quanquam hæc ipsa Evangelii tam excellens doctrina pro diversa animorum habitudine, & gratiæ dispari mensura, diversos item effectus in animis mortalium produxit. Nam ad Israëlitas quod attinet, vetos illos quidem ac genuinos, ipsa veri Dei notitia, & legis antiquæ observantia, quâ inde à teneris annis imbuti erant, præsertim Majorum tradirione, & SS. Scripturarum lectione acc-

accedentibus, ipfos proximè expeditos reddebat ad Evangelicam legem quām perfectissimè observandam, ubi primū illius perfectionem ritè edocti essent, intelligeréntque, quodnā regni genus, quæ salus, & libertas esset à Messia sibi afferenda. Longè operiosius erat, ad hanc Novæ Legis perfectionem Gentiles adducere, qui ad id usque temporis *sine Ephes. 2.*  
*Deo & lege* vixerant, ultrò se passi pecu- *v. 12.*  
dum more duci ad *simulacra muta*, soliti- *i. ad Cor.*  
que in cæno flagitorum omnium fese vo- *v. 12, v. 2.*  
lutare. Igitur à Christianis Hierosolymitanæ Ecclesiæ petendum nobis ante omnia exemplum est, ac prototypon vitæ illius, quā perfectiorem, & quod hinc consequens est, beatiorem in terris fru-  
stra requiras.

Eam verò S. Lucas describit in hæc verba: *Erant perseverantes in doctrina Apostolorum, & communicatione fractionis panis, & orationibus.* Paulò post ista subjungit: *Omnes etiam, qui credebant, erant pariter, & habebant omnia communia.* Possessiones & sub-  
stantias vendebant, & dividebant illa omnibus, prout cuique opus erat; quotidie quoque perdu-  
rantes unanimiter in templo, & frangentes circa domos panem, sumebant eibum cum exultatione,  
& simplicitate cordis, collaudantes Deum, &  
habentes gratiam ad omnem plebem. Et alibi: *Multitudinis, ait, credentium erat cor unum* *AB. 4.*  
*v. 32.*

& anima una : nec quisquam eorum , quæ pos-  
sidebat , aliquid suum esse dicebat ; Sed erant illis  
omnia communia . . . . Neque quisquam egens  
erat inter illos. Quotquot enim possessores agro-  
rum , aut domorum erant , vendentes afferebant  
pretia eorum , quæ vendebant , & ponebant ante  
pedes Apostolorum . Dividebatur autem singulis ,  
prout cuique opus erat. Denique alio in lo-  
A. 5. à  
v. 12.co hæc habet : Per manus Apostolorum fe-  
bant signa , & predicia multa in plebe , & erant  
unanimiter omnes in porticu Salomonis ; cætero-  
rum autem nemo ardebat se conjungere illis , sed  
magnificabat eos populus . Magis autem augeba-  
tur credentium in Domino multitudo virorum , ac  
mulierum .

Summa perfectionis Christianorum ha-  
ctenus descriptæ , erat catechesis , oratio ,  
Eucharistiæ usus , animorum conjunctio ,  
bonorum temporalium communio , gau-  
dium interius exteriusque , reverentia de-  
num , existimatio & amor universi po-  
puli . Constatbat Ecclesia hominibus cu-  
juscunque ætatis & ordinis , ac utriusque  
sexus , brevissimoque tempore mirum in  
modum adolescebat . Siquidem unius  
Petri geminâ prædicatione hominum fa-  
cile octo millia Christo nomen dederunt ,  
quem ad numerum novam indies recèns  
conversorum accessionem factam fuisse ,  
non uno loco Acta Apostolorum perhi-  
bent ,

bent. Erant isti novelli Fideles maximam partem matrimonio juncti ; nam perfectæ continentiae rara ad eam dieni exempla extabant. Ad hæc privatis ædibus inter se se discreti habitabant ; hoc enim S. Lucas indicare voluit , cùm scripsit , ipsos fregisse circa domos panem , hoc est : in suis metædibus Christi corpus consecrâsse , ac distribuisse. In communi tamen omnes vivabant , bonis , quæ quisque possideret , dividenditis ; pecuniam verò ex eorum venditione redactam , primum quidem Apostoli , deinde septem Diaconi tantâ fide & prudentiâ dispertiebantur , nemo ut in illa multitudine inops esset.

Atque hæc erat insignis illa , & opere ipso luculenter expressa idea æqualitatis bonorum , vitæque perfectè socialis forma , quam antiqui Legislatores ac Philosophi statuebant esse certissimam ad felicitatem viam ; et si eandem reipsâ consequi nequicquam adlaborârint . Huc spectabat lex illa Minöis , publicas in Crête insula mensas instruî jubentis . Huc Lycurgi collimabant edicta , quidlibet agentis , ut divitias & luxum è Lacedæmonia proscriberet Denique modum hac in re prætergressus Plato , dum omnia voluit esse communia , familias ipsas , sublato earum discrimine , exæquari inter se se voluit . Intelligebant isti nimirum , ad incundam

vitæ perfectam societatem in primis opus esse, ut è medio tollantur meum & tuum, atque privatorum commodorum respectus procul arceantur: hoc illi pœnarum metu extorquere, hoc ratiocinando persuadere hominibus frustra conati sunt; solius enim divinæ per Christum gratiæ opus id futurum erat, utpote quæ sola flettere hominum voluntates, & naturæ corruptionem sanare valet.

Igitur terrenorum bonorum inter primos Christianos communio, haud ex alio fonte, quam ex charitate manavit; hanc inter se juncti Fideles, fratrum ad instar in unam quodammodo familiam coaluere, in qua eadem ex penu liberi omnes ab uno eodemque Patre aluntur; qui, cum singulos ex æquo diligat, nemini quidquam deesse patitur. Nimis ob ocu-los perpetuò versabatur præceptum illud mutuæ fraternæque dilectionis, à JESU Christo, cum persæpe alias, tum in nocte, quæ passionem ipsius proximè præcessit, gravibus verbis inculcatum, ut adeò

*Ioan. 13. v. 35.* disertè diceret: *In hoc cognoscent omnes, quia discipuli mei estis, si dilectionem habueritis ad invicem.* Porrò ad vendenda bona sua eosdem aliud Christi præceptum induxit, quod nos jubet renunciare omnibus, quæ quisque possidet. Hanc illi legem observare statuerunt non tantum animi

mi promptitudine; nam eatenus Christiani omnes cādem tenentur; sed re etiam ipsā, & operis executione implere illam decreverunt, secuti Redemptoris consilium: *si vis perfectus esse, vade, & vende, Matt. 10. v. 10. quæ habes, & da pauperibus... . & veni 19. v. 10. sequere me.* Securiores enim sumus, animis ea non adhærescere, quæ re ipsā jam dimisimus, quām quæ adhuc possidemus. Præterea non ignorabant Fideles celebrem Christi vaticinationem de urbe Hierosolymitana, antequam generatio hac præteriret, id est: suā adhuc ætate funditus revertenda. Quare ultro abjicere voluerunt, quidquid animum affigere infelicissimæ urbi, ac regioni poterat, cui tam certa vastitas & ruina immineret.

Erat igitur hæc vitæ communis ratio Christianorum Ecclesiæ Hierosolymitanæ propria, maximèque illis & personis & temporibus accomodata. Nam si humannis rem istam rationibus exigas, fieri vix potuit, ut diu admodùm staret hominum tanta multitudo nullis certis redditibus & bonis constabilita. Sanè illam ipsam Ecclesiam Hierosolymitanam aliarum Ecclesiarum ope frequenter indiguisse, multaque & magna pecuniæ subsidia eidem reliquis è provinciis submissa fuisse, ex Actis 11. v. 24. Apostolorum, & Epistolis D. Pauli per v. 17. spicuum fit. Et tamen S. Chrysostomus, 1. Cor. qui 16. v. 3.


**Carysoft.** qui tanto pōst tempore floruit , non dubi-  
bom. 11. tavit , hoc vitæ communis institutum sui  
*in Alta*  
**&c.** temporis Fidelibus proponere tanquam  
exemplum imitabile , mediūmque efficax  
adducendi ad Christum quoscunque infi-  
deles. Credere fas est , Sanctos illos Hie-  
rosolymis operatos manibus suis fuisse ,  
Christi Domini , & Apostolorum imitatio-  
ne ; cur enim hanc quoque perfectionis  
partem illis negemus , qui perfectissima  
quæque consecrati sunt ; præsertim cùm  
hāc ratione defectum proventum magna  
ex parte supplere possent ?

Suprà demonstratum est , Fideles per-  
severâsse in doctrina Apostolorum ; iidém-  
que *Discipuli* persæpe appellantur , quibus  
verbis significatur , ipsos , quæ ad salutem  
scitu , factuque necessaria essent , flagrantî  
studiô addidicisse ; partim Apostolos au-  
diendo , qui , quæ ipsi à Divino Præcepto-  
re suo didicerant , nunc publicè ; nunc  
privatis in congressibus assidue explana-  
bant ; partim lectitando Sacras literas , dé-  
que iisdem inter se mutuâ collatione  
agendo . Dicuntur etiam perseverâsse  
unanimitér in oratione ; ascendisse quo-  
tidie in templum , & in porticu Salomo-  
nis orandi causâ convenisse . Accedit  
*Alt. 3.* Sanctorum Petri , & Joannis exemplum ,  
qui *ascendebant* in templum ad horam ora-  
tionis nonam ; quæ res verosimile reddit ,  
tunc

tunc temporis observatas jam fuisse statas Baron.  
 precum horas , quas postmodùm Ecclesia <sup>an. 34.</sup>  
 Christiana constanter , & perpetuò com- <sup>n. CCL,</sup>  
 plexa est. Demum vitæ ratio exterior  
 Christianis initiō cum Judæis communis  
 erat, eadémque utriusque sacrificiorum, & <sup>Aetor. 21.</sup>  
 ceremoniarum antiquæ legis observatio ; <sup>v. 26.</sup>  
 qui mos, quàm diu tenuerit, incertum ;  
 sunt, qui non nisi cum Templo ipso Hi-  
 erosolymitano abolitum tandem fuisse ve-  
 lint : & hoc erat , quemadmodum Patres  
 loqui solebant , *sepelire Synagogam cum honore.*

Secundùm orationem Scriptura sacra  
 mentionem facit *fractionis panis* ; quo no-  
 mine in Aëtis, utì sæpe alibi in Novo Te-  
 stamento , Eucharistia intelligitur. Augu-  
 stum hoc mysterium nequaquam in Tem-  
 plo frequentabatur , ubi non satis libe-  
 rum erat Religionis exercitium , & Judæis  
 insuper mixti Christiani ; sed privatis in  
 ædibus , ubi soli fideles aderant, usurpa-  
 ri solebat. Eucharistiam tunc , utì olim  
 viëtimas & sacrificia pacifica , convivium  
 excipiebat , à charitate *Agape* dictum , cu-  
 jus usus diu inter Christianos viguit. Hoc  
 genus epularum , utì eadem Acta comme-  
 morant , celebrabatur cum *exultatione* , &  
*simplicitate cordis* ; revera enim parvulis  
 quàm simillimi Fideles erant animi cando-  
 re , & demissione ; cùmque divitias & spes  
 sœculi caducas sponte suâ abjecissent , libe-

ri, ac soluti vivebant fomientis cupiditatem, & curis hujus vitæ supervacuis; sola cœlestium bonorum expectatione, regni que Christi, quod propediem affuturum credebant, dulci desiderio se sustentantes. Jam si nos paucula hæc, quæ de primis illis Christianis Sacræ literæ testantur, sine admiratione legere non possumus; nihil mirum videri debet, ab hominibus, qui ista, & ipsis majora coram spectârant, talēm, tantumque cœtum in amore juxta & honore habitum fuisse.



## P A R S II.

### *Ecclesia Christi persecutionibus exagitata.*

## C A P U T I .

### *Gentilium ante suam conversionem status.*

**N**terea temporis aliæ super alias passim succrescebant Fidelium congregations, ex Judæis, & Gentilibus conflatæ; quæ licet infra summam illam Ecclesiæ Hierosolymitanæ perfectionem consisterent, non desinebant tamen prodigiæ ad instar suspici ob insignem virtutis & sanctimoniac splendorem, præcipue

cipuè spectato Gentilium, in quo priùs versabantur, statu. Solent ferè in historiis peregrini homines sibi persuadere, mundum abhinc sedecim saeculis, nostro longè dissimilem fuisse, hominésque tunc extitisse majori, atque nunc integritate, innocentia, & docilitate praeditos; praesertim cum saepe audiantur nonnullorum voices, mundum quotidie in deterius ruere lamentantium; extentque etiamnum vestigia quædam priscae bonitatis, & simplicitatis Majorum nostrorum. Verum longè aliter hac de re sentiunt, quotquot Græcorum, ac Romanorum transmissa ad nos monumenta studiosius evolvunt. Initium Evangelii prædicatio sumpsit Imperatoribus Claudio, & Nerone: horum aulæ quantis, quamque infamibus vitiis solderent, Tacitus locuples testis est; ejusdem saeculi mores perstringunt Horatius, Juvenalis, Martialis, & Petronius. Isti omnes nefanda ejus saeculi crimina publicè infectari non dubitârunt, eò quod publicè illa perpetrare nemo veritus fuerit. Profectò non sine sapientissimo æternæ Providentiæ consilio factum fuisse videtur, ut Auctorum ejusmodi libri, et si æternoquin in vulgus noxii & pestilentes, ad nostras manus pervenirent, quò nimis ex iis disceremus, quanta ex abyso depravationis & corruptelæ JESUS Christus

stus humanum genus extraxerit. Eandem temporum improbitatem confirmant in suis libris Suetonius, Auctoresque Historiae Augustae, qui duo proxime secuta saecula describunt; Apulejus item & Lucianus; verbô, quotquot de moribus pecuniariter differunt.

*Aug. l. 2. de Civ. c. 4. Sc. Tertull. Apolog. ad v. Gent. Cypria. ep. 1. ad Donat. Clem. Alex. Pædag. l. 2.* Ipsi adeo Patres Ecclesiæ temperare sibi non poterant, quin vocem, ac stylum in eorum temporum mores acerrimè & palam stringerent; quos inter præcipui fuere S. Augustinus, Tertullianus, SS. Cyprianus, & Clemens Alcandrinus; quorum scripta, qui attentâ animô perlegat, mirari, credo, desinet, potuisse ab Apostolo, initiô suæ ad Romanos epistolæ, catalogum pertexi eorum eriminum, quibus nihil infamius, nihil horribilior cogitari possit.

Tam perditæ mores ex Græcia, Ægypto, & Oriente ad Romanos fluxerunt. Unum Aristophanem legat, qui Græcorum effusam licentiam perspicere volet. Porro tantum abest, ut post Aristophanis tempora meliores effecti sint Græci, ut nova indies incrementa luxus, & mollities caperent. Jam de Macedoniæ, Ægypti, & Syriæ Regibus, quæ monstra flagitorum, Scriptores antiqui memorie non prodiderunt? Quām parūm honorifica posterorum judicia de Alexandria, de Antiochia & Corintho? Quām famosæ effeminatisse-

tissimo vitæ genere Jonii, Asiæque mino-  
ris civitates? & tamen has inter sordes  
purissima Christi Religio effloruit, inque  
pessimis civitatibus optimi Christianorum  
coetus extiterunt. Nequc solùm univer-  
so Romanorum Imperio communis erat  
tanta morum perversitas, sed etiam publi-  
ca, omnibusque perspecta, imò religionis  
quodam obtenu veluti sacrosancta habe-  
batur. Nōrunt eruditī, quid sibi volue-  
rint ritus nefandi in sacrificiis Bacchi &  
Cybeles adhiberi soliti. Ubique Veneres,  
Adonides, Ganymedes, ubique Jovis fur-  
ta & Metamorphoses prostabant: nullus  
hortus suò Priapo carebat: nullus locus  
Deorum decantatis amoribus non perso-  
nabat: Spectacula ipsa maximam partem  
aut crudelia, aut impura edebantur.

Ludorum genus utì frequentissimum,  
itā populo Romano maximè jucundum  
erant hominum in amphitheatris miseran-  
dæ cædes, nunc infestis armis mutuò sese  
appetentium, nunc à bestiis, cum quibus  
pugnam committebant, fœdum in mo-  
dum dilaniatorum. Quotidie servi &  
mancipia equuleis addicebantur, levissi-  
mas ob culpas atrocibus tormentis affi-  
ciendi. Præsides Provinciarum in eos,  
qui cives Romani non essent, crudeliter  
animadvertebant. Imperatores ipsi, nullâ  
judicii servatâ legitimâ formâ, quos vel-  
lent,

lent, capite damnabant; hinc tantum Patritii etiam sanguinis in Urbe effusum fuit. Par crudelitati avaritia erat. Omnia plena fraudibus, mendaciis, perjuriis, violentis oppressionibus. Argumento esse possunt solæ Ciceronis orationes. Sanè si Verres unus homo, quo tempore Roma adhucdum Respublica fuit, in una duntaxat Provincia, triūmque non amplius annorum curriculō tot crimina perpetrat; quid non ausuri erant sub Nerone, aut Domitiano, Præfecti & Præsides Provinciarum complures, quibus, præterquam quod ne accusari quidem ultrà metuerent, ipsa etiam Imperatorum exempla peccandi impunitatem, ac stimulum afferebant? Sed vereor, ne longior sim in re nota omnibus, & pervulgata.

Juven.  
Sat. 8.

Ità ferè comparati homines erant, ex quibus Christiani, quales nunc describam, efficiebantur. Hi, ubi semel *abluti* & *sandi-ficiati* essent, derepentè in alios homines, sibiique planè dissimiles evaserunt. Quanquam non sunt dissimulandæ hoc loco quædam animorum dotes, ac veluti semina bonæ mentis, quibus instructi Græcorum, & Romanorum complures, haud planè inepti regno Dei videbantur. Ac primò quidem moribus, quoad hi extei-riùs sese proderent, perpoliti erant; quâ re unâ multa continentur, quæ etiâ virtutes

I. Cor. 6.  
v. 11.

tes non sint, virtutum tamen imagines nominari recte possunt. Hujusmodi erant gravitas, tolerantia, lepos, affabilitas in colloquendo, in gratificando alacritas, & reverentiæ, atque amoris, teneræ, vividæque significations; denique lux quædam urbanitatis ac decentiæ, quam in omni actione sua Græci consecabantur. Sunt ista quidem naturâ suâ talia, quæ haberi sine solida virtute possunt, & quibus qui careat, non continuò malus, aut vitiosus est; attamen à perfecta virtute nunquam abesse solent, quippe quam exterior ille cultus & splendor amabiliorum reddit, ut virtus ipsa blandiùs se in animos hominum insinuet. Ad hæc abundabant illa tempora veris, ac genuinis Philosophis, hominibus, inquam, qui id unicè ac seriò spectabant, in id tota animi contentionे Recognit.  
Clem.  
init.  
Justin. in  
Tryphon.  
init. incumbebant, ut invenirent, quo sibi beatè vivere liceret; horum omne studium in eo versabatur, ut veritatem agnoscerent, agnitásque virtutes opere ipso exercerent. Uni huic studio ut liberiūs vacarent, cæteris sese negotiis, curisque omnibus, quæ ex arbitrio fortunæ pendent, ultrò expediebant, nec sumptibus ullis, nec labori, molestiisque itinerum, & peregrinationum parcentes, dummodo, quod ipsi optimum judicarent, aliquando tandem addiscerent. Sed neque Romani omnes

omnes per ea tempora usquè adeo depravatis moribus erant, ut nihil admodum retinerent de prisca magnanimitate, constantiā, cæterisque virtutibus, quibus Majores ipsorum quondam insigniter fluerant.

Animis in hunc modum comparatis, ubi primūm Evangelii gratia illuxit, fieri non potuit, quin maximi, præsentésque fructus progignerentur. Testis ejus rei est Cornelius Centurio Romanus, primúsque inter Ethnicos, cui is favor divinitùs obtigit: testes Martyrum complures atque insigniores, ut SS. Laurentius, Vincensius, & Sebastianus: testes denique Episcopi benè multi, longéque celeberrimi, ut Cyprianus, Ambrosius, Leo, in quibus omnibus Romanæ generositatis expressa, atque eminens imago relucebat. Porrò gravitatis illius, quæ Græciæ Philosophos tantopere commendabat, exempla nobis suppeditant Acta S. Polycarpi & S. Pionii Presbyteri Smyrnensis, ac S. Clementis Alexandrini, quorum volumina, præter reconditam eruditionem, à styli elegantia mirum in modum commendantur. Compressâ nimirum per Christianam humilitatem Romanorum feritate, & Philosophorum fastu, veri tandem Sapientes formari cœperunt, qui, ubi semel fidei nostræ magisteriō didicerant, quis finis,

finis, quæ meta hominibus proposita es-  
set, ad hanc unam vitæ actiones omnes  
dirigebant. Tam egregiè exulti, atque  
ad summa omnia à natura, & institutione  
facti, forniatique homines, simul atque à  
voluptatibus, & lucri cupiditate abstraxere  
animum, continuò etiam mansueti, faci-  
les, simplicésque effecti sunt ; illo nimi-  
rum simplicitatis genere, quæ dolum om-  
nem tanquam generosò animo indignum  
aversatur.

Accedit, quòd Religio Christiana in ipso  
Imperii atque adeo Urbis Romanæ medi-  
tullio tum temporis nata fuit, & stabilita,  
cùm Romanorum res maximè florarent,  
sæculumque ageretur, quòd nullum antea,  
si ingeniorum præstantiam spectes, illu-  
strius, nullum, si morum pravitatem atten-  
das, inquinatius fuit ; neque magis efferre  
se, suámque mortalibus divinam planè vim  
ac virtutem luculentius probare lex Evan-  
gelica potuit, quàm cùm de duabus sibi  
maximè oppositis animorum dispositioni-  
bus, veluti de juratis hostibus, quendam  
quasi triumphum egit. Pugnabat enim  
cum simplicitate legis Christianæ, fideique  
humilitate multiplex scientia, & mentis ela-  
tio ; ejusdem porrò legis puritati, & in ge-  
nere morum severitati, summa sæculi per-  
versitas, cordisque humani depravatio ex-  
tremè adversabantur : id quod animadver-

tere hoc loco necesse fuit, ne quisquam fibi persuadeat, nonnisi cum indocta, levissimèque credula multitudine Apostolis decertandum fuisse.

## C A P U T II.

### *Institutio ad fidem, & Baptismus.*

**P**Rædicandi Evangelii ratio, varia & multiplex erat, pro diversa discen-  
tium indole. Judæi convinceban-  
*Ambros.* tur ex libris Prophetarum, aliisque argu-  
*In Lyc.* mentis è Vetere Testamento, & Traditio-  
*&c. 21.* nibus ipsorum petitis. Ethnici verò ad-  
ducebantur rationum momentis, nunc pla-  
niùs magisque populariter, nunc subtilius  
doctiùsque, ut cuiusque ferebat ingenium,  
propositis, ex autoritate cùm Poëtarum,  
tum Philosophorum inter ipsos Gentiles  
insignium. Utriusque generis homines  
prodigiorum frequentiâ & magnitudine

*Allor. 2.* commovebantur. Exempla tam variæ in-  
*24. v. 3.* structionis ex Actis Apostolorum multa  
*12. v. 13.* suppetunt. De Deo, rebüsque divinis non  
*16. v. 14.* priùs agebatur, quām cùm attentus &  
*14. v. 17.* quietus auditor esset; quod si forte, uti  
*&c.* sàpè usuveniebat, in cachinnos solvi, aut  
*Clem.* contractiore vultu fastidii aliquid præse-  
*Recogn.* ferre Infideles inciperent, illico Christia-  
*I. mo* ni, ne profanationi, verborumque impie-  
*Just. in* tati ansam darent, sermonem abruperunt.  
*Tryph.*

Pro-

Progrediente die libri vulgabantur nonnulli, ad demonstrandam falsæ Religionis inanitatem, atque ad deducendos à præjudiciis suis Infideles, conscripti; hujusmodi erant SS. Justini Martyris, & Clementis Alexandrini Monita ad Gentiles. Sed nihil æquè Christum Ethnicis persuasit, ac miraculorum copia, & Christianorum in vita probitas, in morte constantia.

Qui Christianis accenseri cupiebat, Episcopo, sive Sacerdotum alicui sistebatur, qui continuò Candidatum examinabat, ut disperceret, verâne & sincera hominis vocatio esset. Non enim deerant impostores, qui per speciem amplectendæ fidei Fideles ipsos Tyrannis proderent. Aliunde verò metuendum erat, ne, nullo deleculu habitu, admitterentur homines varii, *Origen.* atque inconstantes, qui primâ quâque *cont. Cel.* ortâ tempestate, defectione suâ, Ecclesiæ *sum 8. fin.* fraudi & dedecori essent. Hâc præmissâ *fin.* cautelâ Catechumenus accurate instituebatur fidei dogmatis, morumque præceptis, quibus disperceret à suscepto baptismo Christianè vivere. Hujusmodi institutio-nes morales, sunt argumentum libri S. Clementis Alexandrini, quas *Pædagogum* inscripsit.

Posteaquam Episcopi judiciò, sufficien-ter instructi, tentatique erant Catechume-ni, ab Episcopo ipso salutaribus aquis tin-

gebantur, & quidem in pervigilio Paschatis, aut Pentecostes, siquidem integrum

**Aet. S.** erat, certum diem huic rei statuere. Cæterū ubi proximè imminens, cœptāve  
**Corn.** jamjam persecutio, vel alia urgens ncceſſitas moram non ferebat, quovis anni  
**Pap. a-** tempore Baptismus conferebatur. Hunc  
**pud Ba-**

**ron. anno**

255.

**Aet. SS.**

**Hippol.**

**Euseb.**

**sup. cit.**

**Aet. S.**

**Steph.**

**Pap. a-**

**pud Ba-**

**ron. anno**

269.

**Aet. S.**

**Susan.**

**apud Ba-**

**ron. anno**

249.

**S. Typ.**

**E Clon.**

**Alexand.**

**apud Eu-**

**feb. l. 7.**

**c. 20.**

in finem fontes aliqui ex Ecclesiæ disciplina consecrabantur, & Catechumenus, quò se melius disponeret, jejunare totum diem, ad quæfita respondere, & fidei suæ rationem reddere priùs debebat. Statim à Baptismo Episcopus Confirmationis Sacramentum, deinde re divina peractâ, Eucharistiam impertiebatur; denique lac &

mel à se ritè benedictum, manducandum præbebat, quò intelligeret novus homo, tunc demum veram se Terram Promissionis, Christi videlicet Ecclesiam, intrâsse.

Liberis parentum Christianorum etiam ante usum rationis, imò ante Octavum à nativitate diem, simul atque à parentibus offerebantur, Baptismi copia siebat,

minaque ut plurimum imponebantur, vel ab Apostolis derivata, vel certè talia, quæ plium aliquid redolerent. Adultorum vero nomina, in Baptismo non videntur in alia fuisse commutata; cum Sanctorum complures videamus è falsorum Deorum nominibus composita retinuisse vocabula,

cujusmodi erant nomina Dionysii, sive Bacchi,

Bacchi, Martini item, & Demetrii, quo ultimo nomine Ceres appellabatur. Recens baptizatis praesto erant cùm ii, quorum opera ad sacrum fontem perducti fuerant, tum verò Presbyteri, qui diu, multumque in vitam & mores novorum Christianorum excubabant, ut ipsos in bene coeptis magis magisque confirmarent, atque perficerent.

### CAPUT III.

*Vita novorum Christianorum, & specie-  
rim precandi ratio.*

**V**Itam igitur novelli Fideles ordiebantur planè novam, internam atque ad rationes cœlestes penitus exactam. Prima ipsorum ac præcipua occupatio ea fuit, quam principe loco <sup>1. ad</sup> Apostolus commendat, fervens, inquam, <sup>Tim. 2.</sup> oratio; istam cùm *sine intermissione* fieri <sup>v. 18.</sup> idem Apostolus ex Christi præcepto velit, <sup>1. Thess.</sup> nihil non agebant Christiani, ut ferme continens esset, neque nisi brevissimo tempore interrupta precatio, rerumque commentatio divinarum. In communi, <sup>S. Ignat.</sup> quoad licebat, preces fundebant, probè <sup>ep. ad</sup> gnari, eò plus efficaciæ ad obtainenda Dei <sup>Ephes. 5.</sup> dona habere orationem, quò major in terris ad comprecandum multitudo conspiraret, ipsomet Christo Domino id af-

**Matth.** severante : Si duo ex vobis consenserint super  
**18. v. 19.** terram, de omni re ; quamcunque petierint, sicut  
**¶ 20.** illis à Patre meo , qui in cœlis est. Ubi enim  
 sunt duo, vel tres congregati in nomine meo, ibi  
 sum in medio eorum. Præterquam, quod  
 præsentia Pastoris major precibus autho-  
 ritas accedit, & congregatorum in oran-  
 do fervor ac modestia, devotionem mu-  
 tuis exemplis soleat incendere.

Publicæ preces, quibus maximè fre-  
 quens populus intererat, eæ potissimum  
 fuere, quæ manè & vesperi persolveban-  
 tur, quásque Catholici nos *Laudes* & *Ve-*  
**Constit.** *speras* hodiéque nominamus. Admone-  
**Apost. I.** bantur Fideles, ut diei exordium juxta ac  
**2. c. 59.** finem Deo consecrarent, caveréntque ab  
 hac piæ occupatione se eximere terreno-  
 rum obtentu negotiorum, ut quæ servire  
 solùm spiritualibus, & in postremis curis  
 haberi à Christiano debeant. Preces illæ  
 matutinæ , quas nos *Laudes* appellamus,  
 eò, quod ad laudandum sacris carminibus  
 Deum pertineant, videntur subrogatæ  
 fuisse in locum sacrificii matutini Anti-  
 quæ Legis , & inter nobiliores divinæ  
 psalmodiæ partes jure merito numerari  
 debent; id quod demonstrant commemo-  
 rationes Sanctorum, cereorum ardentium,  
 & Incensi usus in iis adhiberi solitus.  
 Porro Vesperæ nostræ sacrificio vesper-  
 tino

tino successerunt, spectantque ad nocturnum tempus pie sancteque auspicandum. Eadem quandoque *Lucernarium* appellabantur, quod sub id tempus lucernæ accendi inciperent, & nos hodie dum hymnos aliquot in Vesperis cantamus\*, qui lampadum & cœnæ mentionem faciunt. Qui ad publicas preces convenire non poterant, ut ægroti, captivi, & in itinere constituti, privatis in congressibus, quanti quanti erant, sacrum illud pensum Deo Bardus. exsolvebant; imò vel cum soli agerent, an. 34. non cessabant sua orationi destinata tempora impendere.

Etenim præter matutinum ac vespertinum tempus, horis diei tertiam, sextam & nonam, denique concubiam nocte precationi vacabatur; id quod Tertullianus, S. Cyprianus, & S. Athanasius non modò differunt, affirmant; verum etiam rationibus, atque exemplis è Vetere & Novo Testamento adductis, neque auctoritate, neque arcanam, plenâque mysteriis significatione carere eam precandi consuetudinem ostendunt. Horæ istæ numerabantur ex more Romanorum, qui diem tum ab ortu solis ad occasum dividebant in duodecim horas inter se quidem æquales, sed tamen pro

\* O Lux beata Trinitas &c. Lucis Creator optime &c. Creator almæ siderum &c. Verge te mundi vespere &c. Ad cœnam Agni &c.

dierum longitudine, aut brevitate, nunc majore, nunc minore spatiō definitas. Duodecim item horis, & quatuor partibus, quarum quaelibet tres horas explebat, nocturnum tempus includebatur. Quatuor istae noctis partes *Vigiliae* sive *Stationes* nominabantur; quatuor enim vicibus militari belli tempore excubiae solebant. A diebus æquinoctialibus exemplum cape: ab hora apud nos sexta matutina usque ad septimam *Prima* nominabatur: quæ nona nobis est, ipsis *Tertia* erat: quæ nobis duodecima, apud ipsos *Sexta* numerabatur; porro quam nos horam à meridie tertiam nominamus, ipsi *Nonam* dicebant; denique hora apud nos sexta vespertina ipsis *Duodecima* seu *Vespera* audiebant; ut adeo quovis die, tertiam quaque horâ, orationes ad Deum funderentur.

Præterea nocturno tempore, immo dimidiâ nocte surgebatur ad confitendum Dominino, exemplô Davidis in suis psalmis, & Sancti Pauli ac Silæ, qui virgis prius cœsi, tum in interiorem carcerem compati, mediâ nocte orantes laudabant Deum. Agit de hac nocturna prece Tertullianus, & multis eam Sanctus Cyprianus commendat; eandem orandi nocturno tempore consuetudinem Patres omnes vehementer probant, velut aptissimam ad castigandum corpus, animumque per noctis silentium ad

ad divinas res erigendum. Ad hæc admonebantur Fideles, ut noctis minimas etiam partes, quas forte insomnes ducerent, benè, utiliterque collocarent, psalmorum sive Dominicæ orationis piâ meditatione. Symboli quoque usus inculcabatur, appetente die, & quolibet ingruente periculo recitandi.

Ad extremum, iidem, quod frequentius Deum cogitarent, cùmque ipso, quantum mortalibus fas est, assiduè, ac perpetuò agerent, quamlibet actionem peculiari precatio-  
nem veluti condiebant. Seu domi, seu in agro faciendum opus esset, laboris initium, & finis oratio erat: sinè ista nec ædes ædificari, nec primum incoli cœptæ; neque nisi præmissa oratione ad texendum pannum, ad vestem concinnandam, corpori accommodandam, verbô, ad quamcunque licet obviam & usitatam occupationem fese conferebant. Juvat hic audire S. Hieronymum, qui in Epistola, quâ Marcellam ad rus Bethleemiticum invitat, ita loquitur: *Quocunque te verteris, arator stivam* Tom. I. *tenens Alleluja decantat: sudans messor psalmis se* Ep. ad *avocat, & curvâ attondens vites falce vinitor ali-* Marcel. *quid Davidicum canit.* Hæc sunt in provincia car-  
mina, hæc, ut vulgo dicitur, amatoria cantiones. Idem de domesticis occupationibus in ean-  
dem sententiam alibi scribit: *Nec cibi* Ep. ad *sumanitur, nisi oratione præmissâ, nec recedatur à* Eustoch.

*de Cu-* mensa , nisi referatur Creatori gratia . . . egredien-  
*stod. Virg.* tes de hospitio armet oratio ; regredientibus de pla-  
 tea oratio recurrat antequam sessio ; nec prius  
 corpusculum requiescat , quam anima pascatur.  
 Exempla ejusmodi precum varia videre  
 est in variis benedicendi formulis , quæ  
 in Ritualibus hodie dum extant. Saluta-

*Chrysost.* tiones initio literarum , & in fortuito ,  
*hom. I.* mutuoque occursu adhibitæ , præter ami-  
*in Ep. ad* citiæ significationem aliquid piæ preca-  
*Theb.* tionis continebant. Crucis signo tan-

*Tertul.* quam compendiariâ formulâ benè pre-  
*de Cor.* candi , ad minima quæque utebantur. Eō  
*c. 3.* frontem suam identidem , & in momenta

*S. Cyp.* propè singula muniebant , videlicet quo-  
*Sc.* tis egredi domo , aut eodem reverti ,  
 aut naturæ necessitatibus in capiendo ci-  
 bo & quiete satisfieri , aut demum alia  
 id genus curari , agique necesse foret.

*Hier. Ep.* *Ad omnem actum* , inquit Hieronymus , *ad*  
*ad Eu-* *omnem incessum manus pingat crucem.*  
*stoch. ubi*  
*sup.*

## CAPUT IV.

### Studium sacrarum scripturarum.

**P**Recum hæc tenus descriptarum veluti  
 corpus ex psalmis semper constabat ,  
 qui disertè & graviter recitati mirum  
 quantum ad instituendos homines facie-  
 bant.

bant. Compendiō enim referunt, quidquid sacris Codicibus continetur, normāmque præbent eorum dictaminū, quæ tenere & sequi in variis humanæ vitæ conditionibus probus Christianus debeat. Cum psalmis aliorum sacerorum Codicum lectione nunquam non conjungebatur, ex qua *Capitula*, ut nos loqui solemus, in Horis Officii Sacerdotalis originem suam duxere. Nocturnæ preces uti prolixiores erant, ita plus sacræ lectionis continebant; & quoniam Missæ Sacrificium in toto divino Officio primatum tenet, plurima hoc etiam suppeditabat, quæ ad instituendos Fideles pertinebant. Nullæ scripturæ pro divinis lexitabantur, præterquam cæ, quæ in *Canone* haberentur, id est, quæ Ecclesiæ perpetuâ traditione veluti publicâ auctoritate insignes & probatae essent. *Apocrypha*, sive quod idem significat, occulta & incerta nominabantur ea, quæ adjungere privatus aliquis conabantur.

Erat igitur Ecclesia Dei non solùm Domus orationis, verùm etiam schola salutis. Evangelia, cæterosque sacros Codices Episcopi exponebant, assiduitate nihilò minore, quam Professores Ss. Literarum assolent, auctoritate verò longè etiam maijore; ex quo factum fuit, ut Doctoris nomen ferè solis Episcopis ab Antiquis Scriptori.

*ptoribus tribueretur. Dceabant autem pu-  
blice & per domos, quemadmodum Aposto-  
lus loquitur: docendi porrò methodum  
cuicunque statui accommodabant, uti in  
Epistolis ad Titum & Timotheum obser-  
vatum cernimus. Illud maximè cavebant,  
ne quid suomet ingenio excogitarent, ac  
veluti de suo in medium afferrent; sed  
satis habebant, bonâ fide retulisse, quid-  
quid ipsi à Patribus suis spiritualibus, hoc  
est, ab antiquioribus se Episcopis & Pres-  
byteris accepissent, Traditione usque ad  
tempora Apostolorum nunquam interru-  
ptâ. Idem Episcopi Fidelium animos  
imbuebant ingenti odio quarumcunque  
novitatum, præsertim in doctrina fidei,  
ut adeo, si qui fortè Christianorum contra-  
ria suæ fidei dogmata proponi audirent,  
ii obturatis ambabus auribus è vestigio fu-  
gam arriperent, nihil solliciti de refutan-  
dis erroribus, quippe quam curam Pasto-  
ribus suis integrum relinquerent. Ea res  
fecit, ut hæresum multæ, per priora faciu-  
la excitatæ, sine Conciliis, sine judiciorum  
celebritate condemnarentur. Etenim Pa-  
stores omnes Traditionibus Apostolorum,  
populus autem universus doctrinæ Pasto-  
rum admirabili cùm sententiarum, tum vo-  
luntatum consensione inhærebant. Ad  
hæc Fideles, pro se quisque, divinæ Legis  
studio vacabant, cámque diu noctuque vi-  
gili*

gili curâ meditabantur. Domum reversi,  
quæ in Ecclesiis audierant, ipsi relegebant,  
& familiari de iisdem rebus inter se col-  
lato sermone Pastorum explanationem me-  
moriæ mandabant. In primis verò Patres-  
familias hoc genus privatæ repetitionis  
domi suæ diligenter curabant, erantque  
singuli eorum quasi totidem peculiares Pa-  
stores, qui precationi & lectioni domesti-  
cæ præcrant, qui conjugem, liberos,  
famulosque erudiebant, & ut erant ipsi  
Moderatoribus Ecclesiæ addictissimi, ita  
suos etiam in officio, & obedientiâ Ecclesiæ  
debitâ continebant. Tam laudabilem Pa-  
trum de suis familiaribus curam ex eo haud  
obscure probare licet, quod in tota retrò  
antiquitate ne vestigium quidem extet ali-  
cujus Catechismi in usus parvolorum con-  
scripti, aut alterius cujusdam publicæ in-  
structionis, quæ in baptizatis parvulis, qui  
rationis necdum plenè compotes erant,  
usui esse posset. Erant tunc nimirum,  
Divo Chrysostomo teste, privatæ ædes  
veluti totidem Ecclesiæ.

Multos videre erat etiam laicorum, qui  
sacras literas memoriâ tenerent; adeo in  
iisdem pervolvendis erant assidui. Eas-  
dem secum ferè gestabant, multique San-  
ctorum reperti sunt, qui cum Evangelio  
supra pectus collocato terræ mandati fue-  
rant. Fœminis etiam familiaris sacra le-

Conflit.

Apost. l.

4. c. 19.

Chrysost.

Hom. 36.

in Ep. ad

Cor.

&amp; io

Baron.  
ad An.  
304.  
n. 46.

Etio fuit. Cujus rei præclarum exemplum habemus in Actis Sanctorum Martyrum Agapes, Chioniæ & Irenes, quæ cùm Diocletiani sæviente in Christianos furore, domum cum desertis montibus & cavernis commutare cogerentur, charis omnibus libenter relictis, eâ re solâ magnopere angebantur, quod prohibitæ domo secum efferre divinos Codices, non possent nocte & die illis operam dare, sicut à principio consueverant. Episcoporum etiam & Presbyterorum scripta, ut quæque celeberrima erant, & judicio Ecclesiæ approbata, ita à Christianis diligentissimè perlegebantur. Sed rara ad eum diem scripta erant. Et enim conscribendi volumina neque otium, neque stimulum Episcopi tunc habebant, gravioribus distenti curis, & ab omni gloriæ humanæ cupiditate alienissimi; præterquam quod metuerent, editis in lucem publicam libris, qui in omnium manus facile incident, mysteria Religionis temerè evulgare.

Constit.  
Apost.  
l. 1.  
cap. 6.

Prohibita Fidelibus erat lectio librorum Gentilium, utpote qui nondum bene confirmatis in fide sæpè ad nocendum apti, aliàs verò inutiles forent. Nam quid in lege Dei desideras, inquit Antiquus Scriptor, ut ad illa Gentilium scripta animum velis appellere? sive enim historias legere cupis, habes libros de Regibus: sive sophistica, id est, quæ argutè ad sa-

pien-

pientiam referuntur, & poëtica; habes Prophetas, Job, & Proverbia, in quibus plus acuminis, quām in omni poësi, & sapientia Sophistarum reperties, quod is, qui solus sapiens est, illa effatus est: five cantilenas expertis, habes psalmos: five vetustas rerum origines, habes Genesim: five leges & præcepta, habes legem Domini celebrem. Episcopi tamen & presbyteri profana volumina lectoribant; indéque veluti ex hostico arma petebant, ad Gentilium superstitiones propriis ipsorum telis, Philosophorum, inquam, & Poëtarum Ethnicorum auctoritatē configendas; cūmque S. Cleric. discipulos sese profiterentur Verbi divini, Alex. 1. ac Primæ Veritatis, nihil antiquius habebant, quām ut Veritates omnes, ubi ubi eas reperirent, toto animo complectentes.

## CAPUT V.

### Officia, opificia, & consuetæ occupationes Christianorum.

**D**icitibus potissimum assidua Scripturarum lectio commendabatur, quō curiositatem, & otium, geminas virtutis pestes à se arcerent. Reliqui Fidelium opificia exercebant, ut se ipsi commodè sustentare, satisfacere creditoribus, & stipem indigentibus erogare valerent.

Opi-

Conf.

Ap. l. 1.

cap. 4.

Opificia porrò ejusmodi deligebant sibi, quæ & essent maximè innocua, & à strepitu, fastuque Christianos quàm longissimè prohiberent. Multi cæteroquin abundantes, præsertim persecutionis fervente æstu, voluntariam paupertatem amplexi

**2. Thess.** sunt, fortunis omnibus in pauperes distri-  
**3. v. 6.** butis, cāque re ad Martyrium ritē subeun-  
**Constit.** dum se comparabant; non pauci etiam,  
**Ap. l. 4.** et si divites essent, labori manuum intenti  
**§ 1. 2. c.** ult. erant, desidiæ vitandæ causā. Nam cæ-  
**Clem.** tera inter vitia otium in primis à Christia-  
**Alex.** nis proscriptum erat, & quæ otii comites  
**pædag. 3.** c. 10. individuæ solent esse, animæ nimirum in-  
 quietudo, curiositas, convitiandi liber-  
 tas, otiosæ circumcursitationes, superva-  
 cuæ salutationes, ac deum alienæ vi-  
 tæ censoria observatio. Ex adverso ad-  
 monebantur Fideles, ut in quiete ac silen-  
 tio se continerent, cùm aliis honestis ne-  
 gotiis, tum operibus maximè charitatis  
 occupati, quibus infirmos, mendicos,  
 aliterque suâ ope indigentes sublevarent.

Tota igitur Christianorum vita oratio-  
 ne, lectione, & manuum labore constabat,  
 fermè nunquam interruptâ serie, sibi suc-  
 cedentibus, quoad per necessarias susten-  
**Constit.** tandæ vitæ curas licebat. Quidquid ne-  
**Ap. l. 2.** gotii præ manibus haberent, id omne sa-  
 c. 61. lutis suæ negotio postponebant, veluti ne-  
**§ 63.** gotiorum omnium principi, maximèque  
 digno,

digno, in quo curando vita omnis collo-  
cetur. Hoe agebant, & profitebantur uni-  
versi, ut Christiani nomine, ac re essent;  
alios titulos extra istum aucupabantur nul-  
los; interrogati etiam à Judicibus, quinam,  
undéve essent, quid nominis, quid officii  
haberent, breviter ad omnia responde-  
bant: *Christianus sum.* Omnia instar *Euseb.*  
exemplo esse potest Diaconus ille, SAN-*Hist.*  
**CTUS** nomine, de quo Eusebius in hæc *Eccl. lib.*  
verba: *Cum scelerati carnifices propter assidui-  
tatem, & magnitudinem tormentorum, quæ ei in Ep.  
infligebant, sperarent se aliquid, quod indecorum,* *s. c. I.*  
*& ejus professioni parùm consentaneum videretur,* *Eccl.*  
*ab eo audituros;* *Ipse tantâ animi celsitate, &*  
*constaniam ex adverso restitit, ut ne nomen qui-  
dem suum, vel gentis, vel civitatis, unde fuit,*  
*neque utrum servus, vel liber esset, illis vellet dicere;*  
*sed ad omnia rogata ita latino sermone responde-  
ret: Christianus sum, istudque pro nomine,*  
*pro civitate, pro genere, & denique pro re*  
*quacunque iterum, ac sapienter eloquereiur: alias*  
*autem vocem Gentiles ab eo elicere non pote-  
rant.*

Abhorrebant porrò ab illis artibus, vitæ- *Orig.*  
que institutis, quæ animum plūs justo avo- *cont.*  
cant, implicantque; cuiusmodi sunt mer- *Cels. l. 8.*  
catura, Causarum forensium procuratio-  
nes, & Magistratum, munera que pu- *in fine.*  
blicorum administratio. Nihilò tamen *1. Cor.*  
C minùs *7. v.* *20.*

minus in Officio, quod ante suscepsum Baptisma gerebant, dummodo id Christianæ legi non adversaretur, persistebant. Sane constat, militum neminem, qui Christo auctoratus fuit, ad deserenda profana cœstra fuisse compulsum; solummodò Evangelii ptaceptum illis inculcabatur, ut suis contenti stipendiis nihil per vim, malumve dolum ab hominibus extorquerent.

**Luc. 3.**

**v. 4.**

Et fuisse ingentem Christianorum militum numerum, testantur duæ integræ legiones, altera Fulminatrix sub Marco Aurelio, Thebæa altera, quæ tota unâ cum Tribuno suo Mauritio mortem pro Christo fortiter oppetiit. Vigebat etiam tum apud Romanos militaris disciplina, cuius præcipuæ partes erant frugalitas, obedientia, tolerantia, & laborandi assiduitas; quæ omnes ipsis etiam Christianis familiares erant virtutes. Quandoque tamen studiosè defugiebant recentes Christiani militiæ nomen dare, imò eandem deserebant, veriti, nequâ superstitionum labe inficierentur, vescendo victimarum carnibus, signa militaria idolorum figuris distincta venerando, per Genium Imperatoris dejerando, aut florum fertis in profanis, & militaribus festis capita coronando.

**Tertul.****de Coron.****milit. c.****II.****Luc. 3.****v. 4.****Tertul.****Apol. c.****37.****Abba****MM.****Theb.****ap. Bar-****ron. an.****297.****Abba S.****Marcelli****Centur.****ap. Bar.****an. 298.****Tertul.****de Co-****ron. Sc.**

## CAPUT VI.

*Jejunia Christianorum.*

**J**EJUNIORUM apud Christianos per id tempus frequens usus erat, Christō <sup>Mattb.</sup> Dominō id vaticinante, cùm diceret, <sup>9.v.15.</sup> futurum aliquando, ut, Magistrō ex oculis sublatō, Discipuli jejunent. In memoriam tam acerbæ jacturæ, & cruciatuum Servatoris nostri, sua erant Christianis inde à nascente Ecclesia jejunandi stata tempora. Singulis quidem annis per Quadragesima dies, singulis item hebdomadis feriâ quartâ & sextâ, inediâ corpus macerabant. Præterea cùm initiandi Ecclesiæ ministri essent, aut publicæ calamitatis deprecatio communiter facienda, Pastorum jussu à cibis abstinebant; his accedebant non raro alia jejunia, vel privatâ devotione, vel pœnitentiæ agendæ necessitate suscepta.

Quo die jejunandum erat, semel tantum, & quidem sub vesperum cibum sumebant; in Quadragesima post Vespertas, sive appetente jam nocte, aliis verò diebus <sup>V. Epist.</sup> post Nonam; hæc Christianorum consuetudina erant jejunia, præter quæ majora alia per annum incidebant, ut in hebdomada sancta, quæ à multis tota, vel certè dimidiâ suâ, & extremâ parte sine cibo exigebatur. Alii quoque, ut privatæ pietati facerent satîs, præsertim cùm martyrii su-

beundi opportunitas , aut alia quædam  
gravis causa id postulare videbatur , ad  
duos trésve dies continuos cibis omnibus  
sibi interdicebant. Vinô , & carnibus, quot-  
quot jejunabant , abstinebant omnes , plu-  
rimique ipsorum pane , & leguminibus  
contenti erant , quibus nonnulli pisciculos  
aliquot addebant ; cæterùm lauitia omnis  
& gulæ irritamenta procul à mensis abe-  
rant. Viçtus parabilis , & quoties jejuna-  
batur , solitô tenuior erat. Alii ipsorum  
*Homophagi* erant , qui crudis ; alii *Xerophagi* ,  
qui siccis duntaxat esculentis , nucibus ,  
inquam , amygdalis , aliisque id genus  
fructibus vicitabant ; denique erant , qui  
solo pane , & aquâ , famem ac sitim sedarent .

Equidem non sum nescius , istarum re-  
rum commemoratione parùm commovere  
ri nostrâ hac ætate Christianos. Putant  
isti nimirùm , majora esse antiquæ austeri-  
tatis exempla , quâm ut imitari ea nobis  
llceat. Debilitata , inquiunt , tot sæculo-  
rum decursu , magis in dics deficit natura :  
nec vita miseris mortalibus tam longa ,  
nec corporis tam robustæ vires , uti olim  
suppetunt. Utinam verò , quâm confiden-  
ter ista jaçtantur , tam facile , solidéque pro-  
bari possent ! Unde enim , aut à quo tem-  
pore tanta naturæ nostræ facta inclinatio  
est ? non quæro hic de temporibus illis  
heroicis Græcorum , nec de Patriarcha-  
rum

rum vita, hominumque ante diluvium ætate; sed de temporibus loquor primorum Romæ Imperatorum, quæ noti in vulgus Auctores Græci, & Latini descriptsere; hos tu volve, & revolve, & vitam hominum abhinc sedecim sæculis nihilò quām nunc longiorcm fuisse perspicies. Etenim tum quoque temporis, multoque antè, mortaliū vita annis solū septuaginta, aut octoginta circumscripta jam erat. Fuere quidem sub prima illa Ecclesiæ tempora, Græcorum & Romanorum nonnulli, qui Gymnaſticis exercitiis corpora consolidarent; sed longè major eorum numerus erat, qui corporis vires intemperantiâ suâ labefactarent, illo potissimum intemperantiæ genere, quod valetudini plurimum obest, & ante diem nostrâ etiam tempestate Orientis populos facit senescere. Et tamen ex Ægypto, & Syria, quæ regiones vitio hoc præ cæteris laborabant, Christiani prodiere abstinentissimi, iidemque maximè omnium longævi. Non nego calidioribus in terræ plagis minus molesta acecidere, quām apud nos, jejunia; sed tamen in Galliis etiam, & Septentrioni subiectis provinciis non desunt exempla mirandæ prorsus abstinentiæ, etiam post mille annos, eoque amplius ab ætate Apostolorum.

Christiani jejunia sua, quemadmodum ante ipsos Judæi, ad luctus & mœroris significationem referebant; hoc tamen à Judæis discrimine, quod Judæi in jejunando, naturali solùm dolori suo obsecundarent, quem bonorum terrenorum, vel chari cujusdam capitis jactura expreßerat;

*2. Cor. 7. v. 10.* Christiani autem jejunia sua ad eam unicè tristitiam dirigebant, quæ secundum Deum est, & pœnitentiam in salutem stabilem operatur: id est, ad cordis compunctionem, & expiationem peccatorum. Ad hæc ut temptationibus materiam, & fomenta subtraherent, extenuabant corpora, & spiritui subesse cogebant. Qui ità jejunabant, consequens erat, ut à voluptatibus cætroquin minimè vetitis temperarent; hinc conjugatorum eo tempore continentia: hinc solitudinis, & silentii solitô severior observatio: hinc major in Ecclesiis frequentandis assiduitas: hinc denique preces, & sacra lectio multò quàm aliâs productiora,

## CAPUT VII.

### *Convivia Christianorum.*

**E**PULÆ Christianorum, etiam extra jejunii tempora, frugalitate semper & modestiâ condiebantur; multi erant in iis cohortandis Pastores, ut ne cibi plus caperent, quàm quantum opus esset

esset ad sanitatem tuendam , virésque corporis labori necessarias instaurandas : non esse homini vivendum , ut edat , sed eden-<sup>s.</sup> Clem̄dum , ut vivat : exquisitiora dapum fercula , <sup>Alex. s o.</sup> & conviviorum ingentes apparatus à men-<sup>pedag. l.</sup> sis Christianorum penitus exulare debere . <sup>2. c. 1.</sup> Plures ipsorum solis herbis , fructibus , <sup>Prudent.</sup> laeticiis vivebant ; si quidquam aliud <sup>Hymn.</sup> ante cibos præter ista manducandum erat , piscium & altilium , quam quadrupedum carnes , utpote succi pleniores , nimiūmque ad nutriendum factas , manducare malebant ; complures etiam semel tantum de die sub Vesperum cibō se reficiebant . Primis Ec-<sup>Tertul.</sup> clesiæ sæculis , ac diu post , sanguine & suf-<sup>ad Psych.</sup> focatō abstinebatur , ut ab Apostolis in c. 9. Ad<sup>15. v.</sup> Concilio Hierosolymitano lege cautum <sup>29.</sup> fuerat . Tanta in vietu parsimonia minūs per ea tempora quam nunc , nova & inflens videbatur . Etsi enim mensarum luxus & nidor tunc quoque modum excederet , id quod ex Græcis , Latinisque Scrip- toribus , præsertim ex Athenæo discere licet ; longè tamen inferior erat nostrorum temporum plus æquo lautis , magnificisque conviviis . Ægyptii , & Orientalium populorum pars major adhuc frugalitatem suam propè ad superstitionem usque retinebant ; Pythagoræorum porrò in cibo sumendo temperantia passim celebratur , quam Apollonius Thyanæus exemplō suō ,

& Porphyrius editis libris confirmârunt.

*Lib. 1.* Horatius, quamlibet Epicuræis moribus  
*Epist. 4.* esset, seseque ipse nominet pingue & nitidum Epicuri de grege porcum; nihilominus familiaria sibi esculenta enumerat olus ac far, quæ ipse, quanti valerent, percontaturus, forum obibat.

*Sat. 6.* *Inde domum me (inquit)*

*Lib. 1.* *Ad porri & ciceris refero, laganique catinum.*

*Epist. 5.* Neque lautius aliquid amico ad cœnam invitato appositurum fese pollicetur. Quid? Augustus Imperator pisciculis ferè, caseo, ficubus, dactylis, uvis & pane cibario vivitabat. Similibus exemplis abundant eorum temporum historiæ. Sola ferme cœna justi convivii formam præferebat; eā, diurnis negotiis expediti mortales, ac domum quique suam reversi, corpora curabant; nam quod ipsi prandium vocabant, id jentaculis nostris, quām prandio similis erat, eoque spectabat unicè, ut ne prorsus jejuni diem agerent, quemadmodum de se Horatius canit,

*Lib. 1.*  
*Sat. 6.*

*Pransus non avide, quantum interpellet  
inani*

*Ventre diem durare.*

Quanquam hoc quoque, licet pertenui prandioli, multi abstinebant: Vitellio sane Suetonius inter alia illud etiam vitio vertit, quod ter quotidie, & sœpè quater epulari soleret.

Con-

Constat autem Christianos tum temporiſ ūt minimū sapientioribus inter Ethnicoſ temperantiā ſuā pares fuiffe, ac proinde cibis potiūs vefci ſolitos obviis, & Simpliciſſimis, quām iis, ad quos paraudos condiendōſque igne, & multā hominum industriā opus eſſet; quare duabus ūt summū vicibus per diem, cibi aliquid capiebant, damnatiſ penitus ex Apostolica disciplina commiſſationibus, quas quidam Gulones à Vespera in multam noctem producebant. Non pauci illorum, Fœminæ præſertim & juniores natu, à vino abſtinebant; cæteri eodem quām parciflīmè, & frigidā temperatō utebantur. Epulis quantumvis moderatis, ac brevibus longæ preces initiō, & fine addeabantur, quarum formulas nobis exhibent Ecclesiasticæ orationes hodieſum uſitatæ; extant etiam in hanc rem compoſiti à Prudentio hymni, quibus primorum ſæculorum pia in doles graphicè deſcribitur. Solebat tunc ferē ad mensam liber aliquis prælegi; hanc consuetudinem Plinius accurate retinuit, & Juvenalis Amicum ad cœnam invitans, eidem veluti condimenti loco promittit Homeri, & Virgilii lectionem à ſe curandam.

*Noſtra dabunt alios hodie convivia ludos;*

Sat. 110

*Conditor Iliadis cantabitur, atque Maronis*

*Altifoni dubiam facientia carmina palmam.*

Christiani verò divinas literas ad mensam legebant, & pro impuris, profanisque cantionibus, quibus epularia festa Gentiles animabant, pia ipsi & cœlestia carmina gravi modulatione decantabant; neque enim musicam Fideles, & hilaritatem omnem Clem.  
Alex. 2. pædagog. c. 4. planè rejiciebant, si modò sancta esset, animumque ad Deum erigeret. Nec cum hæreticis, nec cum excommunicatis, ac ne quidem cum Catechumenis Christiani mensæ accumbebant; Ethnicorum tamen epulas non omnino defugiebant, ne prorsus omne cum illis commercium, & consuetudinem rescidisse viderentur.

## CAPUT VIII.

*Modestia, & gravitas Christianorum.*

**Q**uemadmodum in vietu, sic in omni reliqua actione mira elucebat Christianorum modestia. Nobilitatis & dignitatis, nisi quæ interior esset, animumque perficeret, nullam habebant rationem, nec alias, quam spirituales divitias magni ducebant. Mensas ex ebore factas, argenteos lectos, aurō & purpurā interlucentibus telis ornatos, Alex. 2. vasa aurea, at genteaque gemmis distincta, pædag. c. 3. operum publicorum insanas substructiones, lautam & pretiosam supellestilem, verbō, quidquid luxūs, & magnificentiæ, Romanorum immensæ opes in Occidentem

tem invexerant, id omne Christiani excelsō animō despiciebant. Universa res familiaris, quam in conclavi S. Domnæ, nobilis, & copiosæ Virginis Nicomediensis gentilis Præfectus invenit, erant duæ sto- Act. SS.  
Mart.  
Nicom.  
reæ in nudo solo stratæ - - - fictile præterea ihu-  
ribulum, & lucerna, & lignea arcula, in qua re- apud  
Baron.  
posuerat sacram oblationem ; præterea Divinæ A. 293.  
n. 2.  
Crucis figuram, & librum sacrosanctum, nimi-  
rum Apostolorum Deo gratas actiones, id est,  
Acta Apostolorum. In cultu etiam corporis modum Christiani tenebant : mundum muliebrem, & vestimenta exquisitè concinnata, colores nimirùm vividos, pannos subtiliores, præsertim bombycinos, auro ipsi tum temporis suppares, balneorum plūs æquō frequentem usum, putidam, & puerilem in crispandis capillis, in reliquo pingendo, ungendōque corpore diligentiam, denique quidquid tenueros, parūmque castos amores provocare posset, longè à se amandabant. Sanè inter primas conversionis S. Cypriani notas Prudentius eam recenset, quòd deposito suī ornandi studiō habitum exteriorem mutaverit,

Jámque figura alia est, quam quæ fuit oris Peri.  
Steph.  
& nitoris,

Exiuitur tenui vultus cute; transit in severam: bym. de  
S. Cy-  
Destina cæsaries compescitur ad breves capillos. prian, M.

Huc

Huc etiam spectat S. Martyris Torquati præclara vox, & hoc loco ex Actis SS. Sebastiani, & Sociorum ipsius commemoranda. Is, ut Torquatum Apostamat, qui pro Christiano sese venditabat Judici, manifestæ imposturæ convinceret, talibus Judicem affatus est: *Credisne vir illustrissime, hunc esse Christianum, qui in sui lenocinio moliendo capitis fimbrias admittit, qui tonsorem diligit, qui scapulis molliter gestit - - - qui neglectis viris, fœminas curiosius intuetur? nunquam tales pestes Christus dignatus est habere servos suos.* Veri igitur Christi servi severitatem quandam, siue negligentiam, vel certè simplicitatem, & gravitatem in tota exterioris hominis compositione praeferebant. Lusuum, & oblectationum per pauca erant genera, quibus vacare, ac frui Christianis liceret. Theatrorum, Amphitheatri, ac Circi spectacula fugiebant omnia. In Theatris Tragædiæ, & Comœdiæ, in Amphitheatro gladiorum inter se, hominumve cum bestiis commissæ pugnæ, in Circo denique currulia certamina spectabantur. Omnes hi ludi falsæ, & idololatricæ Religionis pars quædam erant, & vel ideo apti ad arcendos inde Christianos, qui eos ludos præterea detestabantur, tanquam bonis moribus infestissimos. Et erant protectò Theatra impudicitiæ, Amphitheatra verò crudeli-

*Constit.**Apost. I.**z. c. 62.**Tertull.**spec.**Cypria.**Epist. 2.*

delitatis quædam quasi scholæ; imò cupiditatum, pravarūmque affectionum omne genus his veluti pabulis nutriebatur. Ipsius adeo Circi spectacula, quæ minimè omnium insidiari probis moribus videbantur, mirum, in quas reprehensiones apud SS. Patres incurrerint, propter factionum diversa studia, quæ spectatorum animos nunquam non ad furiosam animositatem, persæpè etiam ad cruenta certamina concitabant. Ad hæc in iisdem ludis jure merito Patres damnabant sumptuum profusionem, otii materiem, hominūmque utriusque sexū promiscuos concursus, & in vivendo, colloquendóque inter se periculosa nimis libertatem,

Horrebant præterea Christiani aleas, tesseras, & quoscunque ludentium abacos, qui si non graviora vitia, certè otium inter vitia minimè levissimum fovent, ac nutritunt. Ad hæc effusos cachinnos, gestus & verba ad ciendum risum composta, fabellarum narrationes, comicos fables & facetias, multoque magis, quidquid in gestu petulans, & in sermone procax, parūmque castum esset, cane pejus, & angue fugiebant. Nihil in omni vita sua ne indecens quidem, nihil humile, abjectum, & ingenuo virō minis dignum patiebantur: procul erant otiosi, atque inficiet sermones

*August.**6. Con-**fes. c. 7.**Ctem. 3.**Peda-**gog. II.**Cypr.**de oper.**¶ Elec-**mos.**Clem.**Alex. 3.**Pædagog.**c. 11.**Ambros.**t. 1. vit.**Constit.**Apost.**s. c. 9.*

*Epbes. 5.  
v. 4.* mones , sive ut Apostolus ait : *multilo-*  
*quium, & scurrillitas , quæ ad rem non pertinent ,*  
*familiaria nimiūm infimæ plebi , & loqua-*  
*cibus mulierculis vitia ; Sermo omnis ex*  
*Coloss. Apostoli præcepto in gratia sale conditus e-*  
*4. v. 6. rat ; utque omnium linguæ vitiorum fon-*  
*tem obstruerent , silentiō nihil antiquius ,*  
*magisque sibi commendatum habebant.*

Hujusmodi vitæ ratio nostræ ætatis Christianis haud dubiè nimis austera , & inamœna videbitur ; sed mirari eam definet , quisquis secum ipse reputaverit ,  
*Prov. 3. quām severè Divinæ Literæ genus omne*  
*v. 34. illiberalium jocorum insectentur , quām-*  
*c. 9. v. que plena decoris & gravitatis , Christi , &*  
*7. Sc. Discipulorum ipsius vita fuerit. Acced-*  
*dit , quod recensita haetenus animorum*  
*oblectamenta nec periculō , nec culpâ va-*  
*cant ; Christianos autem fas est , recrea-*  
*tionibus etiam minimè malis , aut pericu-*  
*losis moderatè uti. Certè vita nostra in*  
*eo unicè versari , exigique tota debet , ut*  
*& commissa peccata rite expiemus , &*  
*alioqui committenda præpediamus , id*  
*quod consequimur , pravis animi cupidi-*  
*tatibus edomitis , atque compressis. Ut*  
*enim à seipso pœnas ex ordine sumat , qui*  
*voluptatibus ad illicita abusus fuit , ante*  
*omnia licitis etiam & permisissis private se*  
*debet ; neque ad restinguendam , vel cer-*  
*tè sopiendam concupiscentiæ flammam*  
*quid-*

quidquam ita valet, quam fomentorum, & pabuli, quanta maxima fieri potest, subtractio. Imò alienum à perfecti Christiani moribus est, dedità operâ delicias, & commoditates corporis consecrari; quæ verò à vitæ mortalis usu abesse prorsus nequeunt, cujusmodi sunt cibi, & quietis capiendæ necessitas, ea non nisi obiter & veluti aliud agendo, attingere oportet. Cæterùm ubi recreationis aliquid nonnunquam admittere convenit, curandum est, ut vera sit ea recreatio, hoc est, talis, quæ cessationem à labore, animique remissionem afferat; neque alio fine illâ fruendum, quam ut natura refocilletur, quæ corporis & mentis nunquam intermissâ contentione citò frangitur, onerique suecumbit. Cæterùm gaudere velle tantummodo, ut gaudeas, inque sensu ipso quantumvis honestæ voluptatis conquiescere, quam plurimùm abhorret ab obligatione renuntiandi sibimetipsi; quæ tamen res virtutum Christianarum veluti anima est.

Ipsæ adeo hæreses primorum temporum perspicuum faciunt, quam severa Christianorum vivendi disciplina tunc esset. Eæ maximam partem ex immoderato amore pœnarum, odioque proprii corporis pullulârunt. Marcionistæ primū, deinde Manichæi carnem malam esse, ma-

loque

lóque ortam principiō dicebant , eáque propter nefas esse , carnibus vesci , libero- rum procreationi operam dare , aut corporum anastasin expēctare. Corporum iste contemptus , & abstinentiæ , conti- nentiæque amor , admodūm in speciem il- lustria videbantur ; ac proinde nihil hu- jusmodi erroribus fingi tunc speciosius poterat. Montanistæ non contenti Ec- clesiasticis jejuniis , alia complura insuper addebant : secundas etiam nuptias damna- bant : Semel in crimen lapsos , ad pœni- tentiam non admittebant ampliùs , sique enorme illud crimen esset , atque à Baptis- mo commissum , negabant ejus condo- nandi potestatem penes Ecclesiam esse. Qui similia istis dogmata uostrō ævō in vulgus jactare auderet , næ is perpaucos , imò verò nullos sectatores inveniret.

Quantumvis autem severa nobis , & in- amabilis ea Christianorum vita fortasse vi- deatur , tristitiae tamen , & mœroris aliquā nube obductam fuisse , nemo sibi persua- deat. Profectò nihil factu non possibile Apostolus jubet , cùm Christianos gaudie- re , iterum atque iterum jubet. Si volu- ptatibus , quibus hominum pars potior tam avidè inhiat , ultrò se privabant Fideles ; simul etiam mille molestiis , pravisque cu- piditatibus fese liberabant , quibus volu- ptatum amatores cruciari solent ac discerpi.

Vacui

*ad Phil.*  
3. v. 1.  
*Eccl. 4.*  
v. 4.

Vacui enim ab ambitione, avaritiâ, & rerum caducarum amore, fruebantur pace ac testimonio bonæ conscientiæ, suisque actionibus, quibus Deo placere unicè studabant, præsentem veluti fructum perpetui gaudii decerpebant. Sed tamen nihil eorum animos magis erigebat & solabatur, quam melioris & æternæ vitæ, quam propediem ad futuram credebant, spes & expectatio. Noverant enim, citò nimis præterire figuram hujus mundi, & persecutionum in se concitatas procellas tanquam extremi judicii prævia signa excipiebant.

Nec prolium ipsos, nepotūmve cura multum sollicitos habebat. Si forte, quod persecutionum tempore non raro usuviebat, martyriô coronati Parentes, ante liberos vitâ excederent, non ignorabant superstitem esse, ac semper fore optimam matrem, Ecclesiam videlicet, quæ suum orphanis amorem nulla in re unquam deesse patiatur. Inde factum est, ut complures Christianorum in diem viverent, sive manuum labore, sive certis redditibus, quorum usum cum pauperibus divisum opulentiores habebant, vitam tolerantes, procul negotiis, procul anxietudine, atque ab omni non solum turpis, aut suspecti lucri cupiditate, sed à desiderio etiam cumulandarum opum longissimè remoti. Siqui forte Christianorum, quo tempore bre-

ves veluti induciæ à Tyrannis dabantur, fundos, & possessiones coëmerent, vehementer in eam rem tanquam Christiano<sup>m</sup> Cyprian. indignissimam Patres invehebantur. Et mi- de lapfis. ramur adhuc, homines toto mundo superiores parùm affici sensuum, & corporum lenociniis potuisse? profectò degenères Christiani sumus, nisi imitandi eos sincerò saltem desideriò accendamur,

## CAPUT IX.

### *Connubia Christianorum.*

Tacit.  
Annal. 3.  
v. tit.  
Cod. de  
infirm.  
pœn. cap.  
dib.  
Baron.  
anno 57.  
n. 44.  
Sc.  
Tertul. 2.  
ad Ux.  
s. 6.

**E**tsi à terrenorum omnium amore absti- stracti essent Christiani, matrimoniis tamen maximam partem juncti erant. Non probabatur ipsis Gentilium cælibatus, in quo isti licentiæ majoris, vagæque libidinis causâ manebant; cui proinde statui pellendo, abrogandoque, civiles etiam leges constitutæ fuerant, partim pœnis adversùs cœlibes intentatis, partim propositis præmiis, qui ad augendum civium numerum legitima inirent matrimonia. Duos solum status Christiani agnoscebant, matrimonii alterum, alterum perfectæ continentiae; nec de- erant, qui utrumque conjungere didicis- sent; nam conjugatorum non pauci virgi- nes usque permanserunt. Cæteri omnes à conjugii usu temperabant Festis qui- bus-

busque celebrioribus, & jejunii tempore;  
demum ex Apostoli consilio, quoties li- <sup>1. Cor. 7.</sup>  
berius vacare communicationi cum Deo <sup>v. 5.</sup>  
animus erat.

Secundas nuptias mollis, fractique ani-  
mi argumentum esse usque adeo reputa-  
bant, ut nonnullis in locis ecclesiasticæ  
poenæ decretæ essent, iterum nubentibus  
subeundæ. Tantus amor continentiae non  
impediebat, quod minùs matrimonio suus  
apud Fideles honos constaret, qui illud <sup>V. orat.</sup>  
interiore mentis oculō suspiciebant, tan-  
quam *Sacramentum magnum*, & imaginem <sup>in bene-  
dict.</sup>  
<sup>spons.</sup>  
intimæ conjunctionis JESU Christi cum Ec-  
clesia sua. Facultatem porrò generandæ <sup>Clem.</sup>  
prolis, benedictionem esse credebant, à <sup>Alex. 2.</sup>  
Creatore ipso etiam post peccatum & pec-  
cati poenas Mortalium generi reliqtam. Ad <sup>Pæd. 6.</sup>  
<sup>20.</sup>  
hæc parentes reverebantur, ut qui singu-  
lari quadam ratione Dei referrent imagi-  
nem, eò quod Creatoris in producendis  
hominibus veluti quidam ministri essent.

Inter præcepta bonæ educationis illud <sup>Constit.</sup>  
etiam erat, ut tempore ad conjuginm maturo, <sup>Apost. l.</sup>  
matrimonio liberi conjungerentur, ne in ipso flo- <sup>4. Co 10.</sup>  
re, ætate fervescente, luxuriæ se dedant.  
Idem commendabatur Christianis, qui  
Pro sua charitate pupillos enutriebant,  
utque eos uni suorum liberorum potius,  
quam alteri extraneo, nuptui collocarent,  
admonebantur. Ex quo videre licet,

quām parūm in procurandis Fidelium con-  
 nubiis avaritia , & ambitio in consilium  
 adhiberentur. Imò Episcopus præcipue  
 consulebatur , cùm de matrimonio agere-  
 tur , magni utique momenti negotio , ut  
 Ep. ad secundūm Deum , non secundūm concupiscentiam  
 Polyc. iniretur , quemadmodum S. Ignatius lo-  
 Tertull. quitur. Decretō semel matrimonio nu-  
 2. ad Ux. in ptiæ ipsæ publico & solenni ritu in Eccle-  
 fine. sia celebrabantur , Pastore ipsas benedi-  
 Clem. cente , & divini oblatione sacrificii confir-  
 Alex. mante. Dexteras mutuò jungabant novi  
 l. 3. conjuges , & sponsæ sponsus annulum do-  
 Pedag. nabat , cui crucis signum , vel aliud quod-  
 c. 11. dam virtutis symbolum , ut columbæ , an-  
 choræ , aut piscis imago insculpta erat.  
 His annulis more Veterum Christiani pro  
 sigillo uti solebant.

## CAPUT X.

### *Concordia Christianorum.*

**H**Actenus de moribus Christianorum  
 separatim viventium : nunc de eo-  
 rum cœtibus agendum est. Eccl-  
 esiae nomen Græci suis in civitatibus pro  
 congregatione populi accipiebant , quæ in  
 theatris ad publica tractanda negotia ha-  
 beri ferè solebat. Profanæ hujusmodi Ec-  
 cl. 19. chesiæ , sive congregationis Ephesiorum ,  
 v. 31. mentio fit in Actis Apostolorum . Chri-  
 stia-

stianorum verò quævis congregatio , sive Ecclesia , ut à cæteris distingueretur , Ecclesia Dei appellabatur . Utriusque generis Ecclesiæ Origenes , contra Celsum disputans , <sup>Cont.</sup> inter se se confert , & tāquam rem omnibus exploratam defendit , etiam remissiores , minūsque ferventes Christianos , qui tamen reliquorum comparatione per pauci erant , tantum præstare cæteris hominibus , meritò ut ipsorum Ecclesiæ <sup>to</sup> cœdem astra lucidissima nominari possint . Itaque singulis in civitatibus Christiani in unum quasi corpus colligebantur . Quæ res inter præcipuas ipsos exagitandi causas ab Ethnicis prætendebatur . Illiciti enim hu- <sup>Tertull.</sup> jusmodi conventus habebantur , quod eos <sup>Apol.</sup> nulla lex civilis , & politica confirmaret . <sup>c. 29.</sup> Imò criminī vertebatur Christianis mutua unio , quæ solâ virtute charitatis coaluerat , & animorum inter eos conjunctio coniunctionis notam subibat .

Quotquot eadem in civitate , aliōve loco degebant Fideles , probè se omnes inter se se nōrānt , si non aliunde , certè ex quotidiano ferè usu , multāque consuetudine , cùm ad preces , aliāque religionis exercitiā convenire omnes solerent . Aliàs quoque cœtus sæpe agebant , utì locō , ità sententiis conjunctissimi , etiam in rebus naturā suā indifferentibus . Communia ipsis gaudia , communis tristitia erat ; si quid à Deo

beneficii, gratiæque singularis uni concessum esset, id omnes tanquam sibi exhibatum accipiebant; si noxarum pœna uni suscipienda, misericordiam omnes implorabant; dixisses sanguine junctos inter se omnes, adeo usitata illis, cum alii alios mutuo compellarent, nunc Patrum, & filiorum, nunc fratrum, ac sororum, pro ætatis ac sexus discrimine, vocabula erant.

Hanc animorum concordiam fovebat Patrum familias in suos auctoritas, & Fidelium erga Presbyteros, & Episcopos submissio, tantopere à Sancto Ignatio suis in epistolis commendata. Præcipue tamen Episcoporum mira erat consensio; operam ipsi dabant, ut nomine saltem & famâ inter se noti essent, literarum ad hoc commercio diligenter utentes, id quod tunc temporis factu proclive erat, Imperio Romano in immensum patente, cuius tantam amplitudinem ad propagandum maximè Evangelium suum Deus permisisse videtur. Imò cum longè amplioribus Ecclesia Dei, quam ipsum Imperium Romanorum, finibus contineretur, multò etiam admirabilior fuit tot inter, tamque varias gentes fidei, & morum æqualis ratio, quam, morum barbarie correctâ, Christi fides in animos suorum Sectatorum induxerat. Denique universa Ecclesia, quanta quanta erat, verissimè unum dunt taxat

*Barde-  
san. ap.  
Euseb. 6.  
præp. c. 8.*

taxat corpus erat, cuius omnia membra non modò fidei, sed charitatis etiam arctissimō vinculō copulata, inter se cohærebat.

## CAPUT XI.

### *Christianorum Cœtus, & Liturgia.*

**C**onveniebant Fideles Dominico quoque die, quem à Sole Ethnici nominant, & Christiani ob memoriam conditæ lucis, & Christi gloriosæ Resurrectionis nunquam non honore prosecuti sunt. Locus, ubi conventus isti celebrabantur, erat privata domus, in cuius superiore parte Aula esset, quam Latini *Cenaculum* nominant. Sæpè sæpiùs Tyrannorum vexatione compulsi Fideles, extra civitates abdere se in cryptas & cæca antra debebant, cuiusmodi adhuc Romæ *Baroni* supersunt dignæ visu Catacumbæ. Si plurimum libertatis daretur, ad publica loca confluebant, ubi Christianorum Ecclesiæ esse, passim constabat. Cujus rei exempla suppetunt sub Imperio Alexandri, & Gordiani Cæsarum. Neque aliter quam dirutis ejusmodi ædificiis, tanquam dæmō signō bellum à Diocletiano in Christianos moveri cœptum est.

In his cœtibus præter statas diurnas, nocturnasque preces, à Sacerdotibus, qui-

An. 57.

n. 99.

Item

An. 124.

n. 3.

An. 245.

Euseb.

An. 302.

Hist. l. 8.

c. 30.

bus solis ea potestas data est , sacrificium ritè fiebat , quod vocabulis in Novo Testamento usitatis ac receptis nominari solebat *Cœna* , *Fraðio panis* , *Oblatio* , *Synaxis* , sive *Collecta* , *Dominicum* , *Eucharistia* , sive *Gratiarum actio* , *Liturgia* denique , sive publicum ministerium . Interdum Gentilium urgente metu , summō manē res divina peragebatur , ne interpellari , turbarīe ab hostibus posset . Unicum tantū in quavis Ecclesia , seu Dioceesi sacrificium Deo offerebatur , idque vel ab Episcopo , vel à Sacerdotum aliquo , si Episcopus abesset . Attamen sacrificanti Episcopo Presbyteri aderant semper , & unā cum eo offerebant . Varius erat pro temporum & locorum varietate Liturgiæ usus , ritibus aliquot per se minime necessariis , nunc additis , nunc detractis ; summa tamen rei eadem ubique , ac semper fuit . Juvat hic recensere , quæ in istam rem inde à primis Ecclesiæ temporibus memoriae prodita sunt .

*S. Just.  
Apolog.  
in fin.*

Nonnullis precibus præmissis , è Vetere primū , deinde Novo Testamento aliquid recitabatur ; postrema lectio semper ex Evangelio petenda erat ; quod Episcopus continuò exponebat , exhortatione , quæ maximè è re foret audientium , subiectâ . Subinde ad Orientem conversi omnes , manibus in cælum sublatis , preces ordi-

ordine fundebant pro quibuscumque hominum generibus, pro Christianis, & Gentilibus, pro summis, & imis, præcipue verò pro ægrotis, calamitosis, & Christi causâ quidpiam perferentibus. Diaconus *Cyprian.*  
ad comprecandum reliquos cohortabatur: *Epist. 63.*  
tum Sacerdos in preces præibat, populo consentiente, cùm *Amen* responderet. Secundūm ista Panis, & vinum aquā modicē permixtum offerebantur, tanquam sacrificii futuri materia. Qui aderant, viri viris, & fœminæ fœminis mutua pacis oscula figebant ad perfectæ concordiæ publicam significationem. Mox sua fini *S. Cypr.*  
guli dona Sacerdoti offerebant, & Sacerdos *de orat.*  
omnium verbis Deo illa sacrabat. Tum denique ad actum sacrificandi propius ventum est. Sacrificans admonitis præsentibus, ut ad Deum corda erigerent, ut Deo gratias agerent, ejusque majestatem cum Angelorum, omniūque beatorum Spirituum choris demissè adorarent; *S. Just.* cætera persequebatur usque ad institutio-  
nis Eucharistiæ narrationem, & formulæ consecratoriæ pronunciationem. Hanc Dominica precatio excipiebat, communiter recitari solita. Ad extremum Sacerdos sacrâ communione sumptâ, eandem Diaconorum ministeriō universis, qui sacrificio intererant, impertiebatur; qui verò interesse non poterant, iis à Diaconis, vel Aco-

lythis domum deferebatur. Semper etiam pro viatico aliquid reservabatur, quô ad ineundum longum iter æternitatis morientes munirentur. Licebat etiam Fidelibus <sup>Tertull.</sup> secum ferre Eucharistiam, eamque mane <sup>1. ad Ux.</sup> c. 50. jejunos accipere quot diebus, vel certè imminente vita periculo, aut cum ad Martyrium comparare se vellent. Neque enim per ea tempora integrum erat, populo quotidie congregatô, sacris operari.   
**Cyprian.** Solæ tamen panis sacræ species aliò asportabantur, etsi præter parvulos, quibus vieni duntaxat consecratæ species modicâ quantitate instillabantur, adulti omnes, qui aderant, sub utraque specie ut plurimum Sacramenti participes fierent. Sumptô hoc divinô cibo primis Ecclesiæ temporibus eodem in cœnaculo epulæ communes apponebantur, quas Agapen vocari, suprà commemoratum est. Progradientे verò die, solis viduis & pauperibus cibi aliquid dabatur. Ex eo convivio Pastori, quamvis non adesset, primitiæ ciborum seponebantur. Ad hæc duplicita portio Presbyteris, & Diaconis, unica solùm Lectoribus, Cantoribus, & Ostiaris præscripta erat.

## CAPUT XII.

## Occultatio Mysteriorum Fidei.

**P**Ræter Eucharistiam, de qua superiore capite, iisdem in Congregationibus reliqua etiam Sacra menta, quoad fieri poterat, dispensabantur, Gentilibus eam ob causam sollicitâ curâ inde exclusis. Studiosè nimirum Redemptoris nostri præceptum Christiani observabant, prohibentis dare sanctum canibus, & Matth. multere margarias ante porcos. Eandem ob 7. v. 5. causam Novæ Legis Sacra menta alio vocabulo *Mysteria*, id est, *Arcana* nominabantur, quæ Christiani non tantum Ethnicos, verùm etiam Catechumenos celatum ibant; nec solum ea frequentare illis inspectantibus verebantur, sed etiam, quid clam ipsis fieret, referre, aut solennes Sacramentorum formulas coram enunciare, religioni ducebant sibi; multò etiam minus editis libris publicare mysteria audebant. Si qua interdum necessitas urgeret, sive pro concione ad populum, sive scripto edito, quod facile ad profanas manus distrahi posset, de Eucharistia, alióve Mysterio differendi, verborum involucris, & ænigmaticis locutionibus omnia tegebantur. Sic in novo Testamento, frangere pa- AB. 2. nem, idem sonabat, quod conficere, & di- v. 42. stribuere Eucharistiam, phrasi ab Ethnicis & Galibi, nun-

nunquam intelligendâ. Mos iste plura etiam sæcula tenuit, postquam asserta jam in libertatem Ecclesia Dei fuit.

Minimè verò novum & insolens videri Gentilibus poterat istud Christianorum in celandis fidei arcanis studium; quandoquidem ipsi etiam Gentiles in profanis suis ceremoniis idem observabant. Qui ad Isidis, Osiris, Cereris Eleusinæ, ac Cybeles curanda sacra initiantur, ad eadem clàm aliis tenenda, summâ religione, & Diutarum omnium proposito metu obligatos se se credebant, & si quid aliquando prudenter, pro impiis & sceleratis habebantur. Exemplum ejus rei perspicuum Apulejus affert, & Herodotus de diversis ritibus religionis Ægyptiorum, aliarumque Gentium agens, saepè, ait, rei quidem rationem haud se ignorare, sed in medium proferre non audere.

Apul.  
Asin.  
l. 11.

## OBSERVATIO AD HOC CAPUT.

Magni momenti argumentum est in isto capite ceteroquin brevi pertractatum. De eo Schelstratius singularem dissertationem instituit, Romæ typis vulgataam, quam inscripsit: De Disciplina Arcani; èò autem doctrina hæc, de occultatione rituum, ac dogmatum nostræ fidei spectat, ut & complures Patrum, de Sacramentis præcipue obscurè loquentium sentientæ, quas Heterodoxi

con-

contra nos afferunt, commodè, ac genuinè exponantur, & solida ratio afferatur, cur primis Ecclesiae seculis nulli Tractatus de septem Ecclesiae Sacramentis conscripti fuerint. Dicunt quidem Protestantes, antiquiores Patres à Commentariis de septem Sacramentis abstinuisse, eò quod numerum illorum Sacramentorum non admiserint. Verum id ex Orientalis Schismaticæ, & Occidentalis Orthodoxæ Ecclesie hac super re consensione facile refellitur. Neque enim Orientales Schismatici cum Orthodoxis Latinis in unam cœdémque sententiam ab octingentis annis & amplius conspirassent, nisi illam à Majoribus accepissent. Alia itaque ratio quærenda est: nimirum cùm Tractatus de septem Sacramentis eduntur, necesse est eorum ritus exponere, materiam & formam, quibus conficiuntur, determinare, dogma ipsum de omnibus ad Sacramentorum consecrationem, & ministrationem spectantibus diserte proferre; quæ tamen omnia vetus Ecclesiae disciplina auribus, & oculis non modò Genitium ac Iudeorum, verum etiam Catechumenorum religiosè occultabat, ne, quod prudenter metui debebat, mysteria ipsâ sui evulgatione profanarentur. Contrà verò postquam sexto Ecclesiae seculo, fide Christianâ longè latèque jam propagatâ, & constabilitâ, metus iste, ac mos cessasset, frequens Sacramentorum mentio apud Græcos, & Latinos postmodùm facta est: ita ferme ad verbum Antonius Pagius in Crit-

*ca ad Annum Christi 118. num. IV. &c. ex  
Schelstratio supra laudato.*

## CAPUT XIII.

*Odiorum in Christianos causæ.*

**S**Æpè tamen hæc ipsa Mysteriorum occultatio ansam Gentilibus præbuit, criminandi Fideles; frequenter enim vitii, quām virtutis amore latetras homines queruntur. Aliunde vero nota res, & apud omnes pervulgata erat, quām plurima Mysteria, quæ aliis in religionibus studiosissimè celarentur, eadem omnium maximè turpia, & infamiae plena esse; quemadmodum in ritu colendæ Cereris, & Cybeles, item in sacrificiis Bacchi usuveniebat, quæ prohiberi tandem propter multa, quæ ibidem crudeliter, & nefandum in morem fiebant, Senatus edicto

*Liv. 39. c. 9.* oportuit, anno ab Urbe condita quingen-  
tesimo sexagesimo octavo. Cum itaque præconceptis pridem sinistris opinionibus, male affecti erga Christianos Ethnici essent, nihil proclivius erat, quām ut in sacris Christianis, tantò studiò celari solitis, similia probra admitti suspicarentur. Augebant porrò suspicionem istam, Gnostico-

sticorum, Carpocratianorum, aliorumque <sup>Baron.</sup>  
hæreticorum flagitia, qui, cùm Christiano- <sup>An. 120.</sup>  
rum nomine censerentur omnes, tam in- <sup>num. 11.</sup>  
digna hoc nomine suis in conventiculis <sup>Epiph.</sup>  
perpetrabant, ut fidem superare prope- <sup>26. &</sup>  
modum videantur, quæ de hoc argumen- <sup>27.</sup>  
to Patres literis consignârunt. Nec de- <sup>Iren. l. 1.</sup>  
erant inter ipsos Catholicos perditii ho-  
mines, qui à vera religione desciscerent,  
seu animi levitate, & inconstantiâ abducti,  
seu expiandorum publicè criminum metu  
deterriti, seu tormentorum acerbitate tem-  
pore persecutionis fracti, & superati. Id  
genus homines, ut de infamia sacrilegæ de-  
fectionis, multitudini sese purgarent, par-  
tim nova in Christianos scelera commi-  
niscebantur, partim vulgô jam notas cri-  
minationes confirmabant ipsi, atque ex-  
aggerabant; quorum testimonia, ut qui  
nostra sacra intimè nōssent, pro indubita-  
tis admittebantur.

His Auctòribus fabula percrebuit, so-  
lere Christianos in nocturnis conventibus  
infantem occidere, cuius sanguine panem  
suum illinant; imò carnibus pueri assatis,  
& farinâ respersis vesci; quam calumniam  
ex Eucharistiæ Mysterio perperam intelle-  
cto natam fuisse, nemo non videt. Alia  
quoque de Christianis fabula narrabatur,  
nimirum sublatis mensis, in quibus cibô  
sese

*Minut.* fese immodicē ingurgitārint, objicere solitos frustum aliquod cani ad candelabrum alligato, qui prædæ captandæ aviditate prosiliens, candelabrum, à quo religatus erat, locō excussum, humili prosternat; tum verò candelâ, quam unam accensam tenuerant, extinctâ, tenebrisque invitibus, viros, fœminásque, quotquot adfissent, digna æternis tenebris flagitia patrare.

*Tertull.* Nihil equidem istis mendaciis exco  
*Apol.* gitari absurdius poterat; sed tamen credula in vitium turba fidem iis adhibuit, ut  
*c. 7. §. 9.* adeo necesse esset, accuratis ea confutationibus diluere. Nimirum ex quo in  
*Origene.* Bacchanaliorum festis, ducentos ante ea  
*cont.* tempora annos, horrenda quædam & infanda crimina detecta fuerant, passim existimatū est, nullum tam immane facinus esse, ad quod committendum homines, religionis veluti prætentō velō, induci se non patientur.

*Cels. 6.* Ad hæc multa alia in Christianos contumeliosè jactabantur: hominum genus id esse toti humano generi, ac Romanorum præcipue potestati infestum; delectari publicis calamitatibus, contrà verò secundis rerum successibus indolere; Romani denique Imperii eversionem votis omnibus expetete. Non alio ista fundamento nitebantur, quam quod multa Christiani de bonorum terrenorum fluxa & inani-

*Luc.*  
*Pbilop.*

con-

conditione, multa de Judicii extremi natura, mundique interitu passim dicerent. Fortasse etiam ipsorum nonnemo seu parum consulto, seu malâ fide quædam eorum narravit, quæ de castiganda Gentili Roma, deque Martyrum vindicando sanguine in Apocalypsi continentur. Ad ejusmodi confirmandas calumnias illud <sup>Tert. 2. 1. c. 35.</sup> etiam non parum momenti attulit, quod nihil publicæ hilaritatis Christiani cum Ethnicis commune vellent habere; quippe quorum profana gaudia sacrificiis, conviviis, & spectaculis constarent, impietate ac dissolutione plenis. Quin potius festos Gentilium dies Christiani in luctu, & pœnitentiâ transfigebant, consideratione innumerabilium peccatorum, quæ tunc committebantur; ex adverso quos dies Gentilium superstitione pro luctuosis, & nefastis habebat, eos Christiani potius materiam ducebant esse lætandi. Ipsas adeò nundinas Fideles devitabant, lusum ibidem usitorum odio; si qui tamen ad publicos mercatus sese conferrent, non alio fine id faciebant, quam ut necessaria coemerent, aut mancipium aliquod redimerent, ad veram fidem traducendum.

Denique ad vocandos in communem invidiam Christianos, illud plurimum valebat, quod Religionem profiterentur, quæ una cæteras omnes ad eam diem re-

ceptas, & stabilitas prohibet ac damnat. Nec quidquam proderat ipsis, palam asseverare, quod colant & adorent in spiritu Deum, Cœli terræque effectorem, eique precum suarum continua offerant sacrificia. Nimis enim peregrinus, & supra Idololatrarum captum is loquendi modus erat, sœpe Gentiles instabant, ut nomen Dei sui Christiani proferrent; cumque isti nec Simulacrum aliquod ex iis, quæ in fanis prostabant, ostendere possent, nec altaria flammis corusca, cruentative sacrificia haberent, pro Atheis passim traducebantur. Atque hæc populorum in Fideles odia mirum quantum fovebant, magisque inflammabant Augurum, Aruspicum, & quorumcunque Ariolorum turbæ; verbô, ii omnes, quibus quæstui erant capti superstitione animi. Huc ipsi falsa prodigia à se in speciem patrata, hue publicas calamitates, bella, inquam, morbos, sterilitatem agrorum, aliaque his similia, quæ subinde accidebant, spectare mentebantur. Horum malorum Auctores Christianos faciebant; utpote qui talia ab iratis Diis in eorum capita accerserent, qui invisam cœlo gentem adhuc vivere patiebantur. Existimant, Tertullianus aebat, omnis publicæ cladis, omnis popularis incommodi Christianos esse causam. Si Tyberis ascendit in mænia, si Nilus non ascendit in

*Arnob.  
init.*

*Tertull.  
c. 39. §  
alib. in  
Apolog.*

ARVA,

arva, si cœlum stetit, si terra mota est, si famæ, si lues; statim (conclamatur) Christianos ad leonem, id est: ad bestias pestes hominum condemnate.

Animis ità præoccupatis, ipsæ adeo Christianorum virtutes in deteriorem partem accipiebantur, inque argumentum vituperationis, & calumniarum detorqueri solebant. Odiosa nimirum erat mutua ipsorum dilectio: fratrū & sororū usitata inter ipsos vocabula, in sequiorem sensum explicabantur, eò maximè, quod illis vocabulis Gentiles re ipsâ abuterentur ad intemperantiam, & libidinem: eleemosynarum largitionem aliás interpretabantur esse occultam artem, pervertendi egentiores, & ad suas partes adjungendi; aliás verò à Præfulum avaritia proficisci ajebant, exhaustis privatorum hominum crumenis suas Ecclesias locupletantium. Ipsa miracula præstigiis diabolicis tribuebantur; & erant profectò tum temporis omnia præstigiatoribus, & circumforaneis plena, qui divinationum multiplici genere, fascinis etiam, characteribus, barbaris nominibus, & exoticis figuris iusi, pro vatidicis, & thaumaturgis vulgò sese venditabant, inq̄d mira, & stupenda sive occulto artificiō, sive Dæmonis ministeriō signa edebant, ut miraculo esse desinerent ipsa miracula, quæ passim vel audirentur, vel

ATA SS.

Hippol.

Ec. ap.

Baron.

An. 259.

n. 13.

Prudent.

Peristoph.

bym. de

S. Lau-

rentio.

oculis cernerentur. In tanta rerum perturbatione vera prodigia cum falsis confundebantur; & qui ea patrare dicebantur, ex æquo omnes contemptui erant. Regionum etiam indeoles errorem hunc agebat; nam impostorum illorum pars maxima ex Ægypti latebris, & Orientalibus provinciis emerserant.

Ipsæ quoque persecutiones in Christianos motæ, odiorum nova in eosdem flabella erant. Sceleratos esse nemo non judicabat, in quos tanquam sceleratos pasim animadverte omnes videbant; atque ex suppliciorum atrocitate, criminum magnitudinem quisque metiebatur. Omnes tanquam devota neci capita, pestesque hominum igne, & crucibus exscindendæ vulgo aspiciebantur; hoc ipsum significabant contumeliosa adversus Christianos excogitata cognomenta, cum eos nunc

Baron.  
Anno  
138. n.  
6.

Tertul.  
Apol. c.  
50.

Sueton.  
in Claud.  
num. 25.

*Biæthanatos* ( melius *Biothanatos* ) id est violentâ morte occubituros: nunc *Sarmenios*, & *Semaxios* nominabant; id est, ut Tertullianus explicat, homines, qui ad stipitem dimidii axis revincti, Sarmentorum ambitu exurendi essent. Has imperitæ plebis opiniones Suetonius, & Tacitus secuti sunt; ille de Claudio Imperatore scribit; *Judæos impulsore Christo assidue tumultum tuantes Româ expulit*; quasi verò Christus etiam tum in terris superstes, & cuiusdam

dam inter Judæos factionis caput fuisset. Idem inter res à Nerone laudabiliter, & præclarè gestas recenset, quòd affecti sup*Idem in*  
pliciis ab ipso fuerint Christiani, *genus ha-*  
*minum superstitionis novæ, ac maleficæ.* Por*Neron.*  
rò Tacitus ubi de incendio agit Urbis Ro*num. 16.*  
manæ, à Nerone per ludum, animique  
causâ excitato, testatur, eundem Impera*Tacit.*  
torem incendii Auctores insimulâsse ho*Auctor 15. An-*  
mînes, quos per flagitia invisos, vulgus Christia*nal.*  
nos appellabat. Tum ista subjungit: *qui Tiberio imperitante,*  
*per Procuratorem Pontium Pilatum suppliciō af-*  
*fectus est.* Repressaque in præsens exitialis su-  
persticio rursus erumpet non modò per Judæ-  
am, originem ejus mali, sed per Urbem etiam,  
quò cuncta undique atrocia, & pudenda con-  
fluunt, celebranturque. Igitur primò correpti,  
qui fatebantur; deinde indiciō eorum multitudo  
ingens haud perinde criminē incendiī, quam odio  
humanī generis convicti sunt. Hæc Tacitus,  
qui, ut paucis multa complectetur, Chri-  
stianos vocat sontes, & novissima exempla me-  
ritos.

Etiam cordatores Gentilium, quique  
res hominum paulò altius rimantur, non-  
nullas ab alienationum à Christianis cau-  
fas invenisse sibi videbantur. Isti enim par-  
tim Græci, partim Romani erant, soliti  
cæteras nationes familiari sibi fastu despic-  
cere, barbarosque appellare; præ cæteris

tamen Judæi superstitionis , & putidæ credulitatis notâ apud ipsos laborabant. *Cres-*  
*Horat. in dat Judeus Appella, non ego, dicebat Horat-*  
*Satyr.* tius, de re portentosa , & incredibili lo-  
quens. Præter hæc Sapientes isti audie-  
bant , esse inter Judæos , qui pro Filio Dei  
adorent hominem in crucem aëtum ; to-  
tiusque inter istos , & reliquos Judæos con-  
troversiæ caput in eo versari, utrum etiam  
post mortem suam homo ille viveret , at-  
que ipsorum verus, ac legitimus Rex esset ;  
quàm absurdum Gentilibus tale genus al-  
tercationis videretur, facile quisque existi-  
mârit. Animadvertebant etiam , novam  
hanc hominum sectam cæterorum odiis  
Judæorum usque adeo appeti , ut seditio-  
nes ab ipsis non raro in illos concitarentur ;  
quâ ex re nequiores haud dubiè aliis om-  
nibus esse , argumentabantur.

Audiebant insuper de Christianis refer-  
ri , ipsos ad persuadendum nec ratiocina-  
tionibus uti , nec petitis ab eloquentiæ ar-  
te præsidiis ; imò simpliciter ad creden-  
dum ea , quæ dicerent , alias hortari , nec  
nisi miraculis ostensis , ea , quæ narrabant ,  
confirmare solere ; homines etiam esse ut-  
plurimùm illiteratos , in Judæorum vol-  
vendis libris operam omnem collocare ,  
discipulos sibi querere , & instruere non  
alias ferè quàm indoctos , fœminas , déque  
infima plebe homines , eò quòd istos ma-  
gis

gis, quām sapientiores ad sua dogmata per- *Orig. in-*  
*cipienda idoneos existimarent; quæ omnia Cels.*  
 nimis quām nova, insolitāque auditu acci-  
 debant. Nulla enim apud Ethnicos ru-  
 dis populi institutio, nulla de Officiis, nisi  
 apud Philosophos tractatio usitata tunc *August.*  
*de vera*  
*erat, quorum disceptationes materiam Re-*  
*ligionis non attingebant. Denique, cùm *reliq.**  
*hæretici omnes communi Christianorum *initio.**  
 nomine appellarentur, toti Ecclesiæ tri-  
 bui solebat, quidquid aut Valentiniani,  
 aut his similes visorum cœlestium factores *Baron.*  
*An. 179.*  
*proferebant, quos S. Irenæus acriter im-*  
*pugnavit; horum inepta mendacia à Ca-*  
*tholicorum fana doctrina Gentiles mini-*  
*mè secernebant, eoque factum est, ut *num. 17.**  
*Christianismus universus nihil aliud vide-*  
*retur, quām hominum imperitorum, suæ-*  
*que opinioni obstinatè insistentium collu-*  
*vies.*

Pura quidem, & sanctissima erat Chri-  
 stianorum de moribus doctrina, nec vita  
 ipsorum à doctrina dissidebat. Sed abun-  
 dabant ea tempora Philosophis, qui vir-  
 tutem ipsi quoque profitebantur, aliósque  
 docebant. Complures etiam primis Ec-  
 clesiæ sæculis fuere, qui Christianos for-  
 tasse imitaturi, provincias obibant, gene- *Baron.*  
*An. 75.*  
*ris humani, si Superis placet, futuri re-*  
*formatores, cámque ob rem aspera quæ-*  
*dam, & adversa perpeti non dubitabant;* *Cels.*

hujusmodi erant Apollonius Tyanæus, Musonius, Damis, Epictetus, & nonnulli alii. Inde à pluribus retrò saeculis Philosophorum longè latèque celebres erat fama: nihil ab his ignoratum, nihil praetermissum fuisse in ipsorum libris, passim existimabatur; nec acciduci quisquam poterat, ut Pythagorā, Socrate, Platone, aut Zenone sapientiores esse Barbaros crederet; è contrario judicabant, homines, si quid isti sapientiae, & bonae institutionis haberent, id omne ipsos ab antiquis Sapientibus mutuatos esse.

Ex altera verò parte longè indulgentiores hominum genii Philosophi illi, quam Christiani erant. Complures enim eorum voluptatem non damnabant: non nulli beatitatem hominis in ea colloabant; omnes suis quemque opinionibus inhærere, suō arbitriō vivere patiebantur, contenti interim ridere inter se familiariter, & explodere alios, qui Philosophorum è Secta non essent. Illud verò studiosissime cavebant Sapientes isti, ne quid adversus religiones pridem introductas, usque longo firmatas, gravius, asperiisque loquerentur: imò aliqui eorum inceptissimas quasque fabulas Gentilium admittebant, & reconditis rerum significationibus plenas interpretari conabantur; alii in cognoscendo rerum omnium Principio

cipio pro se quidem ciaborabant ; superstitiones tamen illis hominibus relinquebant, qui per ingenii infirmitatem eniti ad sapientiam non poterant. Ipsi adeò Epicuræi, qui apertiùs , quam reliqui Philosophorum, popularem errorem de Deorum natura & cultu insectabantur, sacrificiis nihilominus interesse, & ritus cuiusque loci peculiares observare non dubitabant ; istorum è numero unus de se affirmat : *assiso Divinis.* In eo omnes conve-  
*Horat.*  
niebant , quòd mores hominum longâ die , & legum insuper authoritate roboratos impugnare non auderent.

Eó uisque stulta credulitas Ethnicorum processerat , ut non modò plures universim Deos , sed etiam singulis nationibus, civitatibus, familiis proprios esse putarent, qui nimis de commissis sibi locis speciatim solliciti essent , cultumque in iis locis singularem sibi exposcerent. Imò quamcunque Religionem saltem in loco , ubi jam pridem recepta fuerat, bonam esse homines credebant. Nec veteribus contenti infirmioris sexus homines , rudisque, & instabilis multitudo , in novas quotidie religiones propendebant , quòd existimarent , ut quisque plurimos Deos , ac Deas diversis ritibus veneraretur , ità maximè religiosum fore. Nihil à viris gravibus , & politicis intentatum relictum fuit, ut

hâc animorum repressâ levitate , novari quidquam in materia Religionis prohiberent ; peregrina in primis sacra damnabant, eâque in re politices totius versari summam Romani statuebant. Suis enim Tutelaribus Diis debere se Imperii tantam amplitudinem arbitrabantur , nec posse illos aliarum Gentium Diis non præstare , qui alias Gentes propè universas suæ ditio ni subjecissent ; cùmque processu temporis latè propagata , ac demum constabilita esset Christiana Religio , non deerant Gentiles , qui huic uni rei ruinam Romani Imperii adscriberent paulò pòst consecutam ; ut planè Augustinò opus esset , qui divinis illis libris de civitate Dei conscriptis , Ethnicorum calumnias obtereret , ac profligaret.

Nec magnopere mortis generoso contemptu , quem Christiani præfeferebant , Gentiles movebantur ; ut qui soliti erant spectare gladiatores , qui perexigui , imò nullius lucri propositâ spe , in amphitheatro animas temerè projicerent suas ; quotidiana insuper ante oculos versabantur funera hominum haud insimæ fortis , qui animi ægritudine levissimis ex causis contractâ , suis met manibus mortem sibi consiverant ; idem , jureconsultis testantibus , insanæ ostentationis causâ quidam Philosophorum fecerunt , quos inter Peregrinus

L. 6. §.  
7. ff. de  
injusto  
rump. &  
irr.

nus Lucianus memorabili exemplo est. Imò, cùm animadverterent Gentiles, Christianos spe melioris vitæ, præsentis vitæ commoditates, & delicias defugere, vehementer admirabantur, quî tandem fieri posset, ut violentas à se ipsis manus abstinerent. *Ne quis dicat*, ità S. Justinus, *Justin.* omnes igitur vobis ipsi mortem conciscite, & ad Apol. 1. Deum jam proficiscimini, nec nobis negotium *Initio.* ultrà faceſſite. Haud absimili modō Antoninus Asiæ Proconsul, ut vidit, magnô numerô, ac certatim offerre se ad mortem Christianos, in hujusmodi vo- *Tertull.* ces prorupit: *Ah miseri!* si certum est mori, *ad Scap.* præcipitia, & restes habetis. *c. ult.*

Itaque plebs æquè ac Magistratus, docti, & rudes, omnium denique ordinum homines communiter oderant Christianos. Alii eos tanquam impostores, impios, & sceleratos execrabantur; alii tanquam misanthropos, visorum nundinatores, simulatè Melancholicos, & per summam animi obstinationem in mortem præcipites deridebant. Ne alloquiō quidem cæterorum hominum digni habebantur, tamque altè infederant animis præconcepta de iis sinistra judicia, ut ad condemnandos illos præter Christiani nomen nullo alio examine opus esset: hoc unum nomen quantumlibet ipsorum laudes obscurabat, & familiaris Gentilibus ea vox erat, quam de

C. Sc-

Tertul.  
Apol. c.  
3.

C. Sejo nonnemo pronuntiavit: *Bonus vir,*  
*malus tantum, quod Christianus.*

## CAPUT XIV.

*Persecutiones, Judiciorum forma, & sup-*  
*plicia de Christianis sumpta.*

**E**X hoc tam communi odio mirum non est, concitatas in Christianos fuisse persecutiones; illud potius admirationem nonnullis moveat, potuisse Romanos, hominum genus ceteroqui à sapientia, & humanitate commendatum, in alios Romanos, vel certè in homines ratione præditos, tam dirum, ac propè ferum in modum desavire, id quod ex Actis Martyrum plùs nimiò elucet. Illud etiam mirum, & à consuetudine nostrorum temporum longè alienissimum erat, quod Judices, cum ipsi adessent, in foris, & compitis celebrioribus, inspectante populi universâ multitudine in Christianos animadverterint, eaque adhibuerint suppliciorum genera, quæ merè arbitraria, primùmque excogitata videri poterant.

Sed adnotare hic juvat Romanorum hac in re antiquum morem. Solebant isti actiones omnes judiciarias, seu capitales essent, seu civiles, sive cognoscenda solum Causa, sive post ejus cognitionem sententia proferenda foret, propalam, & in publico

blico hominum conventu exercere, quod  
in foro semper fiebat. Qui convenerant  
sub porticu Quæsitores, editiore in loco  
pro tribunali sedebant; hos lictorum, &  
militum manus circumstabant, illi fascibus  
& securibus, hi armis suis instructi, utri-  
que ad exhaurienda sine cunctatione judi- L. 6. §.  
cum mandata expediti; neque enim juris 2. ff. de  
solum dicendi, sed armorum etiam pote- pœn.  
tas penes Magistratum erat. Suæ cui- L. 9. §.  
que criminis à Legibus constitutæ pœnæ 10.  
erant, diversæ tamen pro personarum dif- L. 28.  
ferentia. Severius in mancipia, quam in Sc. ib.  
liberos, in exterios, quam in cives Roma-  
nos animadvertebatur. Eò factum, ut S.  
Paulus, quod Civis Romanus esset, capi-  
te plexus: S. Petrus, quod Judæus, in  
crucem æctus fuerit. Hoc supplicium  
maxime infame habebatur, & ut plurimum,  
qui illud subituri erant, eorum & terga  
prius virgis cædi, & latera candenti ferro,  
facibusque aduri solebant. Tormenta  
etiam publicè admovebantur, atrocia illa  
quidem, sed non aliis ferè, quam manci-  
piis, vilissimisque homuncionibus perti-  
mescenda. Ad hujusmodi quæstiones ma-  
xima ex parte referendi sunt SS. Martyrum  
acerbi cruciatus; nam extra ea tempora le-  
gibus Romanorum, uti nostra etiam ætate  
fit, prohibitum erat, cum reis, aut primùm  
de crimine postulatis, durius agere. Ita-  
que

Cicero  
Verr. 4.

Cicero  
Verr. ult.

*Tertull.* que eâdem ratione, quâ alii ad confiten-  
*Apol. c. 3.* da vera crimina, Christiani ad ejurandum  
 existimatū crimen suæ religionis adige-  
 bantur.

*L. 8. §. 4.* Infimi quique homines ad metalli fodi-  
*5. Ec. §.* nas, quemadmodum nostrō ævō ad trire-  
*11. ff. de pæn.* mes, damnari solebant; aliàs oblectandi  
 populi gratiâ in Amphitheatrum produc̄ti  
 bestiis objiciebantur; fortassis etiam certa  
 singulis in provinciis suppliciorum gene-  
 ra in usu erant, præter quæ nova inter-  
 dum contra Christianos excogitata fuisse,  
 præsertim ultiniis in persecutionibus, ne-  
 mo negaverit; neque enim existimò ex-  
 emplum aliquod suppetere, quô demon-  
 stretur, alias unquam personas, præter  
 Christianas virgines, in Lupanaria per vim  
 abduci, ac prostitui universis solitas fuisse.  
 Fecerat nimirum castitatis apud Christianos  
 insigne studium, ut novum hoc pœ-  
 narum genus contra ipsos Ethnici inveni-  
*Hier. in vita S. Paul.* rent. Tale enim illud erat, de quo S. Hiero-  
 nymus, Martyris cuiusdam tormentum,  
 quem supra mollem lectum amoeno in lo-  
 co alligatum inverecunda muliercula ad  
 flagitium sollicitavit, cui is præmorsam  
 suismet dentibus linguam, cùm alia tela  
 vibrare non posset, in perficitam frontem  
 expulit. Ad extreum plurimi Martyres  
 modis omnibus excarnificati, ac demum  
 occisi fuerunt, nullo legitimi judicij ser-

vato more, seditiosi tantummodo populi concursu, aut privatorum rabie inimicorum.

Cæterum persecutiones hunc ferè in modum cœptæ sunt. Promulgatō palam edictō, Christianorum conventus interdicebantur, certis in eos propositis pœnis, qui Diis sacrificare abnuerent. Eo veluti Cypr.  
Epist. 15.  
Sc. classico exciti Episcopi, datis ultrò citrō- que literis, de periculo alii alias certiores reddebat, atque ad congreginandas preces, populūmque in fide confirmandum mutuò sese cohortabantur. Nec mora: Mattb.  
10.v.23. Christianorum complures Redemptoris nostri consilium secuti, fugâ se subducere, Pastorum, & Sacerdotum alii in tutum etiam ipsi se recipere, alii commissi gregis amore in statione permanere. Pastores animarum, & Præfulcs præcipuā curâ abdere se cogebantur; eò quod persecutores his conquirendis maximè intenti essent, utpote quibus de medio sublati, grex totus facile dispergi posset. Quidam nomina sua permutabant; non nulli numeratâ pecuniâ redimebant periculum, & hoc ipsum erat in bonis priis aliquid pro Christo pati, eaque re Baron.  
An. 254.  
n. 10.  
V. Can.  
14. Petri  
Alex. To.  
1. Conc.  
Orig. in  
Cels. 8. Ethnicis Fideles demonstrabant, pluris se animas, quam fortunas suas facere. Non licebat per Ecclesiæ leges ultrò se aut ad Martyrium sistere, aut Gentiles, idolis eorum

corum dejectis, fanis incensis, superstitiōnibus publicē impugnatis, aut ullā re aliā de industria irritare. Non desunt quidem Exempla Martyrum, qui similia ausi fuere, maximē verò Christianos se esse, multi etiam non rogati, judicibus sponte suā denunciārunt; sed ista speciali gratiæ divinæ instinctu gesta fuere. De reliquo celebre illud Ecclesiæ placitum erat, Deum tentandum non esse; sed patienter unicuique, & modestè, dum comprehensus ab hostiis ad Judicem duceretur, præstolandum. Quā de re duæ inter se oppositæ hæreses vitandæ erant. Gnosti quidem, & Valentiniani Martyrium tanquam inutilē explodebant, propterea, quod Christus, ut nos à morte redimeret, mortem ipse jam perpessus fuerat; non animadvertebant videlicet, mortis genus, quod liberati à Christo sumus, animos, non corpora spectasse. Imò injuriam hæretici illi Deo inferri exantlatō Martyriō dictabant, nec Barón. verosimile videri, Deum, cùm jam pridem An. 146. sanguinem hircorum, & taurorum reje- num. 12. rit, humanum sanguinem probaturum esse. Contrà verò Marcionistæ, carnis, malique Principii, à quo productam carnem dicebant, odio incensi, periculis omnibus caput objectabant. Has ad regulas Item Anno 302. n. examinabatur accuratè mortuorum profide causa, ut Martyrum honores decerni

occī-

occisis tuto possent; eaque Canonizationum, ut nos vocamus, origo fuisse vindetur.

Comprehensi semel Fideles Judici si-stebantur, qui pro tribunali, ut supra dictum fuit, sedens, eos ritè interrogabat. Siqui Christianos se esse negarent, ut plurimùm dimittebantur, nullâ aliâ quam proprii ipsorum testimonii desideratâ probatione. Vulgo enim notum erat, veros Christianos fidem minimè negare; sique aliquando negarent, continuò Christianos esse desinere. Interdum tamen, qui fidem negabant, ad fidem aliis majorem faciendam, eo ipso in loco jubebantur, seu verbô, seu factô illudere. Sin verò Christianos se esse liberè pronunciabant, machinæ omnes admovebantur ad ipsorum labefactandam constantiam. Rationibus primùm, deinde pollicitationibus, tum minis, ac denique tormentis solicitabantur ad defectionem; fraudibus etiam, & dolis suis erat locus, ut saltem ab invitis, & imprudentibus actionem aliquam Gentiles elicerent, quæ speciem idolatriæ haberet, quâ commissâ Fideles existimarent, non posse se amplius pedem referre, & quæ facta jam essent, infecta reddere. Itaque cum in foro, locisque publicis, ubi judicia exercebantur, nunquam idola, & altaria decesserent; eò adductis Chri-

stianis Thus , & ardentes prunæ in manus imponebantur , quas supra aram extensas tenere per vim debebant , ut sic doloris sensu permoti , excussis supra aram pruniis , & thure , falsis Diis adolevisse videbantur : & erant , qui comburi manus malebant , quām scandali vel umbram pusil-

**Can. 14.** lis præbere. Alias ore diducto frustum **Petr. Ale-** carnis , aut vini guttae aliquot , quæ prius **xandr.** dæmonibus oblata erant , immittebantur ; **Tom.** verum probè nōrānt Christiani , non quod **Conc.** intrat in os , sed quod procedit de ore , & de **Mattb.** 15.v.11. corde exit , coquinare hominem .

**18.** Tormentorum consueta genera hæc ferme erant. Extensis supra equuleum corporibus , manus pedesque funibus ligabantur , qui funes trochleis hinc atque hinc inserti adduci in altum , & demitti poterant ; aliás manibus sublimè protensis , pedibusque ferri , aut lapidum pondere prægravatis , medii cœlum inter , & terram suspendebantur ; aliás virgis , fustibus , loris , scorpionibus , & plumbatis cædebantur. *Scorpiones* dicebantur flagella , quæ in ferreos aculeos desinebant ; Plumbatæ autem nominabantur scuticæ , quarum extimæ parti plumbea pila insuta erat. Hac verberum grandine complures oppressi , & extincti fuerunt. Alii porro facibus , & laminis ardentibus , alii uncis , & ferreis pectinibus foedum in mem

rem ita dilaniabantur, sœpè ut nudatæ carnibus costæ, & costis distractis, intestina ipsa prominenter; hoc etiam tormenti genere, in interiora grassante, non pauci exanimati sunt. Ad augendum doloris sensum sale, & acetô cruda vulnera interdum condiebantur, si que cicatricem ducere inciperent, infestis unguibus refricari solebant.

Inter hæc tormenta Christi Confessores perpetuis interrogationibus urgebantur. Quidquid sive Judex rogaret, sive interrogati responderent, à tabellionibus ad verbum excipiebatur, multò accuratiùs, quam à publicis Notariis in causis capitalibus hodie dum fieri soleat. Artem enim Veteres callebant, notis compendiariis scribendi, quarum singulæ, totidem voces, imò sententias integras referebant; hâc instructi, loquentes ipsos calami celeritate assequebantur; hâc de arte vide Baronium doctè disse-  
rentem, ubi etiam ex Martiale de No-  
tario Epigramma affert:

*Currant verba licet, manus est velocior illis;*

*Nondum lingua, suum dextra peregit opus.*

Verba ipsa, Dialogi in modum literis con-signabant, contrà quam nostri Scribæ as-solent, cum summatim, & veluti de ter-tia persona loquentes, ejusmodi causas in acta referunt,

V. Baron.

ad An.

238.n.2.

Sc.

Marte

1. 14.

Epigr.

179.

*Lib. Pon-* Codices isti *Acta* nominabantur, quo-  
*tif. in* rum Exempla Christiani sollicitè conqui-  
*Clem.* rebant, ut partim ex iis, partim ex cir-  
cumstantiis, quas ipsi suis oculis, auri-  
búsque accepissent, instrumenta publi-  
ca conficerent, quæ ad perennem me-  
moriā certaminū SS. Martyrum in Ec-  
clesia conservarentur. Id Romæ præ-  
fertim in more positum erat; & S. Cle-  
mens Papa septem Notarios Apostolicos  
delegerat, quorum singulis duæ urbis re-  
giones attributæ erant, ut res ibidem  
gestas scripto mandarent. Potissima pars  
eiusmodi Actorum in persecutione Dio-  
cletiani periit; etiam Epitome Eusebii  
Cæsariensis, qui eorum complura col-  
legerat, interiit. Nomina tamen illu-  
striorum Martyrum in Menologiis, &  
Martyrologiis conservata fuere, adno-  
tatis ibidem locis, ac diebus, in quibus  
coli quemlibet Martyrum, moris esset.  
His Martyrologiis progressu temporis alii  
Sancti, licet Martyres non essent, ad-  
juncti fuerunt.

In hujusmodi quæstionibus sæpè Chri-  
stiani ad complices denunciandos, & pro-  
ferendos sacros Codices compellebantur.  
Complicum nomine, cùm cæteri Christia-  
ni, tum maximè Episcopi, Presbyteri, &  
illorum individui comites, Diaconi intelli-  
gebantur. Diocletiani potissimum tem-  
pore

pore sacris Libris bellum ab Ethnicis indictum fuit, creditibus, certissimam viam abolendæ Christianæ fidei esse librorum illorum jacturam. Hos igitur libros Ethnici summò studiō indagabant, Ecclesiis etiam, ac privatis ædibus excussis; denique repertos flammis exurebant. Verùm hæc omnia Christiani perinde, ac suæ fidei mysteria, altissimis tenebris, ac silentiō involvabant; ne tamen nihil omnino ad quæsita responsi darent, nullo hominum nominato, præcisè dicebant, Deo Præceptore, & adjutore se in complectenda fide usos fuisse, Scripturas verò sacras pectori suo insculptas frustra alibi perquiri. *Traditores.* *Mart.* *Alutin.* *ap. Ba-*  
*res* appellabantur, quotquot aut divinos Codices, aut fratres suos, Pastorésque Ecclesiæ Gentilibus proderent. Demum paucula verba, quæ Christianis atrocissimi cruciatus interdum exprimebant, non alia erant, quam quæ Dei laudem, & misericordiæ, atque opis divinæ implorationem sonarent.

203. n.  
10.

## CAPUT XV.

*Cærcores Christianorum.*

**S**ecundùm eas interrogations, qui infide Christiana persistebant, ultimis suppliciis addicebantur. Sæpiùs tamen in carcerem denuò conjecti, morâ F 3 ipsâ

ipsâ temporis, & tormentorum iteratione ad nova certamina reservabantur. Quanquam ipsi carceres ejusmodi erant, ut pro tormenti novo genere haberi possent: nihil illis obscurius, nihil graveolentiūs; cō compingebantur JESU Christi Confessores, manibus, pedibūsque ferrō constrictis; lignō etiam ex collo suspensō, pedicisque injectis, aut cruribus divaricatis supini ja-

*Prud. Pe-* cebant, atque à se fēse mutuō se juncti. In-  
*riſteph.* terdum carceris solō, fictiliū vasorum ac  
*Hymn. 4.* vitri fragmentis consito, nuda corpora, pla-  
*de S. Vine.* gisque recentibūs hiantia imponebantur;  
*S alibi.* aliās plagis ipsis in ulcus degenerare, & computrescere permīssis, squallore, & in-  
 ediat conficiebantur; aliās ē contrario sol-  
 licite curabantur, reficiebanturque, ut ad  
 nova pœnarum genera superstites essent.  
 Ut plurimū nulli hominum, ac sāpē ne-  
 custodibus quidem loqui cum captivis li-  
 cebat; experimentō quippe Gentiles di-  
 dicerant, suorum multos à Christianis eo  
 in statu converti solitos esse. Demum

*Atha SS.* subinde carcerem intrare, & alloqui capti-  
*Perpetua* vos illi jubebantur, qui ipsis à sententia,  
*& Felici-* animique firmitate dimovere possent; ha-  
*tatis.* jusmodi erant parentes, liberi, conjuges,  
 quorum lacrymæ, & singultibūs interru-  
 ptæ perorationes, novum testamenti ge-  
 nus erant, multoque ipsis cruciatibūs pe-  
 riculosius.

Interea

Interea temporis Ecclesia Dei præcipuâ Tertull. curâ fovendos suscipiebat Sanctos in car- c. I. ad cere detentos, *de uberibus suis*, quemad- Mart. modum Tertullianus loquitur, ipsis mini- strans. Ad eos frequenter invisebant Dia- Conflit. coni, ut necessaria vitæ subsidia, solatiâ Apost. 5<sup>1</sup> que afferrent, atque internuntiorum partes c. 2. obirent. Alii quoque Fideles, siquidem Cyprian. integrum esset, ad eos accedere, conso- Epist. 11. lari, animos addere, felices illorum pœ- nas deprædicare, partem sibi illarum ali- quam expetere, oculari vincula, vulnera obligare, lectis, vestibûs, cibariis, omni- bus denique vitæ commoditatibus usquè adeò recreare, ut Tertullianus aliquando Tertul. 2. conquestus fuerit, lautè nimium, & delica- ad Ux. tè in custodiis vivi. Nec sumptibus ullis, c. 4. nec solertiæ parcebatur in juvandis capti- Idem de vis : si intrò penetrare aliter non licebat, jejun. c. 18. argentô aditum sibi Fideles aperiebant, nec verbis asperioribus, nec verberibus in- de submoveri se patiebantur ; noctes per- sœpè integras ante vestibulum carceris ex- cubabant, intenti in omnem occasionem, incredibili suæ charitati faciendi satîs. Ubi demum subeundi carceris facta copia erat, cum illi locum, tanquam præsentia tot San-ctorum veluti consecratam, Deoque dicata- tam venerati Ædem, precationibus ibi- Epist. 5. dem, atque adeò sacrosancto Missæ Sacri- 5<sup>9</sup>. ficio operam dabant, partim ad consolan-

dos Christi Confessores ; ne videlicet Corporis , & Sanguinis Christi præsidiō destituti , vitâ excederent ; partim suâmet causâ , ut nimirum Episcopi , aut Sacerdotis captivi operâ , divinæ Eucharistiæ participes fierent , illámque in suas quisque ædes deferre possent. In ejusmodi rerum articulo nihil non adhibebatur , quod ad propositum finem pietatis utrumque faceret. Fuere Episcopi , qui altari destituti , supra manus Diaconorum Christi Corpus conficerent ; & insignis ille Martyr S. Lucianus Antiochenus , cùm ferrò gravis , vinculisque impeditus , commovere se loco non posset , suomet pectore pro Altari usus fuit. Quanta porro exhortationum ,

*pud Ba-  
ron. An-  
no 311.  
Cypria.  
Epist. 10.  
11. § 12.*

quæ inter Divina ibidem fiebant , vis , & efficacia esset , facile quivis existimaverit. Universa Ecclesia Sanctos illos captivos , veluti demissâ cœlitus in vertices ipsorum coronâ jamjam insignes suspiciebat ; apud Episcopos etiam plurimū valuit ipsorum auctoritas , ad postulandam nonnullis veniam , qui suppliciorum acerbitate fracti , ad sacrilegos ritus defecerant ; adeoque ita invaluere istiusmodi deprecationes , ut modum illis poni , propter aliquorum in intercedendo nimiam facilitatem , necesse fuerit.

## CAPUT XVI.

*Cura sacrarum Reliquiarum. Item de  
Confessoribus.*

**N**ec solum ad carceres, verum etiam ad supplicii locum Christiani, vinclatos in Domino, intrepidè sequabantur per fora, & compita, immo extra portas urbis, ubi plerumque extrema de condemnatis sumi supplicia solebant. Sanè Martyrum quam plurimi, tormentis, seu naturali, seu divinâ virtute superatâ, capitâ amputatione vitam finierunt. Ad hoc spectaculum Fideles, ubi ubi ederetur, tumultim confluabant, ut precibus suis, & praesentiâ Martyres erigerent, animosque pro se quisque ipsorum exemplô majores sumerent. Sollicitè in primis manantem ex vulneribus cruentem linteolis spongiisque subjectis excipiebant, quem subinde in phalias collectum, propè ossa ipsorum in sepulchris conservabant. Constat ex Martyrologio Romano, septem pias fœminas, quæ distentô supra equuleum Di-  
Martyr.  
Rom. 3.  
Febr.vo Blasiô, sanguinis guttas collectum ibant, eam ob rem morte multatas fuisse; con-  
Paul.  
Diac. in  
vita.stat præterea, Sancti Cypriani abscisso capite, linteal à Christianis circumposita fuisse, quæ pretiosum sanguinem combinerent. Fidenter etiam, nec sine præsenti capitâ periculo, Martyrum corpora de-

**V. Atta** terra levabant, vel potius corporum col-  
**SS. Tha-** lectas reliquias; sæpè enim corporibus seu  
**racci Sc.** flammâ consumptis, seu bestiarum furore  
**An. 290.** Et **S. Bo-** discerptis, voratisque carnibus, præter os-  
**nifac. An.** fa & cineres reliquum erat omnino nihil.  
**505.** Nec impensarum habita est ratio, quò  
tam pretiosa lipsana, à lictoribus redem-  
pta, cum honore conderentur.

Incredibile dictu est, quantùm ea cura  
**Euseb.** in Reliquiarum inflammârit Gentilium furo-  
**Ep. Eccl.** rem, ad dissipanda, exterminandaque Mar-  
**Vienn.** tyrum cadavera, præsertim, quòd crede-  
**l. 5. c. 1.** rent, iis dispersis plurimùm imminutum  
iri spem resurrectionis. Sustentatis vos  
equidem, inquietabant ad Fideles Ethnici,  
blandâ spe, futurum aliquando, ut cor-  
pora vestra animis denuò conjungantur,  
intereaque foeminarum operâ, quas præsti-  
giis vestris fascinâstis, corpora contra ta-  
bem, & putredinem aromatis condienda,  
**AB. SS.** & sericô, auróque involvenda esse speratis.  
**Tbara.** Nos verò spes istas præclarè scilicet fove-  
**Sc. An.** bimus. Et sanè corpora Martyrum Genti-  
**290. n.** les modò bestiis devoranda objiciebant,  
**30.** modò cum gladiatorum, aut reorum cada-  
**Prudent.** veribus permiscebant; aliàs verò suspen-  
**Hynn. de** sis è collo prægrandibus saxis in aquas de-  
**S. Vinc.** mergebant; denique combustis interdum  
corporibus, cineres ipsos in aëra disper-  
gebant. Verùm nequicquam adhibita  
multiplex hæc cautela fuit, Martyrum Re-  
liquiis

liquiis partim Christianorum diligentia, partim Dei ipsius prodigiosâ ope maximum partem ab interitu vindicatis.

Reliqui captivi, qui supplicio mortis affecti non fuerunt, vel alio quocunque relegabantur, vel illo exili genere multabantur, quæ *Deportatio* à Romanis dicebatur, & mortem civilem afferre solebat. Amandabantur autem in insulas propè inhospitas, aut in barbaricas regiones Romano Imperio confines. Primi generis *Cyprian.* relegatio ad personas illustris conditionis *serm. ad Mart.* spectabat; deportatio verò ad inferioris notæ homines, qui ad opus faciendum, & præcipue ad fossorum labores condemnabantur. Isti publica erant mancipia, compedibus vinciti, ac victu, & vestitu pessimè instructi, verberibus sèpè etiam crudeliter accepti; verbô, damnatis ad tritemes calamitate, & ærumnis ut minimum patres. His etiam à Christianis peculiari charitate subventum est, alleviataque, quoad licebat, exilii molestiæ. Quotquot eo in statu vitâ defungebantur, inter Martyres numerabantur; qui verò exilio, aut servitute liberati, ad suos fese recipiebant, Confessorum inferebantur Albo. Nominis hæc prærogativa illis omnibus communis erat, qui propter fidem dura, & aspera pertulerant, vel certè fidem ipsam palam ac libere coram Judice professi erant; istos cæte-

c. 1. § 3.

cæteri Fideles summis honoribûs, quoad viverent, prosequebantur, sacrîs non raro Ordinibûs in præmium constantiæ ipsis collatîs.

## CAPUT XVII.

### *Excommunicationis, & Pœnitentiarum usus.*

**Q**ui persecutionum durante procellâ fidem abjecerant, sive animi imbecillitate, sive tormentorum intolerantiâ id fecissent, nisi crimen suum publicis pœnis expiarent, ab Ecclesia excommunicabantur. Isto anathemate perculsi, non solùm à Sacramentorum usu, sed etiam ab ingressu Ecclesiæ, & Fidelium consuetudine penitùs excludebantur. Cum talibus nec cibum sumere Christiani, nec sermones miscere sustinebant, sed tanquam peste infectos devitabant; imò studiosius id hominum genus à suo consortio removere Christianos Apostolus jubet, quâni ipsos infideles, quorum omnem planè consuetudinem, nisi qui mundô, vitâque exire vellet, tunc temporis fugere Christianus neutquam poterat. In hunc modum agebatur non modò cum Apostatis, verùm etiam cum hæreticis, & schismatis, ac publicis peccatoribus. Solis prope modùm Episcopis, ac Presbyteris fas erat cum

*Conflit.  
Apost. l.  
5. c. 4.*

*1. Cor. i.  
v. 9.*

cum ipsis agere, ut ad pœnitentiam sacrilegæ defectionis, si qua spes affulgeret, illos excitarent; cæteri tamen Fideles non intermittebant, lapsos in suis precibus Deo accurate commendare. Sic tractabantur, qui pœnis Ecclesiasticis ultrò se submittere abnuebant.

Qui verò facti pœnitentiâ ducti, ad expianda ritè peccata sese paratos offerebant, magna cum charitate, nec minori circumspectione admittebantur. Primò quidem proponebatur illis beneficij hujus magnitudo, haud ità facile, promiscuèque omnibus conferendi; deinde ad faciendum periculum sinceræ, solidæque pœnitentiæ ipsa admissio datâ operâ protrahebatur; tum demum in Ecclesia omnibus inspectantibus certæ pœnæ injungebantur. Pec-  
cator pœnitens ciliciō indutus, & cinere conspersus, in media Fidelium corona mœstus, ac folidatus humi provolvebatur, *Tertull.*  
pedesque Christianorum complexus, oscula *de pud.*  
la illis fgebat, quò ipsos ad commisera- *c. 13.*  
tionem, Deique conciliandam sibi misericordiam fleteret; his Episcopi ardens, & accommodata tempori cohortatio subjun-  
gebatur. Varia erant, & diuturna, quibus subinde exercebantur, pœnitentiæ ope-  
ra; jejunia nimirum aliàs quotidiana, aliàs sèpiùs iteranda, non alio quàm panis, &  
aquæ permisso usu, aliòve abstinentiæ ge-  
nere

nere imperato, pro mensura virium corporis, delicti, & fervoris, quem pœnitens palam ostendebat. Prolixæ etiam precationes, de genibus, aut prono in terram corpore persolvendæ; eleemosynæ, item vigiliæ, brevisque, & supra pavimentum carptim libandus somnus præcipiebantur. Quamdiu status iste luætus, & pœnitentiæ tenuit, abstinendum erat à congressu hominum, à negotiis, à consuetudine, cum ipsis Christianis, non omnino necessariâ, multoque magis ab omni genere oblationum. Ecclesiam intrare, nisi doctrinæ audiendæ, & orationis causâ, non licebat; Sacrificio enim Missæ toto illo tempore abesse jubebantur.

**Constit.** Interea Episcopus pœnitentem per se  
**Apof. l.** ipse invisere, vel Sacerdotem aliquem ad  
**2. c. 61.** eos mittere solebat, qui hominem exami-  
 naret, ejusque arcanis animi sensis accu-  
 ratè pertentatis, non uno quemlibet, eo-  
 démque modò tractare sciret. Nam ad fi-  
 duciam aliqui excitandi erant; alii salu-  
 tari timore concutiendi; alii denique con-  
 solatione aliquâ permulcendi; medicamen-  
 tis ad ægrorum, & ægritudinum rationes  
 accommodatîs. Revera enim hæc publi-  
 cæ pœnitentiæ opera, tanquam animorum  
 pharmaca Episcopi tractabant, minimè  
 nescii, ad curandos animi morbos, si non  
 majori, certè nihil minori, quam ad sa-

nan-

nanda corpora circumspetione, scientiâ, patientiâ, & solicitudine opus esse; neque aliter quâm diuturnô, & diligentî magistriô depravatas hominum affectiones corrigi posse. Jam inde à primis illis sæculis, Epist. certi pœnitentiæ gradus constituti erant, Can. S. & temporis, quod in singulis ponendum erat, definita spatha; cæterùm Episcopi prudentiæ relinquebatur, ratione pœnitentis habitâ, tempus hoc laxare, Greg. aut contrahere. Illud præcipue cautum Tbaum. erat, ne priùs Ecclesiæ communioni penitus restituerentur ejusmodi homines, quâm fructus dignos pœnitentiæ fecissent, Cyprian. suæque conversionis specimina, quantum quidem humana conditio patitur, certa, exploratâque edidissent. In universum tamen, pœnitentiæ præscriptum tempus, Epist. 10. bene longum esse solebat, nisi peculiaris quædam, & gravis causa, uti pœnitentis S. Cyp. singularis fervor, morbus lethalis, aut in- gruens nova persecutio, aliud postularet. Epist. 51. Illud verò nunquam non curabatur, ut ne quis Sacramentis destitutus, mori permitteretur. Porrò gratiæ hoc genus, quô pœnitentiæ assignatum tempus contrahi solebat, Christiani *Indulgentiam* appellabant, quam sæpenumero Confessorum in carceribus, aut Sanctorum in exilio commorantium deprecatio impetravit.

Quod si eo durante statu, novo scelere  
se

Se alligabat pœnitens , à capite retexenda erant pœnitentiæ opera ; si ne tunc quidem proficere in melius , morésque corrigerे observabatur , in statu pœnitentiæ permanendum usque etat , quin Sacramentorum copia ipsi fieret . Si denique semel à crimine absolutus , aliud perinde enorme , publicaque pœnitentiâ dignum admitteret , à pœnitentia iteratò agenda excludebatur ; qua de re Augustinus monet ; cautè , salubritérque provisum esse ,

*August. Epist. 54. ad Maced.* ut locus pœnitentiæ ejusmodi exterioris semel tantùm in Ecclesia concederetur : ne medicina viliis minus utilis esset ægrotō ; quæ tantō magis salubris est , quantō minus ( ipsā videlicet iteratione ) contemptibilis fuerit : non desinebant tamen Fideles pro talibus preces fundere , & ad seriam emendationem cohortari . Erant quædam crimina , quorum publica expiatio , quantumvis accuratè facta , totam vitam durabat , quâ exactâ , nonnisi in articulo mortis , Eucharistia pœnitentibus impertiebatur . Qui semel pœnitentium ordini adscripti erant , etsi absoluti ab ea in gratiam cum reliquo cœtu Fidelium rediissent , nihilominus ad Ordines sacros , & munera Ecclesiastica perpetuò inhabiles erant ; Clerici autem propter sua flagitia solum deponebantur , ipsaque depositione veluti in ordinem laicorum redacti , nullâ aliâ pœnâ castigari sole-

solebant, partim Sacramenti Ordinis reverentiâ; partim ne bis in idipsum animadverteretur.

Siquis fortasse antiquissimam hanc Ecclesiæ disciplinam mirari volet, is secum, quæso, reputet, crimina, quæ publicâ Ecclesiæ animadversione digna essent, raro admodùm per ea tempora commissa fuisse. Quemadmodùm enim perrarò accidit, ut ingenuè educati homines, auctoritate insuper, & opibus florentes capitalem fraudem admittant; ità nihil infrequentius apud Fideles erat, tanto delectu ad fidem admissos, tam diligenter institutos, & excultos, quam adulteria, homicidia, aliisque morte pianda scelera perpetrare. Sanè Tertullianus fidenter, & palam Gentilibus exprobrat, habere ipsos ergastula, plena hominibus suî similibus, Ethnicis nimirum, & facinorosis; qui verò inter captivos Christiani essent, nullius veri sceleris insimulari posse, vel certè, si sceleris alicujus rei forent, Christianos haud amplius censi debere: *De vestris* ( sicariis, prædonibus, corruptoribus, nocentibus, verbô, idololatris) *semper æstuat carcer*; *de vestris* <sup>Apolog.</sup> <sub>c. 44.</sub> *in fine.* *semper metalla suspirant*; *de vestris semper bestiæ saginantur*, nemo illic Christianus, nisi hoc tantum ( id est: nisi solo Christiani titulo accusatus) aut si & aliud, jam non Christianus. Hucusque Tertullianus, qui ca-

*Ibidem c. 45. initio.* pite proximè sequenti necessariam Christianis innocentiam esse asserit, rationēmque affert his verbis : *Innocentiam à Deo edocti, & perfectè eam novimus, ut à perfecto Magistro revelatam; & fideliter custodimus, ut ab incontemptibili dispectore ) hoc est, à Judge summè verendo ) mandatam.*

## CAPUT XVIII.

*Ascetæ, Virgines, Vidae, Diaconissæ.*

**E**RANT inter Christianos, qui voluntariis corporum susceptis afflictionibus omnia pœnitentiæ munera obirent, et si ad ea neque obligabantur, neque propter illorum usum à sacrorum communione arcebantur. Iste Prophetas, & magnum pœnitentiæ Præconem Joannem Tim. Baptistam imitaturi, de Apostoli consilio castigabant corpora, & in servitutem 4. v. 7. Cor. redigebant, exercentes se ipsi ad pietatem, eamque ob causam Ascetæ, id est, exercitati nominabantur. Hi domi utplurimum se tenebant, solitudinis mirè amantes; ibidem abditi, & abstrusi, ad consuetam Christianorum frugalitatem, severiorem in cibis abstinentiam, & crebra jejunia ultro adjungebant, Xerophagiâ, sive aridi panis, fructuūmque siccorum esu sustentantes, biduō triduoque, interdum etiam

etiam hebdomade integrâ soliti inediā tolerare: ad hæc ciliciō se nunquam exuebant, humi cubabant, vigilias producebant; sacros Codices assiduè volutantes, & propè indefinenter precibus fundendis occupati. Hujusmodi vitæ institutum <sup>Euseb.</sup> l. 6.  
Origenes aliquamdiu secutus fuit, multique ex ea disciplina prodiere, cùm Sanctissimi Antistites, tuin celeberrimi Doctores.

Ascetæ omnes continentiam colebant, reliqui verò Christianorum virtutem hanc pro eo, atque commendata Fidelibus à Christo, & Apostolis erat, plurimi faciebant. Antonino Pio Imperatore, Alexan-<sup>Jussini.</sup>  
driæ adolescens quidam erat, qui supplice <sup>orat. ad</sup> <sup>Anton.</sup> <sup>pium.</sup> oblato libello à Gubernatore Urbis petiit, ut chirurgi operâ liceret sibi Eunuchum fieri. Similia huic complures facete non dubitabant, ut adeò speciali lege, in Con-<sup>Can.</sup>  
cilio Nicæno sancitâ, inconsiderato huic <sup>Nicæn.</sup> zelo occurrentum denique fuerit. Præterea innuptarum ingens numerus erat, quæ Virginitatis suæ florem Deo ritè sacrabant, seu parentum hortatu, seu animi sui voluntariâ inductione. Hæ quoque asceticam vitam degebant; nihili enim Virginitas ipsa duebat, nisi eam silentium, secessus, paupertas, labores, cæteraque superius recensita pœnitentiæ opera, uti rotam spinæ, armarent; nec virginum Albo illæ inscribebantur, quæ oblectamentis

quantumlibet noxâ vacuis affici, hominum frequentare congressus, verborum leprores, officiosásque in agendo blanditias affectare, denique elegantem, & experrectam indolem, muliebriter ostentare solerent. Multò etiam longius à veræ virginitatis laude aberant, quæ in forma corporis castiganda, limandaque identidem occupatæ, unguentis, trabeatis vestibus, molli, fratreque incessu adhuc delectabantur. Divus Cyprianus ad Virgines Christianas scribens, nullam ferè aliam rem illis commendat, & inculcat, quām ut vanis ornamentis, quæ ad illustrandam muliebrem pulchritudinem facerent, nuncium penitus remittant. Noverat videlicet vir sapientissimus, quām in eam levitatem naturâ suâ proclivis ille sexus esset, quāmque multorum ea vanitas malorum esse radix, & origo soleat. Sub prima illa tempora Deo dicatae Virgines paterna in domo habitabant, aut omnino solitariæ, aut duabus, tribusve Virginibus associatae. Inde pedem efferebant nunquam, nisi cum adeunda esset Ecclesia, in qua separatō ab aliis locō morabantur; siqua illarum interdum nuptiarum causâ à proposito suo resfiebat, publica ipsi pœnitentia imperabatur.

Jam Viduæ, quæ primo conjuge elato, secundis nuptijs valedixerant, haud aliter  
fecrè,

Cypria.  
ad Vir-  
gin.

ferè, quām Virgines ipsæ reliquam vitam exigebant, jejuniis, orationi, cæterisque asceticæ vitæ exercitationibus intentæ. Publicō tamen non perinde ut Virgines abstinebant, propter opera, & ministeria externa, in quibus earum in proximos charitas plurimū versabatur; vidisses illas, nunc ægrorum lectulis assistere; nunc captivos, maximè verò Confessores, aut Martyriō coronandos visitare; aliàs pauperibus subvenire, hospitiō peregrinos excipere, sepelire mortuos, omnia denique misericordiæ opera complecti. Nuptæ etiam mulieres in partem tam pulchri laboris veniebant, nunquam fermè domo egredi solitæ, quām ad preces in Ecclesia communiter persolvendas, aut ad bene de proximis merendum. Videlæ tamen, quod ab aliis curis magis solutæ, ac liberæ essent, charitatis huic officio totas se impendebant; si opibūs abundantaret, easdem in pauperum usus erogabant; si verò ipsæ indigerent, ab Ecclesia sustentabantur.

In Diaconissas eligebantur *Videlæ non minus sexaginta annorum*, & quod supra excurrit; quæque sapientiæ, & in proximos beneficentiæ famâ cæteris præstabant. Nonnunquam Virgines huic eidem muneri præficiebantur. Solebant autem Diaconissæ appellari, non quod inter Clericos

Tertul.  
ad Ux.  
l. 2. c. 4.

numerarentur; nullius enim vel remoti gradus ad Sacerdotium, capax iste sexus est; sed quod erga fœminas Diaconorum ipsorum partes aliquas obirent. Singuli enim sui sexus personas adibant, quas in opia, ægritudo, aliave calamitas, Ecclesiæ curâ speciatim dignas fecerat. Porrò Catechumenas instituebant, vel potius Catechistæ institutionem repecebant, easdem ad sacrum deducebant fontem, inque ponendis vestibus, ac subinde recipiendis operam suam conferebant: recenter Baptismō tintas apud se aliquamdiu tenebant, quod eas ad vitæ Christianæ normam magis, magisque excolerent. In Ecclesiis, quâ parte fœminæ intrabant, fores à Diaconissis custodiendæ erant, suus singulis assignandus locus, in quo cum silentio, modestiâque unaquæque versaretur. Officii quoque sui rationem Episcopo, vel Episcopi jussu Presbyteris, aut Diaconis reddere debebant; quod eò potissimum spectabat, ut certiores ipsos redderent de reliquarum mulierum statu, & quod commode per se ipsi facere viri Ecclesiastici propter sexus discriminem non poterant, id vicariâ operâ ipsæ effectui darent.

Multâ profecto patientiâ, & circumspetione Præsulibus Ecclesiæ opus erat, ut fœminæ istæ omnes in officio continerentur; curandum, ut Diaconistæ moderatè omnia,

omnia, & contrà, quām proiectior ætas ferret, alacriter agerent; prospiciendum etiam, ne vel credulæ nimis, & plūs iustō indulgentes, vel ex adverso nimium tecnicæ, difficiles, turbulentæ, curiosæ, atque litigiosæ essent; ne Catechismi obtenu-  
Chrys.  
de Sacer-  
dot.  
tu pro sapientibus, ac spiritū Magistris sese gererent; ne mysteria fidei temerè divulga-  
Constit.  
rent; verbô, ut in loquendo, & agendo modum tenerent. Magnâ item charitate 3. c. 5.  
Apost. l.  
opus erat, ad cæterarum Viduarum, aliarumque defœtus mulierum, sive corrigen-  
dos, sive preferendos; cujusmodi erant tristitia, livor, æmulationes, querimoniæ, obtrætationes in ipsos etiam Ecclesiæ pa-  
stores; denique quidquid malorum, ac tur-  
barum sexûs, & ætatis infirmitas progigne-  
re poterat; præsertim ubi morbi, pauper-  
tatis, aut alterius cujusdam ærumnæ in-  
commodum accederet.

## CAPUT XIX.

### Pauperum cura.

**I**liberaliter Ecclesia pauperibus, cujus- Constit.  
cunque demum ætatis, ac sexûs ef-  
Apost.  
sent, prospiciebat; pauperum tamen l. 2. c. 4.  
in numero non censabantur male feriati § 1. 4.  
homines, qui victum manu quærere, si c. 1. 2.  
vellent, possent. Iстis enim per vires ad-  
G. 4  
huc vegetas licebat, non tantum à se amo-  
liri

liri paupertatem, sed aliorum etiam in-  
 opiam levare. Nam boni Christiani mu-  
 s. Basili. nus illud esse credebatur, ut non conten-  
 reg. fus. tus quilibet labore manuum ad se met su-  
 interp. stentandum necessariō, aliis etiam, qui la-  
 42. borare non valebant, operam suam utili-  
 ter commodaret. Aliunde etiam lex ci-  
 L. 7. vilis robustos, & bene valentes mendicos  
 Cod. de non ferebat. Hujusmodi homines, si li-  
 Mend. beri erant, servitute impositā, quæ tum  
 Val. temporis plurimū in usū erat, ad opus  
 L. 11. ruri faciendum, tanquam Reipublicæ man-  
 cipia admovebantur; sin verò servi essent,  
 venum ibant. Idem infantibus expositi-  
 tiis fiebat, quos, qui alendos in se susci-  
 piebat, hoc ipso faciebat suos. Igitur  
 mendici nulli fermè occurribant, quām  
 mancipia, & servi seniō confecti, quos ad  
 solitum laborem ultrà ineptos, domino-  
 rum inclemētia destituerat; cæci item, aut  
 aliâ corporis parte mutilati, malēve affecti.  
 Hos omnes verè pauperes, Christiano-  
 rum charitas complectebatur, quorum se-  
 riem non ineleganter Prudentius descri-  
 bit, cùm eos veluti Ecclesiæ thesauros, Præ-  
 fecto Urbis Romanæ à S. Laurentio præ-  
 Constat. sentatos, in medium affert. Nec minor  
 Apóst. Christianos infantum cura tenuit, orpha-  
 l. 4. c. norum nimirum, quorum parentes Chri-  
 tiani, atque adeò Martyres erant; item  
 I. 2. expositorum, & reliquorum omnium,  
 quot-

quotquot acquirere poterant, ut eos in fide Christiana educarent. Hoc unum videlicet propositum Fidelibus erat, ut occasione, servandi corpora, bene utentes, animos Christo lucrarentur. Eandem ob causam in ipsis misericordiae operibus exhibendis certus ordo servabatur: Ethnici enim Christiani, & inter ipsos Christianos probiores cæteris præferebantur, improbis, quorum desperata erat emendatio, sibi relictis. Ne eleemosynæ Constit.  
Apost. l.  
4. c. 5.

quidem promiscue ab omnibus admittebantur; oblata enim ab excommunicatis, usurariis, adulteris, aliisque publicis peccatoribus subsidia, Christiani recusabant, satius ducentes, exponere pauperes periculo alicujus in rebus cæteroqui necessariis indigentiae; seu potius divinæ providentiæ innixi, quâ aliunde allatum iri necessaria sperabant, quam ut à perditis hominibus stipem acciperent. Quæ Baron.  
An. 44.  
n. 68.  
Ec.

libet Fidelium Congregatio ingentem pecuniæ vim, certosque redditus college-Tertul.  
Apol. c.  
39.

rat alendis pauperibus, peregrinis excipi-  
 endis, mortuis sepeliendis, cæterisque impensis publicis faciendis, quas Cleri-Euseb.  
l. 6. hist.  
c. 35.

corum sustentatio, & templorum sacra suppellex, aliisque id genus exposcebant. Quo tempore S. Cornelius Papa Ecclesiæ Romanæ præerat, Clerici in Urbe centum & quinquaginta quatuor, pauperes vero, &

ægroti sesqui mille, & amplius à Fidelibus sustentabantur. Imò ex quo fundata jam erat Romana Ecclesia, quamdiu persecutiones durarunt, nunquam destitum est, cùm aliarum Provinciarum laborantibus Ecclesiis, tum ad metalla damnatis Confessoribus, mirâ solicitudine, magnisque pecuniæ subsidiis subveniri. Ista Ecclesiæ communia bona primis tribus sæculis non l. 4. hyst. aliis fermè rebus constabant, quād dome-  
c. 22. sticō instrumentō, annonā, vestibūs, & numeratā pecuniā, partim collectis, partim coemptis ex eleemosyna Fidelium, quam isti singulis hebdomadis, mensibus, aliásve,  
Prudent. quoties liberet, sponte obtulerant Nam  
Perift. erogandæ stipis neque modus præscriptus  
hymn. 1. erat, neque vi, aut imperiō ad ejusmodi  
Baron. collectas Christiani adgebantur. Cæte-  
rū fundi, prædia, & possessiones tempo-  
re persecutionum neque acquiri poterant, neque olim acquisita diu conservari. At-  
que hi erant Ecclesiæ thesauri, quibus tam avidè inhiabant Gentiles, ut eorum cupi-  
ditate incensi, ingentes adversus Christianos turbas moverent, quemadmodū in vita Divi Laurentii prolixè describitur.  
Diaconis eorum bonorum commissa erat cura. Hi pro munere suo tenebantur, quidquid communibus Ecclesiæ procuran-  
dis commodis afferebatur, recipere, sepo-  
nere, custodire, & ex Episcopi arbitrio,

ad

ad quem de privati cuiusque indigentia  
referendum erat , distribuere. Illud etiam  
Diaconorum munus erat , ut in aliorum  
inopiam ipsi inquirerent ; ut Clericorum,  
Virginum, Viduarum, pauperum denique  
omnium nomina in commentariis , quos  
matriculas vocant, descripta haberent; isto-  
rum enim omnium cura ad Ecclesiam per-  
tinebat : porro ut eos , qui in supradicto-  
rum numerum admitti flagitabant ; prius  
examinarent , admissorum autem mores &  
vitam diligenter observarent. Verbô , in  
omnem partem prospiciendum erat , ne in-  
dignis tanta Ecclesiæ beneficentia impen-  
deretur ; néve peregrinis hospitia , & pio-  
rum hominum liberalitas deesset. Siquid  
Laici Episcopo significare , aut ab eodem  
efflagitare vellent , quem tamen personæ  
reverentiâ , aut molestiæ creandæ metu co-  
rām alloqui verebantur , Diaconos adire  
solebant , iis pro internunciis usuri ; ex quo  
liquet , Diaconorum provinciam oppidò  
negotiosam fuisse ; sœpè enim per compi-  
ta civitatum ultrò citróque commeandum ,  
interdum etiam in alias civitates suscipien-  
da profectio erat , cámque ob causam nec  
palliō , nec alio in terram usquè defluente  
vestitu , uti Sacerdotes , sed brevioribūs  
vestimentis , & Dalmaticis utebantur , quō  
expeditiores ad actionem essent,

*Constit.**Apost. I.**3. c. 19.**Constit.**Apost.**1. 2. c.**28.**Constit.**Apost. I.**2. c. 57.*

CA-

# CAPUT XX.

## *Hospitalitas Christianorum.*

*v. lib. de  
tess. bo-  
spit.*

**I**psis adeò Gentilibus commendata, & familiaris hæc virtus fuit. Apud Græcos, & Romanos diversoria publica solis fermie pauperum usibus serviebant; honestiores enim, & abundantes viri in singulis propè civitatibus, ad quas negotiorum causâ per annum aliquoties cundum erat, amicos habebant suos, à quibus privatis in ædibus excipiebantur; quosque illi, cum ad suas civitates divertere contingeret, mutuâ hospitalitate excipiebant, eratque veluti jus quoddam hospitalitatis, quod in certis familiis perpetuabatur; unumque inter præcipua vincula, quibus Græciæ civitates cum Italicis arcta consuetudine copulabantur: quæ consuetudo successu temporis per universum Romanorum Imperium propagata fuit, & tanquam Religionis quædam pars à Gentilibus accurate observata. Isti enim Jovem suum, Hospitalem Deum faciebant, qui huic rei unicè præcesset; hospitem verò ipsum, mensamque, cui is accumbere solebat, pro re sacra habebant.

Minime igitur mirum videri cuipiam potest, si Christiani quoque in ea colenda virtute multi essent; quippe qui se mutuò tanquam amicos, & fratres diligerent, sci-  
rēnt

rēntque , inter opera , quibus luculentum à  
 Deo præmium propositum esset , hoc  
 etiam misericordiæ in peregrinos genus  
 in Evangelio numerari. Itaque peregrin-  
 nus , quicunque demum is esset , dummo-  
 do fidem Christianam profiteretur , inque  
 Ecclesiæ versaretur communione , passis  
 ulnis excipiebatur ; nam illum ab ædibus  
 arcere , perinde videbatur esse , ac Chri-  
 stum ipsum excludere ; sed tamen cogno-  
 scendos se priùs præbere peregrini debe-  
 bant , & quinam essent , certis argumentis  
 comprobare. Hunc in finem aliò profe-  
 Æturi Fideles , litteras ab Episcopo accipie-  
 bant certis notis insignitas , quas soli Chri-  
 stiani intelligerent. Hujusmodi litteris  
 peregrini hominis status , & mores descri-  
 pti erant , an videlicet Catholicus , an Ec-  
 clesiæ communioni , si fortè priùs per  
 hæresim , aut apostasiam inde exciderat ,  
 restitutus : an Catechumenorum , Poeniten-  
 tium , aut Clericorum è numero unus , &  
 quonam in gradu Ecclesiastico constitutus  
 esset. Nunquam enim Clerici absque  
 litteris , quas *Dimissoriales* vocant , itineri-  
 se dabant ; præter istas litteræ quædam  
 commendatitiæ in usu erant , ad secernen-  
 das à reliqua multitudine Fidelium perso-  
 nas , de Ecclesia benè meritas , cujusmodi  
 erant Confessores , Doctores , aliique Ec-  
 clesiæ peculiari curâ indigentes .

Matth.  
 25. v.  
 34.

Baron.  
 Anno  
 142. n. 2.

Pri-

Primus hospitalitatis actus erat pedes hospitum lavare. Multis ea consuetudo exemplis sacrarum literarum confirmatur, & modus ille, quo veteres pedes tegere, ac vestire solebant, necessarium reddebat. illud solatii, & refrigerii genus. Inde etiam est, cur pedum ablutionem cum hospitalitate conjunctim enumeret Apostolus. Quod si peregrinus in communione Fidelium perfecta esset, omni honoris domestici significatione excipiebatur; nam cæteris ipse in preces præire, supra alios omnes accumbere, ac domesticos instruere permittebatur. Felicem se tali hospite Paterfamilias reputabat, & cibi ab eodem gustati, nescio quid sanctitatis sapere videbantur. Clerici peregrini pro suo quisque gradu in amore, & veneratione erant omnibus. Si Episcopus peregrinè adveniebat, passim ad rem divinam, verbâ que ad populum facienda invitabatur, quò perspecta fieret Sacerdotalis statûs, cum reliquis Ecclesiæ membris consensio. Ne Ethnici quidem, aut ii, quibuscum cibum sumere, aut orationi communiter vacare nefas erat, à Christianis hospicio prohibebantur. Imò Principum sæcularium hac in re mandatis accurate morem gerebant Fideles; quando nimirum aut milites, aut præfectos, propter negotia publica aliò commigrantes, recipere jubebantur. Accidit

cudit aliquando, ut S. Pachomius admo- *In vita*  
dūm adolescens, militiæ Romanæ adscri- *S. Pa-*  
ptus, unā cum cæteris suæ centuriæ com- *chom, c.*  
militonibus navi veheretur; istâ ad por- <sup>4.</sup>  
tum civitatis appulsâ, vidi Sanctus, & ob-  
stupuit tam honorifice se, sociosque suos  
accipi, tam lautè haberí, ut veteres mili-  
tum amici, cives illius Urbis esse videren-  
tur; cùmque idem rogaret, quodnam ho-  
minum genus id esset, erga peregrinos tam  
liberale, & beneficium? responsum ipsi fuit,  
homines esse, qui singularem quandam Re-  
ligionem, quam Christianorum nomina-  
bant, profiterentur. Quare ex eo tem-  
pore accuratiū inspicere novum hoc in-  
stitutum, & examinare Pachomins incepit,  
fuitque hoc conversionis ipsius fundamen-  
tum.

## CAPUT XXI.

### *Infirmi, & Sepulturæ Christianorum.*

**A** Gris invisendis, quod Evangelium *Matt. 25. v.*  
graviter inculcat, sollicitè Christi-  
ani operam dabant. Sacerdotes *36.*  
in primis hoc genus misericordiæ diligen-  
ter curabant; illi enim infirmos adire,  
consolari, pro eorum salute Deum depre- *Jacob. 5.*  
cari, & oleo sacrō, ex Apostoli Jacobi  
doctrina à Christo acceptâ, ritè inungere;  
Idem sæpè aliud quoddam oleum bene-  
dictum

**Vide Ba-** dictum adhibebant, quô delibuti pristinæ  
**ron. fusè** sanitati restituebantur; postremum hoc  
**bac tra-** genus Unctionis cuilibet à quolibet im-  
**stantem** ad ann. pertiri solebat; nam præter Clericos etiam  
**63. n. 13.** Laici, quibus donum miraculorum divi-  
**14. 15.** nitùs obtigerat, non tantùm Fidelibus,  
**sc.** verùm etiam Ethnicis Unctionem illam  
 impendebant; nonnunquam oleum adhi-  
 bebat, haustum ex lampadibus, quæ  
 ante Martyrum sepulchra ardebat.

Gentiles, qui post fata nihil amplius  
 sperabant, mortem ipsam considerabant  
 vel tanquam malum, per quod bonis omni-  
 bus præsentis vitæ homo spoliatur, vel  
 tanquam bonum, cuius ope calamitosi in  
 hac vita homines, malis, ac miseriis suis  
 denique liberantur. Vix unus inter eos  
 erat, qui, quæ de suppliciis, præmiisve al-  
 terius vitæ Poëtæ narrabant, credere su-  
 stineret. Sanè Cicero de hujusmodi re-  
 bus, aut, ut ipse putabat, commentis  
 Tusc. agens: adeóne, inquit, me delirare censes, ut  
 quæst. ista credam? & Juvenalis nec pueros crede-  
 re affirmabat. Ea causa fuit, ut mori-  
 tuentes Ethnicos nemo ex suis horta-  
 retur, nemo piam aliquam melioris vitæ  
 cogitationem injiceret; quin potius aliò  
 divertere morientium animos studebant;  
 quare mirum non est, vitæ conservandæ  
 usquæ adeò studiosos fuisse miserios Gentil-  
 ies, ut nimirum caducis vitæ voluptatibus,  
 post

post quas aliud nihil expectabant, diutissimè fruerentur. Princeps totius vitæ ipsorum regula, & norma ea erat, quam post Isaiam Apostolus commemorat. *Manducemus, & bibamus, cras enim moriemur;* ad hunc scopum Ethnicorum moralia documenta referebantur, quæ fermè in singulis suis odis Horatius inculcat; hoc etiam Petronius Poëta, sub Nerone Imperatore, luculentō exemplō demonstravit. Cæteri, quorum major erat gravitas, vitæque moderatio, vitæ præsentis solertia ex Philosophia petebant, id præcipue curantes, ut tranquillè, & pacatè mortalitatem aliquando explerent.

Contrà verò Christiani, melioribus imbuti placitis, mortem veluti aditum ad æternitatem considerabant; cùmque plerique ipsorum sanctissimè viverent, mortem ipsam potius in votis habebant, quām ut eam extimescerent; minùsque doloris ex Parentum, & amicorum jactura capiebant, quām voluptatis, & gaudii, quō perfundebantur; partim propter æternam ipsorum felicitatem, partim propter spem, certāmque fiduciam, illos olim in cœlo revisendi. Itaque mortem Christiani sōporem quendam interpretabantur esse, ex modo loquendi sacrī litterī familiari; p inde etiam sepulturæ locum græcā vocē *cæmeterium* nominabant, qnod latine *dormitorium*.

*mitiorum* significat. Idem, ut testatioreni facerent suam de resurrectione corporum fidem, exquisitâ curâ, majoribûsque impensis, quâm ad reliquas actiones solerent, defunctorum cadavera sepeliebant; non cremabantur ista corpora, qui Græcorum, & Romanorum mos erat; sed neque Ægyptiorum plûs æquô solerter industriad Christiani probabant, cadavera aromatis condita, & supra pretiosos letos publicè exposita domi suæ asservantium, quam consuetudinem S. Antoninus cap. 34. suâ tempestate adhuc durantem, gravibus verbis insectatus est.

*Tertull.* Igitur suorum cadavera Christiani, more apud Judæos recepto, sepeliebant. *Apol. e.* Primum ea lavabant, tum odoriferis herbis condiebant, soliti pio huic ministerio majorem aromatum vim adhibere, quâm Ethnici superstitionis sacrificiis imponderent. Subinde mundissimâ syndone, pannove bombycino corpora obvolvabant; interdum etiam pretiosis vestibus indui ea mos erat. Hoc ornatu tridui spatiô cadavera prostabant, juxta que illa Fideles, cùm ad corporum defensionem, tum ad fundendas preces, veluti excubias agebant; denique ad sepulchrum cadaver deportabant, prosequentes funus inter cereos, facésque, perpetuò longoque ordine colluentes; nec sine psal-

psalmorum, & hymnorum pio modula-  
mine, quo & Dei laudes celebrarent, &  
beatæ resurrectionis expectationem face-  
rent perspectam. Ad hæc preces pro  
mortuis exsolvi, offerri sacrificia, pau-  
peribus epulæ, quas Agapas nominabant,  
apparari, aliæque eleemosynæ erogari  
solebant. Annò unō à morte exactō de-  
functorum instaurabatur memoria, quæ  
etiam per reliqua tempora, anniversaria  
solebat esse, præterquam quod ipsorum  
in sacrificio Missæ quotidiana fieret com-  
memoratio.

Certos Ecclesia homines alebat, sepul-  
turæ ministerio destinatos, qui fossarii, &  
laborantes, vulgo appellabantur, eosque in  
Clericorum numero interdum fuisse, Ba-  
ronius ex epistola S. Ignatii ad Antio-  
chenses ostendit. Non raro cum defun-  
ctorum ossibus, nonnulla alia tumulo in-  
ferebantur, partim honoris ergo, partim fine  
ad conservandam in posteris piè mor-  
tuorum memoriam. Hujus generis fue-  
rant dignitatum, quibus olim effulse-  
rant, varia insignia, pœnarum item in-  
strumenta, ampullæ, spongiae, Marty-  
rum sanguine impletæ, Acta authentica  
Martyrii, Epitaphia, vel certè nomina de-  
functorum, numismata eorum temporum,  
lauri, sive aliarum perpetuò virescentium  
arborum folia, & rami, cruces, Evange-

Conf.

Apost. 6.

cap. ult.

&amp; alibi.

Prudent.

Hymn.

in exeq.

Tertull.

de cor.

Mil. c. 3.

Orig. in

Jobum

Hom. 3.

Cyprian.

Epist. 66.

Baron.

Anno

Christi

34. num.

287. is

fine 85

288.

liorum codex , interdum etiam ipsamet Divina Eucharistia. Cadavera , quantum fieri poterat , supina in sepulchris collo-  
cabantur , vultu ad Orientem converso. Cùm Gentilium mos esset , asservandis mortuorum cineribus magnifico apparatu facta sepulchra moliri , quæ maxima ex parte , extra mœnia urbis , secundùm vias publicas , quâ frequens viator transibat , & alibi passim in agris , & fundis ipsorum exstructa erant ; Christiani è contrario terræ corpora mandabant , nunc humō , quantum satîs esset , egestâ , nunc in cryptis ex ordine illa collocando , cuiusmodi postea in urbe Romana fuerunt , quas tumbas , catarumbas , catacumbas nominabant.

V. The-  
masi. in  
Discipl.  
Editio

Iat. p. 3.

I. I. c. 65.

266.

Loca hæc subterranea , partim rupibus incisa , partim effossò fabulô in venis , ac visceribus terræ præparata erant. Eò per gradus descendebatur , infrâque subtus humum longissimi excurrebant vici , dupli , triplici ordine loculamentis instructi , in quibus corpora quiescebant , altè in terram depressa. Per certa intervalla videre erat spatiolas cameras solido opere exædificatas , quæ circumquaque suos habebant forulos , condendis corporibus excavatos. Camerarum ejusmodi pars potissima perinde , ac totidem facella , varias ex Vtere , Novoque Te-  
sta.

stamento historias penicillō expressas re-  
ferebant ; Imò in aliquibus hujus gene-  
ris profundis cæmeteriis Ecclesiæ subter-  
raneæ adhuc visuntur. In multis cata-  
cumbis repertæ fuerunt urnæ marmoreæ,  
quæ cœlato, elegantique opere easdem,  
quas picturæ , Camerarum historias re-  
præsentabant ; sepulchra hæc erant per-  
sonarum supra vulgus eminentium. Quod-  
libet istorum cæmeteriorum veluti per-  
amplum suburbium erat , sub terrâ altè  
recedens ; quorum aliqua duas , trésve  
contignationes altitudine exæquabant.  
Persecutionum tempore tutissimum ea lo-  
ca perfugium Christianis præbebant, ubi  
Martyrum reliquias custodire , cœtus fre-  
quentare , divinis operari , & assistere pos-  
sent ; quid ? quod de Pontificum com-  
pluribus memoriæ proditum est, ibidem  
commorari , & habitare solitos fuisse.  
Plura de catacumbis legere licet in Libro,  
qui *Roma subterranea* inscribitur. Eæ diu  
admodùm, saltem maxima ex parte poste-  
ris ignotæ fuerunt, aditu ad easdem in-  
juriâ temporum , aut hominum volunta-  
te obstructo, præclusoque ; nec nisi sæcu-  
lô Christi sextô decimô ad finem vergen-  
te, observari, ac recludi cœperunt.

Mira semper Christianorum pietas, &  
cura fuit, ut proximè sanctorum Marty-  
rum ossa requiescere sibi post mortem li-

ceret; eaque re factum est, ut frequen-  
 tia sepulchra progressu temporis in Eccle-  
 siis exstruerentur, etsi prioribus sæculis  
 consuetudo humandi corpora non alibi,  
 quam extrâ civitates, diù admodum re-  
 tenta fuerit. Reliquiarum veneratio, &  
 resurrectionis ad meliorem vitam certa  
 fides, Christianis exemerunt inanem il-  
 lum terrorem, qui veteres passim omnes,  
 ipsosque adeò Israélitas à corporibus, &  
 sepulchris mortuorum absterrebat.

## CAPUT XXII.

*Episcopi, Presbyteri, cum reliquo  
Clero.*

**U**T imagini primorum Ecclesiæ tem-  
 porum hactenus adumbratæ, supre-  
 ma tandem manus accedat, pancies  
 hoc loco agendum est de Pastoribus ani-  
 marum, cæterisque Ecclesiæ ministris.  
 Origenes, tibi civiles conventus cum Ec-  
 clesiis Christianorum comparat, citra om-  
 nem dubitationem afferit, & pro re om-  
 nibus nota defendit, Ecclesiarum sacros  
 Præfides re ipsâ ornatos esse virtutibus  
 illis, ac meritis, quæ civici magistratus solo  
 nomine tenus habebant; quodque obser-  
 vatū dignum est, Origenes ista asseverat  
 in libris contra Celsum, ubi Gentiles im-  
 pugnat, quibus sanè deridendum se præ-  
 buisset, si à vero alicunum aliquid ad ipsos  
 refel-

*Orig.*

*cont.*

*Cels. l. 3.*

refellendos assumere vellet. Etiam Alexander Severus Imperator, ut suos doce-  
ret, quanto delectu, quāmque diligentia de  
moribus præmissâ inquisitione, Rectores  
Provincialium constitui oporteret, Chri-  
stianorum hac in re exemplum proposuit.  
Ergò inter Fideles ii eligebantur ad Ec-  
clesiastica munera, quos haec tenus descri-  
bere conatus sum, viri inquam, quorum  
& spectatissima erat vitæ sanctimonia, &  
virtus quām plurimis experimentis diu,  
multūmque probata. Hac veluti merce-  
de remunerabantur Christi Confessores,  
quorum constantia in perferendis suppli-  
ciis supra alios enituerat. Hujusmodi  
erant Aurelius, & Celerinus, quos Divus  
Cyprianus Anagnostas, sive Lectores ordi-  
navit; horum postremus pluribus in cor-  
pore cicatricibus Christi causâ acceptis or-  
natus erat, præterquam, quod Aviam,  
Patruūmque, & Avunculum haberet Mar-  
tyrii palmâ illustres. Talis item Numidi-  
cus, ab eodem S. Cypriano Sacerdotum *Idem.*  
numero adscriptus, qui hortatu suo copio-  
*Ep. 35.*  
sum Martyrum numerum lapidibus, & flammis  
necatum, ante se misit: quāque uxorem adhæ-  
rentem lateri suo concrematam . . . lētius aspe-  
xit, ipse semi ustulatus, lapidibus obrucus, &  
pro mortuo derelictus.

Clericos Episcopi legebant, populi sæpè *S. Cyp.*  
rogatu, vel certè populō neque ignarō, ne-  
*Ep. 38.*

*Com-*  
*pri. in*  
*Alex.*

*Tertull.*  
*Apol. c.*  
*39.*  
*Orig.*  
*contra*  
*Cels. l. 8.*  
*Cyp.*  
*Ep. 33.*  
*34.*

*Ep. 35.*

que invitō, maximē verò totius Cleri eā super re consilium exquireretur; cæterū voluntatis ipsorum ordinandorum parva ratio habebatur; non solum enim exspectari non solebat, usque dum Ordinis aliquujus collationem Candidatus peteret; verū etiam ingratīis sāpē suis, aut piā fraude, aut vi propemodum adducti, Sacris initiaabantur; ut adeò nonnulli essent, qui nunquam in animum inducerent, functionum suo ministerio propriarum aliquam, in tota vita exercere. Porrò Episcopus ipse præsente populo ab Episcapis illius Provinciæ, in Sede vacante congregatis, eligebarat; quorum duo ut minimum, aut tres aderant; ægrè enim tum temporis fieri poterat, ut numerosa cogarentur Concilia, nisi cum aliquanto temporis intervallō persecutionum furor conquiesceret; nonnunquam Episcopales Sedes Præsulibūs diu orbæ, viduæque remanebant.

*Cyprian.*  
*Ep. 68.*  
*Canon.*  
*Apost. 1.*  
*Const.*  
*Apost. 8.*  
*c. 4.*

Ordinationes, præmissō semper jejunio, nec finē conceptis ritē precum formulis fieri solebant. Stata illarum tempora, no[n] Ann. 44. t̄es fermē erant Dominicam diem præcedentes; his inter sacras vigilias exactis, Ecclesiæ ministri consecrabantur; actus verò Consecrationis præcipuus, in manuum impositione nunquam non consistebat; hanc Divinæ hostiæ in Altari facta litatio excipi-

*Ann. 13.*

*v. 2. & 3.*

*v. Baron.*

*n. 4.*

piebat. Non plures Episcopi Sacerdotes, neque Diaconos, neque inferiorum munerum Clericos ordinabant, quām quantum ipsis ad suæ Dioceceseos rectam administrationem opus esset, quorum proinde numerus haud adeò frequens erat; nam tempore S. Cornelii Papæ, sub annum salutis ducentesimum quinquagesimum, Romana Ecclesia sex tantum supra quadraginta Presbyteros, & Clericos universè centum quinquaginta quatuor numerabat, et si tunc innumerabilis propè jam esset Fidelium multitudo. Omnes isti Clericali ex Ordine, Episcopo suo plenissimè subjecti erant, tanquam Discipuli, quos ipse ingenti curâ erudire, formare, & gradatim promovere solebat, ut illos pro cuiusque ingenio, & habilitate, ad varia obeunda ministeria applicaret. Non licebat illis Episcopō inconsultō, invitōque, alterius Episcopi obsequiis sese addicere; quique sic abeuntem Clericum recepisset, tanquam furti, aut plagii cuiusdam reus, in aliorum incurrebat reprehensionem.

*Euseb. I.  
6. Hist.  
c. 43.*

Etsi verò Episcoporum in Clericos tanta esset authoritas, nihil ut ab imperio absoluto, summâque potestate videretur distare; universa tamen gubernandi ratio lenitate, & charitate continebatur: Clerici ipsi Episcopalis potestatis parte aliquâ fruebantur; siquidem absque ipsorum con-

filio nullum majoris momenti negotium  
Episcopi suscipiebant; Presbyterorum præ-  
cipue, ut qui Ecclesiæ veluti Senatores  
erant, sententias prius exquirebant. Sa-  
nè Sacerdotum tanta passim reverentia, &  
Antistitium tanta animi modestia erat, ut

**Thomass.** extimâ specie parùm inter utrosque dif-  
**Tam. I. l.** ferentiae notaretur. Imò ipsis Episcopis  
**2. c. 100.** verendi aliquâ ratione Clerici erant, ut-  
**101. 102.** de *syncl-* Pote doctrinæ, & morum Episcopalia  
**lit.** perpetui, oculatique testes. In publicis  
functionibus Episcopo Clerici tanquam  
magistratum administrari, aut potius more  
**Conſt.** discipulorum magistro suo adhærentium,  
**Apost. 8.** semper assistebant. Si quid unquam Epi-  
**c. 12.** scopus aut docere populum, aut facere  
ipsemet ausus fuisset, quod à Traditioni-  
bus Apostolicis abhorreret, Presbyteri,  
& Diaconi seniores nequaquam id feren-  
dum, dissimulandumque existimabant;  
quin potius Episcopum modestè primùm,  
ac leniter admonebant; subinde si admo-  
nitionib⁹ nihil profectum esset, causam  
totam ad alios Episcopos, ac demum ad  
Patres in aliquo Concilio congregatos  
deferebant.

Clericorum potior pars Asceticam vitæ  
rationem sequebatur, leguminib⁹, siccis-  
ve cibis ut plurimū vescentes, sœpè ine-  
diā, sœpè voluntariis pœnis, quoad per  
gravissimos munerum suorum labores li-  
ccebant,

cebat, corpus afflstantes. Præcipue verò Continentiæ virtus Episcopis, Presbyteris, & Diaconis commendata erat. Nilominus ad sacros Ordines sæpè promovebantur viri matrimonio ligati; quomodo enim inter Judæos, & Gentiles, qui magnô numerô quotidie Christo se dabant, homines semper invenires, qui annis jam maturi, & graves, in Cœlibatu perpetuò vixerint? Imò non parùm erat, aliquos ex illis reperire, qui unâ uxore contenti fuissent; cùm propter eorum temporum licentiam, quæ Judæis, cæterisque Orientalibus populis Polygamiam permettebat, tum verò propter Divortii usum, paſſim tunc, & communiter receptum; quæ res novis identidem contrahendis nuptiis ansam præbebatur. Cæterum is, qui Episcopus ordinabatur, si Matrimonio junctus erat, statim à suscepta illa dignitate, uxorem suam sororis loco deinceps habere incipiebat, eadémque lege Presbyteros, & Diaconos Ecclesia Romana perpetuò voluit obstrictos. Nam in Græcia, & reliquo Oriente, processu temporis remissius hac in re agi cœptum est. Nusquam tamen, per universam, quæ latè patet, Ecclesiam Catholicam, permisum erat, ut Sacerdos post Ordinationem Matrimonium primò iniret; qui id attentabat, continuo gradu suo dejectus, inque Laicorum redactus

dactus classem, pœnas dabat suæ incontinentiæ. Jam ad inferioris notæ Clericos quod attinet, cuiusmodi sunt Lectores, & Ostiarii, hi plerumque uxorati erant, & uxoribus suis cohabitabant. Multi eorum hisce in munericibus vitam omnem transfigebant, vel certè per plures annos in iisdem durabant; quo tempore facile accidere potuit, ut vel uxores suas mortis fatali necessitate amitterent, vel vitæ perfectioris studiō incensi, ab ipsarum consuetudine sensim se se extricarent. Verūm utcunque ista se haberent, Matrimonii status per ea tempora apud veros, ac genuinos Christianos, eò majori in pretio, & honore fuit, quantò impudentiùs contra illum hæretici nonnulli declamabant; quorum alii Matrimonium plane execrabantur, alii secundas saltem nuptias criminis vertebant.

Clerici omnes, atque adeò ipsimet Episcopi vitam pauperem, vel certè simplicem ducebant, ut si de reliqua Fidelium multitudine forent, à qua habitu, cultuque corporis nihil differebant. Nam cùm persecutionum coortâ in Fideles tempestate, primi omnium Ecclesiæ Pastores, & Ministri conquirerentur, non erat, curisti seu vestitu. seu quâ aliâ statûs sui exteriora notâ, quinam essent, ultrò manifestarent; Gentilium Philosophos ut sum-  
mum

mùm habitu, vultuque referebant. Multi patrimonia sua in pauperes priùs erogabant, quàm sacris Ordinibûs iniarentur; plures etiam Apostolum imitati, post acceptos Ordines pergebant manuum labore victum comparare, etsi cæteroquin publicis Ecclesiæ sumptibûs vivere possent; ista enim de suis opibus abundè suppeditabat, quidquid ad sustentandos Clericos necessarium esset. Quilibet istorum in menses, aut hebdomadas singulas, certa veluti stipendia, sportulásque recipiebat,\* sive in numerata pecunia, sive in natura, ut loqui solemus, pro cujusque gradu, & indigentia distribui solitas. Nam sportulæ, sive ut eas Cyprianus nominat, *S. Cypr. divisiones mensurnæ*, id est, menstruæ, & *Ep. 34.* hebdomadariæ Clericorum, qui & majori dignitate aliis præstabant, & plus laborum, quos dignitas illa major afferebat, exantlare debebant, ampliores cœterorum portionibus erant ex Apostoli præcepto, cùm ait: *qui bene præsunt Presbyte-* *1. Tim. 5.* *ri, duplii honore digni habeantur.* Honoris *v. 17.* enim vocabulô, phrasi Sacræ Scripturæ, & Patribus usitatâ, victûs, & vitæ subsidia *V. Pamel-* *lîi notam* hic intelliguntur. Erant etiam nonnulli, *20. in Epist.* qui patrimonia sua retinerent. Divus *Cyprian.* Cyprianus, imminentे jamjam Martysii *60.* tem-

\* Eam ob rem appellantur Sportulantes Fratres. *Ep. 66. S. Cyprian.*

tempore casam , aut prædiolum \* possidebat , quod unum ex maximis bonis pridem abjectis ipsi reliquum erat. Nec solum auctoritate venerabiles , verum etiam utilitate publicâ omnibus amabiles erant sacri Pastores , ac reliqui Clericorum. Nunquam Episcopus non præsidebat publicis precibus ; Sacras item Scripturas explanare , Missæ sacrificium Dominicis , & Stationum diebus assiduè peragere solebat. Vidisses ipsum cum Presbyteris suis perpetuò occupatos , nunc Catechumenis instruendis , nunc consolandis ægrotis , nunc pœnitentibus cohortan-

**V. Baron.** dis , nunc componendis inter se se dissidentium animis. Quidquid controversiarum , & litium oriretur , id omne Episcopus decidebat. Neque enim Christianis fas erat , lites suas contestari ad

**I. Cor. 6.** Gentilium Tribunalia , quod S. Paulus pridem prohibuerat ; Siqui vero Episcopi sententiâ stare nollent , ii tanquam obstinati in malo , desperataeque emendationis peccatores , Fidelium communione privabantur. Verum ejusmodi forenses controversiae raro admodum inter Fides suscitabantur , quippe qui à lucri cupiditate alieni , humilitate insuper , & in adversis tolerantiâ præditi erant. Cognoscen-

\* Pont. Diaç. in vita S. Cypriani hortum nominat.

scendis causis Episcopi plerumque secundum cujusque hebdomadis feriam destinabant, quo videlicet litigantes, si forte judicio non statim acquiescerent, moræ adhuc satè haberent ad controversias suas componendas, meritâve causæ ante subsequentem Dominicum diem Episcopo proponenda; quo die convenire omnes ad publicas preces, & divinam, pacificâque hostiam communiter recipere tenebantur. Porrò judicij exercendi hæc fermè ratio erat. Episcopus cum corona Presbyterorum veluti pro tribunali sedebat, Diaconis circumstantibus; medium locum adversæ litigantium partes obtinebant. His primùm attentè auditis, Episcopus in id potissimum contento studiò incumbebat, ut ante sententiæ pronunciationem dissidentes ad concordiam, & amicam compositionem adduceret. Eodem in loco admittebantur querelæ, & delationes contra eos factæ; qui, cum Christiani essent, vitam Christianam indignam agebant.

Bonorum Ecclesiasticorum libera absolutionaque dispensatio penes Episcopum erat; nec quisquam metuebat, ne iisdem aliquando Præsul abuteretur. Sanè si vel minima suspicio, aut diffidentia de probitate, & æquitate Episcopi, Fideles sollicitasset, nunquam isti regimæ animarum sua.

Conflit.

Apost. I.

2. c. 24.

25.

fiuarum, quæ utique infinitis thesauris præstant, curæ, & fidei ipsius credidissent. Erat igitur Episcopus veluti communis quidam calamitosorum, & egentium Portus, sive publicus omnium Parens, in cuius auribus suas miseri preces, & lamenta deponebant, & à cujus providentia, ac benignitate medelam suis quisque malis afferendam sperabat.

Et mirabimur adhuc, Episcopos, ac Presbyteros, maxima passim in veneratione à Fidelibus habitos fuisse? Hi, ubi coram agere cum ipsis vellent, humi abjiciebant se, pedesque illorum exosculati, faustum ab iis precationem supplices, ac vena-

*Vide Aucta S. Susanna apud Baron.*  
*An. 294. n. 10. & 11.*

bundi præstolabantur; Sacerdos autem non priùs sermonem cum iis miscebat, nisi oratione præmissâ, cujusmodi fermè Collectæ nostræ in Missa, & Officio Sacerdotali esse solent. Felicem se reputabat, qui Presbyterum, aut Diaconum domo suâ, mensâve excipere posset. Nemo negotium gravioris momenti suscipiebat sine Pastoris consilio, qui gregis totius unicus moderator erat, & veluti homo quidam diuinus, Christique Vicarius honorabatur; ut adeò nihil sic Episcopis, & Sacerdotibus metuendum esset, quam, ne vanitate elati, alios præ se contemnerent, maximè propter donum Prophetiæ, & miraculorum, quæ per ea tempora satis frequentia erant.

Tota

Tota igitur basis Imperii , & potestatis illius , quâ Pastores animarum valebant , in ista populi veneratione , & filiali amore consistebat. Etenim ad exigendam à suis obedientiam , non aliis præsidiis , ac ve- luti armis sacri Præsides instructi erant , quâm efficaciâ sermonis in persuadendo , poenarûmque spiritualium impositione : nec alia ratio suppeditabat , compellendi ad officium subditos , quâm Religio animis in- jecta. Cæterùm qui eò improbitatis vene- rat , ut censuras Ecclesiasticas nihili face- ret ; is nullâ aliâ temporali inflictâ poenâ noxas suas eluebat.

## CAPUT ULTIMUM

*Christianorum primis tribus Ecclesie  
ærumnosis sæculis Prudentia , atque Pa-  
tientia.*

**T**ALES fermè Christianorum erant  
mores , quamdiù Idolatria domi-  
minabatur , & persecutio-nes aliæ ex  
aliis succrescebant. Status iste in univer-  
sum omnes , ac singulos obligabat , ut ma-  
gnâ ubique vigilantiâ agerent , perpetuo-  
que Deum , ac semetipso ante oculos men-  
tis haberent. Ubi primum coepit per-secu-  
tio est , nihil Christiani aliud in horas ex-  
pectabant , quâm ut Judici nomina sua  
deferrentur , etiam à propriis uxoribus ,

aliisve sanguine sibi conjunctissimis, quos partim bonorum alienorum cupiditas, partim falsæ Religionis zelus, in suos exstimum labat. Nullum debtoribus certius medium erat, ære alieno, quo Christianis obstricti erant, sese liberandi; nulla etiam Christianorum mancipiis expeditior ad libertatem obtinendam via, & ratio erat, quam Dominorum, aut creditorum facta ad Judicem denunciatio. Si quando Gentilem Christianæ alicujus virginis amore capi contingeret, continuò is virginem in miseram necessitatem conjicere poterat, ut corpus suum, aut hominis libidini, aut Judicis quæstioni, ac tormentis offerre cogeretur. Etiam, cum nonnihil pacata fluarent Ecclesiæ tempora, adhuc in dies singulos meritò timendum erat, ne antiqua bella recrudescerent; nec ulla Ecclesiæ illis temporibus tam secura, integrâque pax affulsit, quin multa tunc quoque Christianis perferenda essent, seu populari tumultu, seu quâ aliâ, eos divexandi excogitatâ causâ; constat enim Martyrum bene multos sub iis Imperatoribus passos fuisse, qui cæteroquin Ecclesiam Christi deditâ operâ minimè exagitârunt. Fac etiam cessasse ad tempus supplicia; odia quidem certè, & contemptus nunquam cessârunt, impunè semper, & petulanter Ethnicorum convitiis, atque injuriis Christiani appetebantur;

bantur; hos voce, & stylo proscindere, hos in theatris per jocum ridere, ac traducere, non modo licebat, sed honori etiam ducebatur. Sanè unius Celsi relatæ ab Origine criminationes sufficere possunt, ad demonstrandam indignitatem, summāmque licentiam, quā Fideles tum temporis accipi solebant. Præterea non poterant non Christiani multa quotidie videre, atque audire, quæ proximè enumeratis incommodis multò erant deteriora; quotidie, & passim sacrilegi Ethnicorum ritus, turpes statuæ, & publica lupanaria in oculos incurribant; aures verò sermonum undique obstrepentium obscenitas, impietasque identidem vellicabat. Profectò, qui in tantis fluctibus nihil unquam in fide vacillet, nihil inter has sordes à morum, virtuēque integritate dimoveri se patiatur, næ is incredibili, & propè divinâ virtute, animique excelsitate prædictus sit, necesse est.

Nec minori Christianis Prudentiâ, & circumspectione opus erat, ut intra cancellos suos tenerent libertatem illam filiorum Dei, & magnanimitatem, non aliunde, quam ex testimonio bonæ conscientiæ oram. Noverant illi fuitiles improborum cavillationes contemnere, noverant objecta per summam contumeliam maledicta, adeò concoquere, ut neque concitatis in calumniatores seditionibꝫ, neque regestis

**Rom. 12.** in ipsos convitiis, neque inclusis saltem  
**v. 17.** odiis illatas injurias ulciscerentur. Diligenter admodum sibi cavebant, ne quid unquam facerent, quod persecutionem, aut primùm accendere, aut jam antè accessam magis inflammare posset. Pacem, & concordiam, quoad ejus fieri poterat, cum omnibus studiosè conservabant; de-

**1. Petr.** nique ità vivebant, ut benefacientes obmutes-

**2. v. 15.** cere facerent imprudentium hominum ignorantiam. Eandem ob causam, quidquid ad pietatem necessarium non esset, Gentiliūmque animos magis exulcerare posset, omitendum sibi putabant, ipsorumque animos, quibus possent officiis sibi devincendos. Multa Christiani suo statui peculiaria habebant exercitia, per quæ ab Ethnicis necessariò secernebantur, ut adeò minimè opus esset, in exteriore vita, nova quædam, & supervacanea affestare. Itaque vitæ ratio, quæ omnium oculis subiecta erat, nihil à Romanorum, nihil à Græcorum, aliarūmque nationum, inter quas versabantur, instituto dissidebat, nisi cùm aliquid aut castæ Religioni, aut bonis moribus manifestè repugnaret. Nec magnopere laborabant Fideles, ut disputando, & concionando minùs recte dispositos, affectosque convincerent; sed satis habebant, Deo illos in oratione commendare, & partim tolerantiae exemplō, partim

partim recte factorum luce ædificare, bonum pro malo perpetuo reddentes.

In primis erga Principes, Magistratus, & saecularem Potestatem Christianorum elucebat Patientia. Nunquam auditifure, de publica administratione conqueri, aut de saeculari Potestate quidquam per contemptum dicere. Nihil honoris, & obedientiae, dum ne ad idololatriam spearet, ipsis denegabant: tributa penebant non solùm absque repugnantia ulla, sed etiam sinè questibus, & lamentis alias usitatis; tantumque aberat, ut fraudare aliquâ re Magistratus vellent, ut potius manuum labore ipsis subvenirent. Seditionum, & tumultuum popularium neque authores Christiani, neque participes, aut consciî erant conjurationum primis tribus saeculis contra Imperatores factarum, quantumvis impii, & in persecundis Tertul. Apol. c. 35. 36. 37. delibus crudeles isti essent. Solis Christianis propria ea laus fuit, quod nunquam Neronis, Domitiani, Commodi, Caracallæ, aliorumque complurium Tyrannorum Imperio, ac jugo liberare se conati fuerint; cumque per summum nefas, inauditamque barbariem in extremas angustias redacti essent, nunquam tamen in mentem venit, ad justam sui defensionem arma corripere, et si soli Christiani singulis nationibus, quæ Romanis bellum infe-

rebant, numerō longē præstarent. Imò plurimi Fidelium, qui sub Romanis signis militabant, armis, quæ in manibns habebant, non aliter quàm ex præscripto Imperatorum, ac Ducum suorum uti volebant, ut adeò Legiones integræ, qualis illa Sancti Mauritii erat, potius imbellicum ad instar ovium contrucidari se patrentur, quàm ut juratam Deo, ac Cæsari fidem violarent.

*Origen.*  
*contra*  
*Celsum*  
*initio.*

*s. Petri*  
*¶. v. 23.*

Ægrè imperare sibi Christiani poterant, ut paucula quædam verba proferrent, quibus modestè se purgarent, editisque in lucem responsis objecta per summam injuriam crimina diluerent. Toto ferme primo Ecclesiæ sæculo pati, quàm loqui, aut agere maluerunt, divini Præceptoris sui exemplō, qui accusatus tacuit, & iustè se judicanti ultrò sese tradidit. Totam videlicet innocentiae suæ probationem in testimonio bonorum opérum suorum reponebant; neque priùs quàm sub Adriani Imperatoris tempora Apologiæ quædam vulgari cœptæ sunt, tantâ modestiâ, & veneratione, tantâque soliditate, ac gravitate conscriptæ, facile ut animadvertere quivis posset, solo veritatis amore compositas fuisse.

Tam invicta Christianorum in adversis tolerantia ad extremum Potestates omnes mundanas Evangelio subjugavit. Non dum

dum tyrannicarum persecutionum defer-  
buerat aestus , & jam Fidelium multitudo  
ad miraculum usque aucta erat. Horum  
complures inter domesticos Alexandri Im-  
peratoris , nonnulli in ipso Diocletiani pa-  
latio versabantur ; fuitque aliquando tem-  
pus , cum hoc ipsum saevissimi Tyranni pa-  
latium fortissimis Christi Confessoribus ,  
qui tunc in Urbe degebant , asyli ac rece-  
ptaculi loco esset. Sanctus Cajus Papa ,  
& Divae Susannae parens S. Gabinus , Dio- Baron.  
cletiani ex fratre Maximo , sive Maximino Anno  
nepotes erant. Nimirum virtutibus Chri- 294. n.  
stianorum , & miraculis , quae frequenter 5.  
ab ipsis patrabantur , commotus tandem ,  
& conciliatus populus , aequorem se ini-  
que vexatis prebere incepit , palamque ma-  
gnum Christianorum Deum , & innocentes  
Christianos pronunciare. Nonnunquam Acta J.  
evenit , ut , quo tempore suppliciis excru- Bonif.  
ciabantur Martyres , populus , quem ea Anno  
spectacula exciverant , Martyrum partes , 305. n. 1.  
quamlibet invitis ipsis , susciperet , & faxo- Marty-  
rum grandine petitos Judices tribunalibus rolog. 1.  
exturbaret suis. Sapientiam qui aderant , Febr.  
publici Scribae , carcerum custodes , & ap- S. Evilas.  
paritores , animis repente , ac divinitus mu- M. 20.  
tatis , se quoque Christianos esse unanimi-  
ter exclamabant , sed que Martiribus in  
ferendis suppliciis socios adjungebant.  
Quid? Comœdi quoque , & histriones eo  
Sept.

40. <sup>an. 393<sup>a</sup></sup> <sup>Baron.</sup> <sup>n. 118.</sup> ipso tempore, quô in theatris sacrosancta  
 Mysteria per ludum imitabantur, conti-  
 tyrum 9. nuò ex vilissimis homuncionibus Marty-  
 Mart. res evasere illustrissimi; cuiusmodi sub  
 Baron. Diocletiano Ardelion, & Genesius fuere.  
 Atque hinc ultimæ illius, longeque imma-  
 nissimæ persecutionis origo extitit; vide-  
 bant enim Gentiles totum mundum abire  
 post Christum, quemadmodùm olim Pha-  
 risæi loquebantur. Verumtamen ista quo-  
 que omnium dirissima vexatio nihilò plùs,  
 quam præteritæ omnes, profecit, eoque  
 solùm valuit, ut malis suis Religio Chri-  
 stiana cresceret, atque stabiliretur; pro-  
 inde quartō Christi sæculō ineunte, cùm  
 Constantinus Magnus patrocinium nostræ  
 fidei palam susciperet, jam omnia secun-  
 da, votisque suis faventia experti sunt  
 Christiani,



PARS



## PARS III.

### *Ecclesia Christi in libertatem asserta.*

**A**D tertiam operis hujus partem ordine perventum est, in qua Ecclesiæ mores, ex quo illa pace, & libertate frui cœpit, describendi sunt. Hoc videlicet tempus illud erat, inde à tribus sacerdotiis expetitum; hanc sibi quisque veluti auream ætatem, statumque Fidelibus, ad servendum finè metu, & obstatulis Divinæ Majestati, opportunissimum animo effingebat; verum experientia nimis quam clarè docuit, longè utiliores Christianæ rei superiorum temporum persecutiones fuisse. Nihilò tamen minus iidem mores, quos superiori parte retuli, diu post incorrupti permansere; ut adeò nihil novi, quod isto loco afferam, reliquum sit, quam ut differentiam novi hujus Christianorum statūs describam, quæ ex fidei nostræ deinceps, ac publico exercitio nata fuit.

## CAPUT I.

*Prærium Examen, cæteraque ad Baptismum præparatio.*

**Q**uanquam singularis semper adhibita cura est in examinandis, periclitandisque iis, qui sacri fontis gratiam expetebant; multò tamen majori hac in re circumspectione opus fuit, ex quo Christianum fieri impunè licebat; prætereaque temporalis commodi, aliorūmque pravorum finium respectus ad profitendam hanc legem inducere mortales poterant. Ergo qui ad nostra sacra transiturus sisteret se, continuò de causis hujus suæ voluntatis rogabatur, quæque item hominis conditio, liberâne, a servilis, quimores, quæ vitæ antè ætæ ratio esset. Quorum seu professio apertè flagitiosa, seu inveterata peccandi consuetudo deprehendebatur, ii nunquam inter Religionis Christianæ Candidatos admittebantur, nisi re ipsa è cœno emersissent suo. Hujus generis erant prostibula, lenones, comœdi, gladiatores, quique seu in circo cursu decertabant, seu choreis, & cantu populum tenebant; verbô, qui spectaculis vel per se ipsi serviebant, vel certè iis palam addicti erant; præterea circumforanei, præstigiatores, Divini, & qui characteribus, nescio quibus

*Constit.*  
*Apóst.*  
*l. 8. c.*  
32.

quibus, populo traditis, depellere se morbos, vel impedire posse jactabant; denique quisquis superstitionum qualemque genus publicè profitebatur. Procul isti omnes à Religione arcebantur Christiana, nisi priùs pravam consuetudinem posuissent, ac ne tunc quidem, nisi aliquamdiu diligenter probati essent, fidendum ipsis Christiani putabant.

Jam verò qui sacris nostris idoneus iudicabatur, Catechumenis primùm accensebatur impositione manuum, vel ab Episcopo, vel à Sacerdote ex Episcopi commissione factâ. Hic signo crucis tyronis fronti impresso, Deum orabat, ut bene precari Catechumeno vellet, quod fructum caperet ex instructionibus, dignumque se redderet Baptismatis cœlesti munere. Hoc in statu Catechumenus longo tempore, verbi gratiâ, triennii spatiô, permanebat, quo tempore Capitibus nostræ fidei scitu maximè necessariis imbuebatur. Primùm Dei Unius, ac Trini mysterium, Universi creationem, seriem Providentiæ, finemque rerum à Deo conditarum accuratè docebatur; item quæ hominis natura, cur civis mundi constitutus, quibus, & præmiis, & suppliciis, generis humani gubernationem, Deus per omnia retro secula, temperârit; his articulis alii de Incar-

*Confit.*  
*Apost.*  
*l. 7. c.*

10.

Incarnatione, ac reliquis vitæ, & operum  
JEsu Christi mysteriis subjungebantur.

*De Cate-  
chizand.  
Iud.*

Divus Augustinus luculentum Traëta-  
tum conscripsit, quō Catechistas edoce-  
ret modum ritè instituendi novellos Chri-  
sti milites, formámque, ac veluti ideam  
adeò fructuosæ functionis ipse præberet.  
Tempus huic instructioni destinatum, aliàs  
contrahi, aliàs produci solebat; pro eo  
ac tyrones progressum in discendo citius,  
tardiūsve facerent. Nec solùm ad hujus-  
modi progressum in addiscendis fidei dog-  
matis, verùm etiam ad morum, quos ex  
Paganismo attulerant, emendationem at-  
tendebatur, nec nisi perfectâ Catechume-  
norum observatâ conversione, statu illo  
egredi licebat. Eâ re factum est, ut com-  
plures Baptismi susceptionem ad mortem  
usque different. Nulli enim nisi ultro  
petenti, Sacramentum hoc impertieba-  
tur. Etsi non cessarent Pastores anima-  
rum, hujusmodi Catechumenos, ut eam  
gratiam flagitarent, frequenter adhor-  
tari.

*Auguſt.  
l. de fide  
Oper.  
.c. 6.*

Qui admitti ad Baptismum desidera-  
bant, & favore illo digni judicabantur,  
nomina sua dabant, Albo *Comperenium* si-  
ve *Iluminatorum* inscribenda; multò etiam  
diligentiùs, & instantiùs *Quadragesima*-  
li tempore instruebantur, sæpiùsque ad  
Ecclesiam jubebantur convenire, cùm  
ad

ad examen in rebus fidei subeundum, tum ad Exorcismos, ac preces supra ipsos in corona Fidelium rite pronuntiandas. Ea functio scrutinium, & assignata illi tempora, scrutinii dies appellabantur, ad quos Dominicâ proximè præcedente, universa Fidelium congregatio invitari solebat, his fere verbis: *Scrutinii diem dilectissimi Fratres, quô electi nostri divinitus instruuntur, immine cognoscite, adeoque solicita deo*venire sequenti quartâ feriâ circa horam nonam convenire di-<sup>Cod. Se-</sup>  
*gnemini.* Constanter mos iste, ac per com-<sup>cram.</sup>  
*plura sœcula tenuit, proque ipsis etiam*  
*parvulis observatus fuit; ejus vestigia*  
*quædam adhuc extant in officio Eccle-*  
*siaستico.* Sub finem magni Jejunii Sym-<sup>Ord.</sup>  
*bolum Apostolorum iisdem exponeba-*  
*tur, cuius expositionis paradigmata ha-*  
*bes in Catechesi Sancti Cyrilli Hieroso-*  
*lymitani, & in multis S. Augustini ser-<sup>Rom.</sup>  
*monibus.****

Post tot, ac tantas præviæ dispositiones <sup>ibid.</sup>, solenni demum ritu Catechumeni baptizabantur, aut in pervigilio Paschatis, ut nempe cum Christo in novam vitam resurgerent; aut in Vigilia Pentecostes, ut cum Apostolis Spiritum Sanctum acciperent; nam statim à Baptismo, Confirmationis Sacramentō impertiebantur. Extra duo proximè commemorata per annum tempora, Baptinus ordinariō modō non

CON

conferebatur: si verò periculum in mora  
esset, nunquam non illius facta est copia.  
Recens baptizati octo ipsos dies candidam  
vestem portabant in Baptismo acceptam,  
ad denotandum innocentiae candorem,  
quem ad exitum vitæ suæ conservare in-  
contaminatum quisque debeat; tum ve-  
rò universis Ecclesiasticis officiis interesse  
licebat.

Dubitari neutiquam potest, fuisse per  
ea tempora publicæ pacis, & tranquillita-  
tis, solitō plus assiduos, ferventesque Chri-  
stianos, in publicis comprecationibus obe-  
undis, in cætibus majore frequentiâ ha-  
bendis, ubi statim horis diurnis, nocturnis-  
que divinum officium peragebatur. Ac-  
cedebat Ecclesiatum, & Oratoriorum ma-  
jor opportunitas, utpote quæ passim tunc  
aut ædificabantur, aut majori magnificen-  
tiâ, sumptuque ornabantur. Fortasse non  
abs re fuerit, unam aliquam ex antiquis  
Christianorum Ecclesiis hoc loco descri-  
bere, quantum quidem partim ex ido-  
neorum Scriptorum libris, partim ex an-  
tiquiorum, quæ hodiecum supersunt, ædi-  
fiorum structura in hanc rem colligere  
licebit.

## CAPUT II.

*Ecclesiarum Christianarum forma,  
& ornatus.*

**C**hristianorum Ecclesiæ, quoad fieri poterat, à profanis quibuscumque ædificiis separatae erant, atque à strepitu, & concursatione hominum removitæ, atriis etiam, hortis, aut ædificiis, ad Ecclesiam ipsam pertinentibus circumdatæ. Primo statim aditu peristylum erat, sive atrium quadratum, porticibus undique inclusum, quos circumpositæ columnæ sustentabant, eo ferme modo ac formâ, quam hodie in monasteriis, claustris & coenobiis ambitus quadrati repræsentant. Sub illis fornicibus mendiculorum greges morabantur, quibus licebat pro foribus Ecclesiæ stipem rogare. Medio in atrio unus, aut plures prostabant fontes, manibus, vultuique ante orationem abluendis idonei; in quorum locum subinde vasa lustralis aquæ subrogata fuerunt. Duplex atrio vestibulum contiguum erat, ex quo per plures portas ingressus patebat in Basilicam, quæ totius sacræ ædis capacior pars, & veluti corpus erat. Dixi, duplex fuisse vestibulum; nam alterum eorum extra templum erat, alterum ad templum pertinebat, proximè majorem Ecclesiæ portam existens, & à Græcis

<sup>v. Euseb.  
Hist.</sup><sup>Eccl. I.</sup><sup>10. c. 4.</sup><sup>In ver-</sup><sup>nac. lin-</sup><sup>gua.</sup><sup>Creus,</sup><sup>Gang.</sup><sup>Idem de</sup><sup>vita</sup><sup>Constan.</sup><sup>I. 3. c.</sup><sup>34. 35.</sup><sup>Eccl.</sup><sup>I. 4. c.</sup><sup>58.</sup><sup>Paulin.</sup><sup>Ep. 12.</sup><sup>Narr.</sup>

*Narthex* appellatur. Porro Basilicæ ipsi duo plerumque ædificia adjuncta erant; Baptisterium videlicet in ipso templi aditu extrinsecus situm, & quæ parte Ecclesia terminabatur, Vestiarium, sive Sacristia, ubi sacra Supellex asservabatur, qui locus Secretarium, vel Diaconium aliàs dicebatur; non raro etiam juxta templum ædiculæ, sive cellulæ in longum procurrebant, privatim orantium, & meditantium commoditatibus exstructæ, quas nos Sacella, vulgo Capellas nominaremus.

Tota Basilica in tres partes secundum latitudinem suam divisa erat, per duplum columnarum ordinem, quibus ex utroque latere porticus incumbebant, inter quos medium interjectum spatum templi navis erat, quemadmodum in antiquis omnibus Ecclesiis hodie dum observare licet. In extrema templi parte Orientem versus altare se attollebat, & post altare Presbyterium, sive Sanctuarium, quæ secretior templi pars erat solis Sacrorum ministris pervia; quippe in qua divini officii tempore Presbyteri ex ordine assidebant, medium inter ipsos locum obtinente Episcopo, cuius exedra in extremitate sacræ ædis collocata, intrantium per principem portam Fidelium obtutus, veluti totius sacræ structuræ meta terminabat. Altari septum Clathratum, sive cancellis translucidum

pro-

protendebatur, quod chorū appellare liceat; ad ejus ingressum, aut in medio illius pulpitum eminebat, aliās *Ambo* nominatum; eō gradibus ex utraque parte ascendebarū ad sacras lectiones publicē obcūndas. Nonnunquam duo id genus suggesta hinc atque illinc disposita erant, ut spatiō, quod intermedium erat, vacuō relictō, liber ad altare ipsum prospectus esset. Unum ex hisce suggestis, quod ad dexteram Episcopi, & ad sinistrā populi adversi stabat, legendo Evangelio, alterum ē regione oppositum recitandæ Epistolæ serviebat. Porrò spatium, quod inter Ambonem, sive pulpitum, & altare medium erat, Cantores occupabant, qui simplices Clerici erant, ad id muneris speciatim destinati.

Jam Altare ipsum mensa erat ex materia pretiosa, ut argento, aurōve facta, gemmisque distincta; marmore ut minimum aut prophyrite constabat, supra Martyris alicujus tumulum, quoad per loci naturam liceret, erētum. Cūm enim ad Martyrum sepulchra cogi Fidelium cōetus solerent, ibidem etiam Ecclesiæ exstruebantur, vel certè ad Ecclesias alibi exstruetas, Sanctorum Corpora transferebantur. Hinc lex illa Ecclesiæ ortum habuit, prohibentis altare aliquod dedicari, nisi inclusis in illud Sanctorum lipsanis. At-

que hæc Martyrum sepulchra vulgo *Mēmoriæ* aut *Confessiones* nominabantur; Ea subtus humum erant, ad quæ ante Altare illis superædificatum, descensus patebat. Extra sacrificii tempus nihil omnino Alta-ri impositum erat, nihil quod illud proximè contingereret; quatuor solùm columnis, ad totidem angulos erectis, ara circumdabatur, columnis verò quoddam quasi tabernaculum imminebat, quō totum Altare operiebatur, quod proinde *Ciborium* veteres nominabant, à forma videlicet sua, quæ crateri inverso similis erat.

Post Altare, uti suprà dicere institui, Presbyterorum locus, ac regio erat propria, reliquâ æde sacrâ aliquantò humilior, & supernè in angulatum fornicem definens; pars ista Ecclesiæ *Concha* appellabatur, eò quòd superiùs conchæ in modum clauderetur; *Absis* etiam, propter figuræ suæ cum conchyliis, & arcu similitudinem, dici solebat. Denique hæc ipsa templi postrema pars, *Tribunal* etiam nominabatur, propterea quòd in Basilicis profanis, id est, in Principum, & Judicum palatiis hujusmodi locum Magistratus occuparet, à ministris publicis stipatus. Editiore etiam loco Basilicæ ista pars sita erat, ut adeò Altari appropinquaturum Episcopum, per gradus ex ea descendere oportet.

*Ord.  
Rem.*

Uni-

Universa moles hactenus descripta, ad omnem magnificentiam exornata erat. Ciborium sive tegmen, & umbraculum Altaris unà cum quatuor columnis, quibus innitebatur, sæpè solido ex argento conflatum erat; erantque eorum nonnulla, quæ ter mille marcas pondere æquarent; columnis sifaria ex tela magni pretii inter-  
ferta erant, ad Altare omni ex parte cin-  
gendum. Ciborium imaginibus illustratum splendebat, cujus supremam partem Crux, aut alia quædam pia imago solido ex auro facta terminabat; idem ornatus erat sacræ Pyxidis, in qua divinissima Eucharistia ægrotorum in usus asservabatur; eam nos hodie Ciborium vulgo appellamus. Suspensas item ex Altaribus videre erat columbas aureas, argenteasve, Sancti vi-  
delicet Spiritus symbolum, in quibus ipsum adeò Altaris augustissimum Sacra-  
mentum interdum reponebatur. Nonnun-  
quam tota Absis argento convestita erat,  
marmore quidem certè, cum Absis, tum Concha nunquam non obducta erant. Col-  
umnæ etiam, quæ dupli ordine dispo-  
sitæ Basilicam interfecabant, marmoreæ  
erant, cum capitellis æneis inauratis; de-  
nique marmore stratum erat ipsum pavi-  
mentum, & non raro eleganti opere in-  
crustatum. Musivum illud opus vocant,  
cujus ad ornanda templa frequens usus  
fuit,

Anast. in  
Sylvest.  
Et in  
Leon. III.  
&c.

*Idem in  
Steph. IV.*

*Concil.  
Constans  
An. 536  
A.D. 51*

fuit, posterioribus præsertim sæculis; genus id est tessellati, seu vermiculati operis, ex frustis vitri diversicoloribus, ex quibus omnis generis figuræ, & imagines concinnantur, quæ æstatem ita ferunt, nullâ ut temporum injuriâ deleantur. Sed neque

*Vid. Rom. subter-van. 1. 4. c. 6. 7. &c.* aliæ picturæ in Ecclesiis desiderabantur, quibus Ecclesiarum parietes maximam partem ornatæ erant. Vidisses ibidem coloribus expressas Veteris Testamenti complures historias, eas in primis, quæ mysteriorum Novæ Legis umbræ erant, ut Arca Noëmi, Abrahami sacrificium, transitus maris rubri, Jonas in altum dejectus, & Daniel in lacu leonum conclusus. Pluribus in locis Servatoris nostri, aut miraculorum ab ipso patratorum imago quædam se offerebat, qualia sunt multiplicatio panum, & Lazari ad vitam suscitatio.

Deum qualibet in Ecclesia repræsentabuntur Martyris illius, cuius Reliquiæ ibidem positæ erant, res pro Christo fortiter gestæ, & exantlatæ. Duo in hanc rem illu-

*Prud. Pe-  
rissiph.* stria sanè exempla Prudentius nobis suppetit in hymnis de SS. Cassiano, & Hippolyto Martyribus. Picturæ istæ eò præcipue spectabant, ut rudium hominum ingenii librorum loco servirent, quemadmodum Gregorius II. Pontifex in Episto-

*Greg. II.  
Ep. 2da* la secunda ad Imperatorem Leonem Ico- noclastarum auctorem scribit: *Viri ac mu-*

*lieres,*

liores, inquit, pueros parvulos nuper baptiza- in Con-  
tos in ulnis tenentes, utemque florentes ætate cilio  
juvenes, & ex gentibus diversis profectos, in- Nicen.  
dicatis digitò historiis, eos ædificant, eorumque 2do  
mentes & corda sursum ad Deum erigunt. Ne- Oecum.  
que portis Ecclesiarum sua deerant ex VII.  
ebore, argento, auróque ornamenta; Anastas.  
semper vero templi foribus cortinæ præ- in Leon.  
tentæ erant. III.

Diaconium, sive Sacristia, insignis stru-  
ctura erat, ipsi Ecclesiæ contigua. Hic  
sacra vasa, hic libri, & vestimenta Sacer-  
dotum, hic cætera Ecclesiæ sacra, & pre-  
tiosa supellex custodiebantur; Fidelium  
quoque oblationes, ipsaque interdum  
Eucharistia ibidem reponebatur. Eodem  
ad causas Ecclesiasticas secretò tractan-  
das, Clerum suum Episcopus convocabat;  
idem cò se referebat interdum, ut ad rem  
divinam ritè faciendam sese compararet:  
quemadmodùm de S. Martino Severus In vita  
author est, qui tres ipsas horas in Sacri- Ipsius.  
stia abditus, orationi ante Missam vacare  
solitus erat. Inde est, cur ei loco Secre-  
tarii nomen inditum fuerit, cuius spatium  
nonnunquam adeò capax erat, ut Conci-  
liis ibidem celebrandis sufficeret. In non-  
nullis Ecclesiis geminæ ad supra dictos Paul. ep.  
usus aulæ erant, quarum altera sacro in- 12.  
strumento asservando, altera meditatio-  
ni, & consultationi attribuebatur.

Calicum, & Patenarum vis ingens erat; illi sub prima Ecclesiæ saecula saepè quidem vitrei solum erant, saepè tamen persecutionum etiam durante tempore, argentei, aureique adhibiti sunt. Calices isti Lib. Pont. pocula erant, quibus Romani ad bibendum ferè utebantur; Patenæ autem lances, sive catini erant, quibus escæ mensis inferebantur. Calices templorum maximam partem pondus trium marcarum habebant; Patenæ verò utpote prægrandes pelves, sive polubra, non raro quinque, & quadraginta, semper verò triginta marcas graves erant. Jam inde ab iis temporibus cereorum in Ecclesiis usus recepitissimus erat, quorum bene multi, quamlibet adultâ die, accendi solebant, interlucentibus magno numerô lampadibûs. Lumen hic tam creber usus tum temporis, multoque ante, publicæ lætitiae, & venerationis significatio habebatur. Nam Magistratibus Romanis ignis, seu potius prunæ in foculis præferri solebant, ad odores nimirum incendendos; id quod Horatius adnotavit, vanitatem, & insaniam exagitans Prætoris cujusdam, vel

L. 1. Sa-  
tyr. 5.  
v. 34.  
S. c.

potius Scribæ, qui Fundis in parvo, & ignobilis oppido magnos honores sibi sumebat; hujus enim

*Praetextam, & latum clayum, prustæq;  
batillum*

false

falsè Poëta irridet. Præterea in *Notitia Imperii* præter cæteras notas, symbolaque, plurimorum Magnatum, & Procerum, mensa proponitur, in qua liber pulvinari impositus est, aliàs omnibus conspicuus, aliàs oblongo velo coopertus, candelis duabus supra candelabra ardentibus, quæ figura nostris Altaribus admodùm affinis est. Inventa fuere candelabra ex auro, Ecclesiis sub prima Christianismi tempora dono data, quæ septem supra triginta marcas adæquabant; argenteorum verò pondus, ad quadraginta quinque ascendit. Usus item cereorum odoratorum, ad suffitum videlicet faciendum, in aliis etiam extra Italiam Provinciis deprehenditur, quemadmodùm in Baptismo Clodovæi observatum fuisse accepimus.

*Anast. in  
Sylvest.*

*Gregor.  
Turon.  
l. 2.*

Baptisterium figuræ plerumque rotundæ erat, aditumque habebat, ex quo per aliquot gradus descendebant immergendi in aquam; nam locus iste re ipsâ balneum quoddam erat. Consecutis pòst temporibus satìs visum fuit, ingens aliquod labrum balnearium ex candido, rubrove marmore huic mysterio destinare; ad extremum verò tota Baptisterii ratio ad pelvim sive polubrum redacta est, uti nostrâ adhuc ætate fontes baptismales extant. Jam Baptisterium suis quoque, huic Sacramento maximè consentaneis, picturis illustra-

*Paulini.  
Ep. 12.*

*Lib. Pon-* tum, vasisque aureis, & argenteis complu-  
*dif. in In-* ribus ad sacrum Oleum asservandum, &  
*noc. I. &* aquam superfundendam locupletatum erat.  
*alibi.*

*Vasa hæc modò agnelli, modò cervi re-*  
*ferebant figuram, illa sanguinem Agni Di-*  

*Psal. 41.* vini, quo à fôrdibus peccatorum lavamur,  
*u. 1.* ista animarum desideria repræsentabant,  
 Deum, & Cœlestia sitientium. Interdum  
 etiam S. Joannis Baptistæ imaginem vi-  
 dere erat, cum columba aurea, vel ar-  
 gentea sacro fonti imminentे, quò sic eò  
 luculentius exprimeretur universa Christi  
 in Jordane baptizati historia, & virtus  
*Conc.* Spiritus Sancti super aquas baptismales de-  
*Constan-* scendentis; quæ etiam ratio fuit, cur  
*tinop. an.* nonnulli aquam ipsam, seu fontem baptis-  
*535.* malem *Jordanem* appellarent.

Hunc fermè in modum exstructæ erant  
 veteres Ecclesiæ, & ædificia illis adjuncta;  
 cætera enim, quæ huc referri deberent,  
 prætereo: hujusmodi sunt Episcopale pa-  
 latium, & Clericorum habitatio, ex quibus  
 progressu temporis Canonicorum septa, &  
 Monasteria exorta sunt; item hospitales  
 domus diversi generis, quæ maximâ ex  
 parte propè sacram, & principem ædem  
 exstructæ erant.

Et tamen Gentiles corum temporum Fi-  
 delibus exprobrabant, quòd neque tem-  
 pla, neque altaria, neque statuas, neque  
 sacrificia, festaque ulla haberent; quibus  
 Chri-

Christiani, ut objecta diluerent, non aliud ferè respondebant, quām fana illa, & aras, cruentāque Sacrificia nimjūm quantum indigna esse Dei Majestate. Deum non aliam habere sūi imaginem, quām Filium Unigenitum suum, & animas rationales, quæ filii Dei imitatione Patri ipsi efficiantur similes; nec deesse sibi ullō aut locō aut tempore altaria, & sacrificia, laudes nimirum divinas, quas ex animis charitate inflammatis, veluti fumantibus aris identidem offerant; denique veros, ac genuinos Christianos nullum diem non habere festum, perpetuūque gaudium gaudere, propter caducarum rerum despicientiam, propter securæ conscientiæ tranquillitatem, ac cœlestium bonorum exspectationem, limpidissimæ voluptatis plenam. Hæc aliisque his similia ad Gentilium obtundendas criminationes Christiani reponebant; quin præterea disertiūs responderent, dicerentque, esse sibi omnino templa, & altaria etiam materialia, perinde atque Ethnici habeant, licet figurā ab istis diversā.

Aliud nimirum Gentiles, aliud Christiani cogitabant, cum templa, aut altaria non minarentur. Gentilibus enim altare nihil aliud erat, quām focus quidam ē lapidibus in foro aliquo ante templum, aut idolum, & quidem sub dio exstructus, in quo

victimarum carnes cremari, vinumque, lac, mel, & alia libationum genera effundi mos erat. Idem templum accipiebant pro ædificio singulari, figuræ aliæ rotundæ, aliæ oblongæ; in cuius structura proportio, certaque ornamenta, pro diversitate divinitatum, diversa etiam ipsa erant; quemadmodum apud Vitruvium legere est. Generatim tamen id genus templo maximam partem angusta erant, fenestrâ aut planè destituta, aut modicâ luce per illas admissâ subobscura; nec quidquam aliud in iis, præter Deorum simulacra, & donaria illis facta, visebatur; populus enim intrò succedere non solebat, sed pro tempi foribus altare ipsum circumstabat. Contrâ verò Christianorum Ecclesiæ aulis quam fanis similiores erant, cujusmodi

Vitruv.  
l. 4. c. 1.  
Baron.  
ad Martynol.

videlicet Basilicæ fuerunt à Vitruvio de-  
scriptæ, aut Scholæ publicis usibus apertæ. Eminebat in illis tribunal cum suggestu  
sive cathedra, quam totius conventus Præ-  
fes occupabat; prætereà offerebant se-  
pulpitum pro lectoribus, scamna pro au-  
ditoribus, libri, armaria, lampades, can-  
delabra, mensa denique, cujus quis usus  
esset, Gentiles ignorabant, nisi quod sci-  
rent epulas interdum Christianos inter se  
communes habere. Accedit, quod coetus  
suos, & loca, ubi coetus cogebant, Chri-  
stiani frequentius translatis vocabulis effer-

re solebant, nominando illos Ecclesiam, Basilicam, Oratorium, Domum Dei, *Dominicum*, sive quod idem ex Græco sonat *Kyriacum*, ex quibus ultimis vocabulis voices Germanicæ *Dom* & *Kirch* ortum duxere; raro ea loca templum, nunquam verò, quod legere meminerim, delubra aut fana appellabant; fæpè etiam Altaris loco *sacram mensam* dicebant. Progrediente tamen die ipsa Gentilium fana ad veri Numinis cultum adhibita fuerunt, siquidem ad Religionis nostræ functiones idonea haberentur. Quemadmodùm Romæ Pantheon, Minervæ, Fortunæ, aliisque Deorum, Dearumque Fana in Ecclesiæ Christianas conversæ sunt.

Non amplæ solùm, ornatæque erant Christianorum Ecclesiæ, verùm etiam, ut mundæ essent, ac probè custoditæ, sollicitè curabatur. S. Hieronymus Nepotianum Presbyterum laudat, cuius curâ, diligentiaque factum fuit, ut Ecclesiæ ipsius altare perpolitum, muri à fuligine, pavimentum à pulvere, & fordibus defensum, sacristia nitida, vasa pellucida conservarentur, assiduusque ad Ecclesiæ fores janitor excubaret. Hujus generis ministriis, inferioris ordinis in Ecclesia ministri deputati erant, quocunque demum nomine illos appellare libeat; nam Janitores, Mansionarii, Cubicularii, Æditui vocabantur.

bantur, ingēnsque semper in majoribus  
 Ecclesiis numerus eorum erat. Ex formu-  
 la Ordinationis colligitur, officium Jani-  
 torum fuisse, ut dato signō statis horis Fi-  
 deles ad comprecationem advocarent, sive  
 campanarum pulsatione, ex quo earum  
 tūsus receptus fuit, quod sāculo sexto ex-  
 eunte contigisse creditur, sive aliā quādam  
 ratione id fieret; præterea portam Eccle-  
 siæ reserare, ad eandem excubare, infide-  
 les, atque excommunicatos inde prohibe-  
 re, claves perpetuō asservare, denique ne  
 quid per negligentiam deperiret, cavere  
 Ostiarii debebant. Ex Dialogis S. Grego-  
 rii discimus, lampadum curam Mansiona-  
 riis demandatam fuisse; hi ipsi ex inferiore  
 Dial. 1. c. 5. &  
 Dial. 3. c. 24.  
 Clero ministri, festis ac solemnibus per an-  
 num diebus Ecclesiis pro suo munere ex-  
 ornabant, aliàs peristromatis ex serico,  
 aliòve pretioso opere contextis, alias fiori-  
 bus & virentibus ramis sacros parietes sci-  
 tè vstiendo; verbō, in adornando, curan-  
 dōque sancto loco, nihil ab ipsis præter-  
 mittebatur, quod ad ingenerandam ho-  
 minibus Domūs Dei reverentiam, & pietatē  
 necessarium esset. Porrò id genus fun-  
 ctiones tanti fiebant, ut Laicis eas obire  
 non permitteretur; cámque ob causam  
 consultius visum fuit, ad Diaconorum sub-  
 levandos labores, novos Clericorum ordi-  
 nes qui muneribus illis præficerentur, con-  
 stituere.

CA-

## CAPUT III.

*Religionis exterior apparatus, ejusque  
necessitas.*

**E**T si Christiana Religio tota spiritua-  
lis sit, atque ad interiorem homi-  
nem præcipue spectet; nihilo tamen  
minùs Christiani homines utique sunt cæ-  
teris mortalibus similes, perindeque, ac  
reliqui, sensuum, & phantasiæ objectis affi-  
ci, ac moveri solent. Imò dicere ausim,  
quàm plurimos ipsorum in omni actione  
sua, viteque rotius ratione, sensibilium  
rerum ductum, ac veluti magisterium uni-  
cè sequi. Quotus enim quisque est, qui  
animali hominis parte prossus superior,  
totus sit in operationibus merè internis &  
intellectivis? Imò qui tales sunt, quoties  
ab iis distrahi, & avocari non solent? Igi-  
tur rerum externarum adminiculis fulciri  
pietatem nostrani, & adjuvarī omnino ne-  
cessē est. Si, quæ Angelorum natura est,  
puri spiritus essemus, ab omni corporum  
concretione semoti, perinde in uno, at-  
que in alio loco animum per orationem  
ad Deum erigere nullo negotiō possemus;  
nec fori, aut compitorum strepitus, nec  
militarium tumultus stationum, nec po-  
pinarum nidor, & helluionum in illis te-  
mulentæ voces, nec ullius denique cloacæ  
fordes, ac fœtor ab orando Deo animum

avocarent nostrum. Cur autem omnia hæc loca nimiùm quantùm ad colligendum animum inepta evitamus; nisi ut sensuum nostrorum, ac phantasie lubricitati, & naturali ad exteriora effusioni utcunque occurramus? Nobis profectò, non Deo, Templis, & Oratoriis opus est. Is enim locis omnibus ex æquo præsens adest, sempèrque ad nos audiendos paratus; nos verò ad colloquendum cum ipso haud perinde quovis tempore, ac locò expediti sumus. Frustra igitur certa quædam loca divino cultui sacramus, nisi eadem à nobis ita curentur, exornentúrque, ut ad ingenerandam pietatem opportuna sint. Nos ipsi nonne indies experimur, quàm difficile sit orationi vacare in Ecclesia locò tam incommodò sita, ut vicini fori, aut frequentatæ ab hominibus plateæ strepitus è propinquo exaudiatur, tam pulvritulentâ insuper maléque perpurgatâ, vix ut invenias, ubi pedem figere, ubi considere, aut ponere genua commode liceat; in Ecclesia denique, ubi unda populi ultrò citróque comeantis nunc in latera, nunc in pedes orantium incurrat; ubi infantium ejulatu, exactorum pro stipe corroganda, omnisque generis mendicabulorum clamoribus perpetuò interpellentis? E contrario Ecclesiam cogita à turba, & tumultu semotam, structuræ in-

insuper elegantiâ, & sacri instrumenti apparatus, ac nitore præstantem, in qua bene coordinatus Clericorum chorus divini officii partes omnes ingenti cum modestia, ac dignitateobeat; sanè ad assistendum tali in loco rei divinæ, & ad preces non tantum linguâ, sed intimo animi affectu, quod Apostolus monet, fundendas, nullum efficacius afferri posset invitamentum.

Probè ista animadverterant primorum Ecclesiæ sæculorum sapientissimi Præfules. Erant isti partim Græci, partim Romani, sæpè quidem philosophicis disciplinis, semper vero urbanitatis, & decentiæ præceptis egregiè imbuti; intelligebant, ad excitanda in hominum animis præclara sensa, honestissimâque de rebus sacris, ac divinis judicia, momenti plurimum habere ordinem, dignitatem, & munditiam rerum, quæ sensibus objiciuntur; necessariò etiam ex hac rerum æstimatione voluntatem tenerè commoveri, & colliquescere; Sed neque illud eos latebat, ægrè admodum fieri posse, ut ad sublimia, seseque digna hominis animus assurgat, quamdiu corpus ipsum impeditur, & phantasia externalium rerum imaginibus veluti fauciata languet. Interim tamen pietatem tanti æstimabant, ut eam, quoquo modō possent, adju-

1 Cor.  
14. v. 15.

vandam curarent. Quare illud in primis agebant, ut tota publici, Divinique Officii ratio, præcipue vero augustum Altaris Sacrificium, quantâ maximâ fieri posset, maiestate, & splendore perageretur; utque populus eidem quam commodissime interesset, quod sic suus domui Dei amor, debitâque veneratio constaret. Procul tamen à Sacris Ædibus fastum omnem profanum, procul effeminatum luxum, & quidquid denique lenocinari animis, & sensus externos ferire poterat, proscribebant; neque enim ad permulgendos molliter sensus, sed ad eosdem, ut divinis vacare possent, sublevandos exterior in templis pompa spectabat. Clarius ista percipientur, ubi totam antiquorum Liturgiam ordine enarravero.

## CAPUT IV.

### *Liturgiae Ordo.*

**S**ingulis Dominicis, Festisque Sanctorum Martyrum, & jejunio dicatis diebus, denique saepius per annum pro diversa cujuscunque peculiaris Ecclesiæ consuetudine, divinum sacrificium offerebatur; votivæ etiam Missæ pro publicis, & privatis necessitatibus fiebant. Dominicis, ac festis diebus res divina peragebatur finitâ Tertiâ; diebus vero jejunii tardius pro eo, ac refectio corporum

*Cod. Sacram.  
Edit.  
Roman.  
1089.*

rum nunc post Nonam, nunc à Vesperis  
 præscripta erat. Ubi primùm hora rei  
 sacræ destinata illuxit, Fidelium multitu-  
 do ad ædem principem confluebat, in-  
 déque unâ cum Episcopo, & Clero uni-  
 verso ad locum, in quo statio illius diei  
 indicta erat, se conferebat; hunc enim  
 in modum Episcopus Ecclesias omnes  
 suæ curæ creditas, per se ipse obiens lu-  
 strabat; atque ex hujusmodi visitationi-  
 bus, cùm collectus in unum corpus om-  
 nis populus ordinatim procederet, Pro-  
 cessionum ùt vocant, sive supplicationum  
 apud Christianos mos, & nomen fluxit.  
 Interea temporis intrante populo, singu-  
 lisque locum occupantibus, à choro psal-  
 mus aliquis cum Antiphona sua decanta-  
 batur; cui proinde Introitûs nomen in  
 Ecclesia inditum, hodiéque manet. Dia-  
 coni, & qui his juvandis subrogati erant,  
 Subdiaconi videlicet, atque Ostiarii cer-  
 tum singulis, ut quisque templum in-  
 grediebatur, locum assignabant; ut adeò  
 in tanta multitudine confusionis esset  
 omnino nihil. Hoc ordine collocati, ac  
 veluti in stationes suas distributi Fideles,  
 preces aliquamdiu taciti fundebant: tum  
 Episcopus toto cœtu salutato, clara, &  
 elatâ voce comprecationem illam oratio-  
 ne quâdam concludebat, quæ Collectæ  
 nomen eâ re sortita est.

L

Se-

 Ord.  
Rom.

2. Petr.  
 3. v. 3. Secundùm hæc in folio suo Episcopus  
 affidebat, quod in extrema, & eminentiori  
 Basilikæ parte collocatum, veluti centrum  
 ac scopus erat, in quem conversi totius  
 multitudinis obtutus collinearent. Hâc  
 1. Cor.  
 11. v. 1. ratione Pastorum quilibet visibilis quæ-  
 dam Dei imago, &, ut sacræ paginæ lo-  
 quuntur, forma gregis sui erat, perinde  
 ac Christus ipse splendor est, & imago  
 ad Tit. 2. Dei Patris. Episcopum Presbyteri ad  
 v. 7. dexteram, & sinistram medium in orbem,  
 quæ Absidis figura erat, ipsi quoque se-  
 dentes circumdabant, Diaconis in pedes  
 erectis. Ecclesiæ ista facies paradisi refe-  
 spoc. 4. rebat imaginem à S. Joanne in Apoca-  
 lypsí descriptam. Episcopus cum volu-  
 mine in manu, quô modô Ecclesiæ Pa-  
 tres depingi solent, throno insidens vi-  
 cem, ac personam sustinebat ipsius Dei,  
 sub habitu, & specie humana in Throno  
 sedentis, librûmque manu tenentis intus,  
 & foris scriptum. Porrò Presbyteri vi-  
 ginti quatuor Seniorum augustum Sena-  
 tum repræsentabant; Diaconi cum reli-  
 quis Sacrorum ministris Angelos expri-  
 mebant, administratorios videlicet Spir-  
 itus, ad Dei capessenda iussa perpetuò  
 expeditos. Ante solium Episcopale se-  
 ptem candelabra cum Altari posita erant,  
 in quo primùm incensa multa, quæ sunt  
 orationes Sanctorum, tum vero Agnus  
 sine

sine macula offerebatur , et si aliis , ac peregrinis speciebus panis propositus . Denique turmæ Fidelium , quibus Basiliaca tota replebatur , non ineleganter turbam illam magnam referebant , quam di numerare nemo potest , Beatorum in quam Cœlitum , qui stant ante Thronum , & Apoc. 7. in conspectu Agni amicti stolis albis , & palmae in v. 9. dicitur manibus eorum : & clamant voce magna dicentes : Salus Deo nostro , qui sedet super thronum , & Agno . Hæc ferme coetuum in Ecclesiis agi solitorum forma erat .

Ubi quisque certò loco constitit , Lectorum unus aliquis Ambone consenso è Vetere primùm , sibinde è Novo Testamento partem aliquam recitabat , nimirum ex Actis , aut Epistolis Apostolorum ; nam Evangelii lectio Sacerdotibus , aut Diaconis reservata erat . Quò suavior auditu sacra hæc lectio esset , otiumque , & opportunitas daretur tum audientibus , attentiùs lecta meditandi , tum Lectori bus , à contentione vocis sese colligendi , Psalmorum , Antiphonarum , & festivo vocis Alleluja interposito concentu , lectio ipsa condiebatur . Omnes hujusmodi lectiones peragebantur in lingua vulgari . id est , in ea , quâ honestiores illius Provinciæ homines utebantur . Etsi enim Augustini ætate lingua Punica apud plebejos in Africa homines in usu erat , nul-

*Vid. S.  
Anton.  
e. I.  
Conc.  
Eph.  
Conc.  
Chalced.  
A. 10.*

libi tamen legitur, ad Ecclesiasticum Of-  
ficium adhibitam fuisse. Contrà verò in  
Thebaide lectiones sacras Ægyptiaco ser-  
mone obitas fuisse necesse est, quando-  
quidem S. Antonius, qui præter hanc lin-  
guam, nullam aliam callebat, auditâ Evan-  
gelii lectione ad Deum conversus fuit.  
In Syria superiore Episcoporum pauci ad-  
modùm Græcè docti erant, nec alio,  
quam Syriaco sermone ipsi utebantur; id  
quod ex Conciliis, quibus interfuere,  
comprobatur, ubi interprete indigebant.

## CAPUT V.

### *Conciones.*

**L**ectionem sacram Concio excipiebat.  
Antistes Evangelium, aut aliam Di-  
vinæ Scripturæ partem explanabat,  
ex qua librum persæpè integrum à capite  
ad calcem sumebat exponendum; argu-  
menta quidem certè talia inde feligebat,  
quæ plus in vulgus utilitatis, & momen-  
ti haberent; exempla hujusmodi expo-  
sitionum continuarum, in Homiliis be-  
ne multis Chrysostomi, & in Tractati-  
bus S. Augustini in Psalmos, in Joannem,  
& Epistolas Paulinas occurrunt. Sele-  
ctiora verò è libris sacris decerpta argu-  
menta, in operibus Divi Ambrosii sese of-  
ferunt, qui Sanctum Basiliū imitatus,  
primum quidem de opere sex dierum,

tum

tum verò de Noëmi , Abrahæ , aliorūm-  
que in sacra historia sanctitate insignium  
Virorum rebus gestis tractat . Dissertationes istæ Patrum , & Commentarii in sa-  
cras literas maxima ex parte , nihil aliud  
ferè sunt , quām conciones , vel ab ipsis  
Patribus subinde literis mandatæ , vel ab  
aliis , qui concionibus intererant , notis  
compendiariis , de quibus suprà egi , ca-  
lamō exceptæ . Nimirum non erant Pa-  
tres illi de genere malè feriatorum sophi-  
starum , aut declamatorum , qui pravâ con-  
tradicendi mutuò æmulatione , aut alios  
superandi studiô incensi , nunc in scholis  
publicè disputabant , nunc ad eruditienis  
suæ , præstantisque ingenii ostentationem  
in Musæis additi , volumina per otium  
conscrivebant . Sed Pastores animarum  
erant , infinitis negotiis distenti , quæ pro-  
ximi charitas exigebat , maximè verò sub-  
ditorum componendis litibus occupati ;  
qui tamen non omittebant quām fre-  
quentissimè ad populum verba facere , ut  
muneris sui partem illam explerent ,  
quam ministerio suo maximè omnium  
propriam esse , ac necessariam judicabant .  
Etenim sub prima Ecclesiæ sæcula Epi-  
scopi omnes , extráque illos fermè nulli  
concionabantur . In Oriente primùm ac-  
ciri ad habendas conciones nonnulli ex  
Presbyteris cœperunt , qui ad id genus

V. Aug.  
de opere  
Monach.  
c. 29. §

Ep. ad  
Diosc.

V. Synes.  
Ep. 57.

functionis singularibus naturæ, & gratiæ præfidiis instructi erant, qualem S. Ioannem Chrysostomum fuisse constat; in Occidente verò inter primos, qui ex Ordine Presbyterorum ad Populum de suggestu agerent, S. Augustinus fuit.

Atque hæc causa est, cur nostri ævi concionatoribus Patrum sermones usque adeò alieni videantur ab idea, & methodo concionandi, quam sibi hâc ætate sequendam proposuerunt. Sunt illi nimirum planò, simplicique stylò conscripti, in quibus neque artificium, neque partitio-nes oratorias deprehendas: absunt subtiliores ratiocinationes, absunt curiosarum pigmenta eruditionum: sine motu vehe-mentiore affectuum nonnulli, plerique autem oppidò breves sunt. Fateor equidem, non id spectasse sanctos illos Episcopos, ut clari, perfectique oratores, aut concionatores haberentur; sed illud spe-  
stabant unicè, ut familiariter cum suis, quemadmodùm magistri cum discipulis, cum liberis patres, agerent. Eandem ob causam exhortationes ipsorum, homi-nias græcè, latinè sermones nominamus, id est, familiaria colloquia. Docere populum cupiebant, exponendo Scri-pturas Sacras, non per criticas, curio-sasque rerum indagationes, ac quæ-stiunculas, utì Homerum, & Virgilium

Gram-

Grammatici in scholis explicabant, sed per Traditiones Patrum antiquas, ut tam fidem stabilirent, quām morum efficerent emendationem. Commovere quidem, & flectere Auditorum animos studebant; hoc ipsum verò non tam eloquentiæ vi, adhibitaque in declamando contentione, quām veritatum, quas proponebant, magnitudine, proprii muneris majestate, virtutæ totius sanctimoniam, promptaque in omnes charitate consequi allaborabant.

Dicendi genus Auditorum captui accommodatum erat. Inter omnia Augustini opera, ipsius ad populum Sermones, omnium simplicissimi, humillimique sunt, atque adeò breviore, facilioréque stylo, quām ejusdem Epistolæ, conscripti; hos enim Sermones in oppido angusto, atque obscuro ad institores, ad rusticam, nauticāmque turbam habuit. Cæterū idem S. Doctor in Polemicis libris, iis præsentim, quos contra Julianum edidit, luculenter demonstrat, nequaquam se Rheticæ artis, quam olim publicè ac longo tempore docuerat, oblitum fuisse. Contrà verò Sanctorum Cypriani, Ambrosii, & Leonis conciones, utpote in civitatibus per amplis habitæ, longè elegantiiores, atque ad regulas oratorias magis exactæ sunt; diverso tamen stylō exaratæ, pro cuiusque Patrum privata indole, temporūmque, in

quæ quisque inciderat, varia consuetudine. Neque enim rerum piarum, quæ à Patribus tractabantur, argumentis adscribi possunt, quæ humaniorum literarum periti, in voluminaibus Patrum censoriō stylō configunt; cùm modò latini sermonis puritatem in iis desiderant, modò probationum haud satis firma momenta, & exornationum juveniles flosculos, allegorias inquam longius accersitas, verborum argumentias, & locutionum, ac vocum veluti rhythmicos concentus reprehendunt. Temporum ista, non personarum, aut materia rum vitia erant; nec dubium est, quin Patres, si Ciceronis, aut Terentii ætate vixissent, cum Cicerone etiam, & Terentio locuti fuissent.

Minor est Patrum Græcorum ab antiquis, optimisque suæ nationis Scriptoribus in stylo differentia; minùs enim Orientis lingua mutationi, & corruptelæ obnoxia fuit, studiis literarum in ea orbis parte, majori curâ, diligentiaque conservatis. Patrum istorum opera maximam partem solidè conscripta, lectuque in paucis amœna sunt. Chrysostomus ante alios omnes concionatoris, omnibus numeris absoluti, exemplum mihi semper visus fuit. Is Homilias suas orditur ab expositione Divinæ Scripturæ, dilucidando versus alios ex aliis, eo ordine, ac numerô, quô priùs à Lectore

re fuerant recitati; in iisque explicandis sensum investigat maximè genuinum, & formandis moribus aptiorem; ad extremum Perorationis locò adhortationem subnectit moralem, quæ sèpè non tam argumento præmissæ expositionis, quam Auditorum præsenti necessitati convenit; quippe quam vigilantissimus juxta, & sapientissimus Pastor probè perspectam habebat. Illud etiam in ejusdem Sermonibus animadvertis, vitia ipsum speciatim infectari, & ut ità dicam, singulari cum unoquoque illorum congredi certamine, nec ante finem facere unum aliquod oppugnandi, quam illud vel planè exterminatum, vel certè potissima ex parte compressum, ac domitum videret. Digna sancto virō sententia est, quam is in Homilia sexta in 1. Ep. ad Timotheum pronunciat; postquam enim maledicendi, & convitiandi pravam consuetudinem graviter in ea reprehenderat, ità demum concludit: *Millies jam hujusmodi monita dedimus, neque ea repetere unquam desistemus, modo quis profetus eveniat: & post pauca: nunquam eadem vobis repetere desinemus, donec penitus insinuentur cordibus vestris, atque in opus erumpant.*

Sancti isti, & Apostolici Prædicatores, quos ad dicendum nec propriæ laudis, nec privatæ utilitatis cupiditas, sed divinæ gloriæ, & animarum lucra exstimulabant,

id unum propositum habebant, eò inge-  
nii, & eloquentiæ nervos contendebant  
omnes, ut animas ad Creatorem suum  
adducerent; neque incredibili suo zelo  
factum satis putabant, quamdiu ipsis oculis  
non cernerent animorum comitatio-  
nem minimè dubiam, aut vulgarem. Sic  
D. Augustinum constat negotium sibi  
sumpsisse, abolendi morem celebrandorum  
conviviorum, quo die Martyrum anni-  
versaria agebatur memoria; propterea,  
quòd ejusmodi convivia in commissatio-  
nes denique, & intemperantiam abirent;  
morem hunc quantumvis inveteratum S.  
Doctor abrogavit, proponendo luculentas  
Divinæ Scripturæ sententias, Gulæ vitia  
damnantes, duósque continuos dies etiam  
cum lacrymis populum cohortando, do-  
nec demum Auditorum videret expugna-  
tos animos. Non erat tunc temporis me-  
tuendum, ne eādem in Ecclesiâ pugnan-  
tes inter se doctrinæ traderentur; neque  
enim præter Episcopum aliis sive Concio-  
nator, sive Doctor erat, nisi fortè Sacer-  
dos aliquis ab Episcopo delectus, qui ju-  
bente ipso, atque ut plurimùm præfente,  
ex superiore loco verba ficeret.

Concionis tempore omnibus, ac singu-  
lis, quamvis Ethnici essent, aditus ad Tem-  
plum patebat; atque hinc erat illa Patrum  
in occultandis fidei arcanis dogmatibus  
circum-

circumspectio , ut de illis aut nihil admōdūm , aut subobscure tantūm loquerentur. Eadem causa fuit , cur sermonem non raro Patres instituerent , qui ad Paganos ab errore ad sanam fidem adducendos spectaret , cuiusmodi Sermones inter opera ipsorum multi extant. Quo tempore lectio sacra , instructiōque habebatur , Auditores ordine considebant , viris unum Constit.  
 latus , alterum fœminis occupantibus , ut- Apost. l.  
2. c. 57.  
 que magis istae ab illis remotæ essent , por-  
 ticus templi , siquidem tales Ecclesia ha-  
 beret , conscendebant. Principem in se-  
 dendo locum proiectioris ætatis homines  
 obtinebant ; Parentes ante se tenebant li-  
 beros suos , nam hunc quoque tenellum  
 gregem ad Ecclesiam admittebant , dum-  
 modo Baptismō initiatus esset ; juniores  
 natu , ubi scamna , & sedes occupata jam  
 erant , pedibus innitebantur. Diacono-  
 rum erat , perpetuò invigilare , ut ordo hu-  
 jusmodi diligenter observaretur ; item ca-  
 vere , ne quis strepitus excitaretur , ne dor-  
 mitare quidam inciperent , aut vicino ar-  
 ridere leviūs , aut in aurem inutilia insu-  
 surrare , aliterve oculis , & digitis annuere Constit.  
Apost.  
l. 8. c.  
11.  
 auderent ; verbō , ut omnia modestè , & in  
 silentio fierent , Diaconi curabant. In  
 Africanis Ecclesiis populus omnis in pe-  
 des eretus instructiones publicas excipie-  
 bat , quemadmodūm S. Augustinus author Aug. de  
Catech.  
Rud. c.  
 est , 13.

est, qui tamen consuetudinem sedendi in Ecclesiis, quas ipse transmarinas vocat, receptam commendat.

Ut dicendi finis est factus, facessere ex Ecclesia jubebantur, quibus assistere Sacrificio non licebat, *Audientes\** in primis, & Gentiles. Subinde orationibus pro Catechumenis recitatis, isti quoque, simili modō Energumeni precibus antea Deo commendati, templō exire jubebantur; idem *Competentibus\*\** ac denique Poenitentibus fiebat.

\* *Audientes*: isto nomine generatim interdum accipiebantur Energumeni, Pœnitentes, & qui jam cæchesi præviā instructi Baptismum expetebant; siquidem omnibus istis audire Verbum Dei permisum erat. Alias verò, & hoc maximè loco per *Audientes* intelliguntur ii, qui in peccatis hærent impenitentes, quos Auctor Ecclesiasticæ Hierarchiæ Cap. de Communione, impurissimum genus Energumenorum vocat, utpote qui à vita pristinâ dilapsi sanctitate, mores, & studia Dæmonum induerunt; quos proinde, etsi olim baptizatos, ante Catechumenos, & Energumenos, quorum videlicet corpora solum obsidebat dæmon, templo ejici à Diacono, moris erat, neque ad ullam rem divinam admitti, præterquam ad audiendarum Sacrarum scripturarum explanationem, quò tandem converterentur.

\*\* *Competentes*, alio nomine Φωτιζόμενοι, hoc est illuminati appellabantur; eò quod fidei doctrinâ jam satis eruditii, Baptismi gratiam simul expetebant, qnemadmodum ex S. Augustino B. Isidorus vocem hanc explicat. L. 2. de Eccl. Officiis Cap. 21.

fiebat. Hunc in modum perpurgato Fi- Conf.  
 delium cœtu , ac veluti zizaniis liberatō Apost. l.  
 triticō , preces ordine fundi cœperunt 8. c. 6.  
 pro universa Ecclesia , pro singulis Cleri- Ec. 6.  
 corum , & populi gradibus , pro omnis ge- Laodic.  
 neris afflētis hominibus , denique pro ini- c. 19.  
 micis , & persecutoribus. Diaconus , pro  
 quonam orandum esset , priùs admonebat  
 populum , tum Episcopus orationem reci-  
 tabat eo planè modō , qui hodie dum in  
 die Parasceves solennis est. Nam in aliis  
 per annum Missæ Sacrificiis preces illæ no-  
 stro ævō supplentur orationibūs ante , &  
 post concionem usitatis. Secundūm ista  
 Episcopus alterā vice salutem , & pacem  
 omnibus impertiebatur , populo respon-  
 dente : *Et cum Spiritu tuo.* Tum Diaconus Cypria.  
 elatā voce exclamabat : *Ne quis contra quem-* Apolog. l.  
*piam. Ne quis in hypocrisi.* *Osculamini vos mutuo* cit. c. 11.  
*osculō sanctō.* Nec mora : ut quisque alte- G. 12.  
 ri vicinus erat , in signum perfectæ chari-  
 tatis , quâ præsentes inter se jungebantur ,  
 osculum pacis eidem dabat , rursūmque  
 ab eo accipiebat : Clerici quidem separa-  
 tīm , inter Laicos autem viri viris , & fœ-  
 minis fœminæ , singuli singulis in suo or-  
 dīne , ac sexu , publicam hanc pacis , &  
 concordiæ significationem mutuo sibi im-  
 pendebant.

## CAPUT VI.

*Sacrificium, & Sacrificantum Vester.*

**P**Ræmissis omnibus, quas hæc tenus ex-  
posui, dispositionibus, Sacrificium  
denique initium sumpfit. Diaconi  
à Subdiaconis adjuti, mappam unam supra  
altare, alteram supra abacum explicabant,  
altari vicinum, quem vulgo credentiam ex  
Italico idiomate nominamus; iidem vasa  
omnia sacra præparabant, intérque illa  
patenas præcipue, & calices, quæ omnia,  
ut mundiora conservarentur, velò super-  
imposito cooperiebant. Rebus ita ordi-  
natis, Episcopus altari appropinquabat  
*splendidam vestem indutus*, uti loquitur Au-  
thor Constitutionum Apostolicarum; quæ  
res argumento est, jam tum temporis pe-  
culiares habitus ad altaris obeunda mini-  
steria in usu fuisse, etsi figurâ à profanis  
indumentis nihil different. *Casula* enim  
ætate Augustini vestimentum erat vulga-  
re, & passim apud Laicos usitatum. *Dalmatica* inde à temporibus Valeriani Impe-  
ratoris adhibebatur; *Stola* nihil aliud erat,  
quam pallium talare, ipsis adeò fœminis  
familiare, hanc Stolam nos cum Orario  
confundere cœpimus; erat autem *Ora-  
rium*, quo nomine Stola Sacerdotalis ex-  
primenda esset, fascia quædam linea, ur-  
banitatis causâ, ab hominibus decori ante-  
alios

Lib. 8.  
s. 12.

August.  
de civ.  
Dei l. 22.  
s. 8.

Thomas.  
discip. p.  
l. 1. 2.  
s. 44.

alios studiosis gestari solita, ad sudorem  
 à collo, vultuque detergendum. Denique *Manipulus* aliud non erat, quām lin-  
 teum, sive mantile brachio injectum, quō  
 sic majore cum munditia sacræ mensæ in-  
 serviretur. *Alba* etiam, id est, tunica ex  
 lino, vel lana candidi coloris, initiō qui-  
 dem Clericorum non erat proprius habi-  
 tus, sed aliis etiam communis; nam Vopi- *Vopisc.*  
 sco Authore Aurelianus Imperator dona- *in Aurel.*  
 vit populo Romano *tunicas albas manicalas*, uti  
 & Oraria, quibus narium pituita excipe- *Hom.*  
 retur. Sicuti autem, ex quo Clerici Al- *Leon.*  
 bam ejusmodi perpetuò gestandi, consue- *Pap. IV.*  
 tudinem invexerunt, Sacerdotibus com- *tom. 8.*  
 mendatum fuit, ut aliam ipsi consimilem *conc.*  
 vestem in promptu haberent, eaque, ut *pag. 34.*  
 nimirum candidior servaretur, nonnisi ad  
 ministerium altaris uterentur, ita credere  
 juvat, eosdem, cū Casulâ, & Dalmaticâ  
 nunquam non induerentur, alias præterea  
 ejusdem formæ vestes habuisse, uni Sacri- *Conc.*  
 ficio ritè peragendo destinatas; quæ tamen *Brac. 4.*  
 & materiâ, & coloris splendore aliis id *cap. 3.*  
 genus in populo usitatis vestibus essent *An. 675.*  
 superiores. Illud ante omnia sacri Cano-  
 nes Presbyteris, ac Diaconis commenda-  
 tum volebant, ne quis coram ministrare,  
 aut operari sacris absque Orario auderet,  
 cuius tamen usus, inferioris ordinis Cleri- *Conc.*  
 cis interdictus erat, *Laod. c.*  
*22. 23.*

Id nimirum Ecclesia spectabat, ut sacrorum ministri exteriore etiam corporis cultu, habituque, præclaram Laicis, honestissimamque opinionem functionum suarum imprimenterent; ut oris, manuum, ac vestimentorum nitor, veluti radii quidam essent, sublumentis ex animo internæ puritatis, & innocentiae; ut denique Clerici omnes modestiâ suâ, gravitate, & in sermone, incessu, atque obtutus moderatione reverentiam, & pietatem in plebe conciliarent. Profectò in exterioribus hisce exigendis tanta erat, tamque delicate Episcoporum vigilantia, ut S. Ambrosius certum hominem, et si cæteroquin à sedulis officiis commendatum, inter Clericos cooptare noluerit, eâ solùm causâ, quod gestus ejus nimium dedecet. Alterum quoque, cum in Clero jam reperisset, nunquam in sacris assistere sibi, ac ministrare passus est, eò quod insolentiore incessu oculos feriret. Et comprobavit sane eventus, non secessisse S. Præfulem sententiam suam; nam ut ipsem eodem loco narrat, uterque illorum ab Ecclesia recessit. Meminetint, qui ista legunt, Patres istos partim Græcos, partim Romanos, fuisse in summa morum elegantia educatos, scitæque urbanitatis sapientissimis præceptis à pueri imbutos.

Episcopus, ubi ad aram venit, ex manibus

bus Diaconorum oblationes, quas isti viritum collegerant, excipiebat. In aliquibus tamen Ecclesiis usū receptum erat, ut Episcopus ipsemet à personis spectatioribus oblationes hujusmodi acciperet; tales Romæ erant Senatorii Ordinis utrius-  
que sexus homines. Nam Christiani ad unum omnes, Summi, infimique, Magistratus, atque adeò Principes ipsi divino officio intererant. Nihil Altari, præter panem & vinum, Sacrificii videlicet materiam, imponebatur; cæteram sive annonam, sive suppellectilem sacram, ac denique quidquid ad Ecclesiarum usus à Fidelibus offerebatur, Diaconi in separatis armariis asservabant. Primitiæ tamen frugum Altari imponebantur, sub finem Sacrificii benedicendæ.

Ad conficiendam Eucharistiam panis aliis non adhibebatur, quàm qui à Fidelibus oblatus, & ab Episcopo benedictus esset; ex hoc pane benedicto quidem, at non consecratō, non nihil absentibus mitti solebat, in signum videlicet mutuae concordiæ, & communionis. Volebant Pastores, ut Christiani, quotquot aderant, vel certè ii omnes, qui communicaturi erant, nemine excepto, oblationem suam facerent; nimisque indignum videbatur, velle divites de pauperum oblationibus communionem suam accipere. Ipse etiam

*Can.**Apost.**l. 3. c. 4.*

**Ordo Ro-** Episcopus pro se panem offerebat, erat  
**man.** que Romæ Subdiaconus, qui hanc ob rem  
*Oblationarius* dictus fuit. Itaque panum  
**Orat.** oblatorum tanta vis erat, ut meritò in non-  
**secret. in** nullis Ecclesiæ Collectis, sive orationibus,  
**Nativ.** altaria muneribus cumulata dicantur. Cor-  
**S. Jeen.** porale autem, ut vocant, oblonga mappa  
erat, à duobus Subdiaconis ad Altaris  
utrumque latus protensa. Archidiaconi  
erat, Altare, veluti sacram mensam, rectè  
componere, panibùs ordine collocatis, ca-  
licéque apposito, in quo vinum ritè con-  
secrandum erat; quóque certius consta-  
ret, purum, ac defœcatum illud vinum  
esse, argenteo in vase, cribri ad instar te-  
rebrato, percolabatur.

**Apoc. 8.** **¶. 3.** **&c.** Pane, & vino, ritè oblatis, Episcopus in-  
censum quoque offerebat, symbolum vi-  
delicet orationum, quas Fideles fundebant;  
id quod in Apocalypsi expressum legimus,  
ubi Angelum videre est, aureo thuribulō  
instructum, hoc genus factorum aroma-  
tum Divinæ Majestati adolere. Incensa-  
bantur tunc, quemadmodum hodie dum  
fieri solet, Altare, Oblata, Clerici, ac deni-  
que populus. Cæterū incensa tum tem-  
poris adhiberi solita, non qualiacunque  
erant, sed ex pretiosissimis, quæ per ea  
tempora haberi poterant, aromatis con-  
fecta; & quidem tanto sumptu, atque ma-  
gnificentia, ut Romana Ecclesia, & in Syria,  
&

& in aliis Orientalibus provinciis, certos fundos possideret, qui nonnisi ad suppeditandos aromatum annuos proventus destinati erant. Offertorii durante tempore Psalmus aliquis decantabatur, ex quo præter versiculum unum, qui Psalmi illius antiphona esset, nihil aliud ad nos pervenit.

## CAPUT VII.

*Consecratio, & Communio.*

**O**ffertoriō finitō, Ecclesiæ fores claudebantur, tantāque curā à Diaconis, aut ab Ostiariis intra Ecclesiam excubantibus, clausæ tenebantur, ut ne Fidelibus quidem, si qui seriū adventarent, nisi post sacram Communionem aperirentur. Alii ex Diaconis, templum ipsum, leni, ac suspenso gradu obeuntes, cavebant, ne quis minimo etiam seu strepitu, seu gestu, publicam pietatem interpellaret. Erat etiam inter ipsos, qui deditā operā puerorum gregi, proximè Episcopale solium consistenti, advigilaret; porrò matres admonebantur, ut infantes suos in brachia sublatos apud sese tenerent. Hunc in modum tranquilla, & altū conticescens Fidelium multitudo, non sine sacro quodam, plenōque reverentiæ, & religionis horrore audiebat Præfationem, & huic subnexam Actionem, quam nos *Canonem*

*Confite*  
*Apfst. L*  
*S. c. 12.*

*Constit.*  
*Apost.*  
I. 8. c.  
88.

appellamus ; Episcopus enim preces istas elatâ voce recitabat , populo ad eas , quem admodum ad cæteras omnes respondente : *Amen.* Admodum prolixæ illæ orationes erant , & hodie dum sunt in pluribus Orientalibus Ecclesiis ; ex quibus Ecclesia Romana illas retinuit , quæ Sacrificio maximè propriæ , atque essentiales sunt . In aliquibus adjungebatur brevis narratio præcipuorum capitum , ad historiam Religionis universam pertinentium , ut nimis grates Deo agerentur , de Universi creatione , de mundi post diluvium instaurazione , de vocatione Abrahæ , de beneficiis in populum Israëliticum collatis , de Incarnatione demum Verbi Divini , & humani generis per ipsum reparacione .

*Ibid. c.*

18.

Secundum Consecrationem Episcopus pro se primùm divinam Synaxin sumebat , tum eam Presbyteris , Diaconis , & reliquo Clero ex ordine impertiebatur ; hos proximè consequbantur Ascetæ , aut Monasticæ vitæ cultores ; subinde Diaconissæ , Virgines , aliæque religiosæ fœminæ ; pueri demum , ac universus populus Sacris communicabant . Ad temporis faciendum compendium , in functione cæteroquin sati diuturnâ , Presbyteri complures , simul & semel divinam Eucharistiam distribuebant , & Diaconi itidem complures sacram Calicem præbebant libandum . Utrique

que ad evitandam in tanta multitudine confusionem , sacram Communionem Lai-  
cis eodem ordine dabant , quô priùs ab  
ipsis Oblationes collegerant ; ut adeò nemini-  
nem locô se commovere necesse esset .  
Viri sacram Hostiam suis met manibûs ,  
fœminæ linteolis ad id destinatis illam  
excipiebant ; quod ex sacris speciebus  
superabat , parvulis distribuebatur ; qui  
verò non cōmunicârunt , iis reliquias  
panis benedicti , qui tamen consecratus  
non esset , dabantur ; indéque panis bene-  
dictus originem sumpsit . Durante sacrâ  
Communione Psalmus cantabatur , ex quo Ordo  
Rom.  
sola ad posteros Antiphona pervenit . Jam  
à quarto Christi sæculo infrequentior esse  
cœpit Eucharistiæ usus ; & Sanctus Chry-  
softomus de multis conqueritur , qui sa-  
cris ità assistebant , ut sacrorum per Com-  
munionem participes non fierent . Ca-  
terum nonô sæculô , Satis habuere Eccle-  
siæ Antistites , ut quatuor saltem per an-  
num vicibus , nimirum festô Nativitatis  
Christi , Die Jovis sancto , & in solenni-  
tate Paschatis , atque Pentecostes , divinæ  
mensæ Christiani accumberent . Ex qui-  
bus omnibus primum est confiscare , bene-  
longum fuisse Liturgiæ ordinem . Enim  
verò Christiani illorum temporum existi-  
mabant , aliud se Dominicis diebus non  
habere negotium , quām ut Deo ritè fa-

L. 3.  
Ep. 35.

mularentur. Divus Gregorius probatū-  
rus, quām afflictā valetudine ute-  
retur, in una Epistolarum suarum afferit, ægrē se  
tres horas continuas pedibus posse insi-  
stere, quō Divino Officio intersit. Ni-  
hilominus Canon Missæ idem prorsus  
tum temporis fuit, qui modò est, & ser-  
mones de eo non adeò prolixī inveniuntur.

## CAPUT VIII.

*Cantus Ecclesiasticus, & Magnificen-  
tia Divini Officii.*

**T**O tum Officium Dñinum cum cantu  
nunquam non peragebatur; de hoc  
sub prima jam Ecclesiæ tempora  
mentio fit; sed tamen credere fas est,  
progressu temporis, cùm solutiōra om-  
nia habere inciperet Ecclesia in liberta-  
tem asserta, sacræ Psalmodiæ confuetu-  
dinem multò magis invaluisse; hanc in  
Occidentem à S. Ambrosio, Ecclesiarum  
Orientalium imitatione, introductam  
fuisse, S. Augustinus commemorat; & in  
*Aug. 1.9.* libro Pontificali legimus, sub idem tem-  
*Conf. c.* pus morem hunc à Damaso Papa præ-  
scriptum fuisse. Jam verò cùm antiquæ  
musicæ peritia, & ars per ea tempora flo-  
rere, in qua pro diversitate argumen-  
torum, diversa item cantū genera adhi-  
bebantur, nunc leniora, nunc magis con-  
citata, nunc læta, nunc tristia, aliàs ad  
*Platon.*  
*3. de*  
*Republ.* gravi-

gravitatem, alias ad dissolutionem, animique leviores, atque immoderatos affectus excitandos apposita; meritò existimandum est, illud symphoniae genus à Patribus ad Ecclesiasticum usum traductum fuisse, quod Majestati, & Sanctitati nostrae Religionis quam maximè congruebat; diligentèque ipsos providisse, ne qua ad Dei laudes, & divina mysteria celebranda modulatio adhiberetur, quæ effeminatè, mollique sonò plus justò demulcere animos, & pectora pravis affectionibus pertentare posset. Non negaverim tamen, Sanctum Augustinum nescio quid nimis tenerum, & suave in cantu Occidentalium Ecclesiarum notasse, eamque ob rem tutiorem, magisque ad pietatem idoneum duxisse morem, à S. Athanasio invectum, qui psalmos à Lectore proferri curabat tam modicâ vocis inflexione, ut recitare magis illos, quam cantare videretur. Di-  
 judicent Musices periti, num aliquod vestigium antiqui illius concentus in Chorali, ut dicimus, seu pleno cantu, qui nostro ævô in usu est, deprehendant; nam, quæ vulgo figuralis musica à nobis appellatur, nimis quam certum est, eam & à vetere plurimum distare, & novitium planè inventum esse. Denique quod attinet, ad modum cantandi orationes, & lectiones, facile quivis perspiciet, pau-

L. 10.  
Confes.  
c. 33.

cissimis illum tonis contineri, eò maximè fine adhiberi solitis, ut pronunciantis vox firmior sustineatur, & periodorum insuper notetur diversitas.

Satis, opinor, quæ hucusque in medium allata sunt, perspicuum reddunt, Sanctissimos illos primorum sæculorum Episcopos admirabili judiciō, & sapientiā in mores Ecclesiæ invexisse, quidquid intelligerent ad excitandos Fidelium sensus aptum esse, ut hâc veluti viâ in animos hominum quantumvis incultos, & rudes, præclara de Religione sensa introducerent. Age enim, ob oculos tibi pone Fideles, Romæ olim in Ecclesia Lateranensi congregatos, ad celebrandum pavigilium Paschatis, quo tempore Sanctus Leo Papa Ecclesiæ præfuit; quid, amabo te, in illa sacratissima nocte non usque quaque Splendidum, quid quæso, ad conciliandam devotionem non accommodum videoas? Post novi ignis benedictionem, continuò cereorum, & lampadum numerus innumerabilis ità resplendebat, ut nox illa cum die quamlibet sereno certaret; discussis momentō tenebris, tanquam submoto sipariō, locus ille augustissimus magnifici ad instar theatri sese offerebat: omnia marmore, & picturis collucebant: aderat Fideliū infinita propeniodū vis, miro silentiō, pulcherrimōque ordine

dine in certas classes pro ætatis, sexūs, & sacrorum ordinum varietate discreta. Inter cæteros jucundum oculis, piūmque spectaculum præbebat Candidatorum Baptismi novellus grex, eâ ipsâ nocte sacro latice tingendus; visebantur præterea, qui Ecclesiasticis pœnâs ritè perfuncti, biduō ante cum Deo, & Ecclesia in gratiam redierant. Quid dicam de sacræ supellec̄tilis magnifico apparatu? de argenti fulgore, ex omni parte renitentis, de luce auri, ac gemmarum, quibus sacra vasa, maximè quæ ad altaris ministerium propius spectabant, distinguebantur; ut ista omnia oculos præsentium non tam ad sese convertebant, quām intuentium perstringebant aciem? Adde noctis silentium, non alio sonitu, quām Prophetiarum accuratâ prælectione, & versiculorum interposito cantu interpolatum, quæ ipsæ canendi, ac legendi vices, novam audientibus voluptatem afferebant. Quid inter hæc animus faceret, tam præclaris, ac venustis rerum imaginibūs blandè perstrictus? Quām solidum, præsentēmque fructum percepisse ipsum putamus, tot mediis ad novam attentionem arrestum, qui jam antea sacrarum literarum assiduâ commentatione ad excipiendam verbi Dei sementem optimè comparatus erat? quantam credimus

fuisse Diaconorum , ac reliquorum altari  
ministrantium modestiam , quām decen-  
tem hominis exterioris conformatiōnem ,  
utpote qui omnes à tali tantóque Epi-  
co-  
po selecti , sacrísque Ordinibus initiati , in  
ipsius , atque adeò Dei Optimi Maximi  
præsentiā fūnctiōnes suas obibant , quem  
pro sua singulari pietate propemodū  
oculis aspectabilem habebant ? Quis verò  
cogitatione assequatur , quanta ipsius  
Summi Pontificis majestas fuerit , cui ex-  
cellens doctrina , mira facundia , zelus  
divinæ gloriæ , animi magnitudo , om-  
niū denique virtutum decora tantam  
ubique nominis celebritatem , tantam  
veneratiōnem conciliabant ? Quām pleno  
pietatis , ac reverentiæ sensu existimamus  
Sanctissimum Præfulem orationes suprà  
sacrum Fontem pronuntiāsse , quas ipse  
composuerat , & successores ipsius tanti  
fecere , ut earum exempla , per duodecim  
sæculorum spatia usque conservata , ad nos  
pervenerint ? Sanè mirari nunc tandem de-  
fino ; quī fieri potuerit , ut inter eas  
fūnctiōnes Christiani corporum suorum  
necessitates planè obliviscerentur , & post  
solidæ diei jejūnium , noctem , quæ festum  
Resurrectionis præcedebat , in Vigiliis , &  
precibus exigerent , curâ & cogitatione  
sumendi cibi in crastinum penitus reiectâ .

CA-

## CAPUT IX.

### Solennitas Festorum, & Sacrae Peregrinationes.

**U**bi primū magno jejuniō ad finem perducto Paschatis solennissima dies illuxit, non modò non prohibitum, sed præscriptum insuper à sanctissimis quibusque Viris erat, ut corpora Fideles curarent sua. Quantumvis enim opportuna sint jejunia, ad mentem in cœlestia defigendam, & orationis, cui festi per annum dies præcipue destinati erant, exercitia reddenda expeditiora; cautum tamen erat, ne quis Dominicis, Festisque diebus, nec per totam Quinquagesimam jejuniis vacaret. Quinquagesimæ nomine, secus ac nos solemus, non intelligebantur quinquaginta dies, qui Pascha proxime præcedunt; sed totidem alii, qui à Paschate ad Pentecosten usque fluunt. Monachi quidem in Ægypto magnâ cautelâ utebantur, ne forte modico illo consuetæ severitatis laxamentô, privarentur fructu meritorum, longâ in cibis abstinentiâ prius collecto; iidem tamen discrimin aliquod inter utriusque generis festos nimirum, & esuriales dies faciebant. Nam S. Pachomius, Divi Palæmonis Magistri sui præceppta secutus, in die festo Paschatis herbas oleo conditas apparavit, quæ arido pani, fami-

Cassian.

collat.

21. de

Remisi.

Quinq.

Vit. S.

Pachom.

c. 8.

familiari aliâs Anachoretis cibo , interpo-  
 nerentur. Alius quidam S. Sacerdos, di-  
 vino admonitu , festo item Paschatis die  
 prandiolum Sancto Patri Benedicto attu-  
 lit solitô lautius ; & S. Antonius, ut aliud  
 quoque lætitiae signum ederet, in die Pa-  
 schatis , & Pentecostes tunicam gestabat  
 ex palmæ foliis contextam , quam à Divo  
 Paulo Eremitarum Principe hæreditariam  
 acceperat ; Sanctus porrò Athanasius  
 Pallium humeris circumponebat , ab Anto-  
 nio sibi relictum. In more nimirum Chri-  
 stiani tum temporis positum habebant ,  
 & constanter observabant , ut festis qui-  
 busque diebus , & vestibûs uterentur  
 magis splendidis , & in victu naturæ plus-  
 culum indulgerent.

S. Leo  
serm. 3.  
de Qua-  
drag.

Suus etiam honos proportione servata  
 Martyribus habitus fuit , redeunte quot an-  
 nis Ipsorum memoriâ ; his enim diebus  
 convivia celebrabantur , quæ , quia in pro-  
 fanam hilaritatem ad extremum degene-  
 rabant , sæculô quartô aboleri necesse fuit .  
 Magnus erat populi ad ejusmodi festa rite  
 agenda concursus . Nam cum aliâs pri-  
 vati quique , Pastori suo conjuncti , Domi-  
 nicos ac festos dies , omnibus Ecclesiis  
 communes celebrarent ; in Martyrum an-  
 niversaria memoria ad pulvinaria Ipso-  
 rum frequentes , omnique ex parte Re-  
 ligionis causâ confluebant ; quâ oppor-  
 tunitate

nitate persæpè factum est, plures ut Episcopi uno in loco simul convenirent. S. Paulinus, ut ex hoc unico exemplo de cæteris judices, plures quām viginti partim civitates, partim provincias Italiæ recenset, ex quibus habitatores viri una cum uxoribus, ac liberis suis catervatim singulis annis adventabant, ad festum S. Felicis quartō decimō Januarii celebrandum, nullā frigidissimæ tempestatis habitâ ratione; atque hoc, in unius duntaxat honorem Confessoris, in sola civitate Nolana factum fuit. Quid nunc de reliquis Christiani orbis partibus dicemus? quid Romæ in festis SS. Hippolyti, Laurentii, & Apostolorum? quid Turone in festo S. Martini accidisse existimamus? ad quæ loca etiam ex longè dissitis regionibus, nulloque non per annum tempore, Fidelium pietas adibat; ex quo piarum Peregrinationum consuetudo nata est.

Et erat sanè hoc unum ex præcipuis administriculis, adjuvandæ sensuum externorum operâ internæ devotionis. Etenim sanctorum cinerum, insignis cuiusdam Sancti, sepulchri, ipsius carceris, catenarum, ac cæterorum Martyrii instrumentorum conspectus, multò vehementius animum commovebat, quām si hujusmodi res ab absentibus solâ auditione acciperentur. His accedebant prodigia magno numero ad sepul-

sepulcha Sanctorum patrata; ad quæ proinde visitanda ipsi adeò infideles, vitæ, & sanitatis naturali amore ducebantur. Constat, inter primos libertatis Christianismo donatæ fructus illum extitisse, ut Sancta Helena curam in se ipsa susciperet, loca Hierosolymis, atque in universa Palæstina, sanctitate celebria, meritis honoribüs illustrandi. Ex quo tempore frequentissimæ ad illas partes fuere Peregrinationes; nec ex admodùm difficiles, cùm propter Imperii Romani summam amplitudinem, sítumque percommodum, alluente illud omni ex parte mari Mediterraneo, tum propter vias spatiostissimas, quæ ad militum itinera, & vecturarum, atque commerciorum opportunitatem magnam quaquaversus patebant. Neque adeò operosum tunc erat, ex Hispania, Galliâve in Ægyptum, in Palæstinam, aut in Asiam proficisci.

Honorandi erant Martyres in eo ipso loco, in quo cruciatus, & necem pro Christo perpessi fuerant; nondum enim per ea tempora mos ille invaluerat, dividendi Sanctorum Corporum, & aliò transferendi Reliquias. Narrat S. Gregorius Papa,  
*S. Greg.* Epist. 30. ad suam usque ætatem non alias Apostolorum Reliquias in extera loca missas fuisse, quam linteola sepulchris ipsorum priùs applicata; iñò nostrò etiam ævô Sancti Petri,

Petri, & Primorum Successorum Corpora  
altissimè adhuc recondita jacent. Mira  
erat cujusque populi in conservandis San-  
ctorum suorum cineribus religio, & vigi-  
lantia; utpote in quibus certum singuli  
pignus tenebant tutelæ illius Sancti, & sin-  
gularium de cœlo donorum, quæ in gra-  
tiam tam Sancti Depositi quælibet civitas,  
ac provincia sibi promittebat.

Prudent.  
Perislep.  
passim.

Sub idem tempus, quô Ecclesia tran-  
quillitate fruebatur publicâ, videtur pri-  
mùm accuratè ordinatus fuisse anni Eccle-  
siastici cursus. Celebris illa quæstio, quo-  
nam die celebrandum Paschæ festum esset,  
non antè terminata fuit, quâm Generalis  
Nicææ Synodus haberetur; neque ullum  
ante hoc tempus Oecumenicum coactum  
fuit Concilium, aut cogi sub Imperatori-  
bus Ethnicis tantâ Episcoporum frequen-  
tiâ potuit, quantam in Nicæna Synodo  
videre erat. Religiosè tunc servabantur  
stata per annum tempora, impertiendi Ca-  
techumenis Baptismi, in Paschate solùm, &  
Pentecoste; id quod ex Epistola Sancti Epif. 4.  
Leonis Papæ perspicere licet, condeinan-  
tis Episcoporum Siciliæ consuetudinem;  
qui in Epiphaniæ festo baptizare non du-  
bitabant; in eadem Epistola S. Pontifex  
docet, quo spiritu acta Ecclesia Dei, varia  
per annum festa, diversasque anni Eccle-  
siastici partes instituerit, quò sic diversa  
vitæ,

vitæ, Redemptoris nostri mysteria, certo ordine, ac modō honorarentur.

Ad eandem Ecclesiæ ætatem referri debent publicæ illæ ceremoniæ, quibus solennia apud Fideles jejunia celebrabantur. Vacabatur iis diebus ab omnibus negotiis: civitates, quantumvis hominibus frequentes, solitudinem ad instar pacatæ, & silentes erant; pars diei maxima à congregatis in templo Fidelibus, precationi, verbique Dei auscultationi dabatur; ex quo factum est, ut Officium Ecclesiasticum in feriis, quibus jejunatur, nunquam non aliorum dierum Officiō productius esset. Per illas ferias, neque Martyrum solennes memoriæ, neque nuptialia festa celebrabantur; tenuitque usque ad sæculum Christi nonum consuetudo, diebus jejunio sacratis cessandi ab infesta armorum tractatione, quam cessationem Veteres *Treugam Dei* vocabant; imò ne arma quidem gestare, aut itineri, nisi præsens necessitas id postularet, se dare licebat.

## CAPUT X.

### *Ecclesiastice Pœnitentiæ Ritus.*

**P**letatis illa exercitia, de quibus superiori capite actum fuit, fructus quidam erant pœnitentiæ, cui dies jejuniorum dicati erant; atque hæc causa est,

cur

cur pœnitentia , siquam fortè aliqui pro-  
meriti essent , ad Quadragesimam differri  
soleret. Ad hanc ritè præparaturi sese  
Christiani , post læta Natalis Christi , & Epi-  
phaniæ festa , à Septuagesima ducebant  
exordium ; tunc enim , quemadmodùm  
hodiéque fit , preces fundere incipiebant ad  
veniam peccatorum à Deo impetrandam ,  
& ad pœnitentiam in peccatoribus exci-  
tandam ; ad hunc unicè scopum tam Se-  
ptuagesimæ , quàm Sexagesimæ universum  
Officium dirigitur. Sacra lectio è libro  
Genesis petita , Dei univerforum procrea-  
toris potentiam , justitiam , & severitatem  
ob oculos ponit. Videre illic est Ada-  
mum Paradisô terrestri exturbatum , or-  
bem terrarum propter fœdissimos mores  
aquîs consepultum , quatuor nefarias ci-  
vitates cœlesti igne consumptas. Qui ta-  
libus propositis exemplis , atque Episcopo-  
rum insuper incensis cohortationibûs com-  
movebantur , ad Episcopum ipsum , aut  
ad Presbyteros huic ministerio destinatos ,  
conferebant sese , & criminibûs suis ma-  
gno candore animi patefactis , quid ad ea  
expianda factô opus esset , ex Pastoribûs  
animatorum suarum discebant. Istorum  
enim erat dispicere , num , qui se reos ultrò  
fatebantur , ad pœnitentiam obeundam  
admitti mererentur ; quis item pœnarum  
modus , quod tempus præscribenda essent;

denique an clam aliis , an publicè agenda pœnitentia ; an è re communi Ecclesiæ foret , pœnitentem peccata sua palam confiteri ?

Multi pœnitentiam publicè peragebant , quorum tamen peccata in vulgus non constabant ; plures etiam propter crimina alioqui atrocia , & nefanda secretò solùm pœnitentiam agebant ; ut fœminæ propter adulteria maritis ignota , aliisque , quorum si evulgarentur , patrata facinora , cum periculo capitalis pœnæ conjuncta erant . Cæterum adeò familiaria tum temporis Fidelibus erant jejunia , preces , vigiliæ , cæteræque corporis divexationes , etiam solius pietatis instinctu suscepta , ut nemini valde metuendum esset , ne alii fortè , cùm pœnitentiam agi à quopiam viderent , in ejus agendæ causam curiosius inquirerent . Pœnitentiæ tempus pro diversa Ecclesiârum consuetudine aliàs longiori , aliàs breviori spatiō definitum erat , magnâque in Canonibus pœnitentialibus , qui ad nos pervenere , hac in re diversitas deprehenditur ; plerumque tamen , ut quis-

*Epist. 3. canonica* que Canon antiquissimus est , ità maximè severus esse dignoscitur . S. Basilius duos ad Am- annos furto , septem fornicationi , unde- philoch. c. 56. 58. decim perjurio , quindecim adulterio , ho- 59. 61. homicidio viginti , totam denique vitam Apo- 64. 73. stasiæ expiandæ præscriptos fuisse notavit .

Qui-

Quibus pœnitentia publica indicta erat, <sup>Pontif.</sup>  
 ii se Archi - Presbytero, aut Presbytero Pœ- <sup>Rom.</sup>  
 nitentiario sistebant, à quo nomina pœni-  
 tentium scripto mandabantur. Subinde  
 primâ die in euntis Quadragesimæ ad Ec- <sup>v. Tom.</sup>  
 clesiæ portam comparebant pannosi, Sor- <sup>i. p. 2.</sup>  
 didati, vestibusque scissis, qui antiquorum, <sup>c. 14.</sup>  
 quamdiu in luctu versarentur, habitus erat.  
 Idem Ecclesiam ingressi, ex manibus Epi-  
 scopi cinerem, quô caput, & cilicinam  
 vestem, quâ corpus tegerent, accipiebant;  
 tum in terram prostrati tam diu moraban-  
 tur, quoad ab Episcopo, Clero, populó.  
 que universo preces pro iis de genibus  
 persolutæ essent. His finitis Episcopus  
 appositâ exhortatione admonebat pœni-  
 tentes, ejecturnum se ipsos ab Ecclesia esse,  
 quemadmodùm Deus ipse è Paradiso Ada-  
 mum propter prævaricationem exegit;  
 caverent nihilominus despondere animo  
 penas sibi dictatas accurate subirent. Ad  
 extremum etiam extra templum elimina-  
 bantur, clausis continuò templi foribüs;  
 hoc in statu, qui versabantur pœnitentes,  
 domi ferè se terebant, precibus, & suspiriis  
 vacantes. Diebus festis, & stationariis ad  
 Ecclesiam veniebant, initio quidem ante  
 fores, deinde intra ipsam Ecclesiam con-  
 sistentes, ut lectionibus sacris, & exhorta-

tionibus interessent; quibus absolutis ante preces sacrificio præmissas exeundum erat; progressu temporis ad orationem cum cæteris Fidelibus communiter faciendam in templo remanebant, sed tamen humili abjecti, quamdiu sacra precatio durabat; hoc etiam exacto tempore, in pedes erectis more cæterorum orationi operam dare

*S. Eligius  
bon. 8.*

permissum erat. Alius item modus erat, pœnitentes à reliqua Fidelium multitudine secernendi, sinistro nimirum latere, quod in Ecclesia occuparent, ipsis assignato. Erant igitur pœnitentium quatuor classes: prima *Plorantium*, secunda *Audientium*, tertia *Prostratorum*, extrema *Conſistentium*;

*S. Basil.  
ubi sup.  
c. 56.*

quadruplici hoc statu totum pœnitentiæ curriculum includebatur. Sic exempli gratiâ, qui voluntarii Homicidii

*Epist.*

*S. Greg.  
Ibaum.  
cap. 1.* reus erat, quadrienniô inter *Plorantes* verfabatur: quo nomine ii intelligebantur,

qui pro Ecclesiæ foribus non sub atrii porticu, sed sub dio, aëris inclemtíæ expositi, orationis tempore stabant. Hic ille faccò indutus, cineréque capiti inspersò, barbâque, & capillis præmissis, introeuntes in templum Fideles supplex rogabat, ut peccatoris miserti, Deum deprecarentur, veniámque peccati, quod ultrò manifestabat, sibi obtinerent. Quinquenniô subsequente idem pœnitens homicida, ad *Audientium* ordinem gradu facto, Ecclesiam intra-

intrabat, instructionis audiendæ causâ; intra vestibulum tamen cum Catechumenis remanebat, unde ante publicarum precum initia exeundum erat. Postmodùm tertiaræ pœnitentium classi additus, unà cum Fidelibus cæteris preces quidem persol-vebat, sed eodem, quo antè, locô proximè portam occupatô, & corpore in ter-ram prono, iterumque cum Catechume-nis templô exibat. Septem annis in hoc statu expletis, ad quartum, & ultimum or-dinem ascendebat, in quo quadriennii spa-tiô durare jubebatur; toto hoc tempore non modò comprecationi, ut antea, inter-erat, sed arrecto etiam corpore, eodem, quô reliqui Fideles, situ adstabat; cæte-rum oblationem pro more facere, aut Communionem sacram sumere, adhuc pro-hibitum erat. Denique viginti annorum exactâ pœnitentiâ, sacrorum, id est, Eu-charistiae Communioni pœnitens restitue-batur.

Eadem quindecim annorum cum pro-portione distributio, iis observanda erat, à quibus commissum Adulterium publicâ pœnitentiâ expiari oportebat: quatuor an-ni inter Plorantes, quinque inter Audi-en-tes, quatuor inter Prostratos, duo deni-que inter Consistentes exigi debebant; ex his duobus exemplis in promptu est de-cæteris arbitrari. Non tamen solius de-

cursu temporis tota pœnitentiæ ratio limitabatur; quin potius Episcopi in profectum pœnitentium sollicitè excubabant, ut temporis aliquid cæteroquin præscripti vel imminuere, vel addere possent. Præcipua nempe, & solennis, quam hac in re sequebantur, ea erat regula, ut quantâ possent maximâ vigilantiâ, in proximorum procuranda salute elaborarent; nequaque verò in contumacibus, quorum desperata erat emendatio, tempus atque operam luderent. Nemo itaque Pœnitentium ex uno gradu ad alterum, nisi de Superioris voluntate, procedebat. Is, ubi finiendum pœnitentiæ tempus judicabat, exeunte Quadragesimâ id facere solebat ut nimirum pœnitens festo Paschatis die divinis mysteriis frui inciperet.

Pontif.  
Rom.

Ergò feriâ quintâ sanctioris hebdomadæ ad fores Ecclesiæ sistebant se Pœnitentes. Episcopus, multâ prece ad Deum præmissâ, ingrediendi templum copiam ipsi denique faciebat, Archi-Diaconi præfertim rogatu, proponentis Antistiti, esse hoc maximè tempus clementiæ in omnes expromendæ opportunum, planèque æquum videri; ut, quo tempore Ecclesia gregem suum recens baptizatorum novello fœtu multiplicat, eodem quoque errantes, ac propè deperditas oviculas intra septa sua recipiat. Idem Archi-Presbyter flagi-

flagitabat, confirmans testimoniō suō, itā se gessisse Pœnitentes, ut veniā, & admissione digni sint; Archi-Presbyteri enim munus erat, hujusmodi homines, quādiu in Sacro luctu versabantur, diligenter examinare. His precibūs inductus Præsul, verba primū ad Pœnitentes faciebat de misericordia divina, morūmque emendatione palām omnibus imposterūm demonstrandā, jubens præterea illos ad fidem suæ promissionis faciendam manus in sublime erigere. Ad extremum idem *S. Elig.*  
*Episcopus* spe bonā de ipsorum integra <sup>bon. 8.</sup> conversione plenus, solennem iis ab solutionem impertiebatur; quā acceptā continuo barbam, & caput attrondere, saccum, & cineres ponere, vitāmque more cætorum Fidelium rursum inire Pœnitentes incipiebant. Sinē dubio multa in ejusmodi exterioribus ceremoniis pro locorum, ac temporum modo diversitas fuerit; universæ tamen ad eundem finem collimabant, erāntque sanè illustre argumentum, quō ipsi adeò innocentes, bonique Christiani edocerentur, quanta peccati enormitas, quantāque ab eodem sese expedendi difficultas esset.

## CAPUT XI.

## Principes Christiani.

**H**is Pœnitentiæ legibus nemo unus eximebatur, quantumvis illustri, summoque in loco positus, supra vulgus emineret. Principes Viri perinde, ac privati homines iisdem obnoxii erant; qua de re Theodosii Imperatoris insigne est ad omnem posteritatis memoriam exemplum. Primis quidem tribus Ecclesiæ sæculis nemo ferè credebat fieri posse, ut Magnates, summique in sæculo Viri severæ Christianismi Disciplinæ, ac jugo colla aliquando subderent; difficultéque erat, animō assequi, quā tandem ratione Christiana humilitas, suique abnegatio cum summo imperio, inimicisque opibus stare, aut conciliari posset. Atque hæc causa erat, cur Tertulianus olim affirmârit, longè citius Christo nomen daturos fuisse Cæsares, si Cæsares simul, & Christiani esse nôssent: eundem propè in modum Origenes loquitur. Sed enim hoc quoque prodigium universo inspettante orbe terrarum patrare Deus voluit; eaque tam admirabili rerum conversione præcipuum secundi Ecclesiæ statu à primo discrimen continetur, ut pote, quæ basis ac fundamentum erat publicæ

*Apolog.**c. 21.**Cont.**Cels. c. 8.*

blicæ libertatis in Ecclesia tunc stabilitæ,  
de qua hoc loco agimus.

Initio statim conversionis Magni Constantini videre erat Jesu Christi Nomen, & crucis ipsius sacrosanctum signum in Labro, & signis Romanorum militaribus luculenter expressa; quodque ad eam diem supplicii maxime omnium infamis instrumentum fuerat, derepentè exornandis Regum diadematis adhibitum fuit. Quis porro ejusdem Imperatoris adversus Patres Concilii Nicæni magnificam pietatem, quis honores illis habitos ignorat? Ille commeatum, ut ex longissime dissitis immensi Imperii partibus ad Synodus venirent, suis impensis comparavit; Ille toto Concilii durantis tempore sumptus ad eorum sustentationem necessarios suppeditavit; Ille ad suas sedes reversuros regiis planè muneribus cumulatos ab se dimisit. Libellos supplices, quibus Episcoporum aliquot accusabantur, idem flammis cremari jussit, & Confessorum cicatrices, veluti præteritum persecutionum gloria in Christi militibus vestigia exosculatus est. Jam in ipso Concilio frequentando quanta non edidit pientissimus Imperator Religionis, & Reverentiæ specimina? Nullo milite prætoriano stipatus, in Senatum Patrum se insinuavit, nec nisi annuentibus

bus Patribus sedem occupavit suam. Denique soluto cœtu, eosdem in palatio suo magnificō conviviō exceptit, cui ipse quoque accumbere non dubitavit. Sanè tunc temporis, si quando aliàs, ipsis quodammodo oculis spectare licuit Christum Regem, reges in ipsos imperium suum exercentem.

Plus etiam honoris, & ornamenti Religioni nostræ Theodosius attulit insignibus virtutum suarum exemplis. Sæpè is, & familiariter cum Deo per orationem agere, hujus Numen in gravissimis negotiis implorare, secundos armorum cursus illi uni in acceptis referre. Præcipiti aliquando irâ in populum Theffalonicensem accensus, atrocius æquō supplicium de iisdem sumpsit; palmare fuit Imperatoris hac in re peccatum, palmaris etiam de peccato acta publicè pœnitentia.

*Ex Theodo-*  
*doreto*  
*Hist.*  
*Eccles.*  
c. 16.  
17. &  
18.

Utrumque factum, ut Theodoreti, qui illud literis consignavit, verbis utar, dignum sanè est, quod eorum, qui hæc legent, utilitatis gratiâ narretur. Theffalonicæ coortâ seditione, quidam civitatis primarii viri partim lapidibus obruti, partim contumeliosè à populo accepti fuerunt. Qua re mox intellectâ, Imperator usque adeò vehemenri iracundiâ exarsit, ut in universos temerè, & crudeliter animadverti juberet, promiscuâ Innocentum,

ac

ac Reorum cæde. Hoc allato nuncio Ambrosius, ingressum Mediolanum Imperatorem, volentémque more solito in diuinum intrare templum, ante vestibulum occurrens, gravi, & Apostolicâ oratione procedere ulteriùs vetuit. .... Imperator cā re permotus, utpote qui in sacra educatus doctrina, sciret, quæ Sacerdotum, quæque Imperatorum essent officia, cum gemitu, & lacrymis in Regiam revertitur. Ibi mensibūs octo in luctu, & poenitentia consumptis, in Natalitio Servatoris nostri festo iterum se Ambrosio sistit, útque vinculis se exfolvat, obtestatur, paratus pœnas omnes, quas medicinæ locō Sanctissimus Præfus imperaturus erat, opere ipso exequi. Tum Divus Ambrosius Legem ab Imperatore ferri jubet, frangendis iracundiæ motibus apprimè accommodam, atque à Theodosio manūs suæ subscriptione illico firmatam. Èā lege irrita primùm declarantur suffragiā, judiciāve, quæ in iracundia lata essent; tum à pronunciata sententia five capitis, five publicationis bonorum, triginta dierum intervallum statuitur, quibus elapsis, animoque ipsā temporis morā ad æquitatem revocatō, sententiæ illæ novo examini subjicerentur. His à Theodosio promptè gestis, Ambrosius ipsum vinculîs injecti priùs anathematis exemit; templum-

plúmque intrare demum ausus Imperator, humi prostratus Davidicum illud ingeminabat: *agglutinata est pavimento anima mea, vivifica me secundum verbum tuum;* manibús insuper capillos vellens, & frontem percutiens, ac guttis lacrymarum rigans pavimentum, dari veniam sibi petebat. Hactenus Theodoretus, qui post alia, quæ ibidem refert, cùm Apostolicæ libertatis ab Ambrosio, tum Christianæ modestiæ, ac submissionis à Theodosio edita exempla, in hæc verba narrationem concludit: *tali, tantaque virtute, & Pontifex, & Imperator erant illustres.* Nam utrumque ego admiror, illius quidem libertatem, hujus verò obedientiam: *itemque servoris flamas illius, & hujus fidei puritatem.* Tantumque abfuit, ut Imperator istam Ambrosii magnanimitatem acerbiore ferret animo, ut ipsum solum pluris, quam cæteros omnes Episcopos faceret, diceréque auditus fuerit: *solum novi Ambrosium dignum Episcopi nomine.* Nihilò minus Augusta Theodosii conjux, à pietate, mirificâque in pauperes beneficentiâ commendatur. Tam Religiosi mores, & spiritus Christianis Principibus dignus, in universa quidem Theodosii familia perseveravit, nullibi tamen illustriùs, quam in sancta Pulcheria Ipsius nepte promicuit. Ista annum ætatis agens quintum  
supra

supra decimum, una cum duabus sororibus suis, votō Virginitatis rite emissō, totam se Deo dicavit, & quod magis mirere, in ipsa palatii luce, ac frequentia Imperatoriæ aulæ persistens, adeò sese solitudini, pietati, sanctorumque operum assiduæ exercitationi dedit, ut Scriptores illorum temporum palatium illud monasterio, loco nimirum, quō sanctiorem nullum sciebant, conferre non dubitaverint.

In hac Schola Virtutum Pulcheria fratre suum Theodosium institui curavit, qui eadem pietatis à sorore impressa vestigia sestatuſ, summō manē lectulo sese proripiebat, divinas laudes in consortio Sororum sacro cantu celebraturus; assiduus erat in orando Deo; in visitandis Ecclesiis frequens; in iisdem locupletandis mirum in modum munificus. Sæpè is inediā corpus suum, quartā præsertim, & sextā feriis, afflictabat: Bibliothecam habebat sacrī libris instruētissimam; divinæ Scripturæ libros memoriter complectebatur omnes; cum Episcopis sic, quasi unus ex eorum numero foret, agebat; veneratione tamen insigni eosdem, atque adeò Christianos omnes virtute conspicuos, prosequebatur. Multorum Sanctorum Reliquias insigni pompâ transferri curavit; multorum nosocomiorum, & monasteriorum fundator, ac parens.

Ne-

Neque solum officiis Christianæ pietatis, verum etiam cæteris omnibus, quæ Imperatorem ornare solent, instituendum fratre suum Pulcheria curavit. Excellentesissimi Magistri liberalibus disciplinis, equestribus etiam, ac militaribus exercitiis ipsum imbuebant: ad frigoris, & caloris, ad famis, ac fatis ferenda incommoda inde à teneris annis assuefiebat. Præcepta porrò urbanitatis, & decori, quæ in vestitu, in aetione, & incessu teneret, eadem Pulcheria Theodosio tradebat; hâc Magistrâ didicit modum in risu tenere, nunc facilem, & amabilem sese, nunc terribilem singulis præbere, denique suâ copiam mirâ animi moderatione omnibus facere. Hâc tam accuratâ culturâ Theodosius affectionum suarum, irâ præsertim dominus evasit, affabilis erga omnes, humanus, & ad commiserationis tenerum sensum proclivis.

Talis, tantisque Imperator junior fuit, et si in purpura natus, & in Oriente vivens, sæculô foedum in modum corrupto. Marcius Imperator, qui de ipso Theodosio præclarè meritus, multoque rerum usu edoctus eidem successit, similia edidit pietatis, ac zeli in Religionem documenta, & quidem majori efficaciâ, & habilitate; neque aliò opus est ad ipsius comprobandum virtutem argumento, quam quod Pul-

Pulcheriam sibi sponsam delegerit, eâ tamen conditione, ut Virginitatem in coniugio ambo colerent.

## CAPUT XII.

### *Mores Clericorum.*

**D**um Principum sacerdotalium vita adeò insigni sanctitate florebat; primum est judicare, longè integrerrimos, sanctissimosque fuisse Episcoporum, & Cleri totius mores. Sed operæ tamen pretium erit, observare hoc loco mutationem nonnullis in rebus, quæ ad vitæ normam pertinent, in hoc secundo tranquilloque statu inductam. Itaque per id tempus cœpere Clerici exteriora quædam suæ professionis signa gestare; et si re ipsâ habitus ista diversitas, quo à Laicis secernebantur, non priùs admodum apparuit, quam Barbari in Occidente rerum potiti sunt; tunc enim Sa-  
Thomass.  
Tom. I.  
lib. 2, c.  
gis, & breviore vestitu non minùs, quam linguâ Barbarorum à Laicis assumptâ, soli Clerici vestitum Romanum, togam nimirum talarem perinde ac linguam, & leges Romanorum retinuere.

Complures ipsorum vitam in communione ducebant, Ecclesiæ Hierosolymitanæ imitatione, vitæ hujusmodi rationem tanquam perfectiorem complexi. Hi eodem  
46. n.  
VII.  
rectō

tectō, & tricliniō, quoad ejus fieri poterat, communiter utebantur ; proprium quidem certe possidebant nihil, non aliis quam Ecclesiæ liberalitate subministratis redditibus vicitantes ; ut adeò Clericorum talis cœtus unica quædam familia esset, cui Episcopus Capitis, & Patris loco præcesset. Hujus instituti erant Clerici Sancti Eusebii Vercellensis, S. Martini, & S. Augustini, qui Clerici Canonici nominabantur, ad distinctionem ab aliis Clericis, qui etsi non tantâ religione ad Canorum normam vitam instituerent, nihilominus non desinebant ab Ecclesia utiliter adhiberi.

*Thomass. Tem. 1. lib. 3. c. 9.*

Qui in ejusmodi numerosa communitate non vivebant, non omnino tamen solitarii degebant, sed uno saltem, aut duobus sociis stipati. Presbyteri, quos animarum cura ruri tenebat, juniores Clericos apud se tenebant, ut morum ac scientiarum præceptis ipsos informarent, simulque idoneos vitæ suæ testes haberent. Quid ? Episcopus ipse nunquam sine Sacerdote quopiam, aut Diacono erat, qui noctu etiam in Antistitis conclave somnum capiebat ; quem proinde Græci *Synclillum*, Latini *Cellulanum*, id est, in eadem cella cum Episcopo, vel Patriarcha habitantem nominarunt : alio nomine *oculus Patriarchæ* appellabatur. Progressu temporis

poris Syncelli nomen, ac munus in dignitatem Ecclesiasticam abiit, uni Patriarchæ aut Episcopo secundam. De aula S. Gregorii Magni, Pontificis constat, eam non nisi ex Clericis, & Monachis compositam fuisse, duratque in hunc diem servata consuetudo, ut domestici officiales Pontificum Clerici omnes sint.

Cæterū sive in communi, sive privatim Clerici viverent, nunquam tamen fas ipsi erat, iisdem in ædibus fœminas apud se habere. Sanè inter capita accusatiōnum adversus Paulum Samosatenum illud etiam erat, quod secum haberet, comitésque sibi, quod quod iret, adjungeret duas personas sequioris sexus, ætate, & formâ florentes, quodque Presbyteris, ac Diaconis suis permittat, nonnullas ex eo genere fœminarum domi suæ tenere, quas græcè οὐρανίες, id est, subintroductas, vel ut Ruffinus vertit, extraneas vocabant. \* Abusus iste latè vulgari cœpit, ex quo pax Ecclesiæ donata est; cum prius ex innocentissima quadam consuetudine ortum habuī-

Vide Ba-  
ron, ad  
Ann,

272.

Concil.

Antio-  
chen.

\* Alias specioso magis, quam vero nomine Agapetæ dicebantur, quasi spirituali solùm charitate dilectæ; ajebant enim, qui ejusmodi fœminas in suis ædibus alebant, id facere se, ut suus virginibus patronus esset; cum maritos, aut tutores non habeant, saepè etiam parentibus, & fratribus destitutæ.

habuisset suum. Constat ex Evangeliorum sacro Codice , fuisse olim mulieres vitæ sanctimoniam illustres , quæ Redemptorem nostrum , quocunque iter faceret, sequebantur , inservientes ipsi , & de facultatibus suis necessaria ad vitam subsidia suppeditantes. Porrò S. Paulus testatur , cùm cæteris Apostolis , tum Apostolorum principi Petro in more positum fuisse , quasdam ut fœminas Christianas peregrinationum suarum haberent comites. Tanta verò Apostolorum , & primorum discipulorum , quos Apostoli institerant , sanctitas , tam insignis , omnibusque explorata vitæ ipsorum innocentia erat , nullus ut sinistræ suspicioni locus relinqueretur ; tantâ etiam circumspectione hac in re iidem utebantur , ut ne Ethnicorum quidem ulli , fœminarum illa societas scandalio esset ; quod eò etiam facilius factu erat , si mulieres illæ , uti Sancto Clementi Alexandrino visum fuit , Apostolorum , & ipsorum discipulorum uxores prope fuerint , quas isti deinceps tororum loco habebant.

At ubi Christianæ disciplinæ rigor mitescere sensim , & laxari cœpit , nihil proclivius erat , quam ut charitatis obtentu licentia , & voluptas se se insinuarent ; cùmque Clericorum prisca vitæ severitas aliquantulum remisisset , horum vita sinistris homi-

*Matth.*

*27. v.*

*ss.*

*Marci*

*15. v.*

*41.*

*Clem.*

*Alexand.*

*3. strom.*

*prope*

*med.*

hominum judiciis magis obnoxia esse cœpit. Sanè Concilii Antiocheni Patres, ubi de duabus fœminis agunt, quas Paulus Samosatensis apud se tenebat, disertè addunt, ipsum delicatè vivere, & gulæ intemperantiū indulgere. Quare faciendum omnino Patres existimârunt, ut mali occasio omnis præcidatur, lege in omnes Clericos constituta, ut, qui conjugiō ante illigati non essent, *Exiranæas domi suæ ne retinererent.* Extranearum verò nomine mulieres omnes intelligebantur, quæ Clericis non essent sanguine conjunctissimæ; has Nicænum Concilium declaravit esse Matres, Sorores, & Amitas. \* Quam plurima in hanc rem à Conciliis, & Sanctis Patribus edita decreta, scriptique tractatus extant, quò abusus iste, & ut S. Hieronymus loquitur, *pestis Agapetarum*, ni-miùm quantum inveterata stirpitus evelle-retur. Imò si vel abesset suspicio omnis pravæ conversationis, non videbatur ta-

Concil.  
Nicæn.  
Can. 3.  
S. Eliber-  
rit. Can.  
27.  
S. Hiero-  
nym. Ep.  
22. ad  
Eustoch.

## O 2

men

\* Nicæni Canon tertius ità habet: *Nec alicui omnino, qui in Clero est, licere subintroductam habere mulierem οὐνάσαντον, nisi forte aut Matrem, aut Sororem, aut Amitam, vel eas tantum personas, quæ suspicionem effugiant.*

Eliberitani Canon. 27. est: *Episcopus, vel qui-libet Clericus alius, aut Sororem, aut Filiam Vir-ginem dicatam Deo, tantum secum habeat, Ex-iranæam verò nequaquam.*

men consultum esse , ut Ecclesiasticis vi-  
ris cum altero sexu multum consuetudi-  
nis , & familiaritatis esset , ne pietatis qui-  
dem ac devotionis prætensâ specie ; nec  
probatur , ut munuscula , & bellaria iidem  
reciperent , severæ masculæque virtuti ini-  
mica , atque ad mollitiem animis inve-  
hendam nimis quām efficacia . *Crebra mu-*  
*nuscula , inquit S. Hieronymus , & suda-*  
*Epist. ad riola , & fasciolas , & vestes ori applicatas , ac*  
*Nepot. degustatos cibos , blandasque . & dulces literulas*  
*sanc̄tus amor non habet.*

In universum tamen sua Ecclesiasticis per id tempus , eaque excellens vitæ inte-  
gritas , & sanctimonia constabat ; qui , ut  
homines essent , infirmitate etiam ipsi cir-  
cumdati , neque affectionibus inordinatis  
omnino vacui , vitam nihilominus maxi-  
ma ex parte continentissimam , ad cætero-  
rum ædificationem agebant ; quos pro-  
inde æquissimi quique rerum æstimate-  
res , insigni passim reverentiâ , & honore  
colebant . Quamvis Episcopi tunc cer-  
tum dignitatis gradum inter sæculares ma-  
gistratus non obtinerent , propterea quod  
privatorum hominum adinstar , nihil pom-  
pæ exterioris affectarent , non desinebant  
tamen pro sublimissimi statûs sui excel-  
lentia apud Magnates , ipsosque Principes  
in honore esse . Suprà jam demonstratum  
est , quantus à Constantino Magno Pa-  
tri-

tribus Nicææ congregatis exhibitus fue-  
rit honos. De Maximo Imperatore me-  
moriæ proditum est, adhibitum ab ipso  
ad mensam fuisse Sanctum Martinum, cum  
uno ex Presbyteris Sancti Episcopi, Im-  
peratrice interea suis met manibus ad men-  
sam ministrante.

*Plura exempla vid. ap. Thomass. Tom. 2. lib. 3. c. 50. num. 7. Sc.*

Cùm solerent cā ætate Romani , viros  
in dignitate constitutos , diversis titulis ho-  
noris causā condecorare , nunc *Illustres* ,  
nunc *Gloriosos* , alias *Spectatores* , aut *Clarissimos*  
compellando , pro graduum , & dignita-  
tis , quā quisque effulgebat , diversā ra-  
tione ; Episcoporum Ordini *Sancti* , aut  
*Beati* prænomen inditum fuit ; cui inter-  
dum *pii* , *religiosi* , *Deo chari* , aliáve similis  
honorifica vox accessit. Tituli hujusmo-  
di adeò Episcoporum erant proprii , ut in  
Judiciis etiam , ubi accusari quempiam ipso-  
rum , & condemnari contingeret , hono-  
rificā illā præfatione nominaretur ; id  
quod in Concilio Ephesino contra Nesto-  
rium , & in Chalcedonensi contra Dio-  
scorum coacto , videre licuit. Etiam in  
hæresim lapsis tituli illi non denegabam-  
tur. S. Augustinus in Colloquio Cartha-  
ginensi , non dubitavit dicere : *Sandissimus*  
*Emeritus* , & *Sandissimus Petilianus* , etsi am-  
bo Donatistarum errores tuerentur ; ni-  
mirum offensione non vacasset , id genus  
titulis viros illos privare.

Vid. Ba-  
ron. in  
notis ad  
Martyr.  
10. Ja-  
nuarii.

Papæ nomen , quod Patrem significat , cum testificatione tamen tenerioris cuiusdam affectū , diu admodū Episcopis omnibus in Ecclesia Latina commune erat , & hodiecum omnibus Ecclesiæ Græcæ Presbyteris tribuitur . Idem Episcopi paf- sim pro Dominis colebantur ; neque ul- la frequentior , sæculis Christi quartō , & quintō , Literarum inscriptio occurrit , quām hujusmodi : *Domino Sanctissimo , piissimo , summèque venerando N. Episcopo.* Usi- tatum etiam erat , uti infrà ostendi , pro- strato ante eos humi corpore , pedes ip- forum deosculari . Et mirabimur adhuc , si honorum , qui adeò splendidi nobis videntur , ista significatio , Summo Pon- tifici , Episcoporum Episcopo delata fue- rit , quem Fidelium multitudo singulari- semper , ac præcipuo quodam cultu ve- nerata est , quémque Episcopi ipsi paren- tis , & Papæ , id est , dulcissimi parentis loco habebant , perinde ac Pontifex ipsos tanquam fratres tractabat , & nostrō item

Vide Epist. Innoac. I. inter Epist. Augusti.

ævō tractare solet ? Habet enim hoc Ec- clesia Romana , ut plūs , quām cæteræ Omnes Ecclesiæ , veterum consuetudinum apprimè retinens , & studiosa sit . Multūm sanè ista sæcularium Potesta- tum adversùs Episcopos Reverentia , ad conciliandum ipsis magnam autoritatem valuit , quā instructi , Viduarum , Orpha- norum ,

norum , & quorumcunque calamitosorum  
hominum patrocinia susciperent ; præci-  
puè verò usi authoritate illâ sunt Episco- V. Ep.  
pi, ad vitæ gratiam capitalium criminum 54. Au-  
reis impetrandam ; non quasi zelô justi- gust ad  
tiæ minùs prædicti essent , sed quia pro-  
bè nôrant , hujusmodi zelum , quantum  
satis est ad coërcendos facinorosos , in  
sæcularibus Dominis minimè desiderari ;  
cùm illi interea animas omnium , sive  
Christiani essent , sive à nostris sacris ad-  
huc remoti , Deo lucrifacere studerent.  
Procul dubio enim efficax , & blandus ad  
pœnitentiam , aut Baptismi susceptionem  
incitamentum erat , tanta Episcoporum  
erga miseris charitas ; idémque studium  
clementiæ , & mansuetudinis , Ecclesiam  
Christi ipsis adeò Paganis mirificè com-  
mendabat.

In tanta luce honorum , publicæque , ac  
honestissimæ existimationis constituti Epi-  
scopi , Clericique omnes , paupertatem ta-  
men sibi quàm maximè commendatam  
habebant. In Africa jubebantur Clerici ,  
quantumvis Sacrarum Literarum cognitio-  
ne præstantes , aut ruri opus facere , aut Concil.  
opificium aliquod domi exercere , quô IV.  
victum sibi , & vestitum , sinè præjudicio Cartb.  
tamen functionum suarum , compararent. can. 51.  
Quæ lex ad Clericos inferiorum ordinum § 52.  
potius , quàm ad Diaconos , & Sacerdotes , v. Tho.masi.

Tom. 3. satis alioquin occupatos spectare videtur.  
 l. 3. c. 8. Suppetunt nihilominus exempla quorun-  
 num. 2. dam Episcoporum, qui Apostoli hac in  
 re consilium, longissimi etiam retrò tem-  
 poribus opere ipso impleverunt. Sed un-  
 decunque demum Clerici vitam sustenta-  
 rent suam, illud tamen curare debebant,  
 ut frugalitatem semper, ac modestiam  
 Christianam ostenderent. Hinc est illa  
 Canonum Ecclesiæ Africanæ lex, ut Epi-  
 scopi victum mediocrem, & cæteram rem  
 familiarem tenuem haberent. Accurately  
 hoc ab Augustino observatum fuit, Pos-  
 fidio teste; qui, cum affirmet, Augusti-  
 num præter legumina, & herbas, inter-  
 dum carnium, & vini aliquid, hospitum  
 gratiâ mensæ inferri curasse, non obscure  
 nos docet, quam vilis, parabilisque at  
 plurimum fuerit Sanctissimi Præfulis victus.  
 Paulin. Epist. I. Sub eadem tempora D. Paulinus, opibus  
 in fine, propè immensis ultro abjectis, ad quoti-  
 dianos usus ligneas scutellas, & fistilia  
 vasa adhibebat. Sanctus Martinus asello  
 insidens, & paupere lacernâ indutus,  
 Diæcesim suam lustrabat. Admitationi  
 præterea erant, & ingenti ædificationi,  
 propter insignem abstinentiam, & produ-  
 cta jejunitia, Lupus Trecensis, S. Germa-  
 nus Antissiodorensis, & S. Hilarius Are-  
 latensis, Episcopi. De Sancto Epipha-  
 nio Ticinensi, Scriptores notant, nun-  
 quam

quam ipsum balneō uti , nunquam cœnare , nunquam aliis cibis , præter olera , & legumina vesci solitum fuisse. Inter Orientis Episcopos S. Basilius , præter panem tale conditum , comedebat nihil , frigidâ sitim levabat , unâque solùm tunicâ vestiebatur. Idem ferme institutum S. Gregorius Naziazenus tenuit. Divo Chrysostomo adversarii sui exprobrabant , & accusationis contra virum sanctissimum præcipuum caput in eo reponebant , quòd finē socio cibum caperet , vitamque ageret admodum solitariam ; ipséque Chrysostomus testatur , reprehensionem apud se incursum esse Antistitem , si quem serici vestiri , multitudinem sequentium , & comitantium habere , circa forum arroganter indecere , equō vehi , domosque edificare cerneret , si jam , ubi commoretur , habeat. Hujusmodi enim fuere , quæ jam sèculo uno ante Chrysostomi tempora , Paulo Samotrensi vitio vertebantur ; hominem ipsum ajebant esse , qui lautè vivat , qui splendido amictu fulgeat , qui per urbem incedens , turbâ hominum præ se , & à tergo euntium stipatus , appareat , magisque ad fastum , ac morem consularem , quam ad Episcopalem modestiam compitus sit. Et tamen Paulus iste Antiochiæ Episcopus erat , quæ urbs pro Metropoli Orientis , & inter cæteras orbis terræ , præ-

*Homil. 9.  
in Epist.  
ad Philip.*

rogativâ tertia habebatur. Adeò verò jam insueverant hominum oculi tantæ Episcoporum modestiæ , ut quidam malevolorum , aut imprudentium , iniquè criminandi ansam inde arriperent , si forte nonnullos observarent hac in re aliis dissimiles , populōque ornatores. *Quod si* , verba sunt ejusdem S. Chrysostomi , modicō , ac sobrio fruatur cibo Episcopus - - si lavantem viderit quispiam , plurima in eum intorquentur convitiorum spicula. *Indignus proinus* iu-  
in Ep. ad dicatur , qui aspiciat solem : quandoquidem illa  
Philipp. gerit , quæ ille. Atque ille se lavat , inquit alius ,  
ut ego , comedit , bibt , vestimentis operitur , do-  
mūs curam gerit , atque familiæ ; cuius ergo rei  
gratiâ ille mihi prælatus est ? sed & famulos ha-  
bet , qui illi ministrent , & asellō vehiunt ; cur  
præesse mihi debet ? vide quæso , quanta rerum ab-  
surditas ! hactenus Chrysostomus. Et Am-  
mianus Marcellinus , etsi Gentilis esset ,  
isque antiquis superstitionibus suis mor-  
dicūs addictus , discrimen tamen animad-  
vertit , quô sub finem sæculi quarti Pon-  
tifex Romanus ab Episcopis reliquarum  
Provincialium exteriore corporis habitu  
differebat. Quasi verò mirum , & info-  
lens foret , Episcopum Urbis , quæ mundi  
Caput , & Domina erat , vehiculō , aut car-  
pentō uti , quò expeditiùs amplissimæ Ur-  
bis diversas regiones adiret ; vestimentis  
insuper melioribus indui , mensámque ali-  
quan-

quantò lautiùs instruere , cui Summi qui-  
que Romani Imperii Proceres accumbere  
possent. Utcunque tamen ista se habeant,  
illud in comperto est , eo ipso tempore  
floruisse in Provinciis Episcopos , tantâ in  
viectu parsimoniâ , tantâ paupertate in ve-  
stitu , tantâ vultûs modestiâ conspicuos ,  
ut meritò iis virtutibus Deo juxtâ , & ho-  
minibus sese commendarent ; id quod  
idem ille Scriptor , quantumvis Ethnicus ,  
attestatur. Imò ex allatis suprà exemplis  
perspicuum fit , etiam celeberrimarum ur-  
bium Antistites eâ simplicitatis , & mode-  
rationis laude insignes fuisse ; ut alios  
præteream , quorum res gestæ à nobis le-  
ctæ non sunt , & fortasse ne literis qui-  
dem magna ex parte consignatæ.

## CAPUT XIII.

### *Ecclesiæ Opes.*

**A**dmirabiliorem hanc Episcoporum  
modestiam reddit magnitudo divi-  
tiarum , quibus Ecclesiæ circum-  
fluebant , & quas inter præcipuos liberta-  
tis fructus numerare licet. Tantùm non  
fidem superabunt , quæ hac de re dicere in-  
gredior , et si certis argumentis comproba-  
ta sint. Vitæ omnes Romanorum Pon-  
tificum ab exordio sæculi quarti , & Pon-

tificatu S. Sylvestri, usque ad finem noni  
sæculi, plenæ sunt largitionibus, quibus Ec-  
clesias Romæ existentes, non modò Pon-  
tifices, atque Imperatores, verùm etiam  
privati quidam homines dotârunt; nec  
vasa solum aurea, argenteaque donata  
fuere, sed integræ etiam domus in Urbe,  
& extra illam prædia, & possessiones,  
partim in finibus Italiæ, partim in aliis  
Romani Imperii provinciis adjectæ sunt.  
Satis hic loci, abundeque fecero, si, quæ  
unus Constantinus magnificâ pietate in  
Ecclesias profudit, dona ac munera, ex  
Anastasio Bibliothecario referam, qui ea  
ex antiquis documentis, suâ ætate adhuc  
extantibus congesta, ab injuria temporis  
vindicavit.

Affirmat ille, Constantinum complures  
Basilicas partim ædificâsse, partim dotâs-  
se. Principem inter eas locum sibi ven-  
dicat Basilica Lateranensis, à suo Funda-  
tore *Constantiniana* dicta; in hanc hujusmo-  
di dona Imperator contulit. Tabernacu-  
lum ex argento ductili bis mille, & vi-  
ginti quinque librarum; in ejus anteriore  
parte figura extabat Salvatoris sellæ insi-  
dentis, alta quinque pedes, & viginti su-  
pra centum libras gravis. Circumpositæ  
visebantur duodecim Apostolorum Sta-  
tuæ, quarum singulæ quinque item pedum  
altitudinem, & gravitatem librarum nona-  
ginta

ginta habebant , cum coronis argenti purissimi. In aversa Tabernaculi parte , alia Salvatoris imago erat in throno sedentis , alta quinque pedes , & librarum quadraginta supra centum , quam circumstabant Angeli quatuor ejusdem altitudinis , singuli centum , & quindecim librarum , ex argento conflati , & pretiosis distincti lapidibus. Additæ præterea coronæ quatuor cum Delphinis viginti ex auro purissimo , quarum quælibet quindecim pondo gravis erat. Coronarum nomine hic intelliguntur rotidem circuli , qui candelabra in orbem disposita sustinebant ; Delphini verò ab Anastasio , aliisque mediæ ævi Scriptoribus , nominantur ornamenta majorum Lychnuchorum , qui lychnos , sive lucernas portabant. His accessere Altaria septem ex argento , singula ducentarum librarum ; Patenæ aureæ septem , singulæ librarum triginta ; Calices aurei quadraginta unilibres , quingenti verò argentei bilibres : Candelabra , sive lampades ( Anastasius Phara , vel Pharocantharos nominat ) universim centum , & sexaginta , quorum quadraginta quinque libras triginata , reliqua viginti pondo singula habebant ; plura ejusmodi vasa libens hic prætereo. In Baptisterio fons ipse sacer , sive Labrum Baptismale ex lapide Porphyretico factum , & argento undique coopertum erat ,

erat , cuius pondus ad ter mille , & octo libras ascendebat. Fonte lampas imminebat ex auro purissimo librarum triginta , in qua ducentæ libræ balsami in die Paschatis consumiebantur. Ponè fontem sacram Agnus aureus stabat triginta librarum , aquas fundens ; ad dexteram Agni , Salvatoris imago prostabat ex argento purissimo , quinque pedes alta , librarum centum , & septuaginta ; ad sinistram porrò B. Joannes Baptista intentō in Christum dигито titulum exhibebat : *Ecce Agnus Dei , ecce , qui tollit peccatum mundi* ; Statua hæc ex argento centum pondo gravis erat. Cervi quoque argentei septem fundentes aquam , singuli octoginta librarum ; denique thuribulum aureum decem librarum , gemmīs pretiosis quadraginta , & duabus illustratum. Quid multa ? subductis accurate calculis omnium donorum , quæ cùm Basiliæ , tum Baptisterio Constantinus obtulit , universa ad sexcentas septuaginta octo libras auri , argenti verò pondo novendecim millia , sexcenta , & septuaginta tria ascendunt. Cùm verò libra Romana duodecim solum uncias contineat , pondus illud auri , & argenti , marcas auri mille , & septendecim , marcarum autem argenti undetriginta millia supra quingentas efficit ; ut adeò , si marca auri in nostrate moneta æstimetur trecentis Francis , five libris Gallicis ,

marca



marca verò argenti libris Gallicis triginta , universum pretium auri , & argenti , quod vocant intrinsecum , non computatâ artis æstimatione , complectatur circiter duodecies centena millia librarum Francicarum . Præter hæc dona eidem Basiliæ , & Baptisterio collata à Constantino fuere ædificia urbana , & prædia ( Anastasius *Massas* vocat , quæ etiam *Mansi* nominantur ) ex quibus tredecies mille , nongenti , & triginta quatuor Solidi aurei pro annuis redditibus percipiebantur , qui , Solido aureo non pluris , quam sex Libris Francicæ monetæ æstimato , facilè superant summam octoginta millium Librarum Francicarum in annuos proventus attributarum . Atque hæc omnia in unam Lateranensem Ecclesiam , unius Beneficiâ Imperatoris collata fuerunt .

Idem septem alias Romæ exædificavit Ecclesias ; S. Petri Principis Apostolorum , S. Pauli , S. Crucis Hierosolymitanæ , S. Agnetis , S. Laurentii , SS. Petri & Marcellini ; alias verò à S. Silvestro Papâ exstructas , amplissimis donis locupletavit . Extra Urbem etiam templa molitus est Ostiæ , Albani , Capuæ , & Neapolí . Universim autem , quæ sacris hisce ædibus dono dedit , vasæ aurea , argenteaque , ea mille trecentas , & quinquaginta novem marcas auri , & uncias quatuor , argenti porrò

marcas duodecies mille , quadringentas , & triginta septem conficiunt , quarum intrinsecus valor , rationib<sup>us</sup> obiter subductis , septingenta supra octoginta millia marcarum , pretium exæquat . Præterea annui proventus , quibus Ecclesiæ illas instruxit , ad septendecim millia , septingen- tos , & septendecim solidos aureos , id est , ad summam centenis millibus librarum Francicarum majorem ascendunt . Aroma- mata verò diversi generis , quæ ex pos- sessionibus Ecclesiæ in Ægypto , & Oriente ad eas pertinentibus , quot annis submittenda erant , eorum pretiō , quod illâ ætate multò , quā nunc majus erat , ad nostri duntaxat ævi rationes computato , superabant tamen summam viginti millium Francorum . Sic , exempli cau- sâ , Basilica S. Petri in Urbe , proprias Antiochiæ ædes , & in ejusdem vicinia fun- dos suos habebat ; Tharsi item in Ciliciâ , Alexandriæ , totaque in Ægypto , atque adeò in Provincia Euphrathæa certa bona , prædiaque possidebat , ex quibus nonnulla pro annuo canone certam mensu- ram olei Nardini , Balsami , Storacis , Cin- namomi , Croci , aliisque id genus odori- fera , & pretiosa aromata , suffimento in thuribulis , & flammæ in lampadibus nu- triendæ , suppeditare debent . Adde his Ecclesiæ ab eodem Constantino , & S. He- lenâ

lenâ matre ipsius Hierosolymis, Bethle-  
 hemi, & alibi passim in terra sancta ædi- Vid.  
Euseb. In  
vita  
Const.  
l. 3. c.  
34. 35.  
Ec.  
 ficatas; adde Basilikam duodecim Apo-  
 stolorum, aliásque Constantinopoli ere-  
 das, postquam Urbem istam, & secun-  
 dam Romanam à fundamentis extruxerat;  
 adde regia planè dona, quibus Ecclesias  
 per totum Imperium excitatas ditavit,  
 adde ad extremum munera, & bona, quæ  
 Constantini in Imperio successores, quæ  
 Provinciarum Præsides, aliquique summi  
 Viri, ac Dynastæ Christum secuti, quæ  
 sanctæ, & nobiles Matronæ, ut Paula, Me-  
 lania, aliæque complures, ex opulentissi-  
 mis voluntariè pauperes factæ, in ornan-  
 dam Dei domum, & familiam conges-  
 serunt, quæque ipſi quoque Episcopi mi-  
 rificè auxerunt; quorum sancta erat æmu-  
 latio, ut suam quisque Ecclesiam quam  
 splendidissimè, copiosissimèque instructam  
 haberet. His omnibus veluti sub uno  
 conspectu positis, arbitrari per se ipse qui-  
 vis potest, quantas necesse sit fuisse opes  
 Ecclesiarum in celebrioribus, & primariis  
 urbibus, quæ Metropoles erant tam in-  
 signium Romani Imperii Provinciarum,  
 ut eadem nostrâ tempestate pro amplissi-  
 mis Regnis haberentur. Profectò Ale-  
 xandrinæ Ecclesiæ propemodùm immen-  
 sas constat fuisse divitias, tempore S. Joau-  
 nis, cognomento Eleemosynarii, qui reddi-

Vita S.  
Gregorii  
per Jo.  
Diac. l.  
2. c. 55.

ff. de  
Infr.

tus illius tam ingentes , tantâ fide , & san-  
ctimoniâ erogavit. Constat item ex Epi-  
stolis S. Gregorii , quantum negotii san-  
ctissimo Pontifici facessiverit administra-  
tio Patrimoniorum Ecclesiæ Romanæ ,  
quaquaversùm per Siciliam , Hispaniam ,  
Galliasque patentium ; quâm sollicitè cu-  
randum fuerit , ut servi , & mancipia , pos-  
sessionibus illis colendis addicti , benè tra-  
starentur , útque annui redditus in paupe-  
rum cuiusvis provinciæ , unde ea bona  
suppetebant , levamentum , & sustentatio-  
nem adhiberentur . Nec ista cuiquam in-  
credibilia videri possunt , nisi qui Roma-  
næ Historiæ planè rudis sit , nesciatque ,  
tantam tunc temporis fuisse Romanæ  
Monarchiæ amplitudinem , tantas homi-  
num etiam privatorum opes , ut familiare  
his esset , amicis suis integros pagos unà  
cum habitatoribus testamentô transscri-  
bere . Præterea maximi per idem illud  
tempus constituti redditus erant , conser-  
vandis , ornandisque falsorum Numinum  
delubris ; singulis etiam annis pecuniæ  
vis ingens in sacrificia , ludos , aliósque  
impiæ Religionis ritus profundebatur ;  
quare in promptu erat , partem aliquam  
reddituum tam malè collocatorum , in do-  
tem , atque ornamenta Ecclesiarum deriva-  
re : sed tamen inter præcipuos , ut loqui  
solemus , fundos , quibus Ecclesiæ tunc  
locu-

locupletabantur, bona illa numerari debent, quæ persecutionum olim sæviente æstu, Christianis per summam injuriam erepta, & Fisco addicta fuerant.

Bonorum Ecclesiæ tam ingentium dominium, ac procuratio tota penes Episcopos erat; ita enim disertè Concilium Antiochenum statuit: *Episcopus habeat rerum Ecclesiæ potestatem, ut eas in omnes egenres dispenseat, cum multa cautione, & timore.* Sed enim tantum aberat, ut eâ potestate, multùm afficerentur SS. illi Antistites, ut permolestam sibi potius eam accidere significant, nihilque magis haberent in optatis, quam ut redirent aurea illa, & beata tempora, quibus Fidelium charitas tantum in dies singulos stipis, & oblationum afferebat, quantum levandis pauperum, Clericorum, & Ecclesiarum necessitatibus sufficiebat. Hinc sæpè Augustinus fundos Ecclesiæ suæ omnes, civibus Hippoñensibus ultrò offerebat, eâ solùm lege, ac conditione, ut cum illis curam etiam susciperent sustentandi egenos, & Ecclesiis, harumque Ministris pro *In vit. spiciendi, sed nunquam id Laici suscipere vo-* S. Aug. *luerunt, inquit Possidius.* D. Chrysostomus Christianis exprobrabat, ipsorum fordibüs, & inclemtiâ coactos fuisse Antistites, ad providendum Ecclesiis de certis, stabilibüsque bonis, ne forte Virgines,

Viduæ , & Paupercularum greges fame contabescerent , si , quod in primitiva Ecclesia in usu erat , solis Oblationibus , & eleemosynis , pro cuiusque libitu factis , vietandum ipsis esset : *Nunc agros , verba hæc sunt S. Chrysostomi , domos , locationes aedificiorum , vehicula , equos , mulos , multiaque alia hujusmodi propter vos , & vestram crudelitatem Ecclesia possidet . Oportebat etiam hunc Ecclesie iheraurum vos retinere , ac Ecclesiam non parvos ex vestra devotione consequi fructus . Modò autem duo quædam mala committuntur ; nam vos , quasi nihil dare debeatis , nihil confertis , & Dei Sacerdotes à Sacerdotio aliena pertractant . Et post pauca : non libenter ad hanc se deformitatem ( curandi sœcularia , & terrena ) immiserunt Episcopi , qui desiderabant fructus ex vestra devotione sic acquirere , ut orationibus solum possent attendere . Nunc vero coëgisti eos illorum , qui sœcularia gerunt negotia , curam , & administrationes imitari : unde & universa commiscentur , atque turbantur . Denique ait : non audistis , quia ne quidem habetis pecunias , quæ absque labore fuerunt collectæ distribuendas putaverunt Apostoli . Modò autem Procuratores , Dispensatores . . . . redacti sunt Episcopi ob istarum rerum curam , & sollicitudinem . Cumque oporteat eos animarum curam vestrarum habere , hoc præiermisso , illa sollicitudine curant , quæ publicanis , quæstoribus , atque villicis*

licis curanda sunt. Nihilominus viam aliquam , & rationem inivere SS. Præfules , expediendi se tam molestâ rerum terrena- rum procuratione. Initio quidem Archi- Diaconis , tum Oeconomis ad hanc unicè functionem destinatis , provinciam illam imposuere ; utque negotia etiam illa , quæ ad pietatem pertinent , levius ferrent , à Principibus Christianis Defensores , & Ad- vocatos obtinuerunt , qui stabili sede in quavis urbe commorantes , rem Ecclesiæ , pauperumque patrocinia magnâ charitate ac fide tuerentur.

## CAPUT XIV.

**B**Onorum Ecclesiæ pars bene magna fundandis , & conservandis Hospi- talibus domibus insumpta fuit ; nam sub illud tempus exstrui huiusmodi ædes coeperunt. Græci quidem , & Romani Politicen suam usque eò elimaverant , ut otiosos homines , benéque valentes , ac robustos mendicos à finibus suis exige- rent ; nusquam tamen legere est , pu- blicâ quâdam sanctione pauperibus illis Prospectum fuisse , aut subventum , qui ad publica servitia per corporis , & membro- rum infirmitatem inhabiles erant. Imò

passim existimabatur præstare, ut miserabiles hujusmodi personæ vitam potius citò finirent, quam ut eam longius producendo, sibi juxta, & aliis oneri essent; quâ re factum est, ut, qui inter pauperes cæteris animosiores erant, sibimet ipsis violentas manus inferrent. Longè aliter, ac melius hâc de re Christiani sentiebant. Hi enim animarum præprimis salutem sistentes, nullam istarum, quantumvis miserabili in corpore habitaret, negligendam putabant; & ut quisque mendicorum humanâ ope maximè destitutus erat, ità præ cæteris singulari curâ, & charitate dignus habebatur. Jam vero juvandi illos nulla expeditior erat via, quam ut communi omnes hospitiō, & vietū exciperentur. Ergo ubi primùm Ecclesiæ licuit esse à Tyrannis securæ, diversi generis domicilia misericordiæ fundari coepta sunt: ea nos universè *Hospitalia* dicimus; at Græci suis singula vocabulis efferebant.

Domus, in qua parvuli adhuc lactentes nutriebantur, sive Expositi essent, seu quâ aliâ de causa ibidem educarentur, *Biephorophium* vocabatur: Domus vero, in qua pupilli degebant, *Orphanotrophium*. In qua ægroti curabantur, *Nosocomium*: in qua peregrini, & in itinere versantes refocillabantur, *Xenodochium* appellata fuit, atque hoc postremum ædium genus in Latino sermo-

sermone propriè *Hospitale*, vel domus Ho-  
 spitalitatis nominatur. *Gerontocomium* erat,  
 ubi senibus : *Prochotrophium*, ubi omnis  
 generis egenis receptus dabatur, Hujus-  
 modi ædes charitatis in amplis, lautis-  
 que urbibus excitari solebant, quas inter  
 Alexandrinum *Hospitale* in Historiis præ-  
 cipue celebratur. Domiciliorum istorum  
 procuratio Diaconis commissa erat, qui-  
 bus tamen ut plurimùm Sacerdos aliquis  
 præficiebatur. Sanctissimi quique Epi-  
 scopi neque laboribus, neque impensis  
 parcebant ullis, quò pia hæc opera tue-  
 rentur, atque proveherent. Iisdem cordi  
 erat pauperes sepelire, & captivos redi-  
 mere, à barbaris in servitutem abductos;  
 horum enim, sub occasum Romani Imperii,  
 frequentissimæ erant incursionses, & pla-  
 gia. Gemono huic misericordiæ operi  
 ità vacabant Episcopi, ut ipsa adeò Eccle-  
 siarum sacra vasa vendere non dubitarent,  
 quò litrum captivis, & demortuis locu-  
 lum compararent; adeò duplici huic pie-  
 tatis officio, tanquam privilegiō speciali  
 insignito, cætera posthabebant omnia.  
 Èâ de re illustre in paucis extat S. Exu-  
 perii Episcopi Tolosatis exemplum, qui  
 misericordiæ in defunctos, & captivos stu-  
 diô, adeò sese, atque Ecclesiam suam spo-  
 liavit, ut Divinissimum Christi Corpus in  
 canistro, sanguinem verò Sacrosanctum

S. Greg.  
in Dia-  
logi.

Joan.  
Diac. in  
vita S.  
Greg.  
l. 4. c.  
43.

in vitro calice gestaret. De S. Paulino in vulgus notum est, ipsum rebus omnibus divenditis, ad extremum se ipsum servituti addixisse, ut viduæ cujusdam filium in libertatem assereret. Hunc in modum Ecclesiarum ingentes thesauri, & pretiosa metalla, quibus sacræ ædes fulgebant, totidem veluti pia Deposita erant, quæ publicâ quâdam ingruente calamitate, pestilentiâ inquam, fame, & his similibus, continuò tanquam oblatâ, bene illa erogandi, præclarâ opportunitate, ad communium levamenta malorum impenderentur. Nimirum conservandis vivis templis S. Spiritûs, templa ipsa, & templorum opes præstò erant. Etiam illa mancipia, quæ intra fines Romani Imperii servitutem serviebant, maximè si Christiana essent, & dominos haberent Gentiles, aut Judæos, Ecclesiarum bonis redimi solebant.

## CAPUT XV.

### *Monasteria.*

**S**ub hæc demum tempora, cum tranquilla Ecclesiæ, & stabilis affulsi libertas, Monasteria exorta fuere. Quamdiu enim Tyrannorum vexationibus infesta erant omnia, nullibi Fideles, præterquam in desertis locis, tutum perfugium inveniebant: quare ad vastas foliitudi-

tudines, præcipue in finibus Ægypti sitas, multi secesserunt; quorum quidem nonnulli, quod reliquum erat vitæ, ibidem transfegerunt, ut S. Paulus, qui primus Eremitarum habetur. S. Antonius, qui vitam initio Asceticam haud procul à patrio solo aliquamdiu egit, subinde in Eremum abdidit sese, ubi remotus à periculis, ac temptationibus, quas serere hominum consuetudo, & frequentia poterat, majori & libertate, & securitate ad pietatem se exercebat. Princeps is fuit, qui ejusdem vitæ sectatores in Eremo congregatos, ad vitæ communis societatem in solitudine colendam traduceret. Isti enim verò non amplius Ascetæ simplicicer nominabantur, et si vitam reverè Asceticam viverent, sed partim *Monachi*, quod solitariè agerent, partim *Eremitæ* à locis, quæ habitabant, vocari cœpere. Qui in communi vivebant, *Cœnobeiæ* nominabantur: *Anachoretiæ* autem, qui, posteaquam in communitate diu vixerant, ibique perdomare, & frangere appetitiones suas didicerant, in interiora denique solitudinis concedebant. Quanquam & *Cœnobeiæ* admodum solitarii erant; quippe qui præter alios ejusdem instituti socios, mortalium videbant neminem, semoti multorum itinere dierum à locis cultis, & habitatis, ævumque transigentes in terra deserta, & invia, & in-

aquosa, ad quam proinde frigida aliis ex locis afferenda erat. Quid? hi ipsi nunquam interdiu, sed vespere duntaxat, noctuque, cum ad comprecationem convniendum erat, inter se revisabant, diem, quam longa est, agere soliti intra Cellularum angustias, quas singuli, binive incolebant, labori manuum intenti, silentique religiosi custodes. Denique Cellulæ ipsæ sat̄is magnō intervallō sejunctæ erant; siquidem in vastissimis illis solitudinibus nunquam deesse spatium poterat, quamlibet multis, interque sese longius dissitis tuguriolis excitandis.

Non erat Sanctis Antonio, Hilarioni, Pachomio, aliisque horum discipulis, & imitatoribus propositum, ut novum vitæ genus, illoque, quod Majores ipsorumfectati fuerant, perfectius instituerent. Id solūm spectabant, ut Evangelicæ perfectionis disciplinam, quam de die in diem magis defluere animadvertebant, in ea puritate, quā ipsam à suis Patribus, veluti sacram Depositum, traditam accepere, diligenter, ac fideliter conservatum irent. Eam ob causam prototypi loco ante oculos sibi statuebant Ascetas Antecessores suos. Ita Cassiano teste, qui in Ægypto Monastichen excolebant, imitandos sibi sumebant Divi Marci Discipulos, qui intra suburbia Alexandriæ commorantes, domi se tenebant,

Cass. 2.  
instit. c.  
5. E 18.  
coll. 5.

bant, precibus, sacrarum literarum com-  
mentationi, & manuum labori vacantes,  
neque, nisi nocte appetente, cibum capere  
soliti. Ad hæc primitivam Ecclesiam Hie-  
rosolymis quondam florentem, Aposto-  
lorum item, & Prophetarum exempla, quæ  
pro vitæ norma haberent, sibi propone-  
bant. Non aucupabantur popularem ad-  
mirationem, vitæ insolitæ, ac præter mo-  
dum austerae ostentatione; quin potius id  
unicè, ac seriò agebant, ut vitam ducerent *S. Basil.*  
verè, & genuinè Christianam. Liquet hoc *Reg. fuf.*  
*ex omnibus S. Basilii regulis*, quæ aliud *N. 21.*  
nihil sunt, quām compendium totius do-  
ctrinæ moralis Evangelicæ, cunctis Fide-  
libus à Christo Domino propositæ. Sic  
v. g de habitu loquens, contentum, ait,  
vivere debere Christianum iis vestimen-  
tis, quæ ratio decori, & corporis à frigore,  
cæteraque aëris intemperie defendendi ne-  
cessitas exigat, atque hoc ipsum, ut quām  
minimâ curâ, & sollicitudine fiat, elabo-  
randum. Idem jubet unani tantùm uestem  
à singulis adhiberi, quæ noctes, ac dies  
usui sit; quod sanè in regione, ubi San-  
ctus degebat, factu proclive erat. Ver-  
bō, pauca in iis regulis continentur, quæ  
Monachis peculiaria planè sint.

Quædam nihilominus erant ipsis omni-  
no propria: ut, quod Matrimonio, & re-  
rum terrenarum dominio renunciare,  
quod

quod consuetudinem hominum, etiam Christianorum, atque adeo Consanguineo-

*Cass In-* rum vitare tenebantur. De cætero erant  
*sit. 5.* hujusmodi monasticæ vitæ cultores boni  
*c. 12.* ac probi Laici, suo labore, & industriâ vi-  
*§ 16.* etum quæritantes, silentii, ac secessus per-  
*§ 6.* studiosi, vitiis singillatim extirpandis in-  
*cap. 7.* tenti, ut, posteaquam veluti in agone con-  
*1. Cor.* tendentes legitimè certâssent, ad eam de-  
*9. v. 25.* nique animi puritatem eniterentur, quæ  
*2. Tim.* ipsos Dei, & rerum divinarum aspectu dig-  
*2. v. 5.* nos efficeret. His principiis omnes il-  
 lorum piæ exercitationes regebantur: Je-  
 juniorum assiduitate, primô, ac præcipuo  
 locô gulæ vitium, & intemperantiam op-  
 pugnabant; tum ejus præsidiô anteverte-  
 re impuras tentationes, spiritumque suum,  
 veluti positâ carnis mole sibi redditum,  
 atque ad divina speculanda magis ido-  
 neum, perficere laborabant. Modum ta-  
 men in jejunando sic tenebant, ut vires  
 labori necessarias conservarent; somnô  
 item modicô itâ fruebantur, ut tamen va-  
 letudini ea res fraudi ne esset; sanè hâc  
 vitæ methodo morbîs, & adversâ valetu-  
 dine superiores, ad scaram senectutem fani  
 ac vegeti perveniebant. Quàm plurimos  
 in Vitis Patrum invenias nonagenarios,  
 plures centenariis proximos, & nonnul-  
 los centenariis majores. Inter Ægyptios  
 præ-

præsertim, temperantiæ in victu præclara  
 exempla animadvertere licet; ex his fa-  
 pientiæ famâ præstantissimi quique, post  
 maturam deliberationem longo rerum usu <sup>Caf.</sup>  
 comprobata, victus sui rationem in eos <sup>Coll. 2.</sup>  
 veluti cancellos redegerant, ut singuli <sup>c. 19.</sup>  
 ipsorum quotidie post Nonam duobus pa-  
 nibus vescerentur, qui ambo duodecim  
 unciarum pondus non excederent, frigi-  
 dâ insuper sitim levantes. Præsens reme-  
 dium contra luxuriæ, & avaritiæ tentationes  
 solitudo erat, cuius ope ipsæ adeò rerum  
 imagines, quibus extimulari vitia illa fo-  
 lent, quantùm quidem homini fas est, ex  
 animis eliminabantur. Eidem avaritiæ  
 bellum indicebant diligentî studiô sum-  
 mæ paupertatis, fidelique, & constanti ani-  
 mi inductione, nihil unquam proprium  
 possidendi, verùm id modò, quod ad vi-  
 tæ propriæ sustentationem necesse foret,  
 retinendi, reliquâ parte in egenos distri- <sup>De Mor.</sup>  
 butâ. Tam ingentes porrò erant hujus- <sup>Ecclesi. 1.</sup>  
 modi Eleemosynæ, ut, sancto Augustino <sup>c. 67.</sup>  
 referente, naves interdum integras iisdem  
 onerari contigerit. Iracundiam, turbu-  
 lentum, & familiare nimium hominibus  
 malum, silentii frœnô, & vitæ socialis usu  
 coërcabant; hæc enim vita singulos obli-  
 gabat, ut alter alterius onera portare af-  
 fuesceret. Denique Socordiam assiduo  
     labo-

labore, tristitiam precibus, & psalmorum cantu, vanitatem, & elationem obedientiâ, & mortificatione domabant.

*Cats.*  
*Coll. 24.*  
*de Mor-*  
*tific. c. 3.*  
*&c.*

Erant tunc inter Monachos, qui agriculturam exercebant, & Operarum adinstar messis, aut vindemiæ tempore, suos Dominis labores elocarent. Verùm perfectiores inter illos, plùs justò distrahi animum hoc genere laboris animadvertisentes, delitescere in cellis suis malebant, & stroreas, calathósque, sive canistra ex junco, & sparto contexere; propterea quòd hâc ratione animus à meditatione sacrarum Scripturarum non avocaretur, sed facultas relinqueretur, mente ad cœlum identidem emigrandi. Nemo tamen unus erat, qui ab exercitiis, ut dicere solemus, corporalibus penitus vacaret, aut libris saltem describendis non occuparetur. Cæterùm in studia literarum pauci admodùm incumbebant, multi ne legere quidem sciebant. Neque tamen ea res obstabat, quin virtutis splendore maximam sibi veneracionem, non modò ad vulgus, sed ad summos quosque viros utriusque ordinis, & statūs, sive laicis, sive Sacerdotalis, & Episcopalis conciliarent; ut adeò ex Monachis non rarò sanctissimi quique, & Ecclesiasticis muneribus præ cæteris apti viri, ad Ecclesiarum, & Episcopatum gubernacula evocati fuerint. Tunc enim verò

ex

ex umbra in lucem prodibant, Monasterium cum civitate commutantes, & in frequentia hominum, more cæterorum Clericorum agentes. Nondum quidem per ea tempora solennium votorum nuncupatio usitata invenitur; nihilo tamen minus grande etiam tum nefas putabatur, si Monachus, seu animi levitate, seu quam aliâ causâ abstractus, solitariæ vitæ Institutô, ac veluti portu relicto, in sœculi pelagus sese referret. Hujusmodi transfuga pœnitentiæ Ecclesiasticæ subijciebatur; in bonis verò caducis alias pœnam non subibat præter notam, labemque nomini suo eâ statûs permutatione inustam.

V. Cass.  
Coll. 17.  
21.

Tanta verò Monasticæ vitæ erat, tam- que latè celebrata Sanctitas, brevissimi ut spatiô temporis per Orientem universum plura non solum Monachorum, verùm etiam Monasteriorum millia effloruerint. Qui solam S. Pachomii regulam secessabantur, ad quinquaginta millia erant, per diversa quidem domicilia distributi, unius tamen Archi-Mandritæ imperio subjecti, & quot annis ad celebrandum Pascha convenire soliti. Facillimum porrò erat ejusmodi Monasteria fundare. Neque enim hominis ullius aut permissione, aut subsidiô opus erat, ut liceret caduca omnia abdicere, in loca inhospita secedere, pauperculas casas ex ligno, & arundine ibidem reper-

v. Chrys.  
sostom.  
Homil.  
14. in  
ep. 1. ad  
Timoth.

S. Aug.  
de Mor.  
Eccl. 1.  
c. 67.

S. Hieronym.  
præsat.  
in Reg.  
S. Pachom.

reperi-

A. 8.

Conf. 5.

can.

535.

repertis exstruere, vitamque in silentio,  
& labore degere; non modò sine ullius  
mortaliū incommodo, sed etiam magnō  
rei communis compendio, propter elec-  
mosynarum, quæ ex desertis, uti suprà  
demonstravi, submittebantur, copiosam  
larginationem, usquè adeò Monasteriorum  
numerus crevit, ut ex desertis locis in cul-  
tas regiones, & confinia civitatum, novæ  
ac religiosæ coloniæ deducerentur. Et  
sanè iniquum videbatur, fertilissimas mun-  
di, ac lœtissimas plagas, cujusmodi Italia,  
Sicilia, & Græcia sunt, tam piorum Cœ-  
tuum fructu, atque exemplō privare. Cæ-  
terū Instituti sui usquè retinentes Mo-  
nachi, his etiam in regionibus perinde,  
ac si in Eremo degerent, clausuram, & si-  
lentium studiosè observabant. Jam qui  
viciniores urbi alicui vivebant, ad publi-  
cam Ecclesiam ipsi quoque recipiebant se-  
se, Episcopalis instructionis, & divinorum  
mysteriorum futuri participes; locum ta-  
men, quemadmodū virgines, ac viduæ,  
in Ecclesia certum, atque à reliqua mul-  
titudine se junctum habebant. Nihil ta-  
men ea res impedivit, quò minus intra  
religiosa etiam septa, Oratoria haberent, in  
quibus stato quoque tempore compreca-  
tioni operam darent. Qui verò longius  
ab urbibus aberant, nonnullos è suo nu-  
mero Sacerdotes habebant, qui divinis  
rite

ritè operari , & Sacra menta impetriri cæteris possent ; & progrediente tempore consultius visum fuit , ut in unoquoque Monasterio unus saltem Presbyter , cum uno , aut duobus Diaconis versaretur , qui Abbatis insuper dignitate sæpè fulgebat . Hâc ratione , nullâ forâs prodeundi necessitate compulsi , in Monasteriis quasi mortui in sepulchrâ delitescebant , id quod splendidæ excusationis loco obtendebat vafermissimus Hæresiarcha Eutyches , cùm Patrum Concilii Chalcedonensis ora reveritus , fistere se sacro illi Senatui non auderet .

Monacharum etiam domicilia in Eremitis erant , ubi personæ sequioris sexus commorabantur , adeò vicinæ virorum Monasteriis , ut mutuum inde auxilium haberent , simûlque adeò ab illis se junctæ , nullus ut periculo , aut suspicioni relinqueretur locus . Monachi ejusmodi Sanctimonialibus ædicularis extruebant , aliisque in operibus , quæ majorem afferebant defatigationem , præstò illis erant ; vicissim Sanctimoniales Monachis vestes consuere , aliaque id genus obsequia exhibere solebant , quæ tamen commercia charitatis nonnisi à senioribus quibusdam exercebantur , quibus solis ad hoc delectis , Sanctimonialium habitationi appropinquare licebat . In urbibus etiam complures

hujusmodi Parthenones fundabantur, in quibus consecratæ Deo Virgines, quæ in privatis antea ædibus vivebant, ad communis vitæ societatem colligebantur.

Episcopi, qui communis vitæ usum in Clerum suum invexerunt, exemplum ejus rei à vita Monastica sumpsere, ad ejusque normam, quantum per vitæ, ut vocant, activæ occupationes liceret, suorum disciplinam accommodarunt. Hinc est, quod istiusmodi Communites non raro Monasteria nominata fuerint: imò processu temporis utrumque nomen confundi, ac permisceri cœpit. Sæculô Christi quintô, Episcoporum, & Presbyterorum in Galliis, & Occidente pars maxima, vitæ monasticæ Institutum juxtâ, & habitum amplexi erant. Sanctus Gregorius Magnus, posteaquam ex Monasterii latebris, in quas, sæculi pompâ valere jussâ, secesserat, in lucem orbis terrarum educatus fuit, vitam nihilominus monasticam pro se ipse constanter coluit, & Monachis sanctimoniâ longè clarissimis palatiis suum complevit, ex quibus Episcopos sanè multos, magnique nominis, Augustinum præcipue, aliósque Angliæ Apostolos, creavit.

Vitæ monasticæ princeps usus is erat, ut ad majorem perfectionem ejus admirulô eluctarentur, cum animæ primigenio

V. Tho-  
mas.  
verb.  
Monast.  
Joann.  
Diac. I.  
2 c. 11.  
§ 12.

nio innocentiae flore adhuc carentes, tūm  
reversi ad Deum peccatores, quibus pro-  
positum erat, contractas fōrdes voluntā-  
riis pœnīs eluere. Ea causa fuit, cur in  
Monasteria cujuslibet conditionis, ac æta-  
tis personæ admitterentur; parvuli qui-  
dem, ultrò à parentibus oblati, ut mun-  
danis periculis lubrica ipsorum ætas ma-  
ture eximeretur; senes item, qui vitæ fi-  
uem, ac veluti extremum actum sancte  
obire desiderabant; denique matrimonīis  
illigati, quorum uxores in eandem vitæ  
rationem suā ex parte ineundam conspi-  
rabant. Diversis hujusmodi classibus, di-  
versæ item regulæ, à S. Fructuoso Braca-  
rensi Archiepiscopo, conscriptæ leguntur.  
Alii verò, qui per aliquot, aut plures an-  
nos ex Canonum formula pœnitentiam  
agere de suis criminibus debebant, mul-  
tò sanè commodiùs in Monasterio aliquo  
præstare id poterant, ubi nempe exempla  
communitatis novum stimulum, & senio-  
rum blanda alloquia haud parùm solatii  
afferre pœnitentibus possent; quam si iidem  
in turba hominum, aliisque Fideli-  
bus permixti, vitam austera m, & à com-  
muni consuetudine abhorrentem, vivere  
vellent. Hunc in modum Monasteria,  
alias carceris, alias exilii loco esse cœpe-  
runt, quibus persæpè summi quidam Vi-  
ti conclusi fuerunt, Pœnitentia causâ,

quemadmodum in Gallia sub Regibus primæ, & secundæ stirpis ( Merovingorum, & Carolingorum) & in Oriente post sæculum Christi sextum accidisse compcrimus.

## CAPUT XVI.

*Instituti Monastici cum vita primorum Christianorum comparatio.*

**E**X Monasteriorum hactenus descripta ratione luculenter, ac propè ad oculum patuit Dei Providentia, curaque planè singularis conservandi in Ecclesia sua usque ad consummationem sæculi, non modo puritatem in doctrina fidei, sed etiam in exercitatione virtutum perennem sanctitatem. Qui enim reflectere animum voler ad ea, quæ de veterum Christianorum disciplina in secunda hujus operis parte dicta à nobis sunt, illaque conserre cum Instituto S. Benedicti, & cum disciplina Monasteriorum, quæ hodiecum rectè constituta sunt, ex facili, opinor, intelliget, parùm inter utrumque vitæ genus interesse discriminis.

Dixeram eo loco, Christianos antiquiores negotium Religionis, ac pietatis, principe loco habuisse, cæteris omnibus rebus caducis eidem subesse, & famulari jussis; quid verò aliud Monachi faciunt, qui mundo nuncium remisere, quod majori

jori libertate unum illud necessarium carent,  
 & quibus eam ob rem *Religio'rum* inditum  
 nomen fuit, quod in nascente Ecclesia  
 bonis omnibus Christianis commune erat?  
 Iudicem Monachi, Ascetæ, & Virgines, per-  
 sonæ *Devo'rae* nominabantur, quô vocabu-  
 lo toti Deo dicati, & mancipati intellige-  
 bantur.

Veteres illi Christiani sæpè partim com-  
 muniter, partim privatim orationes ad  
 Deum fundebant, eâque assiduitate ad  
 consuetudinem orandi sine intermissione,  
 quoad mortalibus licet, quam proximè ac-  
 cedebant; atque hæc ipsa orandi Dei ra-  
 tio, & sacra P̄almodia nullibi melius or-  
 dinata, nullibi exactius observata nota-  
 tur, quam in Monasteriis, in quibus ea  
 sacerulis facile duodecim elapsis, nihil à  
 prima sui institutione, quam S. Benedicto  
 debet, degeneravit. Cùm porrò curis  
 omnibus Monastici Viri vacui sint, quæ  
 ab hoc sacro penso avocare ipsos possent,  
 nihil mirum est, in eodem ritè persolven-  
 do cæteris religiosiores eos fuisse; vulgo-  
 que existimat, ab iisdem Officium Ec-  
 clesiasticum in eam formam redactum, &  
 concinnatum fuisse, quæ inde à longissi-  
 mo tempore ab universa Ecclesia in uium  
 deducta fuit. Illud profectò extra dubi-  
 tationem est, Divinum Officium à S. Be-  
 nedicto ita distributum fuisse, ut singulis

Thomass.

1. parte

l. 2. c. 6.

7.8. v.2.

hebdomadis Psalterium absolveretur. A Monachis etiam addita sunt Canonico Of-  
ficio Prima, & Completorium, quæ initio privatæ  
solùm preces erant in quavis familia Chri-  
stiana, aut communitate religiosa, ad diei  
cujusque initium, & finem Deo sacrandum  
recitari solitæ ; quarum proinde stabilem,  
& publicum usum Cassianus affirmat no-  
vum esse, suóque primùm ævō introdu-  
ctum. In hisce omnibus eadem Canoni-  
corum cum Monachis disciplina fuit ; imò

**S. Institut.** Canonici, si eorum principia spectes, Re-  
gulares erant omnes. Præterea sæpè an-  
tiqui Christiani ad divinam mensam acce-  
debant, sæpè item Monachi ; Discipulos

**S. Basil.** S. Apollonii quotidie accessisse Ruffinus  
**Epiſſi.** author est. Diu quoque antiquissimum  
**189. ad** morem retinuere, tenendi apud se sacram  
**Cesar.** Eucharistiam, quam ipsi sibi, cùm Sacer-  
**Pater.** dotis copia non effet, impertirentur.

**Reg. S.** Veteres Christiani toti erant in legen-  
**Bened.** dis sacris libris. Idem in Regula S. Benedi-  
**c. 48.** ci commendatur, Quadragesimæ præser-  
tim tempore, & Dominicis quibusque die-  
bus, ut eo tempore lectio succedat operi  
manuum, quod cæterorum per hebdoma-  
dam dierum partem magnam occupabat,  
& cuius nostro in ævo vestigia quædam  
extant, etsi fateri necesse sit, genus istud  
monasticarum exercitationum minùs, quæm  
cætera, fuisse conservatum. Silentii cu-  
stodia,

stodia , quemadmodum suprà dicebam ,  
necessaria erat peccatis linguae tam fre-  
quentibus inter homines , quām à sacra  
Scriptura reprehensis , sedulò fugiendis ,  
qualia sunt : obtrectationes , falsæ dela-  
tiones , verba illiberaliter jocosa , & hi-  
strionica , colloquia demum vana , quæ ad *Ad Ep̄b.*  
*rem non pertinent.* Et animadvertere licuit , *s. v. 4.*  
disciplinam eorum Monasteriorum magis  
adhuc vigere , in quibus silentii major ra-  
tio , & cura habetur. Patrum , & Fratrum  
appellatio , pro cuiusque ætate , ac con-  
ditione , Fidelibus initio communis erat ;  
iidemque Præsulibus , & universis , qui  
authoritate in eos pollebant , magnâ sub-  
missione morem gerere , arctissimo inter-  
se nexu charitatis conjungi , hospitalita-  
tis in peregrinos , & in egenos misericor-  
diæ officia colere , solenne habebant ; quo-  
rum nihil non in Monasteriis frequentari  
hodieque videmus.

## CAPUT XVII.

*Monastici Habitūs , cultūsque exterioris  
à communi usu diversitas , ejusque rei causa.*

**E**rit fortasse , qui contra dicta pro-  
xime superiori capite , ista obiiciat .  
Si ita est , ut tu inquis , si Monas-  
ticæ vitæ sectatoribus aliud nihil propo-  
situm erat , quām vitam ejusmodi insti-  
tuere ,

tuere, quæ bonum Christianum condecet; cur tam singularia in speciem affectarunt? cur tam multa à reliquorum Fidelium consuetudine aliena præseferunt? quorsum ista in rebus mediis, atque indifferentibus, à communi more facta secessio? quorsum Habitūs, vitæque totius exterioris ratio in victu, in somno, in habitatione adeò à cæteris hominibus diversa, ut inter Christianos totidem novas, ac diversas nationes videre tibi videaris, quo extant hodie varii generis Religiosi Ordines? quò tandem spectat multiplex illa Regularum differentia in rebus, nullâ cæteroquin Dei lege seu imperatis, seu prohibitis, quibus alii ab aliis Ordinibus discrepant? Nónne ista studiō excogitata ab iisdem videri possint, ut multitudinis in se oculis, animisque conversis, vulgi plausum, ac liberalitatem, suīque reverentiam compararent? Hæc sunt, atque his affinia, quæ complures taciti secum animo volunt, quæque nonnulli palam etiam jactare non verentur nimis quam temere, & per summam antiquitatis ignorationem. Qui enim dedita operā despiceret hanc in Religiosis Ordinibus exterioris cultūs diversitatem volet, nihil in his moribus novum, & insolitum, sed potius residuae antiquitatis luculentam imaginem ibideū animadvertiset, à Monasticis ad hæc usque tem-

tempora quām fidelissimē conservatam ; dum interea cæterorum mores hominum stupendum in modum mutatos , atque innovatos videmus.

Agè enim , ut à vestimentis exordiamur , jubet suos Alumnos S. Benedictus unâ tunicâ cum cucullo , & scapulari veste , pro manuum labore contentos esse . Tunica hujusmodi finè pallio , multò antè vestimenti genus erat infimæ plebi usitatum , quam proinde plebem Poëta *Tunicatum Popellum* nominat.

*Vilia vendentem Tunicato scruta Popello.* Cu- Horat.  
cullus item capitistegmen erat oblongum , l. 1. Od.  
& acuminatum , ab agricolis , & pauperi- 7.  
bus gestari solitum ; quod sub scutis sæ-  
culis commune incepit esse cujuscunque  
conditionis hominibus ; nam & de Mævio  
servo Martialis ait :

*Pullo Mævius alget in cucullo.*

Lib. 10.

Epigr.

76.v.ult.

Et de Mannejo , qui non modò ingenuus  
erat , sed etiam pro Equite se venditabat ,  
idem canit :

*Illinc cucullo prospicit caput rectus.*

Cumque tegmen hoc capitis ad arcenda Lib. 5.  
frigora peropportunum esset , illius usus Epigr.  
ex eo tempore ita conservatus fuit , ut non- 14.  
nisi duo abhinc saecula cessarit. Imò Cle-  
rici quoque , & literati Viri , atque adeò  
nobiles , ac proceres , diversi generis capi-  
tia , sive cucullos gestabant. Porrò Sca-

pulare à Sancto Benedicto præscriptum fuit, cùm labori, manuūmque operi insitendum erat; & est sane hujus vestimenti ingens commoditas, cùm ad scapulas sustinendo onere muniendas, tum ad anteriorem tunicæ partem mundam, sartamque conservandam. Patet igitur, non alias S. Patriarcham filii suis imperâsse vesteres, quām quæ pauperibus regionis illius communes forent, à quibus illæ nullâ propemodum re differebant, nisi quod ejusdem omnes figuræ, ac modi essent; id quod planè necessarium erat, ut à Monachis omnibus indiscriminatim adhiberi possent. Nemini verò mirum videatur, si sæculorum omnino duodecim intervallo in Habitu Religiosorum S. Benedicti, quædam in colore, & formâ introducta fuerit diversitas, pro Regionum videlicet, ac Reformationum varietate. Quantum ad alios Religiosos Ordines inde à quingentis, sexcentisve annis institutos; isti quoque vestimentorum illud genus retinuerunt, quod initio fundati Ordinis sui, in usu esse intelligebant. Horum major pars à vestibus lineis abstinet, quæ res nobis oppidò aspera, & dura videtur; verum lineæ supellectilis usus longè post Divi Benedicti tempora primùm invaluit; imò nostrâ etiam ætate nondum in Polonia communis omnibus est; in Turcia quoque

que universa sinè stragulis lineis dormitur corpore semivestito. Et tamen priùs etiam , quām linteamina insterni lectis , alitérque ad vestienda corpora applicari solerent , familiare hominibus erat , vestibūs omnino positis somnum capere , uti hodiedum in Italia fieri afolet. Hæc causa erat , cur lege fæncitum in Monasteriis fuerit , ut cum vestitu quisque suo , ac ne cingulō quidem lumbis detractō , quieti se daret.

Jam ad viētum quod attinet , suprà jam demonstravi , non modò sapientissimos quosque Gentilium leguminibus , & pisciculis viētitâsse , lectione insuper ad mensam adhibitâ ; verùm etiam Christianos probavi ad cætera Ecclesiæ universæ solemnia jejunia , multa alia privatâ pietate addidisse , multásque sub initium , ac finem epularum , persolvisse preces. Nihil ergò novi , nihil à communī usu remotum . S. Benedictus suis præscripsit , quin potiùs Reg. S. paternâ planè indulgentiâ erga eosdem Bened. c. usus fuit , ubi duo fercula cocta , & vini 39. & nonnihil ipsis permisit. Manducandi , & 49. dormiendi tempora æqualiter omnibus definita erant , & usque ad postremum hoc sæculum observata fuere ; nonâ , aut decimâ horâ matutinâ , ut hodiéque opifices solent , prandebatur ; sub horam porrò sextam vespertinam cœnare mos erat;

erat ; ex legibus politicis , quæ de componendo vesperi igne , & claudendis fabrūm ferrariorū officinis tractant, colligere licet , nocturnæ quietis tempora ab hora octava vespertina usque ad quartam matutinam numerari solita fuisse ; quæ sane certissima regula est , dimidium noctis accuratè metiendi , præterquam quod ista temporis distributione servatā , quām minima diei pars somnō deperdatur.

c. 22.

Dormitorium nullo cellarum interpolitu parens erat , omnibusque commune , quemadmodū in regulis S. Benedicti annotatur , illudque planè demonstrabat vitæ communis perfectam rationem ; nam in communitate vivere , si propriè loqui velimus , nihil aliud est , quām eodem conciali ad nocturnam quietem , eadēque mensā ad famem depellendam uti . Magis etiam hāc ratione paupertatis decus elucet , & quælibet virtus veluti in tuto ibidem versatur . Etenim Superior nullō negotiō observare omnia , & unico obtutu , siquid usquam citrā modestiæ leges admitti contingeret , speculari potest ; maximè cùm ejusdem regulæ jussu , Dormitorium lampade accensā nunquam non illustratum , lectulique ex culcitra straminea , & stragulō compositi , in propatulo esse debuerint . Mos iste dormiendi , in domibus Hospitalibus retentus est , quem pro-

profectò constat fuisse antiquissimum , & primis Christianis familiarem ; nam Author Recognitionum proponit nobis S. Petrum unà cum tredecim discipulis suis eodem in conclavi cibantem ; huc etiam pertinet syncellorum , de quibus supra , Institutum , ad hanc dormiendi consuetudinem proximè accedens. Nihilō fermè minor cellarum antiquitas erat. Quanquam , ut verè dicam , qui primi deserta loca inhabitabant Cœnobitæ , non tam cellas , quam casas , sive tuguriola singuli habebant inter se discreta , & Carthusiensium , ac Camaldulensium cellis , sive ædificulis haud absimilia. In Monasteriis tamen , ubi clausura strictior erat , angustioraque , cubicula hodiernis similia erant , cuiusmodi olim in antiquis ædibus mancipiorum visebantur ; quod enim pauperibus , infirmæque conditionis hominibus proprium erat , id suos in mores Monachi , Christianæ humilitatis ergo , invexere. Cellulæ porrò istæ ad laborandum , ad legendum , & ad privatim orandum Deum aptæ erant.

Denique videor mihi in Monasteriis inventire adhuc vestigia quædam veteris architecturæ , quâ Romanarum ædium partes antiquitùs ordinari solebant , qualémque Vitruvius , & Palladius nobis describunt. Ecclesia , quæ in monasticis ædificiis primum semper , & anteriorem locum

occu-

occupabat , ut nempe sæcularibus etiam accessus ad easdem pateret , successisse videtur primæ , sive anticæ domuum antiquarum parti , quam Romani *Atrium* vocabant ; hinc in aliud Atrium pergebatur , porticibüs desuper clausis circumdataum , quod ex græco *Peristylium* appellabatur ; secundum hoc Atrium Monasterii partem illam præsentat , in quam ex Ecclesia intrabatur , & quæ propriè Monasterii claustrum nominatur , ex quo in cæteras Religiosi ædificii partes introitus patet , eujusmodi sunt Capitulum , Refectorium , quorum illud antiquis Exedra , istud verò Triclinium dicebatur ; demum hortus extremum plerumque Monasterii locum obtinet , id quod in antiquis ædificiis pariter usuveniebat .

Utcunque ista habeant , illud certum , exploratumque est , sanctos Viros , regulam Monasticarum Conditores , nec novitatis aliquid in Religionem nostram inducere , nec à reliquo cœtu Fidelium exoticâ vitæ ratione discedere cum suis voluisse . Nam ea , quæ in Monasteriis extraordinaria videntur esse , non tam Monachis ipsis , quam reliquis hominibus , qui à priscis illis moribus defecere , tribuenda sunt ; perinde ac antiquissima ædificia singularia haberi cœperunt , propterea , quod ea sola temporum injuriis superiora , plurimorum spatiō sæculorum æstatem

tem tulerint ; utque sapientissimus quisque Architectus ædificia ex antiquitate residua, præcipuo studiō inspicere , & contemplari solet, probè gnarus , non aliunde artem suam postremis hiice temporibus denuo suscitatam fuisse, quām ex antiquorum ædificiorum , veluti excellētiū prototyporum , propositā ad imitandum formā ; itā optimi quique Christiani , ut viva , & spirantia veræ virtutis exempla condiscant , haud perfundoriē observare debent , quæ in Monasteriis regulari observantia florentibus , recepta usū vident. Haud equidem me fugit , pauca illorū superesse , quibus ipsa temporis diuturnitas , ut fit in humanis rebus , remissionis , & laxamenti aliquid non attulerit ; sed nimurum pauca etiam , atque adeò nulla hodiecum ex antiquitate remansere ædificia , quæ vitium fecerint omnino nullum ; imò quām plurima eorum videas adeò male habita , ut præter rudera , & parietinas nihil supersit ; & tamen qui has ipsas ruinas attentā curā inspicere , qui fragmenta etiam exigua tam pretiosæ antiquitatis , veluti membra quædam , & articulos elegantissimi quondam corporis , investigare velit , eaque cum iis , quæ hanc in rem ab idoneis authoribus scripta leguntur , conferre , & comparare , inveniet denique , atque extundet ex his reliquiis totius veteris stru-

turæ

Eturæ symmetriam , occultumque artificium , & sensum Scriptorum , qui de hoc argumento differuerunt , assequetur . Haud absimili modò plurimum utilitatis afferet , diligenter inquirere in exercitationes Monasticas , maximè si ad eas accedat studium Regularum , ab Auctoriibus sacrorum Ordinum præscriptarum ; lectio item Canonum , Evangeliorum , & Vitarum Sanctorum , quibus nulla Ecclesiæ ætas vacua fuit . Interea fateamur necesse est , in Monasteriis , veluti in totidem Gazo- phylaciis , totius retro antiquitatis assertari thesauros . Hinc eruti maxima ex parte sunt manuscripti Codices , quorum ad instaurandas humaniores artes ingens usus fuit ; hinc Patrum opera , & Conciliorum Canones in lucem protracti ; hinc demum ex Monumentis antiquarum in Monasteriis consuetudinum , varia indies deteguntur , quæ ad illustrandam Ecclesiasticam antiquitatem , doctè curiosis hominibus , jucundè , mirificèque serviunt . Ad extremum perfectionis Evangelicæ exacta observatio in Monasteriis , utì aqua in fonte diligenter custodito , pura ac defœcata usquè permansit ; cùm interim eadem olim tam sancta disciplina , per sæculi cœnosas paludes decurrens , semper magis magisque inquinaretur , quâ de re postrema hujus dissertationis parte agendum erit .

PARS

## PARS IV.

*Antiquæ, & severioris inter Christianos Disciplina relaxatio.*

**E**xremo loco pertractandum mihi hoc Argumentum supereft; quod existimem, id à me deponcere narrationis ordinem, atque contextum, ut, veterum Christianorum expositis hucusque moribūs, ad extremum potissimas afferam causas illius differentiæ, quæ inter nos, primorūmque Fidelium mores intercedit. Tanta verò est Christianorum recentiorum à prisca illa vitiæ disciplina diversitas, ut plures haud dubiè descriptionem hanc illis narrationibus similem arbitraturi sint, quas reduces ex longissimè dissitis regionibus viatores, de Indorum, aut Chinensium moribus, vitæque institutis proferre solent. Rudiores autem ægrè admodùm portentosam hanc diversitatem sibi persuaderi finent, cuius originem, causásque, literatis quidem planè perspicuas, ipsi per ingenii hebetudinem non assequuntur. Generatim igitur, quâ viâ, & ratione, ista morum laxitas incrementum sumpserit, edocebo.

## CAPUT I.

*Mali hujus inde à quarto Christi saeculo  
diversæ causæ.*

**E**X quo semel Constantinus M. Christianam Religionem publicè complexus est, ac defendendam, modisque omnibus proferendam suscepit; certatim ad eam suscipiendam populum studia conspiravere, fuitque illud maximè tempus, quô Prophetarum de Christi Ecclesia luculentæ vaticinationes ad literam, ut ajunt, impletæ sunt. Erit in novissimis diebus præparatus mons Domus Domini in vertice montium, & elevabitur super colles; & fluent ad eum omnes gentes: & ibunt populi multi, & dicent: venite, & ascendamus ad montem Domini, & ad Domum Dei Jacob, & docebit nos vias suas, & ambulabimus in semiiis ejus. Hactenus disertis verbis Propheta Isaías. Nimirum quotidiana Gentilibus ante oculos obversabantur, longeque celeberrima prodigia, quæ ad Martyrum sepulchra edebantur; his adde morum sanctitatem, quâ Christianorum plerique effulgebant; adde Religionis Orthodoxæ invictum robur, quæ in maximis, frequentissimisque trium omnino saeculorum jactationibus, atque procellis,

adeo-

Isa. 2.

v. 2. &amp;

3.

adeò nihil imminuta, aut labefactata fuit, ut ab ipsis potius damnis, ac cædibus vires sumeret novas, radicésque in dies ageret altiores. Ex altera item parte, Sapientiorum inter Ethnicos Philosophorum vocibus, editisque libris, jam pridem explosa erat hominum in pluribus Diis adorandis stultitia, & Poëtarum de ortu, & natura Deorum commenta usque adeò exsibilabantur, ut plerique, qui ingenio valerent, fidem illis omnem abnuerent, neque, nisi politicis adducti rationibus, ab imperita multitudine credi talia paterentur. Facile igitur, ac perlubenter ab ea Religione descivere Gentiles, quæ publicâ Principum protectione, & Sapientum Judiciis, veluti gemino fulcro, destituta, sponte quasi suâ in casum inclinabat. Ergo Ethnicorum complures Christo se adiunxere; alii verò falsæ libertatis, morumque majoris licentiæ spe sibi propositâ, nulli penitus Religioni sese addicebant; ne videlicet, aut intellectum obsequio fidei subiicere, aut vitæ anteactæ dissolutionem, artesque ditescendi iniquas, unâ cum male partis abjicere cogerentur.

Quare Gentilium per ea tempora duplex ferè genus duntaxat reliquum fuit, alterum eorum, qui solam consuetudinem pro vitæ normâ sequentes, haud aliò, quam sensuum magisteriò, rerumque ex-

teriorum imaginibus ducebantur ; hi de-  
rudi vulgo omnes, ac fæce hominum erant.  
Alterum verò genus eorum erat , quos  
singulares appellamus , suique judicii plūs  
æquō tenaces ; hi , noxiā ingenii subtilitate  
dicam , an obstinatione abrupti ? Pagani-  
smum cæcā quādam antiquitatis reveren-  
tiā defendere , & allegoricis interpreta-  
tionibus , quibus Philosophorum non-  
nulli suæ sectæ putidas fabellas exorna-  
bant , à communi invidia vindicare cona-  
bantur. Isti omnes Platonici eorum tem-  
porum erant , longè tamen à Platonis , ve-  
terūmque Academicorum , qui Platonem  
secuti fuerant , sapientiā , & doctrinæ soli-  
ditate remoti. Etenim omissis cæteris , ea  
solum , quæ in tota Platonis doctrina le-  
vissima erant , maximēque infirma , sibi de-  
cernebant , atque hæc ipsa cum Pythago-  
ræ placitis , & Ægyptiorum-mysteriis com-  
miscentes , novum sectæ genus procude-  
rant , quæ tota magicis artibūs , tanquam  
fundamentō nitebatur , & obtentu debiti  
spiritibus bonis , ac malis cultūs , omne ge-  
nus superstitionum probabat. Talis erat  
Juliani Apostatæ religio , cuius dogmata  
in Apulejo , Porphyrio , & Jambico vide-  
re licet. Pauci tamen Gentilium erant ,  
qui in tam perplexas subtilitates induere se  
vellent , magisque in dies Idololatria evi-  
lescebat.

In tanta multitudine hominum, ad Christi castra turmatim convolantium, fieri vix potuit, quin aliqui eorum humanis duntaxat rationibus pellecti adreperent; hujusmodi rationes erant, spes augendæ sub Christianis Principibus fortunæ, ac rei familiaris; studium gratificandi consanguineis, & familiaribus; Dominorum, qui Christiana Sacra jam complexi erant, reverentia, & metus; denique omnia illa vanissima motiva, ac momenta, quæ hodie dum mortales ad hypocrisim inducere solent. Quanquam, qui isto ad terrena respectu ad Christianos transibant, intra Catechumenorum ordinem plerumque consistebant; cùmque severior ipsis videatur morum apud Christianos disciplina, quām ut illi submittere sese auderent, Baptismi susceptionem, quām poterant longissimè, nec raro usque ad mortis articulum extrahebant; quò sic pœnitentiæ in Ecclesia palam subeundæ periculō liberi, pristinæ vitæ infelicem licentiam impunè 17. continuarent. Alii contrà baptizari se curabant, quin tamen seriò ad Deum, & nam fidem conversi essent; quosdam levissimos homines attraxit curiositas propius inspiciendi Christianorum mysteria, nullis aliis, præterquam Christianis, manifestari solita; nonnullos superstitione cupiditas invitavit, quā stimulante diversi

V. Aug.  
de Cate-  
chiz. c.

Cyrill.

Hieros.

pro Ca-  
tech.

generis ritibus initiari , & quidquid in qua-  
cunque Secta , vel Religione sacrosanctum  
habebatur , experiri ipsi , partemque inde  
aliquam sibi præcerpere cupiebant , nullo  
inter Deum , & Deos , inter Religionem , &  
superstitutionem habito discrimine . Quan-  
tâcunque verò Episcopi in examinandis  
fidei candidatis curâ , & providentiâ ute-  
rentur , nihilominus , quia homines deni-  
que etiam ipsi erant , non poterant non  
interdum simulatione hominum , sicutque  
factô circumveniri .

Vel ex iis ipsis , qui citra hypocrisim , at-  
que ex animo nomen Christo dederant ,  
complures à primo fervore sensim remit-  
tebant . Sublato per ea tempora Marty-  
rii metu , mors ipsa longius , quam aliás ,  
distare & abesse videbatur . Sanè si olim  
sopitis ad per breve tempus Tyrannorum  
persecutionibūs , Christianorum , qui tunc  
vivebant , fervor usquè adeò intepuerat ,  
*s. Cyp.  
de lapsis.* ut Divus Cyprianus occasionem inde arri-  
puerit . exprobrandi Fidelibus nimiam re-  
missionem ; quid arbitramur consecutis  
post temporibus factum fuisse , cum Ec-  
clesia stabili pace frueretur , nec solùm pe-  
riculô vacaret , Christianum esse , sed ho-  
nori idipsum duceretur ? Interea Princi-  
pes , & Magistratus ad fidem recens con-  
versi , non cessabant Christianè vivere , etsi  
bona sua , & honorifica officia retinerent ;  
hâc

hâc re animadversâ, cæteri Fideles inferioris notæ pedetentim honores, divitias, vittæque commoditates non amplius, uti prius fecerant, horrere, & aversari cœperunt; cōque factum, ut deliciarum amor, avaritia, & ambitio rursus exacuerentur, ac veluti è somno excitatae in animis Fidelium evigilarent. Nimirum mundus, etiam ex quo Christianus factus est, non desit esse mundus. Discrimen tunc fieri cœptum est inter Christianos, & sanctos, ac devotos, quæ tamen olim pro synonimis habebantur. Sæpè Divus Chrysostomus conqueri auditus est, propterea, quod Auditores sui ad excusandam bonorum terrenorum nimiam aviditatem, ac lucri immoderatam sitim, dicere solerent, non esse se Monachos, sed Matrimonialiis implicitos, alendæ familiæ onus sustinere; quasi verò qui Romæ, & Corinthi olim vivebant Christiani, quosque Apostolus ad æmulanda charismata meliora, id est, ad perfectissimam vitæ rationem exhortabatur, & Sanctos nominat, connubiis ipsi quoque juncti non fuissent, vitamque, si exteriora spectes, communem ac popularem non egissent.

Nimirum naturæ nostræ corruptio inficit omnia, & depravat. Quod in Officio divino, & functionibus sacris, sensibus blandiebatur, eō ad dissolutionem plures ab-

Origen.  
contra  
Celsum.

uti cœperunt. Publicæ hilaritates in Dominicis diebus, item celebriora per annum festa, nonnunquam sobrietatis, & modestiæ Christianæ limites ita egrediebantur, ut quartō jam Christi sæculō, id quod suprà commemoravi, necessum fuerit, abolere morem celebrandi convivia in festis Sanctorum Martyrum, prohibitique Clerici ad nuptialia festa intervenire. Probè nimirum Origenes animadverterat, quām difficile sit, gaudia illa, quæ sensibūs percipiuntur externis, cum internis, ac spiritualibus conciliare. Mancipium enim est corpus nostrum, cui si in victu, in somno, cæterisque vitæ commoditatibus satisfacere studeas, continuò lascivire incipit, insolentiisque exultare. Nam spiritui, & libertatem adimit ad cœlestia evolandi, & vires ad resistendum temptationibus infringit, ac debilitat; nec diu mens humana dominium in corpus retinere valet, nisi asperè illud duriterque trætet, ac veluti flagellō armata, rebelli mancipio identidem inimineat. Loquor hic de temporibus, quæ in præsentiarum describenda sumpsi, atque in illis minimos quosque defectus notatum eo, ut in ipsa laxatæ disciplinæ primordia, ac veluti fontes totius mali digitum intendam; nequam tamen animus est, hâc ipsâ rerum enarratione quicquam detrahere de illis lau-

laudibus, quibus Ecclesiæ mores generatim suprà commendavi, quorum disciplina si unquam aliâs, hoc ipso tempore maximè viguit; Cleri præsertim mira tunc sanctitas erat.

Etsi planè fateri cogor, non defuisse inter Ecclesiæ Antistites, qui plûs justò titillari animum sinerent, honoris, & venerationis, quâ passim excipiebantur, rarâ, publicâque significatione, quíque de abusu ingentium Ecclesiæ bonorum, quo- A. 3.  
S. 10. rum administratio penes ipsos erat, interdum postularentur. Liquet istud ex accusationibus, contra Dio<sup>c</sup>orum, & Ibam in Concilio Chalcedonensi factis. Credidimus tamen inter Episcopos Orthodoxos neminem ferme repertum, cui talia ex vero obiici potuerint. Sed quoniam sui quoque Christianis, cœterisque hæreticis Sacerdotes, sui Episcopi erant, istorum inquieti, ac turbidi mores reliquis etiam obfuere, déque debitâ Sacerdotali Ordini reverentiâ non parùm decerpserunt. Pessimi cùm apud Ethnicos, tum apud Fideles haud satîs eruditos, exempli erat, vide re homines tam verendis, augustisque titulis conspicuos, contra alios sui ordinis & statûs viros palam grassari, voce juxtâ, & calamô mutuis fese calumniis discerperre, in Principum aulas, animosque se insinuare, ad captanda videlicet factionis

suæ patrocinia; nihil enim istorum omnium ab hæreticis tunc prætermissum fuit. Vidisses Anachoretas falsô zelô existimatos, ex suis antris in confertum populum, lautásque urbes profilire, moliri seditiones, omnia per vim inauditam agere, ac miscere. In Oriente præfertim id genus turbæ ferrebat, ubi animi hominum naturâ suâ præfervidi, & in susceptis semel consiliis præ aliis constantes, atque obfirmati, simul atque inordinatâ quadam affectione magis inflammantur, in extrema omnia præcipites ruunt. Hâc viâ reverentia adversùs personas Religionis ministerio dicatas, quódque hinc planè consequitur, erga ipsam Religionem imminuta est.

Ad hæc Gentilium fucatæ virtutes debilibus, & pusillis offendiculo erant. Etenim non deerant inter illos, qui moraliter bene, ac rectè viverent, qui in promissis fideles, à fraudibus, & sordibus alienissimi, æquitatem colerent, omnésque leges societatis humanæ, ac civilis observarent; id unum sufficere homini existimantes, ut rationem quisque ducem sequeretur, non implicando se omnibus, ac singulis quæstionibus, quas inter se Christiani agabant. Perinde ac si Christiani non id ageant, ac profiterentur, ut Rationem, eamque supremam, Verbum inquam Incarnatum,

natum , sequerentur. Hi mundani Sapientes fidem interpretabantur, animi præoccupati levitatem esse ; corporum verò afflictationem , exactam continentiam , spectaculorum , & profanarum oblectationum fugam pro superstitionibus habebant. Tametsi verò Christianismus per ea tempora Religio dominans esset , Imperatore ipso eandem amplexo ; Gentilium tamen numerus adeò frequens adhucdum erat , ut impediri neutiquam possent , quin voce , simùlque editis libris , ac publicis in Concionibus dogmata sua venditare pergerent. Erant istæ quædam quasi reliquiæ priscæ Philosophorum libertatis , quâ hæretici in rem suam navi- ter abuti sciebant.

Ex altera parte Infidelium cætera multitudo semper magis magisque in detiora prolabebatur. Quidquid vitiorum initio promulgati Evangelii regnasse in mundo superius adnotavi , id omne adhuc impunè dominabatur. Exceptis iis , quos modò commemoravi , paucis Philosophis , aliisque , quorum in vetere instituto retinendo pertinacius , & Atheismo magis addictum erat ingenium , nemo ferè unius Græcos inter , & Romanos reliquus erat , cuius probitas , & virtus cæterorum malitiam exæquaret , aggeremque veluti obiiceret exundanti licentiæ. Sub eadem

V. Aug.  
contra  
advers.  
leg. &  
propb.

tem-

tempora accidit, ut orbis Imperium, ac summa potestas in Occidente corrueret; nam in Oriente Imperium ipsum tamdiu solum stetit, quamdiu armorum vi impugnatim non fuit. Nulla tunc amplius militum disciplina, nulla Ducum authoritas, nulla Consiliorum exequendorum ratio, nulla in gerendis negotiis peritia, usus rerum nullus erat; in juvenibus fortitudo, prudentia in senibus, in universis patriæ, ac boni publici amor exoleverat; ad privatas quisque voluptates, & lucra

V. Amm. intentus erat: omnia proditione, ac perfidiâ gerebantur. Romani luxu, otioque lib. 14. fracti, atque effeminati, quò se à Barbaris defenderent, Barbaros alios stipendiis alebant suis; cæterùm deliciis immersi noxiā delicatiōris vitæ elegantiam, cui solidi nihil suberat, affectabant. Quid multa? criminum, & abominationum ipsorum completâ mensurâ, justissimus Arbitr̄ Deus supplicium denique de impiis sumpsit, à S. Joanne in Apocalypsi multo jam antè prædictum. Urbs, orbis caput, iterū ac sæpiùs à Barbaris occupata, & expilata fuit, vindicatus innumerabilium Martyrum sanguis, quò Roma se ingurgitārat; demum Occidentis Imperium in prædam cessit populis Septentrionalibus, qui supra ejusdem rudera, nova regna exædificârunt.

Apoc. 13.  
§ 18.

Cùm

Cùm itaque in medio tam pravæ, corruptissimæque Nationis ( Romanos eorum temporum intelligo ) Christiani viverent: fieri vix potuit, quin virtuti eorum labis aliquid aspergeretur , ipsique à pristinis, sanctissimisque moribus sensim defuerent ; maximè cùm ab Infidelibus non amplius , uti olim persecutionum tempore , divisi ac separati degerent , nec jam ab ipsorum insectationibus , sed magis à familiaritate , & blanditiis eorum cavendum esset. Nemo proinde miretur , si à sæculo Christi quarto , vitia Christianis exprobata à Patribus fuisse legat. S. Augustinus apertè , liberéque de illis Ethnicos præmonere non dubitavit , qui Christo dedere se cogitabant ; ut ea propiùs subinde inspecta , minori recens conversis admirationi , & scandalo essent : *multos visurus* Aug. de es , ità Augustinus , quorum perversæ turbæ Catech. corporaliter implent Ecclesias , ebriosas , aya- rud. c. ros , fraudatores , aleatores , adulatores , fornica- 7. 5250 tores , remedia sacrilega sibi alligantes , præcantoribus , vel quarumlibet impiarum artium di- vinatoribus deditos ; animadversurus etiam es , quod illæ turbæ per dies festos Christianorum impleant Ecclesias , quæ implent & theatra per dies solennes Paganorum , & tamen omnes istos adhuc pro Christianis haberi , imò ab ipsomet Deo veluti pa- leam usque ad tempus ventilationis susti- neri ,

neri, Sanctus Doctor affirmat. Idem ubi  
 contra Manichæos disputat, ingenuè fa-  
 De mo-  
 rrib. Ec-  
 cles. c.  
 34. tetur, in tanta copia populorum, non deesse  
 Professores nominis Christiani, nec professionis  
 suæ vim aut scientes, aut exhibentes . . . .  
 qui vel in ipsa vera Religione superstitioni sunt,  
 vel ita libidinibus dediti, ut oblii sint, quid  
 promiserint DEO. In eandem sententiam  
 persæpè aliàs Sanctus Doctor loquitur in  
 libris suis contra Donatistas scriptis, ubi  
 luculenter demonstrat, zizania in agro  
 Ecclesiæ, cum electo frumento permixta  
 esse debere usque ad tempus messis, ad  
 diem inquam extremi judicii; sed juvat  
 Sanctum ipsum suis verbis loquentem  
 audire: *Nunc vos, inquit, illud moneo, ut*  
 Aug. ubi aliquando Ecclesiæ Catholicæ maledicere defina-  
 supra. *tis, viuperando mores hominum, quos & ipsa*  
*condemnat, & quos quotidie tanquam malos fi-*  
*lios corrigeret studet, . . . . qui autem vo-*  
*luntate malâ in pristinis vitiis perseverant, aut*  
*etiam addunt graviora prioribus, in agro qui-*  
*dem Domini finuntur esse, & cum bonis semini-*  
 Chrys. in bus crescere; sed veniet tempus, quo zizania se-  
 Mattb. parentur. Haud absimilia hujus inter Chri-  
 Hom. 61. stianos remissionis argumenta, in Chryso-  
 stomo, aliisque Patribus legere est.

Quorū igitur, inquies, pœnitentiæ  
 publicæ, quorū excommunicationes in  
 Ecclesia etiam tum usitatæ? ut à vitiis ni-  
 mirum

mirum Ecclesia multis quidem, sed non  
planè omnibus perpurgaretur. Ad impo-  
nendam enim publicè pœnitentiam, pec-  
catorem oportebat aut petere illam, aut  
certè acceptare; quare necessarium erat,  
ut peccatum quisque suum confitere-  
tur, sive spontaneâ sui denunciatione,  
sive aliorum delationibus acquiescendo.  
Porrò excommunicationem quod attinet,  
ista in eos duntaxat fulminabatur, qui,  
quanquam seu propriâ confessione, seu  
judiciali probatione, seu publicâ demum  
facti evidentiâ convicti criminis erant,  
pænam nihilominus expiendo criminis  
propositam subire detrectabant. Accidit,  
quòd Episcopi, quâ erant prudentiâ, &  
in subiectos charitate prædicti, non nisi len-  
tè, ac perægrè ultima hujusmodi malorum  
remedia adhibere solerent. Priùs enim  
peccatorem de crimine convictum, nec  
tamen facti pœnitentem, de præsenti,  
maximóque animæ periculo admonebant,  
útque eo se expedire non tardaret, insta-  
bant, neque precibus, lacrymis, commi-  
nationibus, ut cor durum emollirent,  
parcebant illis, ad Deum etiam conversi,  
gemitus suos, totiusque Ecclesiæ ad id  
congregatæ comprecationes convertendo  
homini impendebant; sique moras us-  
quæ nepteret obstinatus peccator, non  
continuò animum despondebant, quin  
potiùs

Conſt.  
Apoſt. 8.  
c. 41

potius patientiam, longanimitatem Patris misericordiarum imitati, errantes, donec in viam redirent, diu admodum expectabant, ac præstolabantur. Ad extremum ubi omnia hæc, sola ex charitate veluti deprompta leniora jacula, effectu frustrata videbant, tum verò ultimum, tristissimumque anathematis fulmen coacti vibrabant, animi dolore nihilo minori, quam quod piissimus quidam parens, ut filii vitam servet, filii brachium suis met manibūs à corpore amputare cogit.

Cæterū quorum occulta manebant crimina, sive quod naturā suā ejusmodi essent, ut soli Deo paterent, sive quod probari idoneis testibūs non possent, ii enim verò remediis illis Ecclesiasticis sanari non poterant; nec aditu ad Ecclesias, nec Sacramentorum communione, siquidem sacrilego ore contingere illa non metuerent, interdici occultis hisce peccatoribus fas erat. Quamdiu persecutionum æstus tenuit, non deerant certa argumenta, quibus paleæ à tritico, & ab auro scoria in igne illo persecutionum secerneretur; at ubi publicarum vexationum conquievit furor, facile erat perpetuā ad mortem usquè simulatione, & hypocrisi suos reatus occultare. Interea tam flagitosi, debilesque Christiani, multūm Ecclesiæ Dei malis sermonibūs, plūs etiam pravis exemplis suis noce-

nocebant, domi præsertim, & privatis in familiis. Liberos enim suos oscitanter, & perfunctoriè institutos, ad Baptismum nihilominus adducebant. Constat autem quantorum malorum primis illis sæculis fons, & origo esset domesticæ instructio- nis neglectus ; quemadmodum per ea tempora baptizatos recens parvulos publicâ catechesi crudiri solitos suisse, nus- quam legimus.

## CAPUT II.

### *Barbarorum irruptiones, & corrupte mores.*

**N**ihilo minùs Ecclesiæ Christi Barba- rorum incursionses, & illata Impe- rio Romano vastitas, quām Roma- norum per ea tempora inquinati mores fraudi fuere. Evangelium etenim, utpo- te suprema regula omnis recti, & ratio- nis, ex æquo reiicit affectiones omnes, ac defectus sanæ rationi oppositos. Ne- que stupidi, neque astuti, ac versipelles, neque feroce, neque languidi, remissi- que animi, cùm in hujusmodi vitiis per- sistunt, esse veri Christiani possunt ; nec minùs crudelitas, & ferocia, quām luxus atque mollities, severæ, castæque Reli- gioni adversantur, perindeque cum pietate, quām cum justitia, & qualibet hone-

sti normâ bella , & hostilis agendi modus pugnant. Multum igitur Ecclesia Dei passa est eâ rerum omnium perturbatione , cùm Barbaricæ gentes è Borealibus plagis effusæ , universum Imperium veluti facto impetu inundârunt. S. Hieronymus , alii que , quorum ætas in ea tempora incidit , non uno in loco rerum adeò miserabilem statum deplorant. Et sanè urgens necessitas , & cura , vitam , & fortunas conservandi , cùm aut impetu expugnata civitas aliqua esset , aut hostium direptioni tota Regio pateret ; solicitude item servitutem à se , & vim ab uxoribus abstinenti , nimium vehementes sunt aculei , quibus ad negligenda spiritualia solicitantur mortales ; nec nisi perfectæ , planèque heroicæ virtutis opus est , inter corporum cædes , & carnificinam , inter horrorem sanguinolentæ victoriæ animô sibi constare. Adhuc supersunt Divi Basili , & antiquiores S. Gregorii Thaumaturgi literæ , quibus Ecclesiasticæ poenæ iis dictantur , quos Barbarorum in Cappadociam factæ irruptiones , in diversa crimina præcipites egerunt.

Possid. in  
vita S.  
Aug. c.  
286

Quo tempore Vandali totam latè Africam depopulatum ibant , nihil ità Sanctum Augustinum afflxit , quâm animorum pericula , & interitus , quemadmodùm Possidius in ipsius vita refert : Hanc ferocissimam

mam hostium grassationem , & vastationem , ille homo Dei . . . non ut cæteri homines , sentiebat , & cogitabat ; sed altius , & profundius ea considerans , in his animarum præcipue vel pericula , vel mortes prævidens . . . amarissimam , & lugubrem præ cæteris , suæ senectuis jam pœnè extremam ducebat , ac tolerabat vitam. Videbat enim . . . Ecclesiás Sacerdotibus , ac Ministris destitutas , virginésque , & quosque continentes ubique dissipatos , & in his alios defecisse tormentis , alios gladio interemptos esse , alios in captivitate perditâ animi , & corporis integritate ac fide , malo more , ac duro hostibus deservire. Cernebat enim hymnos Dei , & laudes de Ecclesiis deperisse , ædificia Ecclesiarum quam plurimis locis ignibus concremata esse. . . . Sacrificia , & Sacramenta divina , vel non quæri , vel quæren-  
ti , qui eradat , non facile reperiri . . . ipsosque Ecclesiarum Præpositos , & Clericos , qui forte Dei beneficio , vel Barbarorum manus non incurserant , vel evaserant , rebus omnibus exspoliatos , atque nudatos mendicare , nec eis omnibus ad omnia , quibus fulciendi essent , subveniri posse. Facile ex hoc uno exemplo quisque æstimaverit , quid aliis , multoque amplioribus Provinciis , Hispaniæ , videlicet , Galliæ , & Illyrico factum fuerit. Quis verò in hac temporum calamitate modus , quæ via reicta erat , erudiendi populos , Presbyteros , & Doctores formandi ? quam ratione visitare gregem suum

sacri Pastores , aut cogere Concilia posterant , vacuis Episcoporum sedibus ex plendis , tuendæque disciplinæ idonea ? Profectò habet Ecclesia , cur in omnibus suis orationibus pacem , & tranquillitatem à Deo publicam exposcat , tanquam fundatum , cui universa Religionis exercitia necessariò innituntur.

Non equidem negaverim , Barbaros etiam ipsos ad fidem conversos fuisse ; nam Franci ex Gentilibus Christiani , Gothi , & Longobardi ex Arianis Catholici facti sunt ; sed tamen iidem diu admodum Barbari permansere . Barbariem hic nomino illam animi dispositionem , quâ occupati homines , non rationis usu , sed affectuum impetu , & consuetudinis æstu quodam , ac torrente agi se , abripique sinunt . Quanta verò solius etiam consuetudinis esse vis , & efficacia soleat , exemplò suo luculenter ostendunt Iroci , sive Iroques , aliisque Americæ populi , quos Barbaros appellamus . Vix ulla nobis cognita Natio est , ab animi perturbationibus perinde , atque illi , libera , & immunis ; manuerti sunt , continentes , & patientes , ut nemo suprà : colunt justitiam , grati adversùs benefactores existunt : sua facile largiuntur , exercent hospitalitatem . Et tamen ad hanc usque diem laboratum est , & prope incassum labor omnis cecidit ,

ut

ut in veros Christianos formarentur, iis  
solum exceptis, qui inde à pueritia sua  
Parentum oculis subduicti, interque Chris-  
tianos educati fuere. Atqui his populis  
nec ingenium, nec animus deest ad eas  
res, quibus à puero assueverunt, tractan-  
das; ut verò novas rerum ideas animis  
admittant, induci, & condesciféri neuti-  
quam possunt. Non capiunt illi, Deum  
Universi Creatorem, omniumque sub sole  
Nationum ex æquo Dominum esse: non  
intelligunt necessitatem unius solummo-  
dò Religionis, per totum orbem terra-  
rum communiter omnibus amplectendæ:  
quid sibi velit spes, & expectatio futuræ  
vitæ, in qua bona solum spiritualia pro-  
mittuntur, non percipiunt; longè verò  
minus abstrusiora fidei nostræ Mysteria af-  
sequuntur. Ista quamdiu exponi sibi au-  
diunt, arrestis quidem auribüs, pacatō-  
que animo adstant, ut crederes, admirabili  
consensu, annutuque omnia illis pro-  
bari; at ubi dicendi finem feceris, nihil  
te ipsis persuasisse comperies. Siquis eo-  
rum Baptisma interdum expetat, id ferè  
fit præsentis alicujus commodi, ac lucel-  
li propositâ spe, atque ad obtinenda ne-  
scio quæ crepundia, quibus mirifice te-  
nentur; hujusmodi munuscotorum aliquid  
ubi primùm impetrarunt, continuò obli-  
gatae Christo fidei immemores, cum suis

popularibus ad genium redeunt , pristinamque consuetudinem , maestandi hostes suos , & humanis carnibus vescendi . Aliud Barbarum genus est longè stupidissimum , uti Nigritæ , & Cafri , in quibus nec sensa ulla Religionis , nec aditum ad ea duris ingenii instillanda invenias ; adeò isti nihil percipiunt , nisi quod manibus , sensibusque externis usurpari possit . Omnes istos , in homines antè convertas , oportet , quam Christianos efficias .

Nequaquam eò dicta hæc velim , ut Francos , aliósque populos Romanorum victores , in eodem planè statu versatos fuisse existimem ; illud solùm contendō , quod extra controversiam est , nullâ ipsos literaturâ , nullô liberali , ingenuoque studiô excultos , nec agriculturæ , nec aliis honestis artibus , aut opificiis addictos olim fuisse , sed prædationibus , cædibusque unicè intentos , ut adeò solus ipsorum conspectus Romanis horrori esset . Præterea in illorum moribus , omnique vita ratione plurimam levitatis , & inconstantiæ inerat , quæ Barbarorum præcipua , maximèque propria videtur esse nota : nam rationis primus fructus est constantia , & in consiliis omnibus actionibusque æquabilitas . Sanè humano more non vivit , qui habenas pravis appetitionibus suis laxans ,

xans , rerum externarum , quæ in horas  
mutantur , impressiones temerè sequitur .  
Nemo prudens negaverit , inter primos  
Francorum Christianos Reges , non modò  
discriminis , verùm etiam oppositionis plu-  
rimum fuisse . Clodovæus cum suis libe-  
ris ex una parte zelum , & venerationem  
erga res fidei præferebat insignem ; idem  
tamen ab iniustitiæ , & crudelitatis labo  
non excusatur . Gunthramnus Rex opti-  
mus , quem Ecclesia Sanctorum catalogo  
inseruit , inter multa , & præclara pietatis Mart.  
opera , suos etiam manes , ac nævos ha-  
buit ; denique Dagobertus tot cœnobio-  
rum pientissimus conditor , vitiis item in-  
signis fuit . Non deerant quidem tunc  
Episcopi sanctimoniam , & libertate Aposto-  
licâ præstantes ; verò hi ipsi inter multa  
mala , quod minus erat , eligendum pu-  
tantes , Principes Christianos quantumvis  
imperfectos , ac in morum disciplina solu-  
tos potius , quam Paganos Ecclesiæ per-  
secutores , & juratos hostes sustinere ma-  
lebant . Quam verò parum fiderent Bar-  
baris ad fidem conversis , inde liquet ,  
quod duorum circiter sæculorum spatiō ,  
nullos fermè præter Romanos , ad Cleri-  
calem Statum evectos legimus ; id quod  
ex eorum nominibus intelligere licet .

Marty-  
rol. Rom.  
28.

## CAPUT III.

*Romanorum cum Barbaris per-  
mixtio.*

**P**rocessu temporis Romani cum Barbaris sensim, & pedetentim in unam nationem coière ; quemadmodū verò in colorum permixtione accidit , ut de suo uterque aliquid amittat , & ex utroque tertius color existat , qui priores omnino delet ; ità Barbari usu , & consuetudine cum Romanis mansuefacti , & eruditi fuerunt ; Romani verò rudiores , magisque agrestes effecti ; ut adeò jam inde à Sexto Ecclesiæ sæculo ingentem morum in Occidente inclinationem observare liceat . In pervolvendis Historicis Poëtis , aliisque profanis Scriptoribus longè tunc minus , atque olim , operæ ponebatur . Verebantur nimirum , ne hujusmodi libros lectitando , ad alia , quæ directè ad Religionem non pertinent , animus avocaretur , quem uni huic negotio intentum volebant ; cùm tamen hæc ipsa profana studia , Religioni nequaquam utilia sint , imò verò perquam opportuna , ad cognitionem antiquitatis conservandam . Qui enim hisce præsidiis destituti sunt , facile supposita , illustrib[us]que Authorum Ecclesiasticorum nominibus insig-  
nita

nita volumina pro genuinis admittunt, nimiūque se credulos præbent ad omne genus miraculorum, unde unde illa afferantur, complectendum. Miraculorum, quæ ab Apostolis, & ipsorum Discipulis maximō numerō patrata dicebantur, quæque indies ad Martyrum sepulchra edebantur, tam celebris, & constans fama percrebuerat, ut ejusmodi prodigia non amplius accurato examini subiicerentur; & ut quæque historia miraculis, iisque præter morem stupendis, maximè referta erat, ita lettu jucundissima habebatur.

Verū hanc in moribus, & eruditione barbariem abundè compensarunt rara pietas, aliarūque solidarum virtutum ornamenta. Tota morum disciplina, quam in tertia hujus Operis parte exposui, ad decimum usquè Christi sæculum duravit. Nunquam Christiani, intérque istos, Principes ipsi ac Reges, in psalmodia divina magis assidui, nunquam ad observanda Ecclesiastica jejunia, ad dies festos ritè agendos, denique ad omnia Religionis exercitia ferventiores fuere, quam his, de quibus nunc ago, temporibus. Vidisse sacros Antistites admirabili Vitæ integritate conspicuos, orationi juxtâ, & lucris animarum unicè intentos; testes hujus rei appello Apostolicos illos Viros, quorum operâ, & prædicatione in Gallia

Belgica, in Germania, aliisque ad Septentrionem longius porrectis Provinciis, Christi fides plantata fuit.

Episcoporum etiam authoritas cum dicebatur crescebat; nam præter Sacerdotii dignitatem, virtusque sanctimoniam, singularis peritia in negotiis pertractandis, & in populos amor, ac propensio passim ipsos commendabant. Tempore barbaricarum irruptionum, ac vastationum persæpe accidit, ut exultanti, ferocientique Barbaro Victori unus aliquis Episcoporum, veluti aggerem, murumque sese objiciens, civitatem sibi creditam, vel cum periculo proprii capitis a direptione vindicaret. Sic Roma contra Attilam a S. Leone Papa defensa fuit; sic Trecæ a S. Lupo, Aurelianum a S. Aniano servata; ex adverso S. Desiderius Lingoniensis, & S. Nicasius Rhemensis, Episcopi pro grege suo Vandalarum ferrò occubuerunt. Postquam ad nostra sacra Ethnici Principes transire, Episcopos adhibuerent sibi a consiliis, fidissimosque experti sunt Ministros. Neque ad alium finem sanctissimi Pastores, & suâ authoritate, & Ecclesiarum suarum opibus utebantur, quam ut pauperum inopiae, publicisque utilitatibus servirent. Legantur in Anastasio admiranda opera, quæ a S. Gregorio cæteri Summi Pontifices usque ad Caroli M. tempora moliti sunt,

sunt , partim in reparandis Romæ ruinis , partim in Ecclesiis , Xenodochiis , imò viis etiam publicis , & aquæ ductibus exstruendis , partim denique in universa Italia à Longobardorum furore , & avaritiâ Græcorum vindicandâ. Legantur S. Amulfi , S. Eligii , S. Audoëni , S. Leodegarii aëta , & res præclarè gestæ aliorum Præfulum , qui ad publica negotia adhibiti fuere ; & facile constabit , adeò nihil politicis rebus Christianismum officere , ut illis potius pro solidissimo fundamento serviat ; nullâ enim re facilius , arctiusque mortales ad mutuam inter se ferendam opem conjunguntur , quam Religionis vinculo.

Tanta Episcoporum , & Abbatum existimatio , atque authoritas , sensim sine sensu temporali etiam jurisdictione , & sacerdotali potestate confirmata fuit , Dominique , ac Principes evaserunt Viri Ecclesiastici , cum iisdem juribus , atque oneribus , quæ Laici , aut sacerdotes Domini habebant ; nam ad suppeditias militares tuendæ rei communis submittendas , & non raro ad easdem in campum educendas obligabantur. Satis quidem tum temporis nationes inter se permixtæ erant , ut nullo amplius habito respectu , ex Barbaris perinde , atque ex Romanis Clerici possent creari ; difficile tamen factu erat , ut qui ex Barbaris eò evenienti erant , mores suos omnino dediscerent .

CA-

## CAPUT IV.

*Mores Christianorum Orientalium post  
sæculum quartum.*

**E**Tiam in Oriente, et si aliis ex causis, laxata fuit Fidelium disciplina. Plurimum in animis hominum valuerunt hæreses ibidem grassantes, quarum impetu multorum ab imis fundamentis labefactata fuit fides. Suos ex una parte Nestorius, suos Eutyches ex altera parte, vel potius Dioscorus, Sectatores maximò numerò habebant. Disputationum nullus erat finis, cæque in contentiones, & seditiones sæpen numero erumpabant. Clerici, & Cœnobitæ, uti cæteris zelô praestabant, ita animis magis incendebantur. Anachoretæ quidem hæretici, ubi semel inconsiderato æstu abrepti, ex antris suis incivitates se retulerant, Dei, & Religionis, ut ipsi quidem existimabant, acturi causam, nullum violentiæ genus à se alienum putarunt. Perspectæ sunt eruditis funestæ tragœdiæ, ab inimicis Chalcedonensis Concilii, in Ægypto, & Syria editæ.

Imperatores Christiani, ut authoritate suâ tantis malis obviam irent, majus malum patraverunt. Nam cum ipsorum fuisset, Ecclesiæ sanctiones, & decreta executioni solùm mandanda curare, pœnis

de

de rebellibus , & seditiosis in tempore sumptis ; longius provecti , quam per statum liceret , argumenta fidei ipsi cognoscere , & ad componendas de Religione controversias Edicta promulgare , viamque pacificandi omnia , inire non dubitârunt periculi plenissimam . Subinde Episcoporum timidâ conniventia freti ac suffulti , dum Ecclesiasticam disciplinam recte ordinare student , eandem penitus evertunt , nullâ aliâ relictâ regulâ , quam quæ Imperatorum ex voluntate fluxisset .

Licet autem Imperium adhuc regeret sese , ac sustentaret ; illud tamen neque Romanorum amplius , nisi ex nomine , neque Græcorum , nisi ex linguae Græcæ usu , dici poterat . Thraces , Illyrici , Isauri , Armeni , Persæ , Scythæ , Sarmatæ , Bulgari , Russi , denique Barbarorum omnis generis colluvies , Imperium re ipsâ obtinebat . Inde est , cur nulla propemodùm Nationam corruptis moribus fuisse à Scriptoribus dicatur , qualis Græcorum erat extremitas illis temporibus . Vitia isti quidem Majorum suorum habebant , sed virtutibus ipsorum , elegantiâ morum , & scientiarum laude carebant . Hi tamen omnes Christiani tunc erant , iidemque ad nostra usque tempora priscæ Religionis exteriorem cultum magnō studiō conservabant .

Non poterant isti non frequenter , & fami-

familiariter agere cum Mahometanis , ex quo isti rerum in Oriente potiti sunt ; imò quām plurimi ipsorum Mahometanis in Ægypto , & Syria subditi erant , quin cā re cessarent Christiani esse . Nam Musulmanni , itā nominantur impurissimi Mahometis asseclæ , victoriis suis , & armorum secundo cursu religionem falsi Prophetæ ita stabiliverunt , ut in Provinciis , ubi Christiana Religio convaluerat , minimè istam abolerent . Insultsior etiam Mahometis doctrina erat , quām ut ab hominibus , veræ fidei cognitione jam imbutis , admitteretur . Exigebat enim à suis sectatoribus , ut à Deo missum se crederent , cùm tamen hanc suī Missionem , nec Prophetiæ cuiusdam præviæ , nec miraculi ullius efficaciā , ac ne ratiocinando quidem , sed solā , simplicique suā asseveratione persuadere aliis conaretur . Invenit tamen Impostor ille stultissimæ sectæ discipulos , tum quia ad Arabes se convertit , homines perinde stolidos , & obesæ naris , ac ipse Mahometes erat ; tum quia prosperā in bello fortunā usus , spolia & prædas liberaliter cum suis divisit ; barbaram adeò sectam horrebant Christiani , multoque ante servire Musulmannis coacti sunt , quām ut socialiter cum iisdem vivere in animum inducerent .

Ad extremum tamen , usu ipso horrorem

rem leniente, iisdem assueverunt; & intra ducentorum annorum spatium, corroborata, sub Calipharum Abasidarum regimine, Musulmannorum potestate, minus odiosa videri Christianis cecepit ipsorum secta, utpote qui tot annorum lapsu rudes effecti, longaque servitute fracti jam erant. Satis tum temporis Mahometismi origo habebat antiquitatis, ut fabulas suas, atque ineptissimarum rerum ferraginem in Alcorano contentam, involvere tenebris, & verò illustrare etiam posset. Nam in Alcorano illo, tertio quoque verbo repetitum Dei nomen, ad fucum indoctis faciendum mirificè valuit. Ubique Pseudo-Propheta ille unum Deum prædicat, & fugiendam hortatur idolatriam. Judicii extremi, Inferni, & Paradisi Mysteria proponit; de Moysè, de Prophetis, de Apostolis, & Martyribus perhonorifice loquitur; ipsum adeò Redemptorem nostrum summis laudibüs extollit. Ex alia parte multas Mahometani, exteriores Christianismi functiones imitantur. Septies in die laudem Deo Christiani dicunt; Mahometani quinque vicibus Deum precantur. Illi jejunium quadragesima dierum, isti dierum undetriginta observant, quibus nonnisi vespere, quemadmodum eo tempore Christiani solebant, cibum capiunt. Christiani Dominicum diem, Ma-

ho-

hometani feriam sextam celebrant. Nos ad Ecclesias orationis , sacræ lectionis , & Sacerdotalis institutionis causâ convenimus ; isti quoque in fanis suis utcunque orant , Alcoranum ibidem legunt , & Doctorum suorum audiunt exhortationes ; peregrinationes item pietatis causâ insti-tuunt ad terram , quam ipsi sanctam arbitrantur , & ad sepulchra eorum , quos pro Martyribus habent. Multi præterea sunt , & munifici in eroganda stipe , numerūm que Xenodochiorum fundārunt bene magnum. Ne Religiosorum quidem aliquam apud eos speciem desideres , qui in communi viventes , horribilem in sua corpora exercent carnificinam. Nullum enim exterræ severitatis genus est , quod homines , quamlibet verâ virtute vacui , sive vanitate , sive lucri cupidine imitari non valeant ; ut verò domi delitescere in silentio , & manuum labore velint , nisi Christiani sint , consequi non poterunt.

Solent non raro homines in sinu Christianæ Religionis educati , cùm exteris regiones obeunt , non parùm commoveri animis , ac solicitari , ubi hanc Religionem veluti larvam , virtutésque Infidelium , merè humanas , ac naturales intuentur ; imò periæpè ad suos redeunt in fide nutantes , & ad quidlibet in materia Religionis credendum dispositi. Quantam igitur

tur existimamus miseris illis Christianis obortam fuisse temptationem, qui in ditione Turcarum nati, vitam ibidem exigere omnem debebant; qui sub durissimo ipsorum jugo ferme semper ingemiscabant, neque aliâ ratione fortunas suas in tuto collocare se posse intelligebant, quam Majorum suorum ejurata fide. Mirandum sanè est, non omnes planè perversos fuisse, & ad defectionem à fide traductos; ingēnsque numerus Fidelium, qui universo in Oriente post mille annos remansit, insigni argumentō, & Evangelii vim, & Mahometismi demonstrat infirmitatem.

Illi etiam Christianorum, qui sub Imperatorum Orientis dominio permansere, saltem ex commercio cum Mahometanis, usque cum hæreticis, quibus Orientalis Ecclesia scatebat, facile labis aliquid contrahere poterant. Fama est Leonem Imperatorem, Iconoclastarum caput, à Judæis, & Saracenis, qui Mahometani Arabes erant, seductum fuisse, ac depravatum. Michaël II. cognomentō Balbus, pro Semijudæo habitus fuit, Michaël III. cum alijs eorundem scelerum sociis, Religionis nostræ augustos ritus, atque adeò tremendum Altaris Sacrificium, sacrilegâ petulantia per jocum imitari non erubuit. Non longè post istum, alium animadverto Imperatorem annis, & judiciō immatu-

rum, Alexandrum, inquam, Leonis Philosophi Filium, qui in Christianismum impiis vocibus aperte grassari, & idololatriam anhelare veritus non est. His omnibus attentè perpensis, subit animum suspicari, primos inter Nationes fuisse Græcos, apud quos morum licentia, vitæque libertas initium sumpserit. Nihil tamen istâ opinione detractum cupio compluribus sanctitate insignibus viris, partim in dignitate constitutis, partim privata in vitam agentibus. Nam ad summam rei quod attinet, Christiana Religio, toto hoc durante tempore, per universum Græcorum Imperium magnificè conservata fuit. Celebres Doctores, summi Antistites, Anachoretæ sanctissimi, multoque plures Martyrum, qui ad defendendum sacramum imaginum honorem, vitam profudere, Ecclesiam illam illustrabant.

## CAPUT V.

### *Mores Fidelium in Occidente à Sæculo Christi decimo.*

**R**eligionis causa in Occidente integratum, salvaque erat; de fide nulli dubitatio inciderat; nullæ hæreses extabant; ignorantia tamen, & barbaries incrementum sumebant. Mirâ quidem ope, & operâ Carolus M. elaboraverat, ut huma-

humaniorum studia literarum, & Ecclesiasticae disciplinæ observantiam, foedum in modum collapsam, denuò erigeret; sed qui Carolo successere in regno, nequaquam summi Viri consilia prosecuti sunt, eoque factum, ut Ecclesia, & res politicæ brevi pejore, quam olim, loco esse inciperent. Equidem in Saxonia, in Bavaria, totaque reliqua Germania disseminata jam erat Christi fides; verum ad eandem in Gente bellicosâ, indomitâque asserendam, Carolus M. fidei prædicationem ferrò, & suppliciis defendere coactus fuit. Multorum igitur initio ad Christum conversiones, metu potius, quam liberâ voluntate fuerunt expressæ; qui cum per eorum temporum iniquitatem instrui non possent, quantum ipsis necessarium erat, ut Religio, veluti in novellis agris recens plantata, radices satis altas ageret; credere juvat plurimum inscitiæ, & ad res divinas tarditatis in animis hominum relictum fuisse; atque hæc fortasse non postrema causa est, cur schismata, & hæreses tam facilem aditum in universo Septentrione invenerint. Continua post Ludovicum Pium civilia, & intestina bella ignorantiam, & morum dissolutionem in partes Regni Francici, alioqui maximè sanas revocâtunt, accedente ad cæteras miseras Normannorum Gentilium irruptione, & vastitate ab omni par-

te illatā. Hungari etiam ipsi Gentiles Italiā infestārunt; Saraceni diu admodūm Italiæ finibus metuendi, Apulejam denique, & Siciliam occupārunt, præter Hispaniam, quam ante centum jam annos, & ampliū sibi subjecerant. Hunc in modum, quidquid ex Romanis moribus, & urbanitate reliquum, progressu temporis abolitum fuit.

Ferenda utcunque erat Politices, aratum, & humaniorum disciplinarum jactura; nisi cum his Religionis etiam causa conjuncta fuisset. Verūm ista sine studio, & institutione, quæ fidei, ac morum præcepta conservat, stare diu non potest. Imò Deus ipse, qui Ecclesiam suam nunquam destituit, singulari providentiā curavit, ut in summa temporum caligine Doctores nihilominus satīs illuminati, Virique sanctitate illustres existerent, quorum vita cæteris exemplo esset. Offerunt se in Sæculo Christi decimo S. Dunstanus in Anglia, in Galliis S. Odo, Abbas Cluniacensis cum primis suis successoribus, in Italia S. Romualdus, atque hujus discipulus S. Bonifacius M., S. Adalbertus Pragensis, & ipse Martyr, idēmque Slavorum, atque Hungarorum Apostolus, S. Udalricus Augustanus Episcopus, aliisque præterea, qui verbō, exemplis, & miraculis cùm sanæ doctrinæ, tum disciplinæ Ecclesia-

clesiaſtīcæ traditionem tuiti ſunt. Sub eadem tempora, Laicos etiam, atque adeo ſummos Viros, ac Principes obſervare licuit ſanctitate claros, cujusmodi fuere S. Geraldus Comes Aureliacensis, S. Stephanus Rex Hungariæ, & hujus filius S. Emericus, Robertus Hugonis Capeti Francorum Regis Filius, & in Regno Successor, SS. Henricus Imperator, & Cungeundis ipsius conjux.

In Sanctis his Henrico inquam, & Stephano duarum Nationum recens ad fidem traductarum, animadvertere licet prævias ad virtutem dispositiones, quibus instruti erant populi, quos Romani Barbaros appellabant; erant illi ad æquitatem, ad ingenuitatem, ad caſtitatem propensi, voluptatum, & commodorum corporis contemptores, pauperum verò, & justitiæ peramantes. Tantâ gravitare, candore animi, & magnanimitate prædicti homines, ubi ſemel Evangelium deguſtarunt, drepentè illud toto pectore ita complexi ſunt, ut neque difficultatibus ullis avelli ſe ab eodem paterentur, neque ad ejusdem lenienda ſeveriora præcepta, benignæ interpretationis aliquid ſubtiliter excogitare vellent. Inferior quidem ipsorum indoles fuit Græcis, & Romanis antiquioribus, ſi constantiam in agendo, judiciiique maturitatem ſpectes; verūm hæc ipſa

res eò valuit, ut iidem simulationis, & hypocrisis vitio minùs essent obnoxii. Cæterū præcipua damna, quæ decimō illō Sæculō ignorantia invexit, ista ferè erant, quòd Doctorum, & Sanctorum, de quibus paulò superiùs egi, major indies rarietà, & infrequentia esse cœperit; quòd Fides, et si, quantùm ad substantiam pertinet, inconcussa semper manserit, multis tamen & magnis adminiculis exterioribus privata fuerit; denique quòd apud multos Christianismus haud aliud ferme fuerit, quām pars quædam morum cuiusque Nationis, quæ solis propemodùm extensis ceremoniis, quibus nec falsæ Religiones carent, constare videbatur.

Fatendum nihilominùs est, in hac ipsa temporum nocte, Evangelii divinam planè virtutem, & efficaciam mirum in modum eluxisse. Quantumvis enim ignorantia mundus involveretur, omnes tamen etiam rudes mulierculæ agnoscabant, & adorabant unum, ac verum Deum, universorum Conditorem, & humani generis Reparatorem Christum JEsum; omnes Judicium, vitamque nunquam finiendam credebant. Hæc nostræ fidei, morumque disciplinæ altissima dogmata ab omnibus pro certis, exploratisque habebantur; cùm è contrario apud veteres Græcos, vel cùm florentissimus esset ipsorum status, sapientissi-

entissimi quique inter eos, disputandi, & altercandi de hujusmodi veritatibus finem nullum facerent.

Libenter quidem concesserim, multorum vitam cum his ipsis fidei præceptis parùm consensisse; licet enim nemo unus eorum aliquod in dubium revocaret, pauci tamen erant, qui ex iisdem in suos usus salutares elicerent consecutiones, multoque minor eorum suppetebat numerus, qui, quod animô, verbisque confiterentur, factis item, & moribûs exprimerent. Nihilo tamen minus Evangelica morum disciplina non destitit, magna quædam etiam in malis Christianis commoda producere. Multum enim mali per eam impeditum fuit; populi immanitate plûs aliis efferati, multum de sua crudelitate remiserunt, magisque tractabiles, & manueti evasere. Si à peccatis non temperabant omnes, eorum quidam certè pœnitentiâ, & dolore compungebantur, & vel pœnis Ecclesiasticis ipsi se submittebant, vel saltem vitam suam damnabant, & aversabantur. Denique Christianismi professio illud maximè utilitatis orbi attulit, ut humanitatis, pudicitiae, & honestatis quandam quasi auram omnibus afflavit, quam frustra ab alia quaunque Religione expectes.

## CAPUT VI.

*Opposito morum ejus temporis ab instituto primorum Christianorum.*

**I**N sæculi decimi perturbato, præposteriorque cursu, quærenda nobis est origo maximæ laxitatis, quæ in Ecclesiasticam disciplinam, & mores Christianorum introducta fuit, & perverso illo tempore amplissimè dilatata. Nulli enim mores cum instituto primitivæ Ecclesiæ perinde pugnârunt, atque illi, qui ea tempestate in Italia, in Francia, ac propè in universa Europa impunè dominabantur. Primi illi Christiani egregiè imbuti erant Divinæ Legis cognitione, utque eandem perfectius condiscerent, lectionis, atque piæ commentationis assiduitate procurabant; nihilò minor animis charitas, quam ingenii sacra eruditio inerat; ejus nexu communiter animabantur omnes, interque se fraternè consentiebant. Contrà verò infelice illo sæculo ignorantia, & dissensio passim invaluerant. Laicorum quam plurimi ne Charæcteres quidem nôrant, librisque fermè destituti erant. Siqui forte Principum, aut nobilium virorum antiquum aliquem codicem inter cimelia sua reconditum habebant, eundem, quod latino sermone conscriptus esset, cuius tunc usus

usus exoleverat, neutquam intelligebant: nam in vernacula lingua nulla tunc volumina conscribi solebant. Neque nisi in latino idiomate Officium Divinum, & publicæ in Ecclesiis sacrarum litterarum lectiones peragebantur, quarum insuper expositio admodum infrequens per ea tempora fuit; raro etiam pro concione dicere auditi sunt. Sæculares vero Domini intra Castella quiske abditi, sati habebant, aut in vicino quodam Monasterio Divinæ rei interesse, aut Missam duntaxat privatam, à Sacellaniis celebratam, domi suæ audire, ubi ad Civitatem Episcopalem adire integrum non erat. Sæpè enim per crebra bella, ea præsertim, quæ cum Episcopis sæculares gerebant, eodem accedere non licebat. Nihilò melius reliqua multitudo Fidelium instituta erat, si paucos cives excipias, qui urbes habitabant, præstantibus Episcopis iusticias. Jam in densissimis tenebris incredibile prosus videri posset, quonsque hominum levissimorum credulitas progressa fuerit, nisi eius rei expressa, luculentaque adhuc in antiquissimis, ut vocant, Legendis, extarent vestigia.

Sacerdotes, & reliqui de Clero, aut armis ipsi correptis tueri se, & hostiles impetus undequaque ingruentes, à se propulsare cogebantur, quò Ecclesiæ posse-

fiones, quibus ipsi vicitabant, vindicarent; aut durâ egestate compulsi, ad humilia nimis, atque indigna ministeria abire se debebant; aut denique provincias obire, ab Episcoporum, aut Dynastarum quopiam vicium emendicaturi. Inter has rei familiaris angustias, & publicas calamitates, quænam ipsis studiorum opportunitas, quis modus suppetebat tuendæ morum æquabilitatis, vitæque pro gradu sui ratione rectè componendæ? Sanè extra Ecclesiæ aliquot Cathedrales, atque Monasteria, locus relietus erat omnino nullus, in quo literarum studia, & Christianæ legis exacta observatio, veluti continuâ Traditione servata, propagarentur. Cluniacenses præcipue Monachi plurimùm hac in re per ea tempora elaborârunt.

Inscitia hæc, & indigentia secere, ut non jam amplius Ecclesiarum damnis commoti Clerici, ad sua potius lucra respectarent, ac privatis solùm negotiis curas intenderent suas. Inde Simoniacalues adeò vulgari cœpta. Concubinatus etiam invaluit, pérque summam temeritatem, ac impudentiam, modis omnibus assertus fuit. Rudes isti, imperitique Ecclesiastici, qui ministerium suum haud aliter, atque opificium tractabant, nec jam in communione, sed seorsim ab aliis vivebant, neque

lito-

literis, neque precationi sacræ, sed curandæ, augendæque rei operam sedulò nabant; non intelligentes sacri Cælibatū gravissimas causas, legem istam Continen-  
tiæ pro jugo habebant, ac tyrannide nulli ferendâ. Hinc rabies illa, & furor incre-  
dibilis exarsit, quô in Gregorium VII.  
Pontificem Maximum, aliósque scanda-  
lis hujusmodi extirpandis intentos, de-  
bacchati fuere.

Bonorum ingentium splendor, quibus Ecclesiæ abundabant, vehementer Princi-  
pum, ac Dominorum sœcularium animos solicitabant, quibus ad vim inferendam nunquam non in promptu sua arma erant. Sæpè Episcopatus ab hominibus alia omnia promeritis, violentè usurpabantur; sæpè ex viciniорibus Dynastis unus, filium suum natu minorem intrusit, quò filii nomine Ecclesiam spoliaret. Nec ipsa adeò Roma his malis immunis fuit; vicinos præser-  
tim Regulos, ac Tyrannos habuit infestos; intráque Sæculum illud decimum, conti-  
nuæ propemodùm erant Pontificum, Sum-  
mæ, & Apostolicæ Sedis intrusiones, atquè expulsiones, in qua tamen ad id usquè temporis morum disciplina quam purissi-  
ma permanserat. Rara item cogebantur Concilia, propter bella, aut potius latro-  
cinia publica, & passim usitata, vix ut ex una civitate in aliam tutus esset commea-  
tus.

Ut

Ut aliquantulum respirare tot inter mala liceret, induciæ demum faciendæ erant, quæ *Trega*, sive *Treva Dei* nominabantur; quâ voce cessatio ab omni vi, hostilique aggressione intelligebatur, sive certis per hebdomadam diebus, sive adversus certas personas observanda. *Trega* hujusmodi, complurium authoritate Conciliorum, atque anathematis insuper propositâ comminatione sancta fuit. Tanta etiam tum vis Religionis fuit, quam in animos mortaliū exercuit, quantumvis efferati, atque indomiti hi essent, convulsisque socialis vitæ repagulis omnia per vim, ac violentiam agerentur. Hoc quoque tempus illud est, quô Excommunicationis frequens facta mentio fuit, in percussores Clericorum latæ. Nam prioribus sæculis, cùm solâ Fidelium reverentiâ tuti satis, ac defensi essent Clerici, vix ad pœnæ genus animadvertere unquam licuit; consecutis verò mediis Ecclesiæ temporibus, cùm atrocissimis passim injuriis, & insultibus Ecclesiastici paterent, extremis item remediis utendum fuit.

*Extra  
vag. de  
Trev. &  
pac.*

## CAPUT VII.

### *Ecclestiarum inopia.*

**N**ormannorum populatione, aliisque internecinis bellis Templa, & Monasteria maximam partem eversa, diru-

dirutaque fuerunt; quæque ex iisdem supererant, omni curâ destituta, veluti sponte suâ in ruinam inclinare permittebantur, falsâ nimirum persuasione, Fidelium animis passim insidente, fore, ut annus à Christo nato millesimus orbi universo supremus illucescat. Hæc causa est, cur antiquissima etiam templa, quæ hodie extant, vix ultra quingentos, sexcentosve annos, natales referant suos, Quo tempore instaurari, atque à fundamentis novæ condi Ecclesiæ rursus cœptæ sunt, forma quidem veterum ædificiorum retenta, atque expressa iterum fuit, magnificentiam tamen veterem, sacræque supellestilis pretiosum apparatus imitari, aut revocare non licuit. Etsi enim permagnis tunc quoque Ecclesiastici bonis instructi essent, Ecclesiæ tamen non cessabant, & egere, & male administrari; propterea quod bona illa in titulos multorum beneficiorum, veluti in totidem rivos divisa essent, quorum annui proventus à Possessoribus quam plurimis ita curabantur, ac si privata eorum bona forent, quam minima proventuum parte ad usus, atque impensas publicas erogatâ. Episcopi, ad quos reddituum illorum pars maxima pertinebat, propter sæculares Dominatus, quibus sub id tempus instrui cœperant, non poterant non aliorum more Princi-  
pum

pum numerosam alere familiam , aulāmque , & apparatus suæ dignitati congruentem comparare. Quid? militum manipulos suis non raro stipendiis in promptu habere cogebantur. Ut adeò , si vel zelō animarum antecessoribus suis pares essent , tamen in faciendis impensis ad Ecclesiastum cùm fundamenta , tum ornamenta longè impares Majoribus fuissent suis , qui & parcissimè pro se vicitabant , & universæ Diœcœs Ecclesiastica bona soli administrabant ; præterquam quod ipsa illa priscæ magnificentiæ veluti nobilis idea cum tempore deperdita fuerit. Non parum erat calamitosis illis temporibus , facto ex lapide Templa moliri , cupreisque columnis altare concludere ; ex eadem materia cruces , & candelabra formabantur , aurō , & argentō faciendis sacris calicibus reservatō ; quanquam ne isti quidem , nisi in opulentioribus Ecclesiis aurei , argenteique essent ; atque ad hæc tempora prohibitio illa referri debet , adhibendi in sacrificio calices ex vitro , cornu , ligno , cuprove factos , stanneorum calicium permisso usu. Reliquiarie demum thecæ sæpen numero ligneæ duntaxat erant.

*Cone.* Ex quibus eorum temporum miserrimum ,  
*Chalced.* egentissimumque statum facile quivis arbitretur.  
*Anno*  
*787.*  
*Tribur.*  
*895. c.*  
*18.*  
*Rhem. de*  
*Consec.*  
*Dist. I.*  
*c. 45.*

Cæterum quantumlibet egentes tunc  
*admodum* ubiqꝫ vlegna b. nsej. Eccles.

Ecclesiæ essent, satis tamen ornatas, magnificèque instructas fuisse, fatendum est, si cum profanis ædificiis comparentur, sive civium privatas domos spectes, ex ligno duntaxat ædificatas, sive Magnatum, ac Dynastarum palatia. Extant eorum adhuc reliquiæ quædam, ex quibus discrimen illud satis liquido appetet. Sæculares illi Domini non nisi Castella, Turrésque sibi extruebant, in quibus fabricandis firmitatis, ac securitatis solummodo habita ratio est, cæteris Architecturæ ornamentis Templorum ædificationi reservatis; ad quæ locupletanda gemmas etiam suas, & pretiosissima quæque iidem conferabant; id quod partim ex thesauris antiquorum Monasteriorum, partim ex Testamentis, Codicillis, aliisque id genus antiquis chartis videre est. Robertus Rex pietatis causâ Angeriacum \* peregrinatus, Sacræ Ædi concham auream triginta librarum dono dedit; aliis item Ecclesiis bene multis Calices, Reliquiaris Thecas, diversi generis vasa, atque ornamenta dedit, præterquam quod Capellam, ut vocant, Regiam, id est, instrumentum sacerdotale haberet, in paucis pretiosum, ac splendidum, quod is, quod quo iter dirigeret, secum deferri curabat. Sub eadem tempora Gnesensis in Polonia Ecclesia, à Bo-

he-

\* Gallicè S. Jean. d' Angely Oppidum Aquitaniz,

Baron.  
ad An.  
1036.  
N. III.

hemis expilata fuit, ac per sacrilegam rapinam inde ablata Crux aurea trecentarum librarum; Christi è Cruce pendentis simulacrum librarum facile nongentarum; denique tres tabulæ primarii altaris, ex auro purissimo gemmis ornatae, præter alia innumera ornamenta in vasis, & sacra supellectili; & hoc quidem in Regno illo, quod sanè inter cætera Europæ Regna opulentissimum non est.

Sed enim parùm proderat, abundare Ecclesias, nisi elegantiæ quoque, & mun-ditiei cura accederet, quam tamen ejus sæculi rusticitas, ac veluti depravatus quidam gustus excludebant. Eadem Ecclesiæ inopia fecit, ut Clericorum, quorum non omnino necessaria videbatur ad sacras functiones opera, numerus contraheretur, atque adeò penitus tolleretur; hujus generis erant Ostiarii, Acolyti; brevíque res eò rediit, vix ut præter Sacerdotes, alii inferiorum Ordinum Clerici superessent, quorum quilibet suo gradu peculiare obiret ministerium; quare functiones hujusmodi sacræ, aut penitus intermissæ, aut à Laicis ministris, famulisque curari cœptæ fuerunt. Ac ne ordo quidem, qualem olim Fideles pro sexūs, & ætatis discrimine in Ecclesia sacrosanctum observabant, in sacris cœtibus ultrà custoditus fuit; quin potius depositâ Ecclesia-

clerici statū reverentiā, veluti per rup-  
to aggere, Laicorum, & fœminarum tur-  
mæ, in loca templorum secretiora, pro-  
ximè Sanctuarium ipsum temere se infun-  
debant; neque tum laboratum amplius  
fuit, ut in locis à strepitu remotis, tem-  
pla exstruerentur, vacuūmque circumqua-  
que relinqueretur spatium, ad suppli-  
cationes commodiūs deducendas; nimium  
enim tantâ templorum laxitate civitatibus  
detrahi credebatur. Ergo pietatis summa  
in Ecclesiarum, atque Altarium repone-  
batur numero, quin de iisdem laute, ac  
magnifice instruendis, multūm solliciti Fi-  
deles essent.

Et fuit sane tempus illud, cùm facello-  
tum domesticorum augeri supra modum  
numerus cœpit. Constantinus M. post  
conversionem suam unum in palatio suo  
Oratorium, unum item templum, vel po-  
tiū Tabernaculum portatile habebat, quod  
castra semper, atque exercitum sequebatur.  
Tenuere morem hunc subsecuti Constan-  
tinum Christiani Reges, & erat in primis  
celebris Caroli M. Capella. Is, ut erat pro-  
pè assiduè in itinere detentus, voluit sem-  
per deportari secum Reliquias, sacrum or-  
natum, & quidquid ad rem divinam fa-  
ciendam necessarium erat, unà cum nume-  
roso, selectoque Clericorum cœtu. Qua-  
re nihilo minore apparatu in ipsius Capel-  
la,

Euseb. in  
vita Con-  
stant.  
Sozom. I.  
1. c. 8.

la, quām in quacunque Cathedrali Ecclesia, Divinum Officium peragebatur. Caroli Exemplum Successores ipsius imitandum putārunt; hos porrò, uti aliis in rebus omnibus, itā in isthac quoque securi sunt Principes, ac Reguli, qui in Carolingicæ Domūs ruinis suam dignitatem inædificārunt. Cūm verò quilibet Regulorum hujusmodi, quibus Europa omnis quām brevissimō temporis intervallō abundare cœpit, intra castelli sui munimenta clausus, ac defensus, vicinos suos bellō appeteret, quilibet etiam ipsorum intra arcis suæ ambitum peculiare facellum sibi deponoscit; ne, quo tempore per tumultus bellicos aliò concedere non licebat, Officii Divini, & Missæ fructu carendum esset. Ergò aliàs necessitate, aliàs desidiâ adducti, ab Ecclesiis publicis abstinuere; nec nullam eâ in re partem sibi vendicabat ambitio, & aliorum despicientia; ne vide-  
 licet mixti ultimæ plebeculæ quisquiliis summi viri cernerentur, sed ut potius sa-  
 cellanos in famulitio suo numerarent. Per  
 sæpè sæculð Christi nono labente, con-  
 queri Patres auditи sunt, quòd Ecclesiæ à  
 copiosis viris, atque Magnatibus deseran-  
 tur; legéque sanctum fuit, ut solennio-  
 ribus saltem festis eòdem isti quoque se  
 conferrent. Secundùm illa tempora Alta-  
 ria portatilia, facella domestica, & priva-  
 tæ

Concil.

Ticin.

Anno

855.c.4.

Theo.

dulph.

can. 45.

46.

tæ Missæ usquæ adeò multiplicata sunt, ut sensim majores Ecclesiæ à solis civibus, & vulgo, nequaquam verò ab honoratioribus ullis frequentarentur; quæque antè publicis templis offerri à Dominis solebant, ea isti in privatorum suorum facelorum usus erogabant; cùmque per ipsorum absentiam multum de Officii Ecclesiastici splendore deperiret, dubitare non licet, quin ipsorum etiam Ecclesiasticorum hominum fervor intepuerit.

Nullum tamen incommodorum, quæ magnò numero tanta Ecclesiarum indigentia procreavit, molestius, graviusque erat, quam pauperculorum neglectus, & solitudo. Quî enim consuli huic turbæ à Clericis poterat, quibus etiam ipsis cum fame luctandum erat? Aut undenam conquirere pias eleemosynas vacabat, cùm latrociniis, & populationibus intuta essent omnia? Xenodochia profectò nisi in opulentis urbibus exstrui, conservarique non possunt, utque admissi ibidem egeni sollicitè, ac bene tractentur, hominibus opus est prudentiâ, charitate, cæterisque ad gubernandum aptis dotibus abunde ornatis. Atqui nihil ferme istorum per ea tempora repertire erat. Ipsi adeò commercia sublata erant, quorum ope id, quod uni regioni natura negat, importatis in eam ex alia abundantiore provincia

mercibus suppletur, ac veluti exæquatur. Progressu temporis tamen à Primoribus, ac civibus opulentiorum urbium diversi generis Hospitalia, intérque ista duæ præsertim Hospitalium novæ classes, leprosis, & peregrinis excipiendis, fundata fuere; quorum major pars post tempora S. Ludovici primùm erecta fuit. Habet hic, amice Lector, præcipuos effectus, quos saeculi illius decimi depravatus genius produxit. Quæ qui enucleatiū persequi singula velit, historiam universam calamitosi illius ævi conscribere necesse habeat; sed nobis ad scopum huic operi præfixum sufficiat, summa rerum capita attigisse.

## CAPUT VIII.

*Initium Reformationis à S. Petro Damiano suscepit.*

**S**æculō Christi undecimo exeunte, disciplina Ecclesiæ, probique mores erigere iterum caput, ac reflorescere inceperunt, zelō, & curâ S. Petri Damiani, Summis Pontificibus Leone IX. Alessandro II. Gregorio VII. & Urbano II. auctoritate, quā pollebant, Apostolicā summāque, sancti Viri consilia promoventibus. Educatus is fuerat inter Monachos *Nigros*, ut vocabantur, Cluniacenses, qui vitam monasticam ad statum pristinæ

puritati admodum affinem veluti postlimi-  
nio revocaverunt. Magis etiam elimata  
Monastici instituti perfectio fuit , operâ  
Monachorum Candidorum Cisterciensium,  
qui ad exordium sæculi duodecimi nata-  
les suos referunt. Itaque Petrus Damia-  
ni , quique eodem , quô ille , spiritu affla-  
ti erant , sancti , & summi Pontifices , Incon-  
tinentiæ , ac Simoniae , quæ geminæ pestes  
Clerum cā ætate miserandum in modum  
infecerant , magnis animis bellum indixē-  
re , utque augustinum hunc Ordinem , ac sta-  
tum in veterem , ac primævum splendorem  
assererent , vitam restituerunt Canonico-  
rum in communi viventium , qui eam ob  
rem *Canonici Regularis* dicti fuerunt , quô sic  
à cæteris , in vetero suo , & priori laxi-  
tate persistentibus , secernerentur. Ca-  
nonicorum Regularium vita parùm à mo-  
naistica distabat ; totaque propemodùm  
differentia in eo sita erat , quod Clerici  
omnes ii essent , ad ministeria Ecclesiarum  
destinati , ex quibus proinde Pastores , &  
Episcopi maxima ex parte creabantur. To-  
ta igitur hæc pietatis , & exercitationis  
virtutum Christianarum instauratio ad so-  
los ferme Clericos , ac Monachos perti-  
nebat ; & revera plurimum etiam ad com-  
munem Christianismi utilitatem intererat ,  
utrumque hunc statum ad veterem for-  
mam refungi.

Divus Petrus Damiani , & plerique illorum temporum sancti Viri , ad internam animorum culturam , quæ solidis virtutibus exercetur , corporis etiam afflictiones , atque asperitates adjunxere , quibus ævi nostri delicati mores ægrè admodum insuescere sustinent . Sed credere juyat , divinitus ipsis injectam eam mentem fuisse , quâ novam hanc vitæ rationem stabilirent , ad morbos eorum temporum opportunis veluti medicamentis curandos . Agendum ipsis , ac decertandum erat cum natione tam perversa , & refractaria , ut ad eam salubriter commovendam , rerum externarum , quæ sensus corporis graviter ferirent , veluti arietes admovendi essent . Parùm enim exhortando , parùm ratiocinando proficiebatur apud homines rudes , barbaros , cædibus , & rapinis assuetos . Imò ne quidem utcunque severa pœnitentiæ , & austerioritatis opera quidquam effecissent , in populo duris militiæ laboribus innutrito , loricáque , & armis nunquam non onerato . At ubi videbant isti S. Bonifacium Divi Romualdi Discipulum , frigidissimas regiones nudis pedibus peragrantem ; ubi S. Dominicum intuebantur , cognomento Loricatum , dirissimâ verberatione tergora , totumque corpus cruentantem , intelligebant illi denique , serio rem agere Santos istos , veréque Deum amare , ac peccata

eata toto pectore detestari. Nihilo maiorem animis religionem injecisset orationis internæ , ac mentalis usus , imò hanc ne percepissent quidem inculti , efferatique homines , nisi moveri etiam labia , & in psalmos decantandos solvi linguas persentiscerent. Tunc primūm diligi à Sanctis hisce proximum animadvertebant , cùm eosdem cernerent , voluntarias pro ipsius salute pœnas ultrò sibi infligere , suppliciaque de se sumere , quæ ex Canonum placitis subeunda peccatoribus erant , si ad eadem perforanda vires , atque otium non defecissent. Ergò sub id tempus pœnitentiæ Ecclesiasticæ redintegrata consuetudo est , & quamvis ejus obeundæ spatiū contrahi tunc cœperit , non pluribus verbi causâ ad expiandum homicidium quām septem annis præfinitis ; quia tamen , ut erant tum tempora , qui homicidia triginta , ac totidem cùm adulteria , tum perjuria commiserat , pœnitentiam per aliquot sæcula extrahere debuisset , ideo Indulgentiæ certorum annorum impertiri cœptæ sunt , quarum in aliquot Bullis Pontificiis mentio fit. Pœnarum iste , & pietatis exterior , ac terrificus apparatus crudos peccatorum animos denique conciliavit , atque emolliit , ut majori quām anteā docilitate , faciles Sacerdotibus , ac Religiosis Viris præberent aures , quippe quo-

rum vita admirationi erat , multique ea ratione permoti , ad meliorem se frugem receperē. Cæterū prolixior psalmodia , flagrorum , & catenarum ferrearum , ac reliquorum usus instrumentorum , quibus macerari caro solet , nequaquam recens eorum temporum inventum erat. Plura jam olim hujusmodi severitatis exempla edita fuisse , Theodoretus in Historia sua religiosa demonstrat ; uniusque Simeon Styliates sufficere abundē potest , ad quodcunque genus pœnarum , quamlibet atrocium authoritate suā , & exemplō commendandum . In Regula S. Columbani , qui proximē finem sexti sæculi floruit , maxima pars erratorum , quæ Monachi admitterent , flagellorum certō numerō træscriptis ictibus castigata fuit . Psalmodie porrò tempus in eadem regula nunc brevius , nunc prolixius erat , pro noctium videlicet inæqualitate , quæ in ea regione , ubi Sanctus is degebat , multoque magis in Hibernia , unde advenerat , tam varia , & multiplex est , ut interdum noctes hymali tempore inciderent , quibus dimidium Psalterium absolveretur . Subinde Sanctos bene multos videre erat , voluntariis flagris in se animadvertentes ; plures etiam , qui pro sua privata pictate totum in dies singulos Davidis Psalterium recitarent . Flagellationum ille mos in abusum denique

que pertractus fuit ab Hæreticis , qui cā <sup>Anm. 1.</sup> re Flagellantes appellabantur , quique in Ita- <sup>Eccles.</sup> lia sæculō Christiano tertio decimo pro- <sup>Anno 1260.</sup> diere ; hi enim devotionis præcipuum ca- put in publica verberatione situm esse con- tendebant.

Psalmodiæ longioris studiø temporibus , de quibus hic agimus , Officiorum Ecclesiasticorum crebrior numerus introductus fuisse videtur. Nam à Cluniacensibus Officium Defunctorum constitutum , p. Dam. & S. Petri Damiani ætate Officium parvum lib. 6. B. V. inchoatum fuit , quod subinde Lai- q. 32. cis omnibus , qui legere scirent , familia- re , & usitatum esse cœpit. Rosarii por- rò , aut Coronæ B. V. usus , adjuvandæ rudium pietati excogitatus fuit. Jam in- de à prioribus Ecclesiæ sæculis solitarios quosdam , sive Anachoretas accepimus , singulis diebus orationum certum , & op- pidò magnum numerum , devotionis ergò persolvere solitos fuisse. De quodam S. Paulo Libyco Sozomenus in hunc modum scribit : veluti quoddam tributum habens imposi- In Histor. tum , trecentas orationes unoquoque die reddebat ; Eccles. & ne numero forte delinqueret , trecentos lapides tripar- ponebat , & singulis orationibus (finitis) lapidem L. VIII. c. 1. mittebat in sinum ; expensis vero lapidibus , ora- tiones sciebat esse compleas. Consecutis post temporibus , adhibita sunt grana precato- ria filo inserta ; quorum nsus apud Orien- tales

tales populos æquè, ac apud nos receptus est. Religiosis, qui legendi rudes erant, ut Templarii, & fratres Conversi Cistercienses, locò singularum Officii Divini Horarum, certus numerus Orationum Dominicanum, quas recitarent, imperatus erat. Ad extremum S. Dominicus *Rosarium* instituit, centum, & quinquaginta salutationibus Angelicis contextum, quô rudes Psalterii locò uterentur; ex Rosario postmodùm **Corona Virginis** originem duxit.

## CAPUT IX.

### *Cruciatae.*

**S**usceptæ sæculô Christi undecimô Cruciatæ, sanctum procul dubio expeditionum genus erant, planéque necessarium ad comprimendam Infidelium audaciam, secundosque armorum cursus inhibendos. Eò præcipue valuerunt, ut & Italia ab Infidelium continuis direptionibus præservaretur, & Sicilia, ac demum Hispania ab ipsis occupata, barbaris hostiis liberaretur. Cæterum tam modus, ac ratio ejusmodi expeditiones gerendi præpostera, quam fortuna ut plurimum adversa fuit; damnorum verò, quæ inde accepta sunt, longè maximum fuit disciplinæ remissio. Ad eam usque diem persta-

perstabant pœnitentiæ Ecclesiasticæ usus, nec nisi raro, atque ad breve tempus ejusdem vel condonatio, vel potius contraëfio fiebat. At ex eo tempore Indulgentia Plenaria introducta est, omnimoda, inquam, relaxatio quarumvis pœnarum Canonistarum, quas quisque peccando commeritus fuisset, si modò peregrinationem ad Terram Sanctam suscipere in animum induceret.

Nihilominus Cruciatas hujusmodi non tam simplicem, meramque pœnarum omnium condonationem, sive Indulgentiam, quam unius pœnæ cum altera permutationem esse volebant. Et revera peregrinationes, ad loca populorum communi pietate celebrata, qualia erant Roma, Compostella, Turones, ac præcipue Hierosolyma, multò jam antè inter Pœnitentiæ genera numerabantur. Etenim sacerdoto Ecclesiæ nonò motas fuisse querelas constat de abusu non uno, qui in easdem etiam tum irrepserat; & aliquantò priùs conditæ leges fuerant, ad coercendos vagos quosdam, & inertes homines, qui pœnitentiæ obtentu regiones obibant nudis corporibus, ferrisque, & catenis ad universorum terrorem onusti. Hunc in modum à pristino ritu obeundæ pœnitentiæ pedetentim discessum est, quam domi, & in secessu fieri solitam, supra commemo-  
Concil.  
Cabil.  
II. Anne  
813.  
Capitu-  
lum  
Aquis-  
granense  
Anno  
787. c.  
78.  
 ravi.

ravi. Sed tamen , qui ità vel soli , vel cum selecta piorum peregrinorum manu iter hujusmodi inibant , magis aberant à periculo , seu dissipandi animum , seu in ea ipsa peccata , quæ expiatum ibant , relabendi.

Longè aliter se res habebat in Cruciatis. His enim qui nomen dederant , ii catervatim , ac sæpè exercitūs in morem proficiscebantur , proptereaque id genus militares , ut sic dicam , peregrinationes haud opportunum satís ad deflenda peccata remedium erant. Quomodo enim in tanta rerum undequaque in sensus incurrentium varietate , animus secum habitet , spiritūque compunctionis tenueret integrum ? Sanè in longis itineribus ad eorum levandam molestiam , libenter captamus blanda colloquia , longosque , & familiares sermones miscemus ; & qui minùs quàm cæteri sapiunt , cæteris esse solent loquaciores. Præterea solicitude procurandi viētūs , & diversorii , ac diversi , ut in itinere fieri amat , repentinique casus animum aliò avocant ; facilèque in cibo , potu , & somno capiendis , plusculum nobis indulgemus , ad insuetæ fatigationis lenienda incommoda. Jam ipsa itineris ratio non una semper , nec æquabilis esse poterat. Adde his tot regionum , quæ in profectione ad Terram sanctam peragrandæ

grandæ erant, diversos mores; adde que-  
stuum occasiones ex tanta genitorum, mo-  
rum, atque linguarum diversitate identi-  
dem pullulantes; adde blandissima illicia  
voluptatis, ac dissolutionis, quæ & Pro-  
vinciæ naturâ suâ lætissimæ, & consuetu-  
do cum nationibus fœdum in modum de-  
pravatis afferebant. Profectò qui eorum  
temporum historias literis prodiderunt,  
fidem faciunt, Crucigerorum exercitus  
militari licentiâ non modò reliquis exer-  
citibus pares, sed etiam superiores fuisse,  
ac vitiorum omne genus, quæ partim ex  
sua quisque patria attulerat, partim in ex-  
teris terris addidicerat, ibidem regnâs-  
se. Quid multa? siquid votivæ illæ pere-  
grinationes valuerunt ad castiganda pec-  
cata, castigatio hæc non tam Christiano-  
rum, qui expeditiones illas suscepserant,  
quam Infidelium, & Schismaticorum, con-  
tra quos suscepτæ erant, peccata vindi-  
cabat, utpote quos hoc veluti atroci fla-  
gellô Justitia multari voluit.


Quod ad Cruciatarum commilitones,  
sive Crucigeros attinet, ejusmodi pere-  
grinatio illis non tam pœnitentiæ, quam  
oblectationi erat. Non vacabat quidem  
molestiæ, & doloris aliquo sensu, ad lon-  
gum tempus patriam, familiam, charos-  
que omnes deserere, sumptusque facere  
tanto itineri necessarios; sed tamen, ut  
erant

erant persæpè homines clarò locò nati ,  
venationi insuper , pugnis , ac cædibus as-  
sueti , non poterant ipsi non præsentem  
fructum voluptatis percipere , ubi vide-  
bant in profectionem militarem conversas  
esse varias corporis asperitates , ac pœnas ,  
peccatis suis alioqui injungendas ; cujus-  
modi erant jejunia , prolixæ preces , & ,  
quod per id tempus insignis pœnæ locò  
imperabatur , abstinentia ab armorum , &  
equorum tractatione . Aliis porrò infimæ  
fortunæ hominibus , qui ruri vitam tran-  
sigebant suam , parum certè molestiæ la-  
bor ille creare poterat , & qualis demum  
eunque is esset , locorum , ac rerum novâ  
indies obiectâ sensibus veluti scenâ , haud  
pam̄ leniebatur .

Ratio etiam , & via inita fuit , Indul-  
gentiarum hujusmodi participes reddendi  
eos , qui expeditioni sacræ non intere-  
rant , dummodo eleemosynarum aliquid  
ad impensas sacri belli sublevandas eroga-  
rent . Neque ulla hominum conditio re-  
liqua fuit , quæ satisfacere pro pœnis cri-  
minum suorum non posset , quamvis Ca-  
nonicam illam , & veterem pœnitentiam  
non subiret . Etenim qui per egestatem  
largiri stipem non poterant , iis jejunia ali-  
quot , aut peregrinationes minus molestæ  
imponebantur . Hunc in modum satisfa-  
ctio pro peccatis præstanta , mercè arbitra-  
ria

ria incepit esse , Canonésque Pœnitentiales , cùm in usum non amplius deduc-  
rentur , citò oblivioni fuere dati ; & præ-  
cipua Pœnitentiæ difficultas non alia fuit ,  
quàm Confessionis necessitas .

Magnô semper numerô Crucigeris as-  
sociabantur Episcopi , Sacerdotes , ac Mo-  
nachi ; quorum nonnullos zelus Religio-  
nis minimè fucatus , alios verò libertatis  
amor allexit . Licere enim sibi tunc pu-  
tabant , arma non modò gestare , sed etiam  
contra Infideles exercere . Atque hinc  
proclive est judicare , quantum laxamen-  
ti in disciplinam Ecclesiæ tanta licentia  
invexerit , præcipue quòd ea conjuncta  
esset cum inveterata longissimi temporis  
ignorantia . Ipsi Summi Pontifices , tamet-  
si cæteroquin optimè animati , zeloque  
flagrantes , nonnulla ex hujusmodi malis  
ferre , & concoquere taciti cogebantur .  
Nimirum ut summa rei non periret , dis-  
simulanda erat privatorum quorundam dis-  
solutio ; connivendūmque Ducibus , qui  
Religionis causam strenue promovebant ,  
et si eandem flagitiis suis commi-  
cularent .



## CAPUT X.

Sanæ doctrinæ , sanctorumque exemplorum perpetuis temporibus conservata successio.

**Q**ualicunque tandem modo , & à quibuscunque personis Ecclesia Dei pro temporum diversa ratione gubernaretur ; sive Episcopi per se ipsi gregi suo advigilarent , sive Sacerdotes ab Episcopis , aut Romanis Pontificibus ad id destinati , eam curam sibi sumerent ; sive sacerdtales illi Presbyteri , sive Regulares essent , sive ordinarii Pastores , sive aliunde accessiti Missionarii ; una tamen Religio , unum idemque sanæ doctrinæ veluti corpus permansit . Sua usquè fidei , eaque summa puritas , sua item præcipuis doctrinæ moralis capitibus firmitas constituit . In eo consentiebant ad unum omnes , Dei legem observandam esse , prout illa à Traditione , & authoritate Veterum explicabatur , sanctosque Viros , quos Ecclesia publico , atque solenni ritu venerantur , pro vitæ regula ante oculos omnibus esse ponendos .

Deus ipse per intervalla temporum non destitit Ecclesiæ suæ viros submittere minimè vulgari sanctitate conspicuos , qui & dogmatum fidei servarent puritatem , &

conse-

consopitam in hominum animis pietatem  
veluti admotis stimulis excitarent. Quan-  
tus, Deum immortalem! quāmque per  
omnia summus Vir Sanctus Bernardus erat?  
Qui in se uno collegerat Prophetarum  
zelum, luculentis prodigiis comprobatum,  
doctrinam, atque eloquentiam Maximo-  
rum Ecclesiæ Doctorum, ac mortificatio-  
nem denique, vitæque austeritatem per-  
fectissimis Anachoretis parem. Multum  
etiam haud dubiè Innocentio II. cæteris-  
que eorum temporum nomine, ac re Sum-  
mis Pontifieibus debemus, multum item  
Magistro Sententiarum, Div. Thomæ A-  
quin., aliisque, qui Theologiam in eam for-  
mam ac methodum, quam hodie Scholasti-  
cam vocamus, redigere. Sanctus Franciscus  
Assisas, quām insigne, omniumque in ocul-  
lis positum mundo exemplum edidit Evan-  
gelicæ perfectionis, ad literam, ut ajunt,  
observatæ, colendo humilitatem, ac mor-  
tificationem primis illis Apostolorum tem-  
poribus planè dignam? Ita de sæculo in  
sæculum, de progenie in progeniem,  
conservata à Deo O. M. in Ecclesia fuit  
non modò castæ, puræque doctrinæ, sed  
exercitationis etiam virtutum Traditio.  
Dicamus igitur, quod res est. JESUS  
Christus idem hodie est, qui heri fuit,  
idemque erit omnium decursu sæculorum.  
Frustra degeneres, & improbi Christiani

inde à longo retrò tempore levare , atque  
infringere conantur eam , quæ hactenus  
perpetuò servata fuit , antiquitatis , & ex-  
emplorum , quibus Sancti præluxere no-  
bis , reverentiam ; falsò statuentes , atque  
in vulgus jactantes , homines primis illis  
Ecclesiæ sæculis longè diversæ à nobis na-  
turæ fuisse , corpora ipsos habuisse robu-  
stiora nostris , & jejunio , aliisque asperita-  
tibus ferendis longè aptiora ; animos verò  
indolémque gessisse magis docilem , atque  
ad virtutum quarumcunque exercitatio-  
nes multò paratiorem . His tu hominibus  
si dicas , sanctos Petrum , & Paulum vi-  
tam duxisse pauperem , laboribúsque , &  
ærumnis obsitam ; continuò responde-  
bunt : atqui hi Apostoli erant . Si ur-  
geas , sanctos Antonium , Martinum &c.  
in divexando , multisque modis excrucian-  
do corpore insignes fuisse ; isti quoque ,  
reponent : Sanctorum è genere erant . Si  
porrò instes , sanctum Augustinum Cle-  
ricos suos ad vitam in communi agendum  
instituisse , vitamque , et si Episcopus esset ,  
planam nihilominus , ac simplicem egisse ;  
istud quidem , inquiet , temporibus illis  
aptè congruebat . Diceres gravissima illa  
nomina Sandiratis , Antiquitatis , & Primi-  
tiæ Ecclesiæ , rotidem legitimos titulos esse  
exceptionum , quibus nostræ ætatis Chri-  
stiani ab usu poenitentiæ , à voluptatum  
sæcu-

seculi, ac turpis lucri fugâ, ab obligatione demum vitæ Clericalis ad cæterorum ædificationem rectè instituendæ, eximi se putant. Adeò illi omnia sibi objecta solvere, ac difflare videntur solâ temporum distinctione.

## CAPUT XI.

*Quinam abusus, & quatenus tolerari  
Fuerint.*

**N**on nego abusus aliquot, qui altas jam radices egerant, ab Ecclesia dissimulatos fuisse, exspectante interim opportunitatem, comodumque tempus, eos denique extirpandi; illud etiam concesserim, propter duritiam cordis humani, nonnunquam laxamenti aliquid in veteri, & severiore disciplina permissum fuisse; ut cùm data copia est, diebus esuriens horam refectionis anticipandi, præterque istam cœnulæ quidquam, Collationem vocamus, sumendi; cùm item poenitentiæ, aut satisfactionis de peccatis injungendæ modus, ac mensura Confessorum prudenti arbitrio relicta; cùm Indulgentiarum thesauri frequentius imperiti; cùm Monasticorum institutorum complurimi temperata severitas fuit. Sapienter nimis existimabatur, Religiosos

et si intra regularum suatum modum perfectos, multò tamen in Religioso statu quām in sēculo futuros esse meliores, longēque præstare, lenire aliquantulūm jejuniorum molestias, quām, ut eadem penitus aboleantur, permittere. Cæterūm non est, cur quisquam ex ista Ecclesiæ indulgentia jure concludat, planiorem nostra hāc tempestate, magisque expeditam ad cœlum viam esse factam, nōsque Majoribus nostris hac in re longè feliciores judicandos; aut Pontifices, & Episcopos extermorum temporū, plus Prædecessoribus suis sapere voluisse.

Sufficit attente perlegere Constitutiones, Canonésve Ecclesiasticos, in quibus remissionis aliquid, & gratiæ concessum fuit; & liquidò apparebit, nunquam ad ejusmodi concessiones Ecclesiam nisi dolentem, ac propè reluctantem, induci se denique passam esse. Accedit, quod plura ex iis, quæ nunc laxius fiunt, solo usu, & consuetudine introductoryta fuerint; dum interim Ecclesia mirifico studiō haetenus conservavit certas formulas, quibus antiqua, severiorque disciplina hominibus identidem in memoriam revocetur; hujusmodi sunt consuetudo ante mensam cantandi Nonam, aut Vesperas in fériis Jejunii (ut appearat, cœnæ, non prandii loco refractione in illam esse) item formulæ omnes

Ordinationum, & cæterarum functionum in Ecclesia publicarum, quæ quasi totidem publicæ contestationes sunt, sæpius per annum iteratæ, ad præpediendam omnem contra antiquas leges præscriptionem.

Aliqui tamen abusus ab Ecclesia semper proscripti, ac damnati fuere: hujus generis sunt ludi inhonesti, qui per summam impietatem, atque impudentiam in <sup>Conc.</sup>  
ipsis adeò Ecclesiis editi, à Concilio Ba-<sup>Basil.</sup>  
sileensi demum prohibiti fuerunt; profa-<sup>sess. 21.</sup>  
næ item hilaritates in festis Sanctorum,<sup>c. 11.</sup>  
quarum reliquias nostrò quoque ævò cer-<sup>Synod.</sup>  
nimus in festis S. Martini, SS. trium Re-<sup>Wigor-</sup>  
gum, & quo die in pagis SS. Ecclesiæ Pa-<sup>nensis.</sup>  
tronorum anniversaria recolitur memo-<sup>anno</sup>  
ria; antecineralium denique dierum li-<sup>1140.</sup>  
centia, quæ haud alio sane ex fonte ma-  
nare potuit, quam ex imminentis horro-<sup>cap. IV.</sup>  
re Quadragesimalis Jejunii. Ans verò

timere olim, atque existimare poterant Apostoli, & Apostolorum Discipuli, futuri aliquando, ut adeò sancta præparatio ad Paschalem solennitatem, in occasionem licentiæ, atque intemperantiæ vertatur?

Nunquam non sancti ac genuini Christiani contra hujusmodi abusus pugnandum sibi existimârunt. Constat sancti Caroli Borromæi quanta contentio fuerit in iis extirpandis, quantoque is labore, & constantiâ spiritum antiquæ disciplinæ re-

vocare ad usum allaborârit, vel in minutissimis Religionis nostræ partibus. Neque aliò collimant Tridentinum Oecumenicum, & complura Provincialia Concilia; eundémque finem sibi propositum habent tot ac tantæ Reformationes Religiosorum Ordinum, abhinc sæculo uno, pauloque ulteriùs suscepτæ, ut videlicet ad primævam institutionem suam reventur. Profectò ferre sancta Theresia non poterat, ut discretionis prætextu querundam zelo modus poneretur, Sanctos primorum temporum imitari cupientium. Hoc discretionis genere depravari mundum sancta, & sapiens Virgo querebatur, planè, & asseveranter affirmans. homines ævi sui, quod nostro tantum non confine, ac proximè superius erat, capaces esse virtutum omnium, quæ primitivam Ecclesiastim illustrârunt; eámque in rem S. Petri de Alcantara vitam refert, cuius ipsamet oculata erat testis.

## CAPUT XII.

### *Uſus praesentis Dissertationis.*

**T**antis authoritatibus, ac testimoniis innixus, operæ pretium facturum me putavi, si, quales fuerint, omninoque esse debeant Christianorum mores, universo terrarum orbi ante oculos pone-

Ponerem. Nihil in toto hoc opere à me  
commemoratum fuit, quod Viris litera-  
tis non perspectum, atque ex libris, quos  
ipsi manibus terunt, acceptum non sit; imo  
multa à me prætermissa fuisse iidem facile  
animadventent. Sunt tamen inter hacte-  
nus descripta, complura facta, quæ cæteræ  
Fidelium multitudini haud satis cognita,  
ad eorum tamen ædificationem non pa-  
rum momenti habent. Intelligent isti ni-  
mirum, nequaquam Religionem Christia-  
nam ad meras consuetudines, ac veluti for-  
mulas quasdam exterioris cultūs arctan-  
dam esse, neque tam paucis, quam ipso-  
rum pars magna crediderit, exercitatio-  
nibus, atque officiis includendam. Hujus-  
modi sunt, precatiunculas aliquas manè, ac  
vesperi recitare, Dominicis diebus Sacro  
uni privato interesse, Quadragesimam non  
nisi ciborum discrimine à reliquis anni par-  
tibus distinguere, & ab ejusdem observa-  
tione levibus de eausis scese eximere, ad  
divina Sacra menta perraro, ac sensu pie-  
tatis tam exiguo accedere, ut ob eam cau-  
sam solennissima per annum festa præ aliis  
diebus ingrata, molestaque accident. De  
reliquo mundanis curis, aut sensuum, cor-  
porumque oblectamentis ita vacare, ut ne-  
mo Gentilium suprà. Non est ista profe-  
ctio Christianorum, quales hucusque adum-  
brare conatus sum, genuina forma, atque  
imago.

Fortasse etiam nonnulli eorum, qui Reformationis obtentu ultro sese à nobis segregarunt, ista ex dissertatione agnoscent, male fundatum esse schisma suum, secessio némque à reliquo corpore; neque Primitivam Ecclesiam ejusmodi esse, qualem ipsi sibi animō effingunt; longeque alia, ac diversa esse Catholicorum dogmata, ac principia ab iis, quæ passim ipsis proponi solent.

Denique sperare ausim, morum adeò sanctorum contemplatione, nonnihil commotum iri quorundam animos, qui temere nimium, ac cœco impetu veram Religionem cum falsis confundunt, I quas aut error, aut pseudopolitia mundo invexit. Siquis horum ex numero animum advertere, ac reflectere cogitationem volet ad incredibilem morum commutationem, quam in universis nationibus Evangelica Lex effecit, atque reputare secum, quantum nullo non tempore veri, probique Christiani à quibuscunque Infidelibus diversi, quantum iisdem superiores fuerint, næ is planè perspiciet, solidioribus opinionie suâ fundamentis Christianam fidem inniti, omninoque credi oportere, non nisi maximorum efficaciâ prodigiorum eandem in orbe constabilitam fuisse; nam siue miraculis tantam rerum conversionem accidisse, id enim verò miraculum esset

cæte-

cæteris omnibus magis incredibile. Prodigiorum ejusmodi tanta vis, ac splendor erat, ut non nisi multò post in dubium, ac controversiam vocare illa, nonnullis in mentem venerit. Ut enim de iis duntaxat loquar, quæ nobis luculenter constant, haud multò amplius, quam duobus abhinc saeculis Itali quidam fuere, ingenio illi quidem præstantes, & indolis experrectæ, verum in materia Religionis admodum peregrini, qui offensi nonnullis abusibus, qui in eorum oculos incurrebant, hanc credendi, opinandique licentiam introduxerunt. Isti enim verò antiquorum ex Græcis, Latinisque Scriptorum elegantiâ capti, legibüsque politicis, quas ex illis hauserant, ac vivendi ratione usquè adeo deliniti, ac prope fascinati tenebantur, ut præter illa vetera nihil aliud propemodum sine stomacho, rædioque legerent, admitterentque; idque eò ab illis factum est libentiūs, quod veterum illa præcepta cum depravata mortalium natura, moribüsque multitudinis melius utique, & commodius, quam Christianorum leges conciliari posse intelligerent.

Hoc ipsum malum recentiores hæreses confirmârunt, latiusque propagârunt. Illæ de fundamentis nostræ fidei tam frequentes controversiæ, fidem ipsam in multorum animis labefactârunt, aut planè everterunt;

qui tamen ob rationes nescio quas terrenas, Catholicos se extimâ specie profiteri non desierunt. Ad hæc inter Heterodoxos longè maior est illorum numerus, qui nullâ amplius authoritate coerciti, ex pravis suis principiis extrema omnia concluderunt, eoque demum delapsi sunt, vix ut ipsi sciant, quid credere tandem oporteat; sed Religionem haud aliter, quam Politices partem aliquam considerent. Tam pestilens, & infelix doctrina nullò negotiō fundi latius cœpit. Juniores enim natu homines, ubi inaudiérunt vel à parentibus, vel ab aliis, quos ipsi cordatos, & sapientes existimant, Religionem Catholicam impiè, ac petulanter traduci, & verò etiam seriò, asseverantérque proscindi, tanquam nullis nixam solidis fundamentis, continuò laxioribus illis placitis adhæserunt, utpote quæ pravis affectionibus suis magis congruere, & favere intelligerent. Neque nullum ea in re locum vanitas, & arrogantia habent; hâc enim ratione supra rude vulgus eminere se levissimi homines putant, & acutiùs cernere, quam boni illi, nimirumque simplices, ac creduli superiorum sacerdorum Christiani fecerint. Adde, nihil otiosis, inertibusque animis accidere commodius posse, quam ut abjectâ procil curâ rem tanti momenti, qualis Religio est, altius investigandi, in dubiis

dubiis de Religione persistant, aut temere  
de iisdem, nulloque præmisso maturo exat-  
mine sententiam ferant. Verum dicant  
isti, per me licet, sentiantque quod volent;  
contraria tamen exempla, factaque toto  
hoc libro in medium allata, inconcussa sem-  
per stabunt, & verum usque manebit,  
quod sæpè Origenes in libris contra Cel-  
sum inculcat, mundum universum à JESU  
Christo reformatum, ac virtutibus ad ea  
usque tempora penitus ignotis, cumula-  
tum fuisse.

## Utriusque Partis Conclusio.

**H**abes pie, & erudite Lector, hanc  
in Dissertationem contracta, quæ  
de Christianorum moribus, Vitæ  
que interiori Oeconomia dicenda existi-  
mavi; habes etiam exteriorem disciplinam  
ac veluti vultum ipsum Fidelium Novi  
Testamenti, suis coloribus adumbratum.  
Ostendendam in ea sumpsi eorum vitam,  
quorum conversatio in cœlis est, & qui,  
cum adhuc in carne vivant, neutiquam  
tamen secundum carnem vivunt, sed spi-  
ritu ambulant. Vita hæc tota spiritualis,  
& supra corruptæ naturæ leges assurgens,  
planèque cœlestis, proprius effectus, ac  
veluti genuinus partus est gratiæ JESU  
Christi. Ego me felicem sanè reputaye-  
rim,

rim, si opusculi hujus lectione permoti Christianorum nonnulli, aliquando tandem incipient veram, sinceramque animis ideam effingere vitae illius, quae & sanæ rationi, & perfectioni Christianæ consentanea sit: si que simul ad eam moribus, operaque ipso exprimendam studia sua converterint. Hunc ego laboris mei fructum ubi consecutus fuero, æquod sanè animod feram, cùm diversa hominum de tota hac lucubratio 10 ne judicia, cum defectus, quos in eadem deprehendi fortasse contigerit.

## FINIS.





# INDEX LIBELLI.

## PARS I.

**C**aput unicum. Ecclesia Christi Hierosolymitana. Fol. 2

## PARS II.

Ecclesia Christi persecutionibus exagitata.

**C**aput I. Gentilium ante suam conversionem status. 10

**C**aput II. Institutio ad Fidem, & Baptismus. 18

**C**aput III. Vita novorum Christianorum, & speciatim precandi ratio. 21

**C**aput IV. Studium Sacrarum Scripturarum. 26

**C**aput V. Officia, opificia, & consuetae occupationes Christianorum. 31

**C**aput VI. Jejunia Christianorum. 35

**C**aput VII. Convivia Christianorum. 38

**C**aput VIII. Modestia, & gravitas Christianorum. 42

**C**aput IX. Connubia Christianorum. 50

**C**aput X. Concordia Christianorum. 52

**C**aput XI. Christianorum cœtus, & Liturgia. 54

**C**aput XII. Occultatio Mysteriorum fidei. 59

**C**aput

<i>Caput XIII.</i> Odiorum in Christianos cau- sæ.	62
<i>Caput XIV.</i> Persecutiones, Judiciorum for- ma, & supplicia de Christianis sum- pta.	
<i>Caput XV.</i> Carceres Christianorum.	85
<i>Caput XVI.</i> Cura sacrarum Reliquiarum. Item de Confessoribus.	89
<i>Caput XVII.</i> Excommunicationis, & Pœ- nitentiarum usus.	92
<i>Caput XVIII.</i> Ascetæ, Virgines, Videlæ, Dia- conissæ.	98
<i>Caput XIX.</i> Pauperum Cura.	103
<i>Caput XX.</i> Hospitalitas Christianorum.	108
<i>Caput XXI.</i> Infirmi, & Sepulturæ Christia- norum.	111
<i>Caput XXII.</i> Episcopi, Presbyteri, cum re- liquo Clero.	118
<i>Caput XXIII.</i> Christianorum primis tribus Ecclesiæ sæculis Prudentia, atque Pa- tientia.	129

### PARS III.

Ecclesia Christi in libertatem asserta. p 237.

<i>Caput I.</i> Prævium examen, cæteraque ad Baptismum præparatio.	138
<i>Caput II.</i> Ecclesiarum Christianarum Forma, & Ornatus.	143
<i>Caput III.</i> Religionis exterior apparatus, eiusque necessitas.	157
<i>Caput IV.</i> Liturgiæ Ordo.	160

*Caput*

<i>Caput V. Conciones.</i>	164
<i>Caput VI. Sacrificium, &amp; Sacrificantium Vestes.</i>	174
<i>Caput VII. Consecratio, &amp; Communio.</i>	179
<i>Caput VIII. Cantus Ecclesiasticus, &amp; Mag- nificentia Divini Officii.</i>	182
<i>Caput IX. Solennitas Festorum, &amp; factæ Pe- regrinationes.</i>	187
<i>Caput X. Ecclesiasticæ Pœnitentiæ ritus.</i>	192
<i>Caput XI. Principes Christiani.</i>	200
<i>Caput XII. Mores Clericorum.</i>	207
<i>Caput XIII. Ecclesiæ Opes.</i>	219
<i>Caput XIV. Hospitalia.</i>	229
<i>Caput XV. Monasteria.</i>	232
<i>Caput XVI. Instituti Monastici cum vita primorum Christianorum comparatio.</i>	244.
<i>Caput XVII. Monastici Habitūs, cultūsque exterioris à communi usu diversitas, ejusque rei causa.</i>	

## PARS IV.

<i>Antiquæ, &amp; severioris inter Christianos di- sciplinæ relaxatio.</i>	257
<i>Caput I. Mali hujus inde à quarto Christi sæculo diversæ causæ,</i>	258
<i>Caput II. Barbarorum irruptiones, &amp; cor- rupti mores.</i>	273
<i>Caput III. Romanorum cum Barbaris per- mixtio.</i>	280
<i>Caput</i>	

<i>Caput IV.</i> Mores Christianorum Orientaliū post saeculum quartum.	184
<i>Caput V.</i> Mores Fidelium in Occidente a saeculo Christi decimo.	290
<i>Caput VI.</i> Oppositio morum ejus temporis ab Instituto primorum Christianorum.	296
<i>Caput VII.</i> Ecclesiarum Inopia.	300
<i>Caput VIII.</i> Initium Reformationis a S. Petro Damiano susceptae.	308
<i>Caput IX.</i> Cruciatæ.	314
<i>Caput X.</i> Sanæ doctrinæ , sanctorumque exemplorum perpetuis temporibus conservata successio.	320
<i>Caput XI.</i> Quinam abusus, & quatenus tolerati fuerint.	
<i>Caput XII.</i> Usus presentis dissertationis.	326
Utriusque Partis Conclusio.	331



nta-  
184  
ce à  
290  
oris  
um.  
296  
300  
Pe-  
308  
314  
que  
bus  
320  
to-  
  
nis.  
326  
331

